

增删卜易古吴版

野鹤老人 著 楚江李坦我平 鉴定

湖南 李文辉觉子 增删

婿陈文吉茂生 男茹芝山秀 全订

序

易书以揲蓍求卦之法，示人趋吉避凶之机，诸先贤阐明精义，莫不谓详且尽矣。野鹤老人学道数十年，博览群书，依书以断事，广集占验，存验以考书，书之屡验者存之，不验者删之，如单用世爻，使人有一定之见；删去卦身、世身、星煞、本命，使人无歧路之疑。其谈旬空、月破、刑冲、进神，别有奥理；墓绝、生旺、动散、反伏，剖析真伪；财官父子，法用分占。尽辟诸书之讹，独出一心之悟，发先贤未发之理，启后人易晓之门，惜未成帙问世。觉子得之，不忍秘为枕中藏，加以增删，编辑成书，亟命剞劂，求序于余。余曰：野鹤有觉子而野鹤传，觉子有野鹤而觉子亦传矣。是为序。

时 康熙庚午秋七月宁阳维则张文撰

自序

易之理微乎？曰：微。庖羲氏以一画开天，始作八卦，通神明之德，类万物之情；文王周孔系彖、系爻、系象，阐明先天至理，精义入神，惟圣人而后知圣人也。

微乎，易乎！迨鬼谷之后，诸名贤继起，别为五行生克、世应向背之理，父子兄弟爻，妻财官鬼爻，各以其事为类，以前民用而阐圣教。善卜者卜之，不善卜者亦卜之，较先圣揲蓍求卦之法，更简而便；其为趋吉避凶，更明而显也。

往余幼年，随先大人宦游粤西，遇参两徐先生，卜余兄云：将来继起者此子，立功封爵，惜乎不克其终。卜余身命，谓三十以前，虚誉亦隆；三十以后，垂帘都市，功名不复问矣！彼时先大人处极盛之势，愚兄弟在荫庇之下，不足其言，诞而置之矣。嗣后兵燹蜂起，家破从戎。先兄立功封爵，实比萤光，果死非命。迨顺治庚寅，余投诚定南藩下，时年三旬有一。壮游都门，满拟复职，乃竟归乌有。旅邸萧索，迴思参两之言，信不诬矣。因遍觅卜筮诸书，静观两月，即代人以卜吉凶，有明显而易见者，有隐微而莫测者。每占一卦，默存其稿，至期探之，验与不验，悉以笔记，其不验者，无处考证。

偶于江宁遇同乡李我平，问予平生所看何书，即以《大全》、《全书》、《海底眼》、《黄金策》、《补遗》诸书以告之。公曰：诸书悉有悖谬。向有野鹤老人，亦存四十余年之占验，考证诸书，删批其谬。先叔莅任云南，得此抄本，生平识趋避之途，皆此懼之力。久欲刊传，因未成帙，尚未举行，送尔抄阅，自知其妙。予拜受领归，静中参悟，豁然有会于心，始知从前之验与不验，皆书之得失也。

闭户二载，遂将野鹤及予之占验，质证古今 卜筮诸书，验者存之，不验者删之，内有不合于理者辟之，另得其巧验者增之，分门别类，辑理成部。内有烦门细事及诸占验，暨六壬占验，未及编次，以俟再续。是书也，讲解甚明，初学者不用投师即知占卜，知易者愈得其精，精易者愈得其奥，不须半载工夫，得野鹤老人四十余年之积学，从此宁有不验之卦耶？有心觉世者，自不以余言为狂瞽。是为序。

时 康熙二十九年庚午孟夏朔日 湖南李文辉觉子甫叙於山樵精舍

原序

野鹤曰：卜易之道，乃伏羲、文王、周公、孔子四大圣人之心法也。得其精者，可以参天量地；粗知其理者，亦可趋吉避凶。

凡学卜者，可以深求，亦可浅学。浅学者，只要先学装卦，知道动变，及卦得六冲、卦变六冲，看熟《用神章》，知占何人何事以何爻为用神，再看何为旬空月破，及春夏秋冬四时衰旺、生克冲刑，即知决断祸福。

假令占功名，若得旺官持世，或日月动爻作官星生合世爻，求名如拾芥耳；倘遇子孙持世，或子孙动于卦中，不拘占入场占升迁，悉如水中捞月。

占求财，若得财星持世，或日月动爻作子孙生合世爻，或官鬼持世财动生之，或父母持世财动克世，皆许求财之易，如为长者以折枝耳；若遇兄弟持世，及兄弟爻动于卦中，或世临旬空月破，何异缘木求鱼？

如占一年月令，现任官者，宜官星持世，财动生之，皆许吉庆；若遇官鬼相克，日月动爻作子孙冲克世爻，或作官鬼冲克世爻，或世空世破，官破官空，或世动化回头克，及子孙持世，皆为凶兆。士民而占月令者，最喜财爻及子孙爻持世，管许一岁亨通。若遇官鬼持世，得日月动爻作财星生合世爻者，更主吉利；若无财动生合世爻，而官鬼持世者，必见灾非。倘世破世空，及鬼动克世，多见凶灾，兄动克世，口舌破财。

以上官府、士民占流年者，合世之月则吉，冲世之月则凶。皆不宜世爻变鬼及化回头之克，定见凶危。又不宜财动化父、父动化财，及鬼化父母，必有长上之灾。弟兄变鬼、鬼变弟兄，防手足之厄。财化鬼、鬼化财，财化兄、兄化财，主伤克妻妾婢仆。子化鬼、鬼化子，父化子孙、子孙化父，小口有伤。青龙天喜持世生世而有喜，虎鬼发动主孝服，螣蛇朱雀临兄鬼动而克世者，须防口舌。玄武临兄鬼动而克世者，防贼盗及阴人。

如占避讼防非、仇人为害，及行江漂海、深入险地、旅店孤眠、穷乡僻壤、投寺宿庙，或营中贸易、错买盗物，或见邻家火起，或闻瘟疫流行，防虎狼、防盗寇，或夜行早起，或逾险偷关，或已入是非之场，心忧祸患，或欲管闲事，恐惹灾非，或入病家，以防沾染，或误服毒物，恐致伤生，或已定重罪而盼赦，或已得险病而防危，或问此物此药可以服否，或问歹人烈马伤害我否，凡问一切防忧虑患者，但得子孙持世，及子孙动于卦中，或世动变出子孙，或世动化回头相生，或官鬼动以相生，即使身坐虎口，管许安如泰山，惟忌官鬼持世，忧疑不解，鬼克世，灾祸必侵，世动化鬼及化回头克者，祸已及身，避之无及。惟世爻空者无忧，世爻破者不利。

占病者，如自占病，若得世爻旺相，或日月动爻生合世爻，或子孙持世，或子孙动于卦中，不拘久病近病，或求神或服药，立保安康。近病者，世值旬空，或世动化空，或卦逢六冲，及卦变六冲，不须服药，即许安痊。久病者，官鬼持世，遇休囚，或遇日月、动爻克世，或世值旬空、月破，世动化空、化破，或卦逢六冲，卦变六冲，或世动化鬼，及化回头克者，速宜救治，迟者扁鹊难医。

占父母病，以父母爻为用神。若得父爻旺相，或日月动爻生父母，或父动化旺，不拘久病近病，求神服药，立见安宁。近病者，父爻值旬空，父动化空，或卦逢六冲，不药而痊。久病者，父爻值旬空、月破，或父动化空、化破，父动化财，财化父母，卦逢六冲，卦变六冲，或父爻休囚，又被日月、动爻冲克，为子者须宜急急求医，亲尝汤，勿远离也。

占兄弟病，若得兄爻旺相，或临日月，或日月动爻相生，或兄动化旺、化生，不拘病之远近，立许全安。近病者，兄爻值旬空，及动而化空，卦逢六冲，卦变六冲，服药即愈。久病者，兄爻值旬空、月破，及动而化空、化破，卦逢六冲，卦变六冲，兄动化鬼，鬼化兄爻，或兄爻休囚，被日月、动爻冲克，急急服药求神，迟则难调理。

占子孙病，子孙爻旺相，或临日月，或日月、动爻生合，或子孙爻化回头生、化旺，不拘病之新久，服药求神即愈。近病者，子孙爻值旬空，及动而化空，卦逢六冲，卦变六冲，不药而愈。出痘者不宜六冲。久病者，子孙逢旬空、月破，及动而化空、化破，卦逢六冲，卦变六冲，子孙动而化鬼，鬼化子孙，父化子，子化父，及日月、动爻冲克者，速宜服药，迟则难于治矣。

占妻妾病，以财爻为用神。财爻旺相，或临日月，或日月动爻相生，或财爻化子孙，及化帝旺者，不拘久病、近病，治之即愈。近病者，妻财逢旬空，及动而化空，或爻逢六冲，卦变六冲，何须服药，即许灾除。久病者，财爻逢旬空、月破，及动而化空、化破，卦逢六冲，卦变六冲，或财动化鬼，鬼化财爻，兄动化财，财化兄弟，世有卢医，亦难取效。

凡占三党六亲，及官长、师生、婢仆诸人之病，皆于用神章内以取用神。

占朋友、外人，以应爻为用神，理之常也。往往多有不验者，何也？疑因不甚关切，不诚之故耳。

野鹤曰：客有问于予曰，据尔之言，占卜极易事也。即如占功名，得旺官持世以成名，子孙持世而失望；占疾病，近病逢冲、逢空，不药而愈，久病逢冲、逢空，灵丹莫救。如若得此显然者，自是不难知矣。倘占疾病不逢六冲，用神不遇旬空，旺不旺而衰不衰，凶不凶而吉不吉；又如占功名，官与子孙皆不持世，六爻乱动，财父同兴，何以决之？

予曰：尔若垂帘卖卜，每日数卜之占，未必尽得显而易见之卦。凶中藏吉，吉处藏凶者有之，必须奥理深求，细心参悟。尔欲自知趋避者，必然卦不乱占，心无杂念，每遇一事，即刻卜之，神不欺人，占名而名成者，即得官星持世，而不成者，子孙即动于卦中。如若间有卦之恍惚，次早洁诚再卜，再遇恍惚，还可卜之，自然响应。只不可心怀两事而占，一念之诚则应，若连占两三事者，则不灵也。又如占疾病，更容易耳！一人有病，一家俱可代占。若是近病，但有一卦，爻逢六冲或卦变六冲，或用神值旬空，及用神动而化空者，即愈之疾，久病而逢此者，难治之灾也。又如防灾虑患，但得子孙持世，便与霹雳同居，管许安然无恙，有何难耶？

客曰：占有渎之，不敢再三，何敢连占几日？

予曰：因此一语，误尽卜卦之人！岂不闻三人占，听二人之言？一事既可三处而占，何妨再渎？然亦有不可再渎者，以此一事，一刻而连占也，须于次日再卜可也。又有连日亦不可而再渎者，即如占功名，已得子孙持世，我心不悦，必欲求其官鬼持世而后已，此则谓之再三渎也。然予亦有见其再三渎者，未见神之不应也。予因少年辨复功名，占过七次，竟有六次而得子孙持世，此乃神不厌我多问，屡问而屡报也。又有厌予多问者，如我问求财，卦已明现有财，我心已知矣，我再问之，神不告矣，而又以我未占之事而告我也。如一日占求财，旺财持世，是我明知辰日得财。次日再占一卦，果于辰日得财否？卦得申金兄动而不得，是何说耶？及至辰日得财，至申日因他事而破财。始悟辰日之得财者，神已告我，我已知矣。次日而再问之，神不告矣，报我申日而破财也。故知再三渎者，神亦不见其责，而又报我未问之事也，此事极多。

予著此书，传后贤之秘法者，无他也。教浅学者，凡遇卦之恍惚，心若未明，多占无碍。倘卦中已明现矣，不可再渎。至于占病者，一人有病，一家俱可代占，自有显然之卦。再者，遇事即占，乘此心而未乱，不可多积事情于心，事多心乱，即非一念之诚也。教深学者，后有分占之法，及予所辟诸书之谬，与增其奥，宜细味之。此皆予四十余年，终食不违，须臾不离以得之也，实先贤之所未传。须宜通前彻尾，

细心详悟，自然巧夺天工，欲参天地之化育，测鬼神之隐微，而不难矣！

觉子曰：倘遇急事，卦之恍惚者，一刻亦可连占三五卦。

目录

目录	I
八卦章第一	1
卦象图章第二	1
八宫章第三	3
浑天甲子章第四	12
六亲歌章第五	13
世应章第六	14
动变章第七	14
用神章第八	15
用神元神忌神仇神章第九	16
元神忌神衰旺章第十	17
五行相生章第十一	19
五行相克章第十二	20
克处逢生章第十三	21
动静生克章第十四	21
动变生克冲合章第十五	22
四时旺相章第又十五	22
月将章第十六	23
日辰章第十七	26
六神章第十八	27
六合章第十九	29
六冲章第二十	33
三刑章第二十一	36
六害章	37
暗动章第二十二	37
动散章第二十三	37
卦变生克墓绝章第二十四	38
反伏章第二十五	40
旬空章第二十六	41
生旺墓绝章第又二十六	44
各门类题头总注章第又二十六	45
各门类应期总注章第又二十六	46
归魂游魂章第又二十六	47
月破章第二十七	48
飞伏神章第二十八	50
进神退神章第二十九	54
随鬼入墓章第三十	60
独发章第三十一	63
两现章第三十二	64
星煞章第三十三	66

增删《黄金策千金赋》第三十四	66
天时章第三十五	94
身命章第三十六	111
终身财福章第三十七	112
终身功名有无章第三十八	119
寿元章第三十九	123
趋避章第四十	126
终身结果章第又四十	131
父母寿元章第四十一	131
兄弟章第四十二	133
夫妇章第四十三	134
子嗣章第四十四	136
学业章第四十五	140
治经章第四十六	141
延师章第四十七	142
求名章第四十八	144
童试章第四十九	144
岁考科考章第五十	145
增廩章第五十一	147
考遗才章第五十二（凡告考同之）	147
发案挂榜章第五十三	147
乡试会试章第五十四	147
廷试章第五十五（与会试兼断）	151
升选候补章第又五十五	151
升迁何方章第五十六	154
在任吉凶章第五十七	155
援例章第五十八（凡用财图名者同此）	156
武试章第五十九（亦可以文试参看）	157
投麾效用入武从军章第六十	158
署印谋差章第六十一	158
面圣上书叩阁献策条陈劾奏章第六十二（凡占文书亦须采用）	158
防参劾虑大计及已有事尚未结案章第又六十二	161
养亲告病辞官章第六十三	163
修陵修河一切营造公务防患章第六十四	163
僧官道纪医官杂职阴阳等官章第六十五	163
功名到何品级章第六十六	164
子占父功名章第六十七	165
求财章第六十八	169
谒贵求财章第六十九	172
为贵人奔走效力财章第七十	174
开行开店及各色铺面章第七十一	174
投行损益章第七十二	175
囤货卖货章第七十三	175
卖货宜守宜动章第七十四	177

往何方买卖章第七十五	178
买何货为吉章第七十六	178
借贷章第七十七	179
放债索债章第七十八	179
买卖六畜章第七十九	179
博戏章第八十	180
请会摇会章第八十一	180
行险求财章第八十二	180
婚姻章第八十二	181
此婚子嗣有无章第八十三	185
此婚有宜于父母否章第八十四	185
纳宠配仆章第八十五	185
取离妇跳媚妇章第八十六	186
胎孕章第八十七	186
问产妇安否章第八十八	187
产期章第八十九	188
婴童否泰章第九十	188
出行章第九十一	188
舟行章第九十二	190
同舟共行章第九十三	190
行人章第九十四	190
防非避讼章第九十五	196
斗殴争竞章第九十六	196
兴词举讼章第九十七	196
已定重罪章第九十八	196
疾病章第九十九	196
痘疹章第一百	204
病源章第一百零一	204
鬼神章第一百二	204
延医章第一百零三	205
医卜往治章第一百四	206
家宅章第一百五	210
盖造买宅赁宅章第一百六	211
创造宫室章第一百七	212
修方动土章第一百八	212
迁居过火章第一百九	212
归宅入火章第一百十	212
入宅六亲凶吉章第一百十一	212
马房猪圈章第一百十二	214
旧宅章第一百十三	214
宅有响动妖祟现形章第又一百一十三章	216
同居章第一百十四	217
盖造官衙章第一百十五	217
占衙宇章第一百十六	217

盖造寺院章第一百十七	218
莹葬章第一百十八	219
地之吉凶章第一百十九	219
地之形势章第一百二十	221
得地于何时章第一百二十一	222
得地于何方章第一百二十二	223
地师章第一百二十三	223
点穴章第一百二十四	224
谋地偷葬章第一百二十五	224
祖莹旧冢章第一百二十六	224
因何事所伤章第一百二十七	225
修补秘法章第一百二十八	226
再占修补吉凶章第一百二十九	226
新亡附葬祖莹章第一百三十	227

八卦章第一

乾为父 震为长男 坎为中男 艮为少男

坤为母 巽为长女 离为中女 兑为少女

卦象图章第二

乾三连☰ 坤六断☷ 震仰盂☳ 艮覆碗☶

离中虚☲ 坎中满☵ 兑上缺☱ 巽下断☴

附：点卦法

凡问事者，执钱三文，掷于盘内，看几个字几个背。一个背两个字，称作单，画作、，为少阳。两个背一个字，称作拆，画作、，为少阴。三个背没有字，称作重，画作○，为老阳，是动爻。三个字没有背，称作交，画作×，为老阴，是动爻。共摇六次，第一次为初爻，画在卦的最下面，依次上升，第六次为第六爻，画在卦的最上边。

现摇一卦为例。第一次摇得一背，画作、；第二次得两背，画作、；第三次得三背，画作○；第四次得三字，画作×；第五次得三背，画作○；第六次得两背，画作、；画法如下。

六爻 、、
五爻 ○
四爻 × 上三爻坎为水为外卦
三爻 ○
二爻 、、
初爻 、 下三爻离为火为内卦

初学点卦者，见到一点、两点、，容易理解，见到圈○、叉×时，不甚明白，须要细心慢想。假如占得一卦，另用纸一张，点出此卦，将圈○改为一点、，叉×改为两点、，便知是某卦。

今以上卦为式，将第三爻圈○改为一点、，乃是离中虚卦，谓之内卦得离卦，离为火。把第四爻叉×改作两点、，第五爻圈○又改作一点、，乃是坎中满卦，谓之外卦得坎卦，坎为水。水在上，火在下，名为水火既济卦。

点卦时，虽则由下至上；读卦名时，则要由上至下。此卦水上火下，所以是水火既济。

再排一卦为式：

第六次得一背，为单，画一点、

第五次得三字，为交，画一叉 ×

第四次得一背，为单，画一点 、

第三次得两背，为拆，画两点 、、

第二次得三背，为重，画一圈 ○

第一次得两背，为拆，画两点 、、

上三爻外卦的×，仍算两点，即是离中虚，离为火。下三爻内卦的○，仍算一点，即是坎中满，坎为水。火在上水在下，卦名为火水未济。

附：八宫六十四卦卦名

须宜念熟。

乾宫八卦(俱属金)

乾为天 天风姤 天山遁 天地否 风地观 山地剥 火地晋 火天大有

坎宫八卦(俱属水)

坎为水 水泽节 水雷屯 水火既济 泽火革 雷火丰 地火明夷 地水师

艮宫八卦(俱属土)

艮为山 山火贲 山天大畜 山泽损 火泽睽 天泽履 风泽中孚 风山渐

震宫八卦(俱属木)

震为雷 雷地豫 雷水解 雷风恒 地风升 水风井 泽风大过 泽雷随

巽宫八卦(俱属木)

巽为风 风天小畜 风火家人 风雷益 天雷无妄 火雷噬嗑 山雷颐 山风蛊

离宫八卦(俱属火)

离为火 火山旅 火风鼎 火水未济 山水蒙 风水涣 天水讼 天火同人

坤宫八卦(俱属土)

坤为地 地雷复 地泽临 地天泰 雷天大壮 泽天夬 水天需 水地比

兑宫八卦(俱属金)

兑为泽 泽水困 泽地萃 泽山咸 水山蹇 地山谦 雷山小过 雷泽归妹

八宫章第三

八卦各宫全图

初学点卦，不会装卦者，须照此全图装排世应、五行、六亲。

乾宫八卦全图

乾为天	天风姤	天山遁
父母戌土、世	父母戌土、	父母戌土、
兄弟申金、	兄弟申金、	兄弟申金、应
官鬼午火、	官鬼午火、应	官鬼午火、
父母辰土、应	兄弟酉金、	兄弟申金、
妻财寅木、	子孙亥水、	官鬼午火、、世
子孙子水、	父母丑土、、世	父母辰土、、
天地否	风地观	山地剥
父母戌土、应	妻财卯木、	妻财寅木、
兄弟申金、	官鬼巳火、	子孙子水、、世
官鬼午火、	父母未土、、世	父母戌土、、
妻财卯木、、世	妻财卯木、、	妻财卯木、、
官鬼巳火、、	官鬼巳火、、	官鬼巳火、、应
父母未土、、	父母未土、、应	父母未土、、
火地晋	火天大有	
官鬼巳火、	官鬼巳火、应	
父母未土、、	父母未土、、	
兄弟酉金、世	兄弟酉金、	
妻财卯木、、	父母辰土、世	
官鬼巳火、、	妻财寅木、	
父母未土、、应	子孙子水、	

兑宫八卦全图

兑为泽	泽水困	泽地萃
父母未土、、世	父母未土、、	父母未土、、
兄弟酉金、	兄弟酉金、	兄弟酉金、应
子孙亥水、	子孙亥水、应	子孙亥水、
父母丑土、、应	官鬼午火、、	妻财卯木、、
妻财卯木、	父母辰土、	官鬼巳火、、世
官鬼巳火、	妻财卯木、、世	父母未土、、
泽山咸	水山蹇	地山谦
父母未土、、应	子孙子水、、	兄弟酉金、、
兄弟酉金、	父母戌土、	子孙亥水、、世
子孙亥水、	兄弟申金、、世	父母丑土、、
兄弟申金、世	兄弟申金、	兄弟申金、
官鬼午火、、	官鬼午火、、	官鬼午火、、应

父母辰土、、	父母辰土、、应	父母辰土、、
雷山小过	雷泽归妹	
父母戌土、、	父母戌土、、应	
兄弟申金、、	兄弟申金、、	
官鬼午火、世	官鬼午火、	
兄弟申金、	父母丑土、、世	
官鬼午火、、	妻财卯木、	
父母辰土、、应	官鬼巳火、	

离宫八卦全图

离为火	火山旅	火风鼎
兄弟巳火、世	兄弟巳火、	兄弟巳火、
子孙未土、、	子孙未土、、	子孙未土、、应
妻财酉金、	妻财酉金、应	妻财酉金、
官鬼亥水、应	妻财申金、	妻财酉金、
子孙丑土、、	兄弟午火、、	官鬼亥水、世
父母卯木、	子孙辰土、、世	子孙丑土、、
火水未济	山水蒙	风水涣
兄弟巳火、应	父母寅木、	父母卯木、
子孙未土、、	官鬼子水、、	兄弟巳火、世
妻财酉金、	子孙戌土、、世	子孙未土、、
兄弟午火、、世	兄弟午火、、	兄弟午火、、
子孙辰土、	子孙辰土、	子孙辰土、应
父母寅木、、	父母寅木、、应	父母寅木、、
天水讼	天火同人	
子孙戌土、	子孙戌土、应	
妻财申金、	妻财申金、	
兄弟午火、世	兄弟午火、	
兄弟午火、、	官鬼亥水、世	
子孙辰土、	子孙丑土、、	
父母寅木、、应	父母卯木、	

震宫八卦全图

震为雷	雷地豫	雷水解
妻财戌土、、世	妻财戌土、、	妻财戌土、、
官鬼申金、、	官鬼申金、、	官鬼申金、、应
子孙午火、	子孙午火、应	子孙午火、
妻财辰土、、应	兄弟卯木、、	子孙午火、、
兄弟寅木、、	子孙巳火、、	妻财辰土、世
父母子水、	妻财未土、、世	兄弟寅木、、
雷风恒	地风升	水风井
妻财戌土、、应	官鬼酉金、、	父母子水、、
官鬼申金、、	父母亥水、、	妻财戌土、世
子孙午火、	妻则丑土、、世	官鬼申金、、

官鬼酉金、世	官鬼酉金、	官鬼酉金、
父母亥水、	父母亥水、	父母亥水、应
妻财丑土、、	妻财丑土、、应	妻财丑土、、
泽风大过	泽雷随	
妻财未土、、	妻财未土、、应	
官鬼酉金、	官鬼酉金、	
父母亥水、世	父母亥水、	
官鬼酉金、	妻财辰土、、世	
父母亥水、	兄弟寅木、、	
妻财丑土、、应	父母子水、	

巽宫八卦全图

巽为风	风天小畜	风火家人
兄弟卯木、世	兄弟卯木、	兄弟卯木、
子孙巳火、	子孙巳火、	子孙巳火、应
妻财未土、、	妻财未土、、应	妻财未土、、
官鬼酉金、应	妻财辰土、	父母亥水、
父母亥水、	兄弟寅木、	妻财丑土、、世
妻财丑土、、	父母子水、世	兄弟卯木、
风雷益	天雷无妄	火雷噬嗑
兄弟卯木、应	妻财戌土、	子孙巳火、
子孙巳火、	官鬼申金、	妻财未土、、世
妻财未土、、	子孙午火、世	官鬼酉金、
妻财辰土、、世	妻财辰土、、	妻财辰土、、
兄弟寅木、、	兄弟寅木、、	兄弟寅木、、应
父母子水、	父母子水、应	父母子水、
山雷颐	山风蛊	
兄弟寅木、	兄弟寅木、应	
父母子水、、	父母子水、、	
妻财戌土、、世	妻财戌土、、	
妻财辰土、、	官鬼酉金、世	
兄弟寅木、、	父母亥水、	
父母子水、应	妻财丑土、、	

坎宫八卦全图

坎为水	水泽节	水雷屯
兄弟子水、、世	兄弟子水、、	兄弟子水、、
官鬼戌土、	官鬼戌土、	官鬼戌土、应
父母申金、、	父母申金、、应	父母申金、、
妻财午火、、应	官鬼丑土、、	官鬼辰土、、
官鬼辰土、	子孙卯木、	子孙寅木、、世
子孙寅木、、	妻财巳火、世	兄弟子水、
水火既济	泽火革	雷火丰
兄弟子水、、应	官鬼未土、、	官鬼戌土、、

官鬼戌土、	父母酉金、	父母申金、、世
父母申金、、	兄弟亥水、世	妻财午火、
兄弟亥水、世	兄弟亥水、	兄弟亥水、
官鬼丑土、、	官鬼丑土、、	官鬼丑土、、应
子孙卯木、	子孙卯木、应	子孙卯木、

地火明夷

父母酉金、、
兄弟亥水、、
官鬼五上、、世
兄弟亥水、
官鬼丑上、、
子孙卯木、应

地水师

父母酉金、、应
兄弟亥水、、
官鬼丑土、、
妻财午火、、世
官鬼辰土、
子孙寅木、、

艮宫八卦全图

艮为山

官鬼寅木、世
妻财子水、、
兄弟戌土、、
子孙申金、应
父母午火、、
兄弟辰土、、

山泽损

官鬼寅木、应
妻财子水、、
兄弟戌土、、
兄弟丑土、、世
官鬼卯木、
父母巳火、

风泽中孚

官鬼卯木、
父母巳火、
兄弟未土、、世
兄弟丑土、、
官鬼卯木、
父母巳火、应

山火贲

官鬼寅木、
妻财子水、、
兄弟戌土、、应
妻财亥水、
兄弟丑土、、
官鬼卯木、世

火泽睽

父母巳火、
兄弟未土、、
子孙酉金、世
兄弟丑土、、
官鬼卯木、
父母巳火、应

风山渐

官鬼卯木、应
父母巳火、
兄弟未土、、
子孙申金、世
父母午火、、
兄弟辰土、、

山天大畜

官鬼寅木、
妻财子水、、应
兄弟戌土、、
兄弟辰土、
官鬼寅木、世
妻财子水、

天泽履

兄弟戌土、
子孙申金、世
父母午火、
兄弟丑土、、
官鬼卯木、应
父母巳火、

坤宫八卦全图

坤为地

子孙酉金、、世
妻财亥水、、
兄弟丑土、、
官鬼卯木、、应
父母巳火、、
兄弟未土、、

地雷复

子孙酉金、、
妻财亥水、、
兄弟丑土、、应
兄弟辰土、、
官鬼寅木、
妻财子水、世

地泽临

子孙酉金、、
妻财亥水、、应
兄弟丑土、、
兄弟丑土、、
官鬼卯木、世
父母巳火、

地天泰

子孙酉金、、应
妻财亥水、、
兄弟丑土、、
兄弟辰土、世
官鬼寅木、
妻财子水、

水天需

妻财子水、、
兄弟戌土、
子孙申金、、世
兄弟辰土、
官鬼寅木、
妻财子水、应

雷天大壮

兄弟戌土、、
子孙申金、、
父母午火、世
兄弟辰土、
官鬼寅木、
妻财子水、应

水地比

妻财子水、、应
兄弟戌土、
子孙申金、、
官鬼卯木、、世
父母巳火、、
兄弟未土、、

泽天夬

兄弟未土、、
子孙酉金、世
妻财亥水、
兄弟辰土、
官鬼寅木、应
妻财子水、

野鹤曰：昔者吾友宦游时，以此全图相送。友曰：我不知五行，焉知断卦？

予曰：先学点卦，点出卦象看是何卦，即在全图内寻出此卦，照样装排世应、五行、六亲。不用念卦书，纵不知五行生克之理，亦能决断四宗大事。不管卦中动与不动，即照全图内单看世爻。占防忧虑患者，若得子孙持世无忧，官鬼持世忧疑难解，须加意防之。占功名者，若得官鬼持世即许成名，子孙持世且宜待时。占求财者，妻财持世必得，兄弟持世难求。占疾病者，若得六冲卦，近病不药而愈，久病妙药难调。

友曰：何谓子孙持世？

予曰：子孙与世字同在一爻者，即为子孙持世。倘得官鬼与世字同在一爻者，即是官鬼持世，其余兄弟、妻财持世，皆同此说。

要知何为六冲卦者，乾为天、震为雷、坎为水、艮为山、坤为地、巽为风、离为火、兑为泽，此八宫头一卦皆是六冲卦。再者，天雷无妄、雷天大壮亦是六冲卦，一共十卦，其余不是。

或问：求官者，若得官鬼持世，求名必成；求财者，若得妻财持世，求财必得。倘若官鬼爻与妻财爻或值旬空月破，或被卦中子孙发动以伤官，兄弟发动以伤财，虽遇官鬼持世、妻财持世，有何益耶？

予曰：尔知五行之理，神早知之，所得之卦，若非凶中藏吉，定是吉里藏凶。此乃神圣引人以知其奥，自然要看旬空月破、生克冲刑。今吾友不知五行之理，神亦早知。如若求名，祷于神曰：功名若成，赐我官鬼持世；倘若失望，赐我子孙持世。如占防忧虑患，祷于神曰：目下若有祸者，卦得官鬼持世，若能免祸避灾者，赐我子孙持世。所得之卦自然显而易见。若有隐微者，即是神亦欺人，何以为神？况予作此一段简易之法，单欲教其全不知五行之士，学会点卦，即照全图装排，就知决断四宗大事。倘若稍知五行之理者，不可以此为法，务必细看此书后卷。何谓空而不空，破而不破；何为墓而不墓，绝而不绝；何为真反吟假反吟；何谓进不进，退不退；何为回头克者生，何为回头克者死；何处可用神煞，何处不看用神；何为占此而应彼，何为占远而应近；何为得其法者百占百灵，何为不得其法者屡占不验；何为元神有力不生用神，忌神无力能害用神；何处辟诸书之谬，何处增巧验之奇。细观种种秘法，方能决事如神。

或又问曰：假令占防忧虑患，若得子孙持世自是无忧，若得官鬼持世惊恐必见，倘卦中并不现者，何以决之？

予曰：一卦不现再占一卦，再占不现，明日又占。昔人泥其不敢再渎，所以无法。予见《易经》有云：三人占听二人之言。古人一事既可决于三处，今人何妨再渎？余生平以来稍得其奥者，全赖多占之力也。

事之缓者，迟迟再占；事之急者，歇歇又占。不拘早晚，不必焚香，深更半夜亦可占之。只要单为此事而占，不可又占他事。但有心怀两三事而占卦者，非一念之诚，决无灵验。假令占功名，或是官鬼持世，或是子孙持世，得其一者，得失已知，不必占矣。不可厌其子孙持世，务必求其官鬼持世而后已，此非理也。如占求财，或是妻财持世，或是兄弟持世，得其一者则止，不必再占。

倘一事而与众人同其祸福者，各占一卦，决之更易。即如行舟遇暴风，家中防火烛，人人俱可占之。但有一卦得子孙持世，皆同无患。又如占疾病，病人自占若不得六冲卦者，一家俱可代占，但有一人得六冲之卦，或系近病或系久病，吉凶自了然矣。

予又告吾友曰：此法甚善，名为“赛锦囊”。予幼时止会点卦，不知装卦，照此全图装排决断。少经离乱，风波颠险，危处叨安，赖此之力。但予还有秘法，一并教尔。凡系自身之祸福者，只宜暗中卜之，照此决断，不可令人在傍。占过之时，吉凶自知，切不可又将此卦而问识者。尔若安心问人，神亦早知，所得之卦，定有深奥。宁可存此卦帖，待事过之后然后问人。

前说占防灾虑患及占功名、占求财，仍系题头，尔今初学占卦，恐尔不知何事当占，今予细写始末，使尔凡遇事后，照此卜之。

占防忧虑患者，或为国计民生陈言献策；或为条陈将相，谏诤君非。恐其事之不行，祸先及己。或为行江飘海，前途虑贼盗风波。或见远方火起，恐灾殃延及本家。或闻瘟疫流行，能为我害；或见飞蝗遍野，虑害我苗。或孤行无伴，或庙宿旅眠，或家防火烛，或宅见妖邪，或随营贸易，或逾险越关。或已入是非之场，心忧祸患；或欲管闲事，恐惹灾非；或入病家，以防沾染；或误服毒物，恐至伤生；或服人参药饵，益于我否；或驭野兽烈马，恐致惊伤。或已定重罪而盼赦，或已得重病以防危，或见远处有可疑之舟，或见外来有可疑之人。或买官房公地有后患否？或买山场莹地有是非否？或错买盗物，或立险处，或见邻家有兽头照壁冲射我宅，能为害否？或见邻山新葬及开窑盖庙，犯先莹否？

以上皆系防灾虑患，但得子孙持世者，安如泰山，当行即行，有吉无凶；若得官鬼持世，忧疑不解，加意防止，即使当行，亦勿行也。惟陈言谏诤者，又非此论。若果真正为国计民生，捐躯为国，即使官鬼持世，亦宜行之。

前说诸事，以子孙持世而为吉，官鬼持世以为忧。此二者卦若不现，尽可再占，但有一现者，不必占矣。然又有事之缓急不同，假令江海开舟，倘得官鬼持世，岂有永不开行之理？岂不闻早开一日以逢凶，迟去半时而免祸？倘若今日占得官鬼持世，且莫开舟，明日再占，后日又占，但遇子孙持世，即便开行。事之有相似者，悉照此可也。

占功名者，不拘文武，或已仕未仕，但得官鬼持世，盼升即升，候选即选，入场必中，童试必取。罢误者，官职犹存；黜名者，前程可复；林下久居，定蒙起用；考职考艺，必取其名。纳粟者，名登仕籍；开府者，加等即升；问缺者，此缺必得；建功者，必建奇功。但不宜子孙持世，一切功名目前失望，待有机会，下次再占。

予又以占卜秘法告于友曰：防灾虑患及占功名，只可自己决疑，不可代人占卜。自占防患者，独萌一点防患之心；占功名者，独有一点功名之念，自然灵验。恐其他人不知子孙与官鬼之理，既有虑祸之心，又有求名之念，便难决断。譬如上书谏言，此人若无官者，未必不欲借此以求名，而防祸之心亦所不免；有官爵者，既防功名之有失，又虑言出而祸随；又如身有前程者，或已仕，或未仕，目今罢误，事尚未结，既虑失官，又防有罪。此三等之人皆谓之心怀二念，卦中倘得子孙持世，尔欲许其无事，又恐神报失名；尔若许之碍于功名，又恐神报无忧。所以教尔自占必验，代卜不灵。非卦不灵，他心不专于一也。

又如在任，占地地方之惊变及早劳灾荒，此即谓之防灾虑患。若得子孙持世，盗息民安；若得官鬼持世，诸灾必见。但不可占远年，只可占本岁。虽占本岁，亦不可将此数事一卦而占，须宜每事另占一卦可也。

又如己见惊变，惟恐罣误，此即谓之虑功名之有失，最喜官鬼持世，不宜子孙而持世也。

又如在任，无事之时，祷于神曰：我莅此任，将来能于升否？若得官鬼持世，一定高迁；子孙持世，必有罣误。

又如未达之士，或才品优长，或武艺过人，占我终能成名否？官鬼持世，食禄有期；子孙持世，终无可望。

又如或有祖荫，或已援例，或已立功，凡系已有部劄批文委牌等事，问我将来终能出仕否？官鬼持世，一定飞腾；子孙持世，安心株守。

又如士子先占一卦，今科中否？若得官鬼持世，金榜标名；倘得子孙持世，即知今科而失望也。改日再占，下科中否？倘又得子孙持世，又知下科不能。另择一日，再占终身可能中否？若得官鬼持世，终能奋发，倘得子孙持世，改业他图，可免儒巾之累。孝廉占会试，童生占入学，皆同此法。

以上此法，皆秘法也。须要节节问去，卦无不灵。倘若未问目下，先问终身久远之事，殊不知神报近事者多，世人不识此理，胸中多少未决之事，先问终身，神且报尔胸中之疑，而断卦之人亦不知此神意，竟以终身决之，天壤之隔，全无影响。

占求财者，问钱粮可能征收足否？领钱粮可能全领否？妻财持世丰足，兄弟持世败赔。

问买卖经营开张店面，及远处求财，或见贵求财，倘得妻财持世速宜行之，兄弟持世速宜止之。

占经商贸开张店面，若已行久矣，问将来兴废如何？妻财持世，愈久愈丰；兄弟持世，从今衰矣。

占囤货者，妻财持世可买，兄弟持世休收。

占放债者，妻财持世，始终两好；兄弟持世，有借无还。

占取债者，妻财持世，即使目下不得，终须有还；兄弟持世，另日再占。倘若屡占而得兄弟持世者，如水中捞月；屡占而得官鬼持世者，必要经官。

占开金银铜铁铅矿，及开煤窑矾山，及买山伐木园林盐池鱼沼，凡系山岗、江海以取利者，妻财持世，物阜财丰；兄弟持世，破财折本。

占炼汞烧丹，世无此理，卦不必占，念亦莫起，即使卦得妻财持世，亦应别处之财也。曾有人占烧丹，卦得戌土财爻持世，午火子孙发动相生，只谓戌月一定成丹。岂知九月妻妾子女由数千里而来，异乡团聚。戌土妻财者，应妻妾；午火子孙者，应子女。此乃占此应彼也，可见易为君子谋，非理之求，神不报此而应彼也。

占地下忽见光彩异物，或现黄白奇形，疑其有财者，若妻财持世，必有金银；兄弟持世，不独无财，反有破财之事；倘官鬼持世者，必是妖邪。

告吾友曰：世人凡有疑难，开口则说求神问卜。可见欲知未来之吉凶，除卜之外，无他矣。我习周易有年，所卜之事，感应之理，就如神圣开口说话，真令人毛骨悚然。因尔不知周易之妙，不念卦书，不得不送此秘诀。试去行之，尔见其灵，从此自肯念书学卜。此法甚善，尔亦可以传人，缙绅、士民、行商、坐贾，无人不可。须要全不知五行生克之人方用此法，倘若稍知五行者，神必现隐微之卦，须要看用神生克制化，月破旬空，并看后卷求名求财及疾病章断法，不可以此为法。

吾友拜领而去，一别二十余年，异日相会，谓予曰：蒙赐全图，真如锦囊，数十年来避凶趋吉，全得

此力。许多细事，难以枚举，略以几宗而告之。忽有一日，有收放钱粮之差应当委我，闻他人以财干办。予占一卦，兄弟持世，知有赔累，听伊干之，后果败赔不已。又因地现银矿，众约予开，予占数卦，不见妻财持世，难以决断。屡占见其兄弟持世，知其无益，决意不行。他人开过年余，费过数千余两，后竟掘出泉流，予得免此浪费。又一日，舟泊南昌，忽见西北云起，疑有风暴，同行之人俱已占过，不见官鬼子孙持世，亦难决断。未后稍子占得官鬼持世，予即速命开船，湾于避风之处。少刻，狂风大作，江上坏船二十余只，独予得免。又因贱荆偶得痲疾，危在旦夕，身原虚弱，医命人参救之。又一医曰：服人参即死。予占得震为雷变雷泽归妹，乃是六冲卦，参药俱不用服，知其近病逢冲即愈，果于申日退灾。还有两宗大事，身家性命所关，皆得保全。一日解餉十万行至花山，午月甲子日，占得为艮为山，官鬼持世，知其有盗，吩咐稍子传知同行之舟且莫开行，他船不听，俱已开去，及至巳时，塘兵报曰：前船被盗。后赶上见之，哭声两岸。又于巳月壬申日，与众乡人避乱于山，众曰：此地不稳，移往灵鸡洞避之。予占一卦，问此地稳否？占得天雷无妄，午火子孙持世，约众勿迁。有不信者，竟自迁去，后被贼人放火薰洞，洞内之人俱遭烟死，独予合室保全。此数事，非身家性命之所关也？余今愿领其教，欲识五行生克之理，可得闻欤？

予曰：周易之道，知天时之旱涝，识地利之丰歉，知时运之兴衰，知疾病之生死，知功名之成败，知财帛之聚散，知祸福之趋避，为人不可不学易也。孔子曰：假我数年，五十以学易，可以无大过矣。尔今先念混天甲子六亲歌，占出卦来，会装五行六亲，再学变动。卦中必有动爻，动则必变，既知动变，然后再看用神、元神、忌神，知此者，即如入周易之门矣。再看四时旺相章、五行生克章、五行冲合章、旬空月破生旺墓绝章，又如升周易之堂矣。再看后卷各门各类，占何事以何法断之，渐渐由浅入深，以得其奥矣。不须半载工夫，得余数十年之真学也。今予先点一卦，教尔学看用神及五行生克旺衰之理。

凡问事者，先写年月日辰，再照六神章中写出六神，然后占卦。即如占得乾为天卦。

父母戌土、世
兄弟申金、
官鬼午火、
父母辰土、应
妻财寅木、
子孙子水、

自占吉凶者，以世爻为用神。此卦世临戌土，即以此戌土为自己之身。宜于旺相，最怕休囚。宜逢巳午之火以相生，最忌寅卯之木而相克。又不宜世爻落空，更不宜世爻临月破。

此世爻戌土，有以下四处生克冲合：

1、月建能生克冲合一也

此卦世爻戌土，若在寅卯月占卦，被寅卯之木伤克，即为世爻受伤。自占吉凶者，谓之休囚不利。若在辰月占卦，辰冲戌土，戌为月破，此谓之世爻逢月破，即如自己身子如破物也，百无所用。若在巳午月占卦，巳午之火乃是官星，能生成土，谓之火旺土相，世爻逢旺相，诸事可为。若在未丑月占卦，此两月土旺之时亦能帮扶戌土，此世爻戌土亦谓之旺相，亦以为吉。若在戌月占卦，世爻戌土而为月建，此乃旺相以当时也，自占吉凶，诸事享通。若在申酉亥子月占卦，此戌土皆为泄气之时，谓之世爻休囚无力。

此谓之月建能生克冲合世爻戌土之用神也。

要知何以谓之用神者，自占吉凶，用此世爻为主，不曰世爻，而曰用神。占父母以父母爻为用神。

2、日辰能生克冲合二也

此卦世爻戌土，若在寅卯日占卦，寅卯之木能克戌土，此世爻受日辰伤克不利之象。若在辰日占卦，辰冲戌土，谓之世爻暗动。若在巳午日占卦，巳午之火即是官星，能生戌土，此谓之世爻逢官星而生旺，诸事皆吉。若在未丑日占卦，土遇土而帮扶，此戌土亦为得助。若在戌日占卦，谓之世爻临日建，当令得权。若在申酉亥子日占卦，此戌土无克无生。

此谓之日辰能生克冲合用神也。

3、卦中动爻能生克冲合三也

此卦世爻戌土，倘卦中第二爻寅木发动能克戌土，第四爻午火官鬼发动能生戌土，第三爻辰土发动能冲戌土。

此谓之卦中动爻能生克冲合用神也。

4、世爻自动变出之爻能回头生克冲合四也

世爻发动，动而必变，变出巳午之火，谓之回头生世。变出寅卯之木，谓之回头克世。变出辰土，谓之回头冲世。变出卯木，谓之合世。

此谓之用神自动，变出之爻能生克冲合用神也。

以上四处，若得全来生合用神者，诸占全吉。倘有三处相生一处相克，亦以吉断。若有两处克两处生者，须看旺衰。生用神之神旺相者，则以吉断；克用神之神旺相者，可作凶推。倘遇三处相克一处相生，若相生爻旺相者，亦可谓之克处逢生，凶中得解；若值休囚者，有生之名无生之实，与四处俱来克者同断，诸占大凶。

或曰：此卦世爻戌土，并无变出寅卯巳午之理。

予曰：他爻多有变出回头生克，借此以为法也。

又问：卯木能克戌土，又与戌合，是以之为合还是以之为克？

予曰：五行相合章注解极明。

又问：此卦乾为天，卦中午火作官星是也，如何午月午日占卦，亦以此午火作官星何也？

答曰：不拘占得何卦，卦内若以巳午火作官星者，如遇巳午月日占卦，此巳午月日亦作官星，卦中若以巳午之火作财星者，而巳午月日亦作财星，余仿此。

旺相休囚者，四时旺相章查之。空破者，旬空月破章查之。生克者，五行相生相克章查之。冲合者，五行相冲相合章查之。暗动者，暗动章查之。回头生回头克者，动变生克章查之。日辰月建者，日辰月建章查之。

占父母者，以卦中父母爻为用神。此卦辰戌两爻俱是父母，若两爻俱动或俱不动，择其旺者为用神。如一爻动者，择其动者为用神。父母即临辰戌二土，即以土为父母，宜火相生，怕木相克，忌临旬空月破，亦有四处生克冲合，但宜生多克少为吉，与前世爻相参看。占宅舍、舟车、文书、奏章，都以父母爻为用神，须在用神章细看。

占他人者，以应爻为用神。此卦应临辰土，欲其吉者，宜四处相生；欲其衰者，宜四处冲克。

占兄弟者，以兄弟爻为用神，此卦申金兄弟即为用神，宜土相生，怕火相克，忌临月破旬空，亦有四

处生克，都是生多克少为吉，克多生少为凶。又云：兄弟爻乃劫财之神。如占弟兄姐妹之否泰者，宜其生旺，不宜临月破旬空。如占妻妾婢仆及财物者，宜其克多生少，更喜逢空逢破，使其不能劫我之财，克我之妻妾婢仆。

占妻妾婢仆及占财物者，以妻财爻为用神，此卦寅木妻财即是用神。忌临旬空月破，宜水相生，怕金相克，也有四处生克，多生少克为吉与前同看。凡占金银、买卖，皆以妻财为用神，须在用神章中细看。

占子孙者，以子孙爻为用神，此卦子水就是用神。忌临月破旬空，喜金相生，怕土相克。也有四处生克冲合，宜其克少生多，与前同看。占他事，以子孙爻为用神者，亦多，用神章查之。

占功名者，以官鬼爻为用神，此卦午火官星即是用神。此爻最忌逢空逢破，怕水相克，宜木相生，也有四处生克与前同看。占鬼崇妖孽、乱臣贼盗，皆以官鬼爻为用神，须在用神章细看。

以上所论诸事，后卷都有细法。恐尔初学不得其门而入，写此以为纲领，引尔以入门也。知此纲领，再细详后卷各章，由浅入深，自入佳境。

前八宫全图皆是静爻，然卦如有动，动则必变，后篇虽有动变章，恐尔不明，再排一变卦为式，尔宜细详。

卦有○变出、，○为重，重为阳，阳动变阴。卦有×变出、，×为交，交为阴，阴动变阳。

如占得泽天夬变出天风姤：

兄弟未土× 兄弟戌土
子孙酉金、 世
妻财亥水、
兄弟辰土、
官鬼寅木、 应
妻财子水○ 兄弟丑土

上三爻外卦乃是兑卦，兑为泽；下三爻内卦乃是乾卦，乾为天。泽在上，天在下，即是泽天夬卦。从全图内找出泽天夬卦，照样装出世应、五行、六亲，然后再看动爻。上三爻兑卦，第六爻×动变出、，即是兑卦变乾卦为乾为天。下三爻乾卦，初爻○动变为、，即是乾卦变巽卦为巽为风。天在上，风在下，即为天风姤卦。在全图内找出天风姤卦，以姤卦初爻之丑土，写在前卦初爻发动子水之旁，谓之子水变出丑土。以姤卦六爻之戌土，写在前卦六爻发动未土之旁，谓之未土变出戌土。余爻不动不变，不必写出。

安六亲者，姤卦之丑土戌土原是父母，今俱写兄弟，何也？六亲须照前卦而安也。前卦泽天夬土为兄弟，所以变卦之丑戌二土亦写兄弟。余卦仿此。

浑天甲子章第四

乾在内：子水、寅木、辰土，乾在外：午火、申金、戌土。

坎在内：寅木、辰土、午火，坎在外：申金、戌土、子水。

辰在内：辰土、午火、申金，辰在外：戌土、子水、寅木。

震在内：子水、寅木、辰土，震在外：午火、申金、戌土。

巽在内：丑土、亥水、酉金，巽在外：未土、巳火、卯木。

离在内：卯木、丑土、亥水，离在外：酉金、未土、巳火。

坤在内：未土、巳火、卯木，坤在外：丑土、亥水、酉金。

兑在内：巳火、卯木、丑土，兑在外：亥水、酉金、未土。

如占得天风姤卦，上三爻是乾卦，即乾在外：午火、申金、戌土。下三爻是巽卦，即巽在内：丑土、亥水、酉金。

戌土、
申金、
午火、
酉金、
亥水、
丑土、

点卦由下而上，故装五行亦由下而上，余仿此。

六亲歌章第五

乾兑金兄土父传，木财火鬼水子然。

坎宫水兄火为财，土鬼金父木子来。

坤艮土兄火为父，木鬼水财金子路。

离宫火兄水为鬼，土子木父金财助。

震巽木兄水父母，金鬼火子财是土。

乾兑宫 金兄、土父、木财、火鬼、水子。乾兑宫八卦都属金。

坎宫 水兄、火财、土鬼、金父、木子。坎宫八卦都属水。

坤艮宫 土兄、火父、木鬼、水财、金子。坤艮宫八卦都属土。

离宫 火兄、水鬼、土子、木父、金财。离宫八卦都属火。

震巽宫 木兄、水父、金鬼、火子、土财。震巽宫八卦都属木。

如占得乾为天：

父母 戌土、世
兄弟 申金、
官鬼 午火、
父母 辰土、应
妻财 寅木、

子孙 子水、

照乾宫金兄、土父、木财、火鬼、水子装之，所以申金为兄弟，辰戌土为父母，木是妻财，火为官鬼，水是子孙。余卦仿此。

世应章第六

乾为天，世在六。天风姤，世在初。天山遁，世在二。天地否，世在三。

风地观，世在四。山地剥，世在五。火地晋，世在四。火天大有，世退在三。

隔世爻两位即是应爻，余卦仿此。

动变章第七

六爻不动则不变，动则必变。○为阳，动则变、；×为阴，动则变、。

假令乾卦初爻动，则变为巽卦。

、 、
、 、
○ 、、

假令乾卦上下爻动，则变为坎卦。

○ 、、
、 、
○ 、、

假令坤卦中爻动，则变为坎卦。

、、 、、
× 、
、、 、、

假令坤卦三爻都动，则变为乾卦。

× 、
× 、
× 、

如占得水天需卦变天水讼。

妻财子水 × 兄弟戌土
兄弟戌土、
子孙申金 × 世 父母午火
兄弟辰土 ○ 父母午火

官鬼寅木、

妻财子水○ 应 官鬼寅木

上三爻坎卦，即是坎在外卦：申金、戌土、子水，所以四爻申金、五爻戌土、六爻子水。变为乾卦，即是乾在外卦：午火、申金、戌土，所以申金变出午火，子水变出戌土。而五爻戌土不动则不变。

变出之爻安六亲者，仍照正卦而推，余卦仿此。

用神章第八

父母爻

占父母，即以卦中之父母爻为用神。祖父母、父母、伯叔、姑姨，凡在我父母之上，或与我父母同辈之亲，及师长、妻父母、乳母、拜认之父母，三父八母，或仆占主人，皆以父母爻为用神。占天地，城池、墙垣、宅舍、屋宇，舟车，衣服、雨具、绸缎、布匹，及奏章、文书、文章、书馆、文契，也以父母爻为用神。

物类虽多，在人变通，一切庇护我身者是也。

三父八母：旧指同居继父、不同居继父、从继母改嫁之继父，合称三父；嫡母、继母、养母、慈母、嫁母、出母、庶母、乳母，合称八母。《元典章·礼部三·丧礼》有三父八母服图。

官鬼爻

占功名、官府、雷霆、鬼神、妻占夫，皆以官鬼爻为用神。占乱臣、贼盗、邪祟，也以官鬼爻为用神。

物类亦多，一切拘束我身者是也。

兄弟爻

占兄弟、姐妹、族中兄弟、姑姨姐妹、姐夫妹夫，及结拜兄弟，皆以兄弟爻为用神。兄弟乃同类之人，彼得志则欺凌，见财则夺，所以占财物，以之为劫财之神；占谋事，以之为阻隔之神；占妻妾婢仆，以之为刑伤克害之神。

占姐夫妹夫，以兄爻为用神，予屡得验。占表兄弟，以兄爻为用神而不验，还以应爻为用神。

妻财爻

占妻妾婢仆、下役，凡我驱使之人，皆以妻财爻为用神。占货财、珠宝、金银、仓库、钱粮，一切使用之财物、什物、器皿，亦以妻财爻为用神。

子孙爻

占子孙、女儿女婿、侄甥、门徒，凡在我子孙辈中，皆以子孙爻为用神。占忠臣良将、医人医药、僧道、兵卒，皆以子孙爻为用神。占六畜、禽鸟，亦以子孙爻为用神。

子孙为福德之神，为制鬼之神，为解忧之神，故谓子孙为福神，诸事见之为喜。独占功名者忌之，故又谓之剥官削职之神。

用神元神忌神仇神章第九

用神者，即前各类之用神也。元神者，生用神之爻也。忌神者，克用神之爻也。仇神者，克元神而生忌神之爻也。

假令金为用神，生金者土，土为元神；克金者火，火为忌神；克土生火者木，木为仇神。余仿此。

不拘占何事，先看何爻为用神。既得用神，须看其旺相否？有元神动而生扶否？有忌神动而克害否？

例 1、巳月甲寅日占往营中贸易，得巽之涣

玄武 兄弟卯木、 世
白虎 子孙巳火、
螣蛇 妻财未土、
勾陈 官鬼酉金○ 应 子孙午火
朱雀 父母亥水、
青龙 妻财丑土、

断曰：不可往，必有仇人为害。或曰：应爻酉金，克世为忌神，何谓仇人？余曰：世为自己，应为他人。应爻生世，即为恩人；应爻克世，非仇而何？后果被仇人陷害。勿以仇神即仇人也。

例 2、寅月丙子日占防害，得坎之师

青龙 兄弟子水、世
玄武 官鬼戌土○ 兄弟亥水
白虎 父母申金、
螣蛇 妻财午火、应
勾陈 官鬼辰土、
朱雀 妻财寅木、

此人因仇人诈害占之。余曰：世为自己属子水，应为仇人属午火。水能克火，乃是你去克他，这也不妨，但不宜间爻动出土鬼而克水。间爻者，乃中间之小人也，反是此人为害。彼曰：然何法治之？余曰：戌鬼虽动，有月建制之；世爻虽衰，幸临日建。目下有一势利之人助尔之仇人生鬼，尔去访寻，若得见势利之人，知尔理直，不肯助他，则事散矣。彼曰：何以知之？余曰：日辰冲动午火，日辰乃势利之人也。彼曰：即使见此势利之人，未必听我之言。余曰：不妨，世爻子水与日辰相比，彼此一定相投。果依此行，戊寅日消释。应寅日者，忌神戌土被寅木克制，今又见寅木，木旺土衰则息矣。

例 3、辰月戊申日占父近病，得乾之小畜

朱雀 父母戌土、 世
青龙 兄弟申金、
玄武 官鬼午火○ 父母未土
白虎 父母辰土、 应
螣蛇 妻财寅木、
勾陈 子孙子水、

一人执此卦而问余曰：近病逢冲即愈，此卦乃系六冲，但予父病之甚重。尔看愈于何日？余曰：此卦辰土、未土、戌土三重父母爻，当择其旺者而用之。今辰土父母临月建，即取辰土为用神。目下病重者，乃因申日冲寅木而暗动，木动以克辰土。彼问：卦中午火发动，寅木虽则暗动，反生午火而生土。卜书云：

忌神与原神同动，则两生也。今只曰寅木克辰土，不曰午火生辰土，何也？余曰：午火虽动，但化出未土，午与未合，午火贪合不生辰土，所以此辰土单受寅木之克，不得午火之生，故此病体沉重。须待丑日冲去未土，而午火无合可贪，午火生土，其灾退矣。果于丑日起床。

元神忌神衰旺章第十

元神虽生用神，须要旺相，方可生得用神。

元神能生用神者有五：

- 元神旺相，或临日月，或得日月动爻生扶者，一也。
- 元神长生、帝旺于日辰者，二也。
- 元神动化回头生及化进神者，三也。
- 元神与忌神同动者，四也。
- 元神旺动临空化空者，五也。

古以临空化空为无用，非也。殊不知动不为空，皆应冲空实空之日而有用也，故以为吉。能生用神，此五者乃有力之元神也，诸占皆吉。

例 4、酉月辛亥日占谒贵求财，得兑之解

螣蛇 父母未土、、世
 勾陈 兄弟酉金○ 兄弟申金
 朱雀 子孙亥水、
 青龙 父母丑土、、应
 玄武 妻财卯木、
 白虎 官鬼巳火○ 妻财寅木

断曰：甲寅日得见，财亦如心。

彼曰：财爻卯木，空且破，又被金克。初爻官鬼巳火虽生世，亥日冲散又化旬空，何以为吉？余曰：神兆机于动，余从来不言散。正因巳火化空，所以目下不见。待甲寅日出空而相见矣。寅木之财以生官，官来生世，故断寅日得见，财亦如心。果于寅日早见，本日得财。

元神虽现又有不能生用神者有六：

- 元神休囚不动，或动而休囚又被伤克者一也。
- 元神休囚又逢旬空、月破二也。
- 元神休囚动化退神三也。
- 元神衰而又绝四也。
- 元神入三墓五也。
- 元神休囚动而化绝、化克、化破、化散六也。

以上见生不生，无用之元神也，虽有如无。

忌神能克害用神者有五：

- 忌神旺相，或临日月，或遇日月动爻生扶者一也。

- 忌神动化回头生或化进神者二也。
- 忌神旺动临空化空三也。
- 忌神长生帝旺于日辰四也。
- 忌神与仇神同动五也。

以上之忌神如斧戟之忌神，诸占大凶。

忌神虽现不能克用神者有七：

- 忌神休囚不动，或动而休囚又被日月动爻克者一也。
- 忌神静临空破二也。
- 忌神入三墓三也。
- 忌神动化退神四也。
- 忌神衰而又绝五也。
- 忌神动化绝、化破、化克、化散六也。
- 忌神与元神同动七也。

此忌神者乃无力之忌神也，诸占化凶为吉。

以上论元神、忌神之有力、无力者，亦要用神有气，倘若用神无根，谓之元神有力亦难生，忌神无力何足喜？

例 5、巳月乙未日自占病，得大过之鼎

玄武	妻财未土 ×	子孙巳火
白虎	官鬼酉金 ○	妻财未土
螣蛇	子孙午火	父母亥水、世
勾陈	官鬼酉金、	
朱雀	兄弟寅木	父母亥水、
青龙	妻财丑土、应	

断曰：自占病，世爻亥水为用神。忌神未土动而克亥水，幸得元神酉金亦动，忌神未土反生元神酉金，土生金，金生水，接续相生，化凶而为吉。奈何亥水月冲日克，值月破而被克，虽有生扶，生之不起，如树之无根，寒谷不回春也。果卒于癸卯日。应卯日者，冲去元神之日也。此谓之用神无根，元神有力亦难生。

例 6、丑月戊子日自占病，得同人之旅

朱雀	子孙戌土、应	
青龙	妻财申金 ○	子孙未土
玄武	兄弟午火、	
白虎	官鬼亥水、世	
螣蛇	子孙丑土、	
勾陈	父母卯木 ○	子孙辰土

断曰：自占病，世为用神。世爻亥水，子日拱之，又得申金元神动而相生，乃不死之症。独疑申金墓于丑月，其不能生乎？

例 7、同日请伊母再占一卦，得离之大有

朱雀	兄弟巳火、世	
----	--------	--

青龙 子孙未土、
 玄武 妻财酉金、
 白虎 官鬼亥水、 应
 螣蛇 子孙丑土× 父母寅木
 勾陈 父母卯木、

断曰：母占子，子孙为用神。丑土子孙，虽逢月建，不宜动化寅木回头之克，目下无妨，交春木旺土衰，必死。又合前卦亥水世爻，得申金元神相生，寅月冲去申金，则危矣。果卒于交春之日。

大凡占病，一家俱可代占，合而决之，生死之月日可知矣。故卦宜多占，断祸福而更稳。前卦申金元神，动而生世，当许申日退灾。因见后卦丑土子孙变寅木之克，寅月必危，始悟寅月冲去申金则危矣。

五行相生章第十一

金生水、水生木、木生火、火生土、土生金。

凡用神、元神宜于逢生：月建生、日建生、动爻生、动化回头生。

例 8、卯月己卯日弟占兄已获重罪，母叩阍能救否，得复之震

勾陈 子孙酉金、
 朱雀 妻财亥水、
 青龙 兄弟丑土× 应 父母午火
 玄武 兄弟辰土、
 白虎 父母巳火 官鬼寅木、
 螣蛇 妻财子水、 世

断曰：兄弟丑土爻为用神，日月克之，明现大罪难脱，幸得丑土兄弟爻化午火父母爻回头相生，断曰：速速行之，父母相生，神告显然。后蒙恩免死。

叩阍：官吏、百姓到朝廷诉冤。

例 9、巳月丙申日占药，得姤卦

青龙 父母戌土、
 玄武 兄弟申金、
 白虎 官鬼午火、 应
 螣蛇 兄弟酉金、
 勾陈 妻财寅木 子孙亥水、
 朱雀 父母丑土、 世

医者执此卦问余曰：其人得病，固是危灾，予命病人占药可能救否？此卦月建巳火，应爻午火生世，病必可救，如何服药无灵？余曰：卦之显然，乃尔错看。夫占药，以子孙为用神，父母为忌神。此卦亥水子孙月破无根，申日生之而不起。世父克子，所谓父母持世，妙药难医，服药如何望效？非卦不准，乃尔断不灵。

五行相克章第十二

金克木、木克土、土克水、水克火、火克金。

克有四：月克、日克、动爻克、化回头克。凡忌神、仇神宜于逢克。用神、元神俱逢一克，他处不见生扶者，则为凶兆。占吉事乐极生悲，占凶事须宜急急回避。

例 10、卯月戊辰日占父官事已拟重罪，得萃之同人

朱雀	父母未土 ×	父母戌土
青龙	兄弟酉金、	应
玄武	子孙亥水、	
白虎	妻财卯木 ×	子孙亥水
螣蛇	官鬼巳火、	世
勾陈	父母未土 ×	妻财卯木

断曰：外卦未土父母，卯月克之，内卦亥卯未合成木局又相克制，月克日刑全无助。果至重刑。

例 11、卯月戊辰日妹占兄官事，同此一案亦拟重罪，得否之讼

朱雀	父母戌土、	应
青龙	兄弟申金、	
玄武	官鬼午火、	
白虎	妻财卯木、	世
螣蛇	官鬼巳火 ×	父母辰土
勾陈	子孙子水	父母未土、

断曰：申金兄爻为用神，巳火鬼动，刑克申金，重罪定矣。幸喜辰日冲动戌土，父母暗动生申，克处逢生，若有父母可以救之。后因父年八十，援例告留免死。

例 12、卯月癸亥日因新迁住宅人口不安，得需之乾

白虎	妻财子水 ×	兄弟戌土
螣蛇	兄弟戌土、	
勾陈	子孙申金 ×	世 父母午火
朱雀	兄弟辰土、	
青龙	父母巳火	官鬼寅木、
玄武	妻财子水、	应

断曰：申金子孙持世，化午火回头之克，乃自身与子孙同受克也。上爻子水财动，又化土克，财为妻妾、婢仆，乃一家受害之象，速宜迁之。彼曰：另改门户，能免灾否？予曰：不能。忌回头之克我，至夏天火旺之时，必遭凶厄。岂知宅近黄河，逐日欲迁而不果。午月河决，一家九口，俱随波逐浪矣。夫应午月者，午火当权，克世克子，又冲子水妻财，所以全室罹害也。

野鹤曰：圣人作易，令人趋吉避凶也。未卜而不知者，是大数也；卜之而神不告，亦大数也；既已卜之，神已告之，明知故犯者，亦不可尽委之于数也、命也。

克处逢生章第十三

受此处之克，得他处之生，即为克处逢生。大凡用神、元神克少生多为吉。忌神以克少生多为凶，所以忌神宜克不宜生也。

例 13、辰月丙申日兄占弟重病业已临危，得既济之革

青龙	兄弟子水、应	
玄武	官鬼戌土、	
白虎	父母申金 ×	兄弟亥水
螣蛇	妻财午火	兄弟亥水、世
勾陈	官鬼丑土、	
朱雀	妻财卯木、	

断曰：月建辰土虽克亥水，兄弟赖申日以生之，又得动爻相生，临危有救。果于本日酉时，遇名医救活也，至巳亥日以全生。

动静生克章第十四

六爻安静，旺相之爻，可以生休囚之爻，亦可以克休囚之爻。盖旺相者，有力之人也。

假令春天寅卯月占得坤卦：

子孙酉金、世
妻财亥水、
兄弟丑土、
官鬼卯木、应
父母巳火、
兄弟未土、

如占父母，巳火为父母，三爻之卯木当春旺相能生巳火，父母既逢春木相生，父旺能克子孙。如占子孙，子孙衰矣。春木当令能克丑未，二土临兄弟，如占兄弟，谓之休囚无气，余仿此。

卦有动爻，能克静爻。静爻即使旺相亦不能克动爻。盖静者，如坐卧之人；动者，如行走之人也。

假令春占，得兑变归妹：

父母未土、世
兄弟酉金○ 兄弟申金
子孙亥水、
父母丑土、应
妻财卯木、
官鬼巳火、

酉金发动虽休囚，动而能克旺相之卯木，卯木当令能克丑未二土，今既木被金伤，亦难克土。余仿此。

动变生克冲合章第十五

卦有动爻，动而必变，夫变出之爻能生克冲合本位之动爻，不能生克他爻。而他爻与本位之动爻，亦不能生克变爻。

例如子月卯日，占得坤卦变火地晋：

子孙酉金× 世 父母巳火

妻财亥水、、

兄弟丑土× 子孙酉金

官鬼卯木、、应

父母巳火、、

兄弟未土、、

酉金发动，酉为动爻，变出巳火，巳为变爻。变爻巳火能回头克本位之酉金，而不能生克他爻。四爻之丑土动能生世爻之酉金，不能生变出之酉金，而变出之酉金亦不能生克他爻。

然则变爻谁能制之？惟日月能生之、克之、冲之、合之。何也？日月如天，能生克动爻、静爻、变爻、飞爻、伏爻，而诸爻不能伤日月。《黄金策》曰：爻伤日月，徒受其名。即如此卦，子为月建能克世爻变出之巳火，卯为日建能冲变出之酉金是也，余仿此。

四时旺相章第十五

正月，寅为月建，寅木旺，卯木次之。二月，卯当月建，卯木旺，寅木次之。正月二月，木为旺，火为相，其余金水土作休囚。

三月，辰为月建，辰土旺，丑未次之；土生金，金为相；木虽衰，还有余气。其余俱作休囚。

四月，巳为月建，巳火旺，午火次之。五月，午为月建，午火旺，巳火次之。四月五月，火为旺，土为相，其余俱作休囚。

六月，未为月建，未土旺，辰戌次之；土生金，金为相；火虽衰，但有余气。其余俱作休囚。

七月，申为月建，申金旺，酉金次之。八月，酉为月建，酉金旺，申金次之。七月八月，金为旺，水为相，其余俱作休囚。

九月，戌为月建，戌土旺，丑未次之；土生金，金为相。其余俱作休囚。

十月，亥为月建，亥水旺，子水次之。十一月，子为月建，子水旺，亥水次之。十月十一月，水为旺，木为相，其余俱作休囚。

十二月，丑为月建，丑土旺，辰戌之土次之；土生金，金为相；水虽衰，还有余气。其余俱作休囚。

月将章第十六

月将（即月建，又为月令）**掌一月之权，司三旬之令。**

一月三十日内，当权得令。

操持万卜之提纲，巡察六爻之善恶。能助卦爻之衰弱，能挫爻象之旺强。制服动变之爻，扶起飞伏之用。

月将乃当权之主帅，万卜以之为纲领。爻之衰弱者，能生之、合之、比之、拱之、扶之，衰而亦旺。爻之强壮者，能冲之、克之、刑之，旺而亦衰。卦有变爻克制动爻者，月建能制服变爻。卦有动爻克制静爻者，月建亦能制服动爻。用神伏藏被飞神压住者，月建能冲克飞神，生助伏神而为用也。

爻逢月合而有用，爻遇月破而无功。

月建合爻为月合，乃有用之爻也。月建冲爻为月破，乃无用之爻也。

月建不入爻，亦为有用；月建一入卦，愈见刚强。

卦无用神，即以月建为用神，不必寻伏神也。月建入卦，动而作元神者，为福更大；动而作忌神者，为祸更深。不入卦者缓之。

逢空亦空，终非落底之空；逢伤亦伤，却有待时之用。

爻值月建，旺相当权，逢空不空，逢伤无害。古有此说，余试不然。在旬内者，毕竟为空。

例 14、寅月庚戌日占求财，得火天大有

滕蛇 官鬼巳火、 应
勾陈 父母未土、
朱雀 兄弟酉金、
青龙 父母辰土、 世
玄武 妻财寅木、
白虎 子孙子水、

断曰：寅木财爻为用神，临月建而旺相，财爻克世，此财必得。但目下尚空，要到甲寅日出空可得。果于甲寅得之。

古以逢空不空，非也。若在旬内还作空亡，待出旬不为空也。所以用神临月建而逢空，勿即指为不空，毕竟为空。但此空者乃目下旬内之空也，待至出空之日则不空也。爻遇旬空，作忌神者，出而为祸；作元神者，出而为福，非比休囚之真空乃到底之空也。故曰：逢空亦空，终非落底之空。

例 15、酉月丙寅日占谒贵，得蛊之蒙

青龙 兄弟寅木、 应
玄武 父母子水、
白虎 妻财戌土、
滕蛇 官鬼酉金○ 世 子子孙午火
勾陈 父母亥水、

朱雀 妻财丑土、、

断曰：世临月建之官，定得面见，但被午火回头之克，须待子日冲去午火，方得拜谒。果得见于丙子日。

爻值月建乃为旺矣，或被它爻所克，即谓之逢伤。占病者目下不愈，占事者目下不成，待至冲去伤爻之日则不受其伤矣，病必愈、事必成。故曰：逢伤亦伤，却有待时之用。

日绝、日冲、日克，须察别位有生扶；化绝、化墓、化克，又怕他爻增制克。

爻值月建，或墓绝于日及日建冲克者可以敌之，无吉无凶之象，倘得他爻又动相扶者为吉兆。爻值月建，或动化绝化墓及化回头克者亦可敌之，无吉无凶之象，恐他爻又来克制用神，虽临月建，亦难敌也。

例 16、寅月丙申日占官之升迁，得艮之颐

青龙	官鬼寅木、	世
玄武	妻财子水	妻财子水、、
白虎	兄弟戌土、、	
螣蛇	子孙申金○	应 兄弟辰土
勾陈	父母午火、、	
朱雀	兄弟辰土×	妻财子水

断曰：寅木官星持世临月建而旺相，虽被申日冲克，喜申子辰合成水局以生官，不独无害，定然三月高迁。果于三月升任云南太守。夫应即升者，乃因又得水局以生扶也；应三月者，辰土出空之月也；应云南者，世与官星皆在六爻之故也。

例 17、午月丁未日占弟被论吉凶如何，得困之恒

青龙	父母未土、、	
玄武	兄弟酉金○	兄弟申金
白虎	子孙亥水、	应
螣蛇	官鬼午火×	兄弟酉金
勾陈	父母辰土、	
朱雀	妻财寅木、、	世

断曰：酉金兄爻为用神，午月克之，未日生之，可以相敌。但不宜又动出午火相克，正所谓最怕他爻增克制。彼问：有大害否？余曰：午火为月建动于卦中，谓之入卦者更见刚强，又谓之月建作忌神，为祸不浅，大凶之象。又问：凶在何时？余曰：酉金兄爻化退神，今岁辰年太岁相合，自是无妨，恐退至申年而无路矣。果于本年下狱，至申年而被重刑。

大象吉者，从斯而泰；大象凶者，出月遭殃。

克少生多者，大象吉也；克多生少者，大象凶也。大象虽凶，在月内还许不碍，出此月而受其殃。

用神遇之，得福不轻；忌神逢之，得祸不浅。

此言用神临月建而无它爻伤害者，诸占皆吉。忌神临月建而用神休囚无助者，诸占皆凶。

生扶忌神助纣为虐，克制元神邀路截粮。

用神遇忌神克害，月建克制忌神者，名为有救；若月建反生忌神者，助纣为虐也。

用神得元神之生，月建又生元神者，吉而又吉；倘月建克制元神者，梟神以夺食也。

物穷则变，器满则倾。

用神衰者，遇时则发。即如用神临火，冬占不旺，等到春来则旺矣，故谓之物穷则变。

又如正月占卦，用神寅木临月建，谓之大旺，若到秋季遇金冲克不无破败，故谓之器满则倾。

例 18、寅月辛酉日占开铺面，得艮之明夷

滕蛇	官鬼寅木○	世	子孙酉金
勾陈	妻财子水	妻财子水、	
朱雀		兄弟戌土、	
青龙		子孙申金、	应
玄武		父母午火、	
白虎	兄弟辰土×	官鬼卯木	

断曰：世临寅木，得令当时，目下开张，可许热闹。独嫌日辰克世，世化回头之克，生少克多，又是六冲卦，六冲不久。彼曰：或是伙计不同心？或是别有其他故？余曰：鬼在身边须防疾病，伙计从此变心，必受其累。果于六月得痢疾，至八月未愈，伙计盗财几尽，鸣之于官，分文不获。此谓之旺相当时无伤，过时有害。应六月者，木墓于未也；伙计变心者，应爻申金，秋天当令而冲克世爻也。财被盗尽者，子水财爻落空亡也。

逢绝不绝，逢冲不散。

月将当权，岂能衰绝？旺相如刚，岂能冲散？

日生日克，兼看生扶；日克月生，兼查冲克。

月克日生遇帮而愈旺，月生日克逢削而亦衰。

例 19、午月戊辰日占妹临产吉凶，得火地晋

朱雀	官鬼巳火、	
青龙	父母未土、	
玄武	兄弟酉金、	世
白虎	妻财卯木、	
滕蛇	官鬼巳火、	
勾陈	子孙子水	父母未土、应

断曰：酉金兄爻为用神，月令克之，日建生之，许之无碍，明日卯时必生。果于次日卯时生，母子平安。应卯时者，酉金与辰日相合也。《黄金策》曰：若逢合住，必待冲开。此月克日生，无增克制或帮扶也。

例 20、未月甲午日占子痘症，得履之中孚

玄武	兄弟戌土、	
白虎	子孙申金、	世
滕蛇	父母午火○	兄弟未土
勾陈	兄弟丑土、	
朱雀	父母午火	官鬼卯木、应
青龙	父母巳火、	

断曰：申金子孙为用神，月生日克，可以相敌，但不宜爻中动出午火又来克之。幸午与未合，目下不碍，防丑日冲去未土，火来伤金则危矣。果卒于丑日。此月生日克，又增克制也。

李我平曰：诸书皆以月将当权，逢空不空，遇伤无害。此书以增克制，空亦为空，伤亦为害，明彻之极，实堪为法。《易冒》以日克月生，得生之八；月克日生，得生之七。七分八分，何以决疑？即如此章所存占验，占产，不增克制，危而即安；占痘，叠见逢伤，命之不保。一死一生，七分耶？八分耶？

日辰章第十七

子水、丑土、寅木、卯木、辰土、巳火、午火、未土、申金、酉金、戌土、亥水。

日辰（即本日之日辰，又为日建）为六爻之主宰，司四时之旺相。

前章言月令司三旬之令，令于春则生，令于秋则杀，春夏秋冬各令其时。独日辰不然，四时俱旺，操生杀大权与月建同功。

冲旺相之静爻为暗动，冲衰弱之静爻为日破。

爻之旺而静者，冲之则为暗动，愈得其力。爻之衰而静者，冲之则为日破，愈加无用。

爻之衰弱，能生扶合拱，如时雨滋苗；爻之强旺，能克害刑冲，似秋霜杀草。

爻之衰弱，日辰能生之合之旺之，同类者，能比之扶之拱之。爻之强旺，日辰能刑之克之冲之绝之墓之。

冲空即起，冲合即开。

爻遇旬空，日辰冲起而有用，谓之冲空则实。爻逢合住，遇日建以冲开，谓之合处逢冲。但凶神合住喜逢冲，吉神合住不宜冲。

爻旺而动，冲之愈强；爻衰而动，冲之则散。

他书有云：爻逢月建日冲而不散。是明知当令，不畏日冲，及至讲论祸福，不拘旺相休囚，一概俱以散论，最重视者散也。独余屡试不验，偏不应乎散，“神兆机于动，动则必验”，并不见其散也。旺相者冲之愈强，休囚无气者，间乎有散，亦百中仅一二也。

逢月破而不破，遇月克而无伤。

爻临日建，月冲不破，月克无伤，逢动爻之克，亦不为害，化回头之克，亦不为殃。似此之强，如山如岗，似与月建同权，中天日丽，旺相之极。

生多克少，锦上添花；生少克多，寡不敌众。

爻临日建，卦中又有动爻生扶者，如锦上添花。爻临日建，而月建动爻同来克者，似寡不敌众。既如酉月卯日占卦，爻临卯木谓之逢破不破，假使卦中又有申酉之金爻动或卯爻动化申酉者，此谓之寡不敌众，破亦为破，伤亦为伤。余仿此。

例 21、申月戊午日自占病，得遁之姤

朱雀	父母戌土、	
青龙	兄弟申金、	应
玄武	官鬼午火、	
白虎	兄弟申金、	
螣蛇	妻财寅木	官鬼午火 × 世 子孙亥水
勾陈	子孙子水	父母辰土、

断曰：世爻午火临日辰，本主旺相，不宜申金月建生亥水回头克世。卒于亥月。

例 22、巳月丁亥日占仆何日回，得夬之履

青龙	兄弟未土 ×	兄弟戌土
玄武	子孙酉金、	世
白虎	妻财亥水、	
螣蛇	兄弟辰土 ○	兄弟丑土
勾陈	父母巳火	官鬼寅木、 应
朱雀	妻财子水、	

断曰：亥水财爻为用神，亥为月破，临日建而不破，不宜重叠四重土动以伤之，谚云：双拳不敌四手。不独难望其归，犹防不测。果于午月卯日得信，中途已遭害矣。

此章当与月建章参看。

总注：旺之者，爻之帝旺于日也；比之者，爻与日月同也；扶之、拱之者，爻与日月同类也；墓之、绝之者，爻墓绝于日也。

李我平曰：《易冒》以爻临日辰莫能散之、莫能空之，谓逢冲不散、逢空不空也。然动逢日冲谓散，既临日辰宁又有日辰来冲乎？旬空者乃旬内之所无也，既是旬空其又有临日辰之事？故知诸书之不足据如此。

六神章第十八

甲乙日	丙丁日	戊日	己日	庚辛日	壬癸日
玄武	青龙	朱雀	勾陈	螣蛇	白虎
白虎	玄武	青龙	朱雀	勾陈	螣蛇
螣蛇	白虎	玄武	青龙	朱雀	勾陈
勾陈	螣蛇	白虎	玄武	青龙	朱雀
朱雀	勾陈	螣蛇	白虎	玄武	青龙
青龙	朱雀	勾陈	螣蛇	白虎	玄武

诸书无不以青龙为吉，白虎为凶。《天元赋》曰：身旺龙持多吉庆；《碎金赋》曰：龙动家有喜，虎动家有丧；《卜筮元龟》曰：螣蛇白虎忧尊长；《卜筮大全》曰：畏衔刀之白虎，喜戏水之青龙；《阅奥章》占疾病：螣蛇主死，白虎主丧，此皆不以五行，竟以六神而断生死也。唯《千金赋》曰：虎兴而遇吉神，不害其吉；龙动而逢凶曜，难掩其凶，此正理也。

然则六神而不验耶乎？非也，乃附合之神也。卦之吉者，逢龙而更吉；卦之凶者，逢蛇虎而更凶。且玄武主盗贼，朱雀主口舌，无不验也，至于家宅坟莹，尤不可少也。

例 23、戊子日占生产，得剥之观

朱雀	妻财寅木、	
青龙	兄弟申金	子孙子水 × 世 官鬼巳火
玄武	父母戌土、、	
白虎	妻财卯木、、	
螣蛇	官鬼巳火、、	应
勾陈	父母未土、、	

子水子孙化绝变鬼，本日落草而亡。却是青龙临子孙，亦可谓之喜耶？

例 24、申月甲辰日占兄病，得屯之震

玄武	兄弟子水、、	
白虎	官鬼戌土○	应 父母申金
螣蛇	父母申金 ×	妻财午火
勾陈	妻财午火	官鬼辰土、、
朱雀	妻财寅木、、	世
青龙	兄弟子水、	

断曰：子水兄爻为用神。卦中忌神、元神同动，戌土动生申金，申金动生子水，月建又生子水，至戊申日沉痾复起。岂可谓之“蛇动主死，虎动主丧”耶？

例 25、辰月己巳日占会试，得观之否

勾陈	妻财卯木、	
朱雀	兄弟申金	官鬼巳火、
青龙	父母未土 ×	世 官鬼午火
玄武	妻财卯木、、	
白虎	官鬼巳火、、	
螣蛇	子孙子水	父母未土、、 应

断曰：青龙加未土文章持世，动化回头之生，日建五位作官星，共来生世，首唱无疑。

例 26、未月戊辰日占官事罪之轻重，得巽之涣

朱雀	兄弟卯木、	世
青龙	子孙巳火、	
玄武	妻财未土、、	
白虎	官鬼酉金○	应 子孙午火
螣蛇	父母亥水、	
勾陈	妻财丑土、、	

断曰：世临卯木，既墓于未月，又遇酉金鬼动，冲克世爻，加临白虎，谓之白虎衔刀，主罪之凶极。彼问：凶在何时？予曰：酉金化午火，目下无碍，秋后防之。果至秋典刑。

以上二卦，所谓逢龙更吉，遇虎加凶也。

六合章第十九

六合：子与丑合，寅与亥合，卯与戌合，辰与酉合，巳与申合，午与未合。

相合之法有六：

- 日月合爻者一也。如丑月占得坎卦，世爻子水与月建作合是也。
- 爻与爻合者二也。如占得天地否卦，世应俱动，卯与戌合是也。但有一爻不动，亦不为合。
- 爻动化合者三也。如占得天风姤卦，世爻丑动，化出子水作合是也。
- 卦逢六合者四也。如占得天地否卦，内外六爻自相和合者是也，不动亦是。
- 六冲卦变六合者五也。如占得乾为天卦，乃八纯六冲之卦，若外卦三爻俱动，变为地天泰卦，谓之六冲而变六合是也。
- 六合卦变六合者六也。如占得旅卦变贲卦是也。

爻之合者，静而逢合，谓之合起。动而逢合，谓之合绊。动爻与动爻合，谓之合好，爻动化合，谓之合援。

爻静与日、月或动爻合者，得合而起，即使爻值休囚亦有旺相之意。动爻与日、月或静爻合者，谓之动逢合而绊住，反不能动之意。动爻与动爻相合，乃得他来合我，与我和好，相助之意。动爻与化出之爻相合者，谓之合援，得他扶助之意。

凡得诸合，诸占皆以为吉。占功名成，占利利就，占婚必成，占身发福，占宅兴旺，占风水聚气藏风、占求谋遂心合意。卜书曰：万事欣喜三六合。诸事必得久远，有始有终。然必用神有气相宜，用神若失陷则无益。且宜吉事逢之，吉事必就；不宜凶事逢之，凶事难解。

例 27、丑月戊申日占岁考，得坎之困

朱雀 兄弟子水、世
 青龙 官鬼戌土、
 玄武 父母申金× 兄弟亥水
 白虎 妻财午火、应
 螣蛇 官鬼辰土、
 勾陈 妻财寅木、

断曰：世爻子水，丑月合之，申日作父母生之，卦中申金又动，兼是六冲变六合，卦称全美，上等无疑。果考一等，即于子科高发。后探之，前试考过四等，所以六冲变六合，先否后泰之象也。

例 28、戌月丁卯日占讼事，得地天泰

青龙 子孙酉金、应
 玄武 妻财亥水、
 白虎 兄弟丑土、
 螣蛇 兄弟辰土、世
 勾陈 父母巳火 官鬼寅木、
 朱雀 妻财子水、

断曰：虽爻逢六合，但不宜戌月冲世、卯日克世，而应爻暗动，月建生之，彼之得志，官事必输。后果被杖。被杖者，卯木克世之故耳。

用神受克，六合有何益哉？所以凡得诸合，若世爻失陷者，难以吉断。

例 29、申月丙子日占出门，得明夷之小过

青龙	父母酉金、	
玄武	兄弟亥水、	
白虎	官鬼丑土×	世 妻财午火
螣蛇	妻财午火	兄弟亥水、
勾陈	官鬼丑土、	
朱雀	妻财卯木○	应 官鬼辰土

断曰：世动与日辰合，合住必有事绊，不能动身。彼曰：因何而阻？余曰：卦中子动变鬼，防儿女不安。彼曰：因小女多病，男家催促成婚，今欲往外求取财物以备妆奁。余曰：所得何病？彼曰：血枯成劳。余曰：卯木子孙申月绝之，子日刑之，且动而变鬼，令媛恐嫁之不及矣。后因女儿病重，此人未去，女死辰日。夫应不去者，世动而逢合也；女死辰日者，卯木子孙变辰土之故也。

以上乃卦逢六合、爻之遇合之验也。余又验其六冲卦变六合者。

例 30、未月丁巳日占已悔婚还可成否，得离之旅

青龙	兄弟巳火、	世
玄武	子孙未土、	
白虎	妻财酉金、	
螣蛇	官鬼亥水、	应
勾陈	子孙丑土、	
朱雀	父母卯木○	子孙辰土

断曰：此卦从来难以吉断，因得屡验六冲变六合，散而复聚，离而必合，此婚一定还成。果于次年三月仍成婚。

诸合皆以用神旺者为吉，独此六冲卦变六合者，不看用神，竟以吉断。占婚姻，先吴越而后朱陈；占夫妻，先参商而后必合好；占功名，始则艰难，终须荣显；占求谋，先难后易；占身命，先困后亨；占风水，巧处奇逢；占家宅，先衰后盛；曾因妻陷贼营，终须会合；田园卖出，仍旧归来。

六合卦变六合卦

卦逢六合，已为吉兆，又变六合，始终佳祥。占风水，百代簪缨；占宅舍，千秋基业；占婚姻，白头相守；占伙计，管鲍雷陈；占功名，仕路亨通；占财帛，如山聚积；占兄弟，累世同居；占学艺，始终成就；占修炼，指日丹成。

雷陈：《后汉书独行传》：雷义与陈重为同郡人，二人友好情笃，乡人谚云：“胶漆自谓坚，不如雷与陈。”后用“雷陈”比喻交谊深厚的朋友。

以上诸占用神临日月者，吉之又吉也。唯占讼狱不利，冤仇难解；占忧疑怪事，终不开心；占孕胎安，占产难生，若用神受克，更为凶兆。

例 31、卯月甲寅日占风水，得困之节

玄武	父母未土、	
白虎	兄弟酉金、	
螣蛇	子孙亥水○	应 兄弟申金

勾陈 官鬼午火、
朱雀 父母辰土、
青龙 妻财寅木× 世 官鬼巳火

余曰：占祖茔必有其故，自葬后何事不亨？今日之念因何而问？明以告我，方敢决断。彼曰：自葬后，功名因被论而归，年近五旬，尚无子息。是以问之，因此茔之碍否？余曰：龙自左脉而来，水亦从左而绕，源流水不归漕之故耳。彼曰：何以知之？余曰：亥水子孙化申金生之，申为源流，寅日冲散，若能使水归漕，不至傍流者，明年起用，再拜丹墀，申年定生麟种。彼问：久远否？余曰：六合化六合，万载安然。

龙：堪舆家喻指山势，因山脉逶迤起伏如龙形，故称。龙脉，即山水气脉。水：别称外气。堪舆家认为，水为气之母，脉气靠水运送而行，因水拦截而止。寻龙点穴，要根据水流的有无、大小、方向、形态等作出判断和印证。

古法：子与丑合，丑中有土，丑土克子水，谓之合中带克，克三合七。巳与申合，巳火克申金，谓之克七合三。此非通论，余得验者，子丑作合，若于辰戌丑未月日占之，而子水并无他处生扶者，即言克不言合，若有生扶，仍以合论。所以子水逢丑月、戌土遇卯月、申金遇巳月，再遇日建动爻克者，克而又克，何能言合耶？其克三合七、克七合三之说，来人问其凶吉，以此答之，何以决人之疑？

例 32、丑月庚辰日占子病，得山地剥

螣蛇 妻财寅木、
勾陈 兄弟申金 子孙子水、世
朱雀 父母戌土、
青龙 妻财卯木、
玄武 官鬼巳火、应
白虎 父母未土、

断曰：子水子孙，与月建作合，卦无生扶，言克不言合也。又加日辰克制，辰日又冲动戌土以克子水，只恐难过辰时。彼因生过九子，俱系促死，心疼之甚。即将此子令乳母抱卧于大厅之上，请诸亲显爵者而围绕之，围之辰时，而乳母哭矣。此乃合中遇克，病之不救，岂可谓之克三合七耶？

三合局：申子辰合成水局、巳酉丑合成金局、寅午戌合成火局、亥卯未合成木局。

成三合局者有四：

- 一卦之内有三爻动而合局者一也。
- 若两爻动一爻不动亦成合局者二也。
- 有内卦初爻、三爻动与变爻合局者三也。
- 有外卦四爻、六爻动与变爻合局者四也。

然此三合者有凶有吉。

如占功名，合成官局谓之官旺，合成财局财旺生官，倘合成子孙局者乃伤官之神也。

如占求财，合成财局谓之财库，合成子孙局谓之子局生财，倘若合成兄弟局者乃破财、耗财、阻隔之神也。

如占祖茔、家宅，宜父母爻而合局。

如占婚姻、夫妇，宜财官旺而合局。

凡占求谋喜庆之事，宜于成局，永远坚牢。若占官讼、忧疑而合局者，终身锢结其心，难于消释。

凡三合其局者，占名利、婚姻、家宅、风水，用神旺，无不为吉，必要世爻在局者为美。若世爻不在局内，须要局生世爻为吉，局克世爻为凶。月建、日建，但有一在局中者，谓之局旺，更吉。

三爻若只两爻动，不成局，须待后之日月补凑合成其局，谓之虚一待用。一爻明动一爻暗动亦作两爻动。三合局中若有一空破者，待填实之日月成之。有一爻入墓者，待冲开之日成之。

更有当知者：占功名，三合官局而生世者，利于我；生应者，利于他。占财，财局生世，利于我；财局生应，利于他。占出行，用神在局内被合而留。占行人，用神在局内被合不回。

又有内卦外卦而成三合者，须分内外。如占家宅，若居内宅，不宜外卦克内；若居外宅，须宜内卦生外。又如占彼此之形者，内卦为我，外卦为他，外卦合局生内卦者为吉，克内卦者为凶。

例 33、卯月丁巳日上下两村因争田水厮打，得离之坤

青龙 兄弟巳火○ 世 妻财酉金
玄武 子孙未土、
白虎 妻财酉金○ 子孙丑土
螣蛇 官鬼亥水○ 应 父母卯木
勾陈 子孙丑土、
朱雀 父母卯木○ 子孙未土

内卦为我村，亥卯未合成木局；外卦为他村，巳酉丑合成金局。虽金克木，幸衰金不克旺木，不足畏也。况系六冲卦变六冲，有人解散，必不成非。后果劝散。或问：占彼此之势，必以世应为主，如何不言世应？余曰：若无内外合局者，须看世应。今彼此两村即内外两卦，人众同心，彼此合局，神之妙用，灵验显然，故舍世应而不用也。若非卦化六冲，未有不成功也。

例 34、巳月丁酉日占功名问此缺得否，得乾之需

青龙 父母戌土○ 世 子孙子水
玄武 兄弟申金、
白虎 官鬼午火○ 兄弟申金
螣蛇 父母辰土、 应
勾陈 妻财寅木、
朱雀 子孙子水、

此公向蒙大部，考过才能第一，后因他故而未得用。今有选才能之缺，意欲递呈。又因督剿之官亦讨才能，随营补用，故不敢递。余曰：尔已祷告，指此缺而问神，神许之而必得。旺官生世，再无他去之理。只因寅午戌三合官局，内少寅字，须待寅日具呈，管许必得此缺。果于寅日递呈，特简题用。此应虚一以待用也。

例 35、寅月丙辰日占选期，得乾之小畜

青龙 父母戌土、 世
玄武 兄弟申金、
白虎 官鬼午火○ 父母未土
螣蛇 父母辰土、 应
勾陈 妻财寅木、
朱雀 子孙子水、

予曰：此卦若以古法断，午火官星一爻独发，当许午月。如以动而化合，必待冲开，当许子丑月。今予不以此断。午火明动，戌土暗动，三合而少寅字，借月建以成三合，本月必选。果于本月选于闽中。夫应选闽地者，因世爻动于六爻，又是官临午火之故耳。此乃明动暗动，合成局也。

例 36、辰月丁亥日占辨复，得萃之革

青龙 父母未土、、
 玄武 兄弟酉金、 应
 白虎 子孙亥水、
 螣蛇 妻财卯木× 子孙亥水
 勾陈 官鬼巳火、、世
 朱雀 父母未土× 妻财卯木

断曰：内卦亥卯未合成财局，生世爻巳火之官。世爻巳火，驿马加临，亥日冲之而暗动。莫惜所费，未月定蒙题允，即得美缺。后至未月，果遂题复，得补楚中。应未月者，乃实空之月也。

辨复：科举时代士人因犯法革去功名，后由于申辩而得以恢复，谓之辨复。

六冲章第二十

六冲：子午相冲，丑未相冲，寅申相冲，卯酉相冲，辰戌相冲，巳亥相冲。

相冲之法有六：

- 日月冲爻者，一也。
- 动爻化冲者，二也。
- 爻与爻冲者，三也。
- 卦逢六冲者，四也。
- 六合卦变六冲卦者，五也。
- 六冲卦变六冲卦者，六也。

冲者，散也。凡占凶事，宜于冲散；占吉事，则不宜。亦必兼用神而言，用神旺，虽冲不碍；用神失陷，凶而又凶。至于六合卦变六冲卦者，用神旺者，始吉终凶，图事虽成，有始无终也。

爻冲有五：

- 爻与月冲谓月破。
- 爻遇日冲为暗动。
- 休囚而遇日冲谓之日破。
- 动爻化回头冲，如逢仇敌。
- 爻遇爻冲，谓之相击。

例 37、亥月壬子日占子遇害否，得大壮之泰

白虎 兄弟戌土、、
 螣蛇 子孙申金、、
 勾陈 父母午火○ 世 兄弟丑土
 朱雀 兄弟辰土、

青龙 官鬼寅木、
玄武 妻财子水、 应

此人之子闻传言被人辱骂，赶去厮打，其父卜之。余曰：六冲变六合，必有人劝解。父爻持世而克子，乃尔之责子也，不受他人之害。顷之，果有人请去论理。其子理亏，父执棍欲击，亦被劝住，其父与子向众赔礼而回。夫厮打不成者，乃六冲之变六合也；父击子而被劝者，乃因日辰子水冲克世爻，不能以击子也。

他书最重者，动而逢日冲曰散。散犹空也，如全无之象，纵有生扶，不可救也。野鹤曰：此卦午火世动，冬令休囚之极，动遇子日冲之，何尝见散？何尝全无？世爻发动，身已动矣。父动克子，已击子矣。予恒论神兆机于动，动则必验，惟看旺衰以分轻重，不可以散而遂言如无也。

例 38、巳月戊戌日占财，得风雷益

朱雀 兄弟卯木、 应
青龙 子孙巳火、
玄武 妻财未土、、
白虎 官鬼酉金 妻财辰土、、世
螣蛇 兄弟寅木、、
勾陈 父母子水、

断曰：辰土财爻持世旺相，因值旬空，戌日冲空则实，本日即得。

例 39、午月丙辰日占出外经商贸易财喜如何，得恒之豫

青龙 妻财戌土、、应
玄武 官鬼申金、、
白虎 子孙午火、
螣蛇 官鬼酉金○ 世 兄弟卯木
勾陈 兄弟寅木 父母亥水○ 子孙巳火
朱雀 妻财丑土、、

世爻酉金化卯木相冲，乃反吟之卦。幸辰日合之，冲中逢合。又得戌土为财暗动生世，虽则反复不常，却有财利。果此人去而复反者三，尽中途发货。

前曰爻动化冲，如逢仇敌，乃是化回头之克也。此卦世爻酉金化卯冲世而不克世，又得辰日冲动戌财生世，所以为吉。

例 40、酉月庚子日占文书，得讼之睽

螣蛇 子孙戌土、
勾陈 妻财申金○ 子孙未土
朱雀 兄弟午火、 世
青龙 官鬼亥水 兄弟午火、、
玄武 子孙辰土、
白虎 父母寅木× 应 兄弟巳火

断曰：寅木父母爻为文书，动而生世，文书必妥。但嫌申金财动冲克文书，须待寅日冲去申金，文书必发。果寅日得领。

古以爻冲爻亦谓之散，旺相之爻能冲散衰弱之爻。此卦申金值秋时，不为不旺，旺金冲寅，而寅木何

尝散耶？

例 41、子月己巳日占以艺搏财，得坤

勾陈 子孙酉金、、世
朱雀 妻财亥水、、
青龙 兄弟丑土、、
玄武 官鬼卯木、、应
白虎 父母巳火、、
螣蛇 兄弟未土、、

断曰：世克应，乃为我胜。但因巳日冲动亥水之财，反生应爻，艺虽精，不能取胜。幸卦逢六冲，必不终局。果因他事而散，所负无几。

古以六冲卦，诸占不吉。予屡试之，用神失陷，实不为吉，用若得地，须以用神断之。惟占病，有久近之分，不用用神，近病逢冲即愈，久病逢冲则死。及占风水，六冲主飞砂走石，亦非久远之象。其余必兼用神而言。

例 42、酉月乙未日占子久出不归生死如何，得坤卦

玄武 子孙酉金、、世
白虎 妻财亥水、、
螣蛇 兄弟丑土、、
勾陈 官鬼卯木、、应
朱雀 父母巳火、、
青龙 兄弟未土、、

断曰：子孙持世且值月建，未日生之，虽是六冲之卦，此子必归。果于子年占卦，卯年得意而归。此应静而逢冲之年也。

例 43、巳月甲寅日占延师训子，得否变乾

玄武	父母戌土、	应	
白虎	兄弟申金、		
螣蛇	官鬼午火、		
勾陈	妻财卯木×	世	父母辰土
朱雀	官鬼巳火×		妻财寅木
青龙	子孙子水	父母未土×	子孙子水

断曰：以应为用户神，世应相合。应临戌父，巳月生之，乃饱学之士。独嫌卦变六冲，合而变冲，不久之兆。彼问：因何事而不久？余曰：子水子孙值旬空，卦中未土父动，防子孙灾变。后果两月，其子得病，辞师未久而子死矣。

凡得六合变六冲者，诸占先合后离、先亲后疏、先浓后淡、始荣终悴、初好后违、先亨后否、得而复失、成而后败，事就而又变也。惟占官非、盗贼、结绝事者，宜也。

例 44、午月丙子日占开典铺，得大壮之巽

青龙	兄弟戌土×	官鬼卯木
玄武	子孙申金×	父母巳火
白虎	父母午火○	世 兄弟未土

螣蛇 兄弟辰土、
勾陈 官鬼寅木、
朱雀 妻财子水○ 应 兄弟丑土

断曰：世爻午火临月建，旺相当时，日冲不散，又化未土，乃为化合，得助得扶，堪称吉卦，但嫌六冲变六冲，用神虽旺，必开不久。果未经一载，因财东为事，抄没其家，而铺面收矣。

凡得六冲变六冲者，乃内外变动，交相冲击，必主上下不和，至亲反目，彼此怀奸，始终不就。若用神再受克者，大凶之兆；用神旺相者，亦不久长。

例 45、申月己卯日占父子七人俱蒙拿问，得巽之坤

勾陈 兄弟卯木○ 世 官鬼酉金
朱雀 子孙巳火○ 父母亥水
青龙 妻财未土、
玄武 官鬼酉金○ 应 兄弟卯木
白虎 父母亥水○ 子孙巳火
螣蛇 妻财丑土、

断曰：此系卦变，巽木化坤土，名为化去。化克而不克，当主无妨。只因世爻变鬼，卯木化酉金，木被金伤；巳火子孙又化亥水，父子两爻皆被其伤。六冲变冲，乱击乱冲，极凶之卦。后果俱受刑。

古法皆以六冲卦宜于官司，喜其冲散。然必看事之大小，又宜兼用神而言。此卦六冲变六冲，亦可谓之官事逢冲而散耶？

三刑章第二十一

寅巳申三刑，子卯相刑，丑戌未三刑，辰午酉亥自刑。

夫三刑者，余屡试之，或因用神休囚，又兼他爻之克，内有兼犯三刑者，则见凶灾。而独犯三刑得验者少，占过数十年，只验得一卦。

例 46、寅月庚申日占子痘症，得家人之离

螣蛇 兄弟卯木、
勾陈 子孙巳火○ 应 妻财未土
朱雀 妻财未土× 官鬼酉金
青龙 官鬼酉金 父母亥水、
玄武 妻财丑土、世
白虎 兄弟卯木、

断曰：巳火子孙既当春令，子孙旺相许之可治。后死于寅日寅时。始悟月建在寅，日建在申，与子孙巳爻共作三刑，独此一卦，无他爻之伤也。

至于子卯、丑戌、辰未亦有验者，皆附和而为凶也。

六害章

全无应验，删之不录。

暗动章第二十二

静爻旺相，日辰冲之为暗动。静爻休囚，日辰冲之为日破。

暗动者有喜有忌。用神休囚得元神暗动以相生；忌神明动于卦中，得元神暗动而生用神，此皆谓之喜也。用神休囚无助，若遇忌神暗动克害用神，此则谓之忌也。古以暗动福来而不知，祸来而不觉，又曰吉凶之力则半，迟速之应则缓。非此论也，何尝不知不觉？报应亦非缓也。

例 47、寅月乙未日占女痘，得坤之师

玄武 子孙酉金、、世
 白虎 妻财亥水、、
 螣蛇 兄弟丑土、、
 勾陈 官鬼卯木、、应
 朱雀 父母巳火× 兄弟辰土
 青龙 兄弟未土、、

断曰：酉金子孙，虽则春令休囚，得日辰生之。二爻巳火动而克金，幸得未日冲动丑土，火动生土，土动生金，花虽密以全生。彼曰：目下甚危。余曰：不妨，今日未、申时有救。果于申时遇明医救治。何尝缓也？

动散章第二十三

古以日辰冲动爻，谓之冲散。又以动爻冲动爻，亦能冲散。

予屡试之，旺相者，冲之不散；有气者，冲之不散；休囚者，间有冲散，亦千百中之一二也。其故何也？神兆机于动，动必有因。虽则今日受制，后逢值日而不散也。

例 48、丑月丁酉日占父外出，得涣之坎

青龙 父母卯木○ 官鬼子水
 玄武 兄弟巳火、 世
 白虎 妻财酉金 子孙未土、、
 螣蛇 官鬼亥水 兄弟午火、、
 勾陈 子孙辰土、 应
 朱雀 父母寅木、、

断曰：卯木父爻动而生世，又化子水回头生，许之在外平安。世空者速至，交春即归。果于二月得意而回。此非卯动酉日冲之，何尝散也？

李我平曰：《黄金策》以空亡为重，冲散为轻。《易冒》最重冲散，细阅占验，多因错误。疾病章中有例：

例 49、卯月丙寅日占子病，得渐之观

青龙	官鬼卯木、	应
玄武	妻财子水	父母巳火、
白虎	兄弟未土、、	
螣蛇	子孙申金○	世 官鬼卯木
勾陈	父母午火、、	
朱雀	兄弟辰土、、	

占病遇子孙而变鬼，百无一生，明系申金子孙变鬼，误作寅日冲散。

又如进退章中，申月占卦，酉爻发动，遇卯冲之，亦谓之散，往往错误如此。

卦变生克墓绝章第二十四

卦变者：变生、变克、变墓绝、变比和。

予得验者，凡遇卦变克者，不论用神之衰旺，皆以凶推。如巽卦变坎卦，巽木变坎水谓之化生，水回头以生木也，即以吉断。如震卦化乾卦，震木变乾金谓之化克，金回头以克木也，即以凶推。

又有化克而不克者，不可不知。如兑金变震木，谓之化去。正卦为我，我去克他，不为凶也。此则谓之化克而不克也。如震木变兑金，谓之化来，他来克我，回头之克，即为凶兆，诸占大凶。

例 50、卯月辛巳日来人不言所占何事，得巽之乾

螣蛇	兄弟卯木、	世
勾陈	子孙巳火、	
朱雀	妻财未土×	子孙午火
青龙	官鬼酉金、	应
玄武	父母亥水、	
白虎	妻财丑土×	父母子水

问之所占何事？伊曰：代卜长辈功名。余曰：功名须要亲占，代占难取用神，从不敢断。幸此卦而易见，巽木化乾金，即为化回头克，为绝卦也。不必问功名，寿亦不长。果于午月削职，七月而终。应七月者，卯月巽木旺，秋令必危。

例 51、午月丙寅日占主病，得离之坎

青龙	兄弟巳火○	世	官鬼子水
玄武	子孙未土×		子孙戌土
白虎	妻财酉金○		妻财申金
螣蛇	官鬼亥水○	应	兄弟午火
勾陈	子孙丑土×		子孙辰土
朱雀	父母卯木○		父母寅木

断曰：离火变坎水，回头来克，但因午月火旺，许之冬令必危。果卒于九月丁亥日。

此皆不看用神之衰旺也。

古以占家宅坟茔大事者忌之，尽属揣摩之论，非留心于占验也。予存四十年之占验，无一卦而不关心，但遇一人占得有疑之卦，数年存意探之。

例 52、卯月乙酉日占索房价，得坎之坤

玄武 兄弟子水、世
白虎 官鬼戌土○ 兄弟亥水
螣蛇 父母申金、
勾陈 妻财午火、应
朱雀 官鬼辰土○ 妻财巳火
青龙 妻财寅木、

予疑此卦坎水变坤土回头之克，对伊而曰：房价事小，此卦甚凶，今年诸事，须宜谨慎。后于巳月，覆舟而死。

占此应彼，神预告其凶，令人早知趋避也。古以占大事忌之，此卦岂非占小事而应大凶耶？！

李我平曰：《易冒·墓绝章》云：日月当令非真（《易冒》原文作：卦莫凶于墓绝。或墓动逢绝破，或值空亡，则非真矣，或本卦逢日月亦非墓绝。如离变乾为墓绝，若午月日或甲子旬，是伪非真。若逢日月填实其乾，则为凶象矣。又有墓而不绝，绝而不墓，均非真也）。却不知凶事将来，神机早兆，日月当时虽旺，过时则有亏消。即如此篇占主病，午月得离变坎，目今夏火虽炎，冬来岂不绝耶？

《易冒·反伏章》云：日月从往则非，空破从往则重（《易冒》原文作：日月从往，空破从来则非；空破从往，日月从来则重）。又曰：半从往，半从来，半凶半吉（《易冒》原文作：半从半往从来则轻，此谓卦反也：有一半值空破，有一半值日月，则半凶而轻。如未建坤之艮，或甲戌旬艮之坤类）。种种议论，皆非经验。卦体如人之根本，卦变克绝，如树连根出土，目前枝叶虽青，能保长不朽乎？当时虽旺，过时而衰，空破虽虚，填实则应。且半凶半吉之论，难作后人之法。

此书只以回头克者为凶，余见《易冒》反复章中之占验，明是回头之克，误作反复休囚。

例 53、寅月甲子日占母病，得坤之巽

玄武 子孙酉金× 世 官鬼卯木
白虎 妻财亥水× 父母巳火
螣蛇 兄弟丑土、
勾陈 官鬼卯木× 应 子孙酉金
朱雀 父母巳火× 妻财亥水
青龙 兄弟未土、

坤土化巽木，乃回头之克，而彼书则曰：虽化旬空，休囚之反吟亦凶。既曰空破则重，又曰亦凶，且更牵扯亥水冲破巳火，故凶。殊不知既得卦变，止观卦象，不看用神，即使爻吉，泉竭根枯，岂能久乎？又有：

例 54、寅月癸酉日占长子病，得震之兑

白虎 妻财戌土、世
螣蛇 官鬼申金× 官鬼酉金
勾陈 子孙午火、
朱雀 妻财辰土、应

青龙 兄弟寅木× 兄弟卯木
玄武 父母子水、

震木化兑金，亦是回头之克。彼乃以震为长男，占长子，所以不吉。殊不知卦变回头之克，少女亦终难保也。

此二卦，前系土遭木克，后为木被金伤，竟未看出，何也？今以彼之占验而谓彼之错误，无他说也。

反伏章第二十五

反吟

卦有卦变，爻有爻变。卦变者，内外动而反吟，同一卦也，如乾变坤是也。爻变者，内外爻动而反伏者，非同一卦也，如升之观是也。又有外卦反吟而内卦不动者，如观之坤是也。又有内卦反吟而外卦不动者，如巽之观是也。

内卦反吟，内则不安。外卦反吟，外则不宁。内外反吟者，内外不宁之象也。皆主成而败，败而成；有而即无，无而即有；得而失，失而得；来而去，去而来；散而聚，聚而散；动而思静，静而思动。

占功名，用爻旺相者，迁而又迁，升往他处，仍复升来；用神失陷者，或降或升，或得或失。占财物，聚散不常。占买卖经营，兴废往来不定。占坟墓宅舍，欲迁不迁，或迁之而再迁，或目下就有迁移之事。占已经久远之事者，目前就有变动。占天时，晴而即雨，雨而又晴。占婚姻，反复难成。占疾病，愈而又病。占盗贼官非，见而又见。占出行，行至中途亦反，即使到彼，一事无成。占行人，外卦反伏者，用神旺相必归，不然又移他处。在外之人而占家宅者，内卦反吟，家庭人口不安。占彼此之形势，内卦反吟，我乱他定；外卦反吟，他乱我安。

以上用神旺相不变冲克者，虽则反复，事之必成。第恐用神化回头之冲克者，即如卦变，大凶之象。

例 55、卯月壬申日占随官府上任，得比之井

白虎 妻财子水、、应
螣蛇 兄弟戌土、
勾陈 子孙申金、、
朱雀 官鬼卯木× 世 子孙酉金
青龙 父母巳火× 妻财亥水
玄武 兄弟未土、、

断曰：世临官鬼，值月建而旺，随去必成。因内卦反吟，必有反复。不宜世爻绝于申日又化回头冲克，此行不吉，不去者为上。后因官府掣签，得缺近于贼营，辞而不去。及至官府去后，忽又因他故而随去矣。至七月城破，与官府一同被害。与官府同受害者，世爻与官鬼同受酉金之冲克也；不去而又去者，卦得反吟之故也。

掣签：即抽签，抓阄，明清派遣官员的一种制度，因地有远近，官有肥瘦，掣签以示公平。惜卦主要随之官手气不好，所得之缺近于贼营。

例 56、卯月己亥日占升迁，得临之中孚

子孙酉金× 官鬼卯木

妻财亥水× 应 父母巳火

兄弟丑土、

兄弟丑土、

官鬼卯木、 世

父母巳火、

断曰：世临卯木月建之官，又长生于亥日，世与官星同临旺地，许之即升。果于本月闻报，由江右升任山东。未及一载，复任江西。应本月升者，卯官而值月令也。升山东者，官临卯木也。复任江西者，外卦反伏，去之而复反也。

伏吟

有内外伏吟者，如无妄变大壮是也，内外皆忧郁呻吟之象。有内卦动变伏吟，内则呻吟。有外卦动变伏吟，外则不宁。诸占皆不如意，动如不动，焦忧呻吟。

占名者，久困宦途，淹留仕路。占利者，财源耗散，本利消乏。占坟莹宅舍，欲迁而不能，守之而不利。占婚姻，忧而不乐。占疾病，久病呻吟。占口舌官非，事之难解。占出行，难于移动。占行人，在外忧郁。占彼此之形势者，内卦为我，外卦为他。内伏吟，我心不遂；外伏吟，他意不安。

然伏吟而较反吟者，反吟有冲有冲克，用神受克，得祸不轻。伏吟之卦，用神旺相，冲开之年月，其志则伸；用神休囚，冲开之年月，忧郁而已。

例 57、申月癸巳日占父外任平安否，得姤之恒

白虎	父母戌土○	父母戌土
螣蛇	兄弟申金○	兄弟申金
勾陈	官鬼午火、	应
朱雀	兄弟酉金、	
青龙	妻财寅木	子孙亥水、
玄武		父母丑土、、世

断曰：日辰巳火生父母，当许在任平安。独嫌卦得伏吟，乃是不宁之象，任上必有事故，不得意以呻吟也。彼曰：闻地方苗獠之变，可有妨碍否？余曰：日建生父，他事无碍。又问：何时归来？余曰：伏吟欲归而不能，辰年可盼。后知苗瑶作祟，地方不宁，惊险异常。寅年占卦，辰年裁缺而归，午年又补四川也。应辰年者，戌父化戌父，冲开戌土之年也。应裁缺者，巳日冲起亥水暗动以克官也。应午年又补官者，占时遇巳日扶起午火之官，当日亥水克之而不尽，今午火官星值年依然旺矣。

李我平曰：《易林补遗》有言，爻有伏吟不吉，术者未闻；卦有反吟最凶，卜家谁觉？不看用神之衰旺，竟以反伏为畏途。今野鹤此论，以比之井卦，世逢冲克，事反伏，身受其殃；以临之中孚，世官得地，虽反伏，官连迁转。教人之法，何等透澈！

旬空章第二十六

甲子旬中戌亥空，甲戌旬中申酉空，甲申旬中午未空，
甲午旬中辰巳空，甲辰旬中寅卯空，甲寅旬中子丑空。

何谓旬空？如从甲子日至癸酉日为一旬，此十日之内，并无戌亥，所以爻逢戌亥为空亡，又名旬空。

余仿此。

旬空之法，诸书之论太繁，有真空、假空、动空、冲空、填空、援空、无故自空、有故而空、散空、墓空、绝空、害空、安空、破空。

野鹤曰：动不为空，旺不为空。有日建动爻生扶者亦不为空。动而化空、伏而旺相皆不为空。月破为真空，有气不动亦为真空，伏而被克为真空，真空为真空。真空者，春土夏金秋之木，火逢三冬是真空。

夫余初学卜，凡遇旬空，茫然莫辨。以之为到底全空者，却又应乎填实之日；而以之为不空者，却又到底之空。后得多占之法，凡遇旬空，命之再占，卦吉者，许之出旬而不空；卦凶者，许之空矣。

例 58、辰月乙卯日占求财，得家人之贲

玄武	兄弟卯木、
白虎	子孙巳火○ 应 父母子水
螣蛇	妻财未土、、
勾陈	官鬼酉金 父母亥水、
朱雀	妻财丑土、、世
青龙	兄弟卯木、

断曰：丑财持世遇旬空，虽有巳火之生，巳火又化回头之克，不能生丑土之财，此财既无生扶当主难求。或又因三月之丑土财爻有气，古法有气不为空，不敢竟断，命之再占。

例 59、辰月乙卯日占求财，又得睽之损

玄武	父母巳火、
白虎	妻财子水 兄弟未土、、
螣蛇	子孙酉金○ 世 兄弟戌土
勾陈	兄弟丑土、、
朱雀	官鬼卯木、
青龙	父母巳火、 应

因得此卦，合前卦而决之，竟断曰：财无气矣，不必劳心。彼问：何故？余曰：前卦丑财虽空而有气，后卦子水财爻空伏于五爻未土之下，伏而又空，空而被克，知其无财而无疑也。后果毫厘未获。

例 60、子月辛亥日占远行求财，得大畜

螣蛇	官鬼寅木、
勾陈	妻财子水、、应
朱雀	兄弟戌土、、
青龙	子孙申金 兄弟辰土、
玄武	父母午火 官鬼寅木、 世
白虎	妻财子水、

断曰：世逢寅木，子月亥日俱作财神而生世，又喜应爻为地头，世应相生，乃全美之卦。独因世值旬空，若依古法断者，无故自空，乃大凶之兆，敢许之远去邪？

例 61、命之再占，又得明夷之丰

父母酉金、、
兄弟亥水、、
官鬼丑土× 世 妻财午火

妻财午火 兄弟亥水、
官鬼丑土、
妻财卯木、 应

断曰：此卦与前卦相同，此行大有所得。世爻丑土化午火回头相生，目下月破，尔到地头，已出月矣，出月而不为破。开春寅卯月，以前卦决者，乃世爻出空之月也，逢子亥财生，满心如愿。彼曰：去得成否？余曰：甲寅日世爻出空之后，准行无疑。果于乙卯日起程，后到彼地，寅卯月间，诸事顺心，满载而归。

野鹤曰：多占之法，损许多疑惑。不然，只以前卦决断者，无故自空，如入深渊大壑；旺财生世，腰缠万贯之征。许之去耶？阻之勿去耶？

例 62、寅月辛卯日占父何日回，得观之否

螣蛇 妻财卯木、
勾陈 兄弟申金 官鬼巳火、
朱雀 父母未土× 世 官鬼午火
青龙 妻财卯木、
玄武 官鬼巳火、
白虎 子孙子水 父母未土、应

此卦父遇真空，日月伤克，虽则动不为空，疑其伤之太重，予不敢断，问之去了几时？彼曰：父开店于某处，离此三百余里，时常往来。昨有信回，这两日要到，不知起身否？

例 63、予命之再占，得履之中孚

螣蛇 兄弟戌土、
勾陈 子孙申金、 世
朱雀 父母午火○ 兄弟未土
青龙 兄弟丑土、
玄武 父母午火 官鬼卯木、 应
白虎 父母巳火、

此卦又是父动逢空，幸得日月生父，较前卦不同。更喜父动克世，克世者速至，许其甲午、乙未日必到。果于未日返舍。或曰：此卦日月生父，许之必来是也。前卦真空，何以无凶？神无二理，此卦若是，前卦则非矣。予曰：前卦何尝不是？未父持世，目下旬空，出空而见父也。

夫决课之人，要识来人之念。若伊父远涉天涯，存亡未审，彼必存吉凶之念而问，若遇真空，必不归矣。今乃往来熟道，所问者何日回耳，凑至未日必到也。犹彼问曰：我父何日归家？犹神告曰：尔父未日即至。初见前卦，我亦动疑，故命之再占，若再得凶卦，即以凶推。既得吉卦，合而决之，参悟神之意矣。

例 64、予曾于午月己丑日占阴晴，得临之师

勾陈 子孙酉金、
朱雀 妻财亥水、应
青龙 兄弟丑土、
玄武 兄弟丑土、
白虎 官鬼卯木、 世
螣蛇 父母巳火○ 官鬼寅木

初爻巳火父动，当应巳日必雨。及至癸巳日早，满天红日，值狄友在座，亦知易理，令其卜今日雨否？

例 65、午月癸巳日狄友再卜今日雨否，得既济之革

白虎	兄弟子水、应	
螣蛇	官鬼戌土、	
勾陈	父母申金×	兄弟亥水
朱雀	妻财午火	兄弟亥水、世
青龙	官鬼丑土、	
玄武	妻财卯木、	

余曰：今日申时有雨。狄曰：申父虽动，日月克之，况巳与申合，合住父爻不雨，雨从何处来？予曰：不然，定有大雨。果于申酉时，雷雨交作。次日，狄问：不以月伤日合而断大雨，何其神乎？予曰：非独昨日之卦也，丑日占过，原应巳日必雨。犹我问神曰：前卦应今日雨，今果雨否？犹神答曰：今日申时有雨。不在乎克与合也。前卦断行人，亦犹彼问：我父何日回？亦犹神答：未日必至。不在乎空而真也。凡卜易卦，必与鬼神合其机，勿胶柱而鼓瑟。余得多占之法，虽不能合鬼神之机，能参悟鬼神之机也。

李我平曰：空亡之说，鬼神不测之妙也。似有又无，似无又有；实有到底全空，亦有填实不空。此以多占两卦合而决之，实为泄尽鬼神之机也。

天地之理，皆从空而生，谓之悬空以待。凡占遇空，不可即以为空，须视其所占之事，或近或远。如在旬内，固为空也，然又有冲空之日，实空之时；事在一旬之外，许其出空之日；若占远久之事，尚无定期，非出旬可以成者，须看大象。大象不吉，乃可谓到底全空也；大象若吉，太岁月建亦可填之。然不如多占两卦，实为妙法。

生旺墓绝章第又二十六

长生、沐浴、冠带、临官、帝旺、衰、病、死、墓、绝、胎、养。

余得验者，只验生旺墓绝，其余不验，不必用之。

金长生在巳、旺在酉、墓在丑、绝在寅

木长生在亥、旺在卯、墓在未、绝在申

水长生在申、旺在子、墓在辰、绝在巳

火长生在寅、旺在午、墓在戌、绝在亥

注：土与水同。

且如主事爻属木，若在亥日占卦，即主事爻长生于亥日。若在卯日占卦，木旺于卯。若在未日占卦，木墓于未日。若在申日占卦，木绝于申日。余仿此。

又如主事爻属木，卦中亥水爻动者，谓之遇长生；未土爻动者，谓之入动墓；申金爻动者，谓之遇绝。余仿此。

又如主事爻属木，动而变出亥水者，谓之化长生；动而变出卯木者，谓之化旺；动而变出未土者，谓之化墓；动而变出申金者，谓之化绝。余仿此。

觉子曰：金虽长生在巳，须宜金爻旺相或日月动爻生扶，再遇巳日占卦，或是卦中动出巳爻，或是金爻动而化出巳火，皆谓之遇长生。倘若金爻休囚无气，再遇巳午火多者，烈火煎金，论克不论生也。金虽

墓于丑土，若得未土冲动，或卦中土多生金，论生不论墓也。

土虽绝于巳，必须休囚无气，又逢巳爻，谓之绝也。若土爻旺相，或得日月动爻生扶，再遇巳爻者，巳火反能生土，论生不论绝也。

巳爻虽长生于寅，倘日月动爻及变出之爻，又逢申字者，谓之三刑，论刑不论生也。

古以土爻长生在申，又曰土长生在寅，无处考证。余以天时考之，常见土临父母，有申日雨者，亦有子日雨者；又见土临子孙动，有申日晴者，亦有子日晴者。故知土长生于申，旺于子，实知土寄生于申而无疑也。

例 66、午月己卯日占妻病，得震之丰

妻财戌土、、世
官鬼申金、、
子孙午火、
妻财辰土× 应 父母亥水
兄弟寅木、、
父母子水、

断曰：辰土财爻为用神，近病逢冲即愈，许之当愈于辰日，不然酉日必愈。后因连日昏沉，竟於子日起床。许辰日愈者，辰土逢值之日也。许酉日者，辰与酉合，动而逢合之日也。今愈子日者，辰土财爻旺于子也。

李我平曰：生旺墓绝之论，金生在巳，木生在亥，水生在申，火生在寅，四大长生，理之正也。惟土寄生，未得实考。

法云：火土长生寅上排，明知是胞胎。此即土寄生于寅。今五行家谓戊土生寅，己土生酉。易冒虽曰唯土之长生不一，申中有坤，土生于申，若分阴阳，则戊土生寅，己土生酉。亦未得其实据。此专以天时考证者，土寄生于申，万古而不易也。

各门类题头总注章第又二十六

后值分门各类，当用字眼，恐其烦絮，不便全写，只用题头。

用神宜旺：不可指定旺于四时，但得用神临日月、或遇日月动爻变爻生扶、或用爻遇长生逢帝旺，皆谓之旺。

用神化吉：凡用神元神动化回头生、化长生、化帝旺、化扶助、化日月，皆为化吉。

用神化凶：凡用神原神动化回头克、化绝、化墓、化空、化鬼、化退神，皆为化凶。

岁君：即当年太岁。

岁五：即卦中第五爻为太岁。

五位：卦中第五位为君位。易经曰：九五之尊。

身：即世爻。古以身为卦身、世身，余试之不验，后遇身者，即以之为世，非卦身，世身。

三墓：即用爻入日墓、入动墓、动而化墓，非古法之世墓、身墓、命墓。

主象：又名主事爻，即定事吉凶之爻。自占，卦中世爻为主象，占父母兄弟，则卦中父母爻兄弟爻为主事爻，余仿此。

变、化：老阴而成少阳谓之变，老阳而成少阴谓之化。古以变如物消亡而后长出，退而又进。化如物之生成而后败，进而又退。余试之不验。化进神、化生旺，虽化亦为吉。变鬼、变克，虽变亦为凶。各章所言变即是化，化即是变。

各门类应期总注章第又二十六

静而逢值逢冲；

如主事爻临子水不动，后逢子日午日而应之，余仿此。

动而逢值逢合。

如主事爻临子水发动，后遇子日丑日而应之，余仿此。

太旺者，逢墓逢冲；

如主事爻临午火，又遇巳午月日占卦，或卦中巳午爻太多，后逢子日应之，或逢戌日应之，乃火入墓也，余仿此。

衰绝者，遇生遇旺。

如主事爻属金，占卦于巳午月日，即是休囚无气，后逢土月日或至秋令当时，则旺矣！余仿此。

入三墓，俱喜冲开；

如主事爻临午火，假使墓于戌，后逢辰日而应之，余仿此。

遇六合，亦宜相击。

如主事爻与日月作合，或动与爻合，或动而化合，或吉或凶，必待冲开之月日而应之。即如主象临子，与丑作合，后逢午未日而应之，余仿此。

月破喜逢填合；

如子月占，主事爻临午火，乃为月破。后逢未日应之，谓之破而逢合。又有逢午月应之，填实之日则不破矣！余仿此。

旬空最爱填冲。

详空亡章。

大象吉而受克，须待忌神受克；

如用神临辰土，得日月动爻生扶，乃为大象吉也。倘被寅卯克害，后逢申酉日冲克忌神则吉，余仿此。

大象凶而受克，须防克者逢生。

即如前说，用神临辰土，既无日月动爻生扶，乃为大象凶也。再逢寅卯克制者，后逢寅卯子亥日，则凶。余仿此。

元神来助来扶，须看用神衰旺；忌神来冲来克，须观元神兴衰。

详见元神忌神章。

化进神，逢值逢合；

如申化酉，乃为进神。为福为祸，有应申月日者，有应巳月日者，余仿此。

化退神，忌值忌冲。

如酉化申，乃为退神。为凶为吉，有应申月日者，有应寅月日者，余仿此。

世空元动，须待元神逢值；

如甲辰旬，占求财，得困之坎，主亥日得财，余仿此。

世衰元静，必然元神逢冲。

如秋占图谋，得困卦，后逢巳日成事，余仿此。

间有应于独发独静；

详独发章。

间有应于动爻变爻。

如爻临戌土，变出酉金，其吉凶有戌日应者，有酉日应者，余仿此。

勿谓爻之不验，远近当分；

远事应之于年月，近事应之于日时。间有占远应近，占近应远，占月应年，占日应时，亦所当知。

倘遇卦之不明，再占是法。

卦有恍惚者，再占一卦，不可妄断。

归魂游魂章第又二十六

游魂卦为各宫第七卦，如乾宫中火地晋，坤宫中水天需。归魂卦为各宫第八卦，如乾宫中火天大有，坤宫中水地比。

古以游魂行千里，我行此事而欲久者，卦遇游魂而不能久，心无定向，迁改不常。占身命，无安家乐业之所；占行人，游遍他乡；占出行，行无定止；占家宅，迁变不常；占坟墓，亡者不安。又以归魂不出疆，诸事拘泥不行，与游魂卦相反而断之，可也。

野鹤曰：须以用神为主，然后参此。若舍用神执此而断者，谬也。

月破章第二十七

正申、二酉、三戌，四亥、五子、六丑、七寅、八卯、九辰、十巳、十一午、十二未。月建冲之为月破，逐月之破日是也。

诸书皆以用神临月破如悖时也，即是枯根朽木，逢生生之不起，逢伤伤之更重。虽现于卦，有亦如无；伏于卦中，终莫透露。虽有日辰之生，亦不能生。动而作忌神者，不能为害；作变爻者，不能伤克动爻。

野鹤曰：余得验者，动则能伤于爻，变则能伤于动。何也？神兆机于动，事之无吉无凶则不动矣，既动则有祸福之基。目下虽破，出月则不破，今日虽破，实破之日则不破，逢合之日则不破。近应日時，远应年月。惟有静而不动，又无日辰动爻生助者，则到底之破矣。

例 67、亥月己丑日占将来有官否，得兑之讼

勾陈 父母未土× 世 父母戌土
朱雀 兄弟酉金、
青龙 子孙亥水、
玄武 父母丑土、应
白虎 妻财卯木、
螣蛇 官鬼巳火○ 妻财寅木

断曰：官动生世，世动化进，乃有官之象。但官逢月破，世遇旬空。然空者犹有日辰相冲，冲空则实不为空矣；而破者却无日辰动爻之生，古以临日建亦生之不起，况无日建动爻以生乎？余疑之：既无所用，何故动而生世？

例 68、命之再占，又得水地比

勾陈 妻财子水、应
朱雀 兄弟戌土、
青龙 子孙申金、
玄武 官鬼卯木、世
白虎 父母巳火、
螣蛇 兄弟未土、

断曰：命若无官，官不得生世持世，今既前卦得官动生世，后卦得官临世位，食禄王家终须有日。彼问：应在何年？余曰：前卦官临月破，定于实破之年。果于巳年承袭长房世职。若以月破百无所用，霄壤之隔也。

例 69、辰月戊子日占父何日归，得乾之夬

朱雀 父母戌土○ 世 父母未土
青龙 兄弟申金、
玄武 官鬼午火、
白虎 父母辰土、 应
螣蛇 妻财寅木、
勾陈 子孙子水、

父母持世，破而化空，既无日生，又无动助，以古法断者，作用神而无气，其父不能归也。余不以此论之，竟断：朱雀临父动而持世，卯日有信，午未日必归。果于卯日得信，乙未日到家。应卯日得信者，破而逢合之日也。应未日归者，父化未土旬空，出空之日到也。

古法退神之论谓之动逢月破，我位既失，化月建，为退之不及。此卦父爻破而化空，竟退以归家。

例 70、午月癸卯日占后运功名，得艮之观

白虎	官鬼寅木、	世
螣蛇	妻财子水	妻财子水 × 父母巳火
勾陈	兄弟戌土、	
朱雀	子孙申金○	应 官鬼卯木
青龙	父母午火、	
玄武	兄弟辰土、	

断曰：寅木官星持世，申金动而克之，今年七月必有凶非。彼曰：看因何事？余曰：应动而克世，必有仇家。又问：碍于功名否？余曰：若非子水动摇，去位必矣。幸有子动接续相生，降级离任而不免耳。次日，呼予入署。有知易理之幕客而问曰：既知子水接续相生，卜书有云：忌神与原神同动，官与世爻得两生也，今冬高升之兆，如何反说离任？余曰：子水破而化空，卜书有曰：虽有如无，作原神而无用。余不依古法而断，神兆机于动，动必有因，所以断之降级而已。命下之日，若在冬至月，始有此验，倘在他月，子水而未实破，还不可知。果于七月，彼此揭参，结成大非。冬至月事结，降级调用。余彼时已往他省，复来呼唤，至彼而又卜之。

例 71、寅月丙辰日再占功名，得地泽临

青龙	子孙酉金、
玄武	妻财亥水、应
白虎	兄弟丑土、
螣蛇	兄弟丑土、
勾陈	官鬼卯木、
朱雀	父母巳火、

余曰：闻得士民保留，恐蒙不允，必待子年，仍以原品起用耳。向日知易幕客亦在坐，问曰：九五亥水生官，如何不允？余曰：被日克且入日墓也。将来子年亥水旺也，又合前卦，五爻子水值太岁而不破，起用无疑。果于甲子年巳月仍以原品起用。连补两任，卯年而开督府。

余劝辞荣，公曰：何也？余曰：仍以前卦决之。因申金克世，子虽动临破化空，不能生世生官，所以成非构怨。及子月虽则实破，其力尚轻，虽不至于削职，犹有降级之事。后值子年乃实破之年也，值太岁是以当权起用。明年戊辰是子水入墓之年，太岁克去子水，申金仍复克世。有克无生，较昔年之祸更甚。不听，果于辰年三月条陈，虽留万世芳名，而得罪解任矣。

以上之辨月破者，乃因破而动也。不动，勿以此断。

李我平曰：《易冒》之论月破，动作忌神而无害，动作元神而无赖，日辰生之而不起，百无所用之物也。《易林补遗》亦曰：如临月破之爻，不拘衰旺，更作凶推，逢生不受，遇克能招。亦谓虽有而如无也。

然观此艮之观卦，占时而值月破，不能接续相生，构讼王庭；后值月建以填实，其力尚轻，犹有降级之事；值太岁而当权，仍以原品起用；值辰年而入墓，得祸匪轻。半生凶吉，关乎一爻月破，岂可谓之有亦如无，毫无所用耶？

飞伏神章第二十八

若卦中用神不现，即以日月为用神；倘日月亦无用神者，则于本宫首卦寻之。因本宫首卦，父兄子财官六亲俱全之故耳。

假令占得天风姤卦：

父母戌土、
兄弟申金、
官鬼午火、应
兄弟酉金、
子孙亥水、
父母丑土、世

若占妻财，取财爻为用神。此姤卦以寅卯木爻为妻财，今六爻无寅卯，即是用神不上卦。如于寅卯月日占，则以日月为用神，倘非寅卯月日占，须在本宫首卦——乾卦内寻之。乾宫首卦乾为天：

父母戌土、世
兄弟申金、
官鬼午火、
父母辰土、应
妻财寅木、
子孙子水、

此卦寅木妻财在二爻，即以此寅木伏于姤卦二爻亥水之下，姤卦二爻之亥水即为飞神，寅木妻财即为伏神。亥水而生寅木，乃飞来生伏，谓之飞生。此用神不现，寻得伏神而遇生扶有用，亦为用神，便作吉断。余仿此。

又如占得天山遁。

父母戌土、
兄弟申金、应
官鬼午火、
兄弟申金、
官鬼午火、世
父母辰土、

如占子孙，取子孙为用神，此系乾宫卦，水为子孙，今六爻并无子亥水，亦是用神不现。倘在子亥月日占者，即以月日为用神，若非子亥月日，亦在乾为天卦内寻之。以乾卦初爻孙子子水伏于遁卦初爻辰土之下，辰土即是飞神，子水便是伏神，此乃飞来克伏，谓之飞克。伏神遭克害，为伏神受制，有用亦无用矣，即作凶推。余仿此。

伏神有用者有六：

- 伏神得日月生者一也；
- 伏神旺相者二也；
- 伏神得动爻生者三也；

- 伏神得飞神生者四也；
- 伏神得遇日月动爻冲克飞神者五也；
- 伏神得遇飞神空破休囚墓绝者六也。

此六者皆有用之伏神也，虽曰不现亦如现矣。

《黄金策》曰：空下伏神，易于引拨。此论近理，不独飞神空亡而伏神易出，飞神临破休囚入墓，伏神皆易出也。何也？飞神逢破墓衰空，虽有若无，所以伏神易于出现。

伏神终不得出者有五：

- 伏神休囚无气者一也；
- 伏神被日月动爻冲克者二也；
- 伏神被旺相之飞神克者三也；
- 伏神墓绝于日月或飞爻者四也；
- 伏神休囚值空临破者五也。

此五者乃无用之伏神也，伏且无力，终不能出。

《黄金策》曰：伏居空地，事于心违。余得验者，非此论也。凡伏神旺相而遇旬空，出空之日则出矣。

例 72、卯月壬辰日占候文书何日得领，得山火贲

白虎	官鬼寅木、
螣蛇	妻财子水、、
勾陈	兄弟戌土、、应
朱雀	子孙申金 妻财亥水、
青龙	父母午火 兄弟丑土、、
玄武	官鬼卯木、 世

断曰：午火父母为用神，空而伏于二爻丑土之下，压之难出，许甲午日出空必得。果得于甲午日。

例 73、酉月丙辰日占子病，得地风升

青龙	官鬼酉金、、
玄武	父母亥水、、
白虎	子孙午火 妻财丑土、、世
螣蛇	官鬼酉金、
勾陈	兄弟寅木 父母亥水、
朱雀	妻财丑土、、应

《黄金策》曰：空下伏神，易于引拨。此卦午火子孙伏于丑土之下，丑土旬空，伏神易出。许巳午日子孙出现必愈。果于午日起床。

例 74、辰月丁巳日占逃仆，得水山寨

青龙	子孙子水、、
玄武	父母戌土、
白虎	兄弟申金、、世
螣蛇	兄弟申金、
勾陈	妻财卯木 官鬼午火、、
朱雀	父母辰土、、应

占仆以财爻为用神。卯木财爻伏于二爻午火之下，午火为飞神，卯木为伏神。断曰：蹇卦申金持世，克制卯木，终不能逃。但因伏在午火之下，伏去生飞，名泄气，盗去财物，尽废于炉火之家，许甲子日拿获。果于子日得信，窝赌于铁匠之家，申时擒获，连铁匠送官。夫应子日者，子水冲克午火之飞神，生起卯木之伏神故也。《黄金策》曰：伏无提掣终徒尔，飞不推天亦枉然。此之谓也。予疑飞神午火即如铁匠，伏神卯木即是逃仆，至子日冲午而刑卯，所以二人皆被杖责。

以上用神不现，皆在本宫首卦寻之。古法又有凡得八纯首卦用神若值空破，又在他宫寻之。比如占得乾为天，内有用神空破衰绝者，往坤宫寻之，谓之乾坤来往互换。《易林补遗》又以归魂卦取亲宫第四卦也。

野鹤曰：何必如此？用神空破衰绝，祸福已知八九。何不再占一卦，自有用神，合而决之？予尝不待用神衰绝，但逢不现，虽有伏神，亦不用之，再占两卦，用神必现。

一日到一宅上，见医者满座。

例 75、卯月丙辰日占父病，得地雷复

青龙	子孙酉金、、
玄武	妻财亥水、、
白虎	兄弟丑土、、应
螣蛇	兄弟辰土、、
勾陈	父母巳火 官鬼寅木、、
朱雀	妻财子水、 世

父母用神不现，明知巳火父母伏于二爻寅木之下，旺木以生巳火，飞来生伏，必愈之症。不以此断，令再卜之。

例 76、卯月丙辰日再占父病，得山泽损

青龙	官鬼寅木、 应
玄武	妻财子水、、
白虎	兄弟戌土、、
螣蛇	子孙申金 兄弟丑土、、世
勾陈	官鬼卯木、
朱雀	父母巳火、

巳火父母明现于初爻，春占木旺火相，断之即愈，彼因病势甚危，意犹未决。

例 77、又令次子占之，得渐之巽

青龙	官鬼卯木、 应
玄武	妻财子水 父母巳火、
白虎	兄弟未土、、
螣蛇	子孙申金、 世
勾陈	父母午火× 妻财亥水
朱雀	兄弟辰土、、

余疑曰：前两卦俱当即愈，如何此卦亥水回头克父母？忽而悟曰：是也，前两卦巳火旺不受伤克，乃应目前之愈；此卦亥水克父，今冬难延。即到床前，令病人自占。

例 78、病人自占，得遁之姤

青龙	父母戌土、
----	-------

玄武 兄弟申金、 应
 白虎 官鬼午火、
 螣蛇 兄弟申金、
 勾陈 妻财寅木 官鬼午火× 世 子孙亥水
 朱雀 子孙子水 父母辰土、

此卦竟与前卦相同，再请夫人卜之，又得天山遁变天风逅。余连见此三卦，毛骨悚然。有神乎？无神乎？子占，亥水回头克父；自占，亥水回头克世；妻占，亥水回头克夫。三卦雷同，如一手排出，今冬之危，扁鹊亦难为矣。余且不言，只以前卦断目前之愈。

问诸医曰：卦中不碍，列位高见何如？曰：病势甚险，适间公议一方，对症便好，不然只看阴功德行耳。内有一位冷笑不言，余请问姓，答曰：姓寿。因私下问曰：此公之恙何如？彼曰：我可治之，不服我药，奈何？余暗嘱其子曰：太翁之病，须用姓寿者治之。次早寿姓来谢，余问将来何如？寿曰：目下不妨，今冬难保。余曰：公言与数相合，真神医也。后果绝于亥月。

余之不取伏神，多占几卦以决祸福而更稳。既知目前之生，又知将来之死，非多占之力耶？

李我平曰：古法用伏神虽有验，然伏神之衰旺休囚、刑冲克害、月破旬空，亦有难于把握者，此谓多占两卦自有用神，真秘法也。以此之秘，急欲传世，真婆心也。

或曰：多占两卦，虽有渎之，不敢再三。然亦有再占者，何为秘诀？余曰：既知再占，何故用神不现而寻伏神，伏神无用又寻互卦，互之不得又寻干化？况《易冒》变互章中所存占验，非惟牵强，且尽属错误。

例 79、戊申日占子病，得晋之剥

朱雀 官鬼巳火、
 青龙 父母未土、
 玄武 兄弟酉金○ 世 父母戌土
 白虎 妻财卯木、
 螣蛇 官鬼巳火、
 勾陈 子孙子水 父母未土、应

彼断曰：飞伏变象，皆无用神，互出水地比卦，外见坎水，即为子孙，酉金动爻生之，后亥月而痊。以余断之，《海底眼》曰：用神伏，元神摇，占病不死。此卦不独元神摇于四位，而又有日建之生。《大全》曰：用神伏，日月生之即出。此卦子水子孙伏于初爻，虽有飞神压住，既得日辰生伏，至十月，亥水当令，子孙出而逢生，明之极矣，何用互卦？

例 80、子月戊寅日占官，得困之兑

朱雀 父母未土、
 青龙 兄弟酉金、
 玄武 子孙亥水、 应
 白虎 官鬼午火、
 螣蛇 父母辰土、
 勾陈 官鬼巳火 妻财寅木× 世 官鬼巳火

彼断曰：飞爻午官已临破矣，巳官伏神长生于寅，至孟春必得升迁。以余断之，《黄金策》曰：飞爻变爻俱无用神者，始寻伏神。此卦初爻寅木变出巳火官星，孟春官遇长生，且财爻独发亦生官矣。不曰变出之官而曰伏神者，何也？幸此卦伏神变爻皆巳火也。倘后人遇他卦，亦执此为法，用变爻乎？用伏神乎？

非传世教人之法而不取也。

观干化章中之占验更为可笑：

例 81、辛卯年丙申月甲子日占子存亡，得观之萃

玄武	妻财卯木○	父母未土
白虎	兄弟申金	官鬼巳火、
螣蛇	父母未土×	世 子孙亥水
勾陈	妻财卯木、	
朱雀	官鬼巳火、	
青龙	子孙子水	父母未土、应

彼断曰：水为子孙不现，却得丙月辛年，丙辛化水，后至亥月甲辰日，申子辰合成水局，亥月而归。
余断曰：世爻未土发动化出亥水子孙，是亥月即见子也，世与子孙亥卯未三合成局，明明父子相逢，何故而取干化？即使卦中亥水不现，子水日建亦作用神，叠叠用神而不取，左支右吾，以取干化，是误后人，非教后人也。

进神退神章第二十九

进神退神者，爻动化同类者也。化进化退，吉凶祸福有喜忌之分，所喜者宜于化进神，所忌者宜于化退神。

进神：寅化卯、申化酉、丑化辰、未化戌。

退神：卯化寅、酉化申、戌化未、辰化丑。

案：亥子、巳午、辰未、戌丑之间不可能化进退。

进神由此而进也，如春临草木，日日增绿。退神由此而退也，如秋临草木，渐渐凋零。

例 82、申月癸卯日占乡试，得恒之大过

白虎	妻财戌土、应	
螣蛇	官鬼申金×	官鬼酉金
勾陈	子孙午火、	
朱雀	官鬼酉金、	世
青龙	兄弟寅木	父母亥水、
玄武	妻财丑土、	

断曰：酉金官星持世，旺相当时，卯日冲之而暗动。又得九五爻申官化进神拱扶帮助。不独今秋折桂，来春定占鳌头。后果得联捷。

例 83、酉月庚戌日占何年生子，得屯之节

螣蛇	兄弟子水、	
勾陈	官鬼戌土、	应
朱雀	父母申金、	
青龙	妻财午火	官鬼辰土、
玄武	妻财寅木×	世 妻财卯木

白虎 兄弟子水、

断曰：寅木子孙持世而化进神，寅木旬空，卯木空而且破，许之寅卯年，实空实破，一定连生。此人年未三旬，妻无所出，婢女极多。子年占卦，及至寅卯年，妻婢同生，自三十一以至四十五岁，连生九子。

古以动日月而化空破，且许不进，此卦旬空化空破，亦能进也。

例 84、卯月乙丑日占求婚成否，得噬嗑之比

玄武 子孙巳火○ 父母子水
白虎 妻财未土× 世 妻财戌土
螣蛇 官鬼酉金○ 官鬼申金
勾陈 妻财辰土、
朱雀 兄弟寅木、应
青龙 父母子水○ 妻财未土

断曰：财爻持世化进神，巳火子孙动而生世，但因巳火化子水回头之克，必待午日冲去子水，午火又合世爻，其婚必成。果于午日允婚。或曰：间爻酉金鬼动，岂无阻耶？余曰：鬼化退神，虽有阻而无力也。

此卦世爻未土动化旬空，古以临日月而化空且不能进，今动散而化空，亦能进矣。

例 85、酉月甲辰日因被弹劾占自陈何如，得师之明夷

玄武 父母酉金、应
白虎 兄弟亥水、
螣蛇 官鬼丑土、
勾陈 妻财午火× 世 兄弟亥水
朱雀 官鬼辰土○ 官鬼丑土
青龙 妻财寅木× 妻财卯木

断曰：元神世化回头之克，用神官化退神，忌神子孙化进神，三爻皆非吉象，大凶之兆。果于次年革职拿问。

古以动日月化空破谓之不退，此卦子孙寅木动休因而化空破，进者进而退者竟退。

例 86、丑月丙戌日占父有信至，已起程我去迎之可能遇否，得蹇之旅

青龙 子孙子水× 官鬼巳火
玄武 父母戌土○ 父母未土
白虎 兄弟申金× 世 兄弟酉金
螣蛇 兄弟申金、
勾陈 妻财卯木 官鬼午火、
朱雀 父母辰土、应

断曰：父化退神，父已归矣；世化进神而欲去，且父爻生世一定相逢，必相会于未日。果得遇未日。应未日，戌父化未，又破又空，至未日乃实空实破之日也。

若执古法动日月而化空破，谓之不退，岂有归来之日也。

例 87、戌月癸巳日占本年冬能得官差否，得节之需

白虎 兄弟子水、
螣蛇 官鬼戌土、

勾陈 父母申金、应
朱雀 官鬼丑土× 官鬼辰土
青龙 妻财卯木、
玄武 妻财巳火、世

断曰：丑土官动化进神，许丑月必得。后果得于丑月。古以动日月而化空破，谓之不进，此卦动非日月而化破，亦能进也。

例 88、未月丁卯日占功名终得出仕否，得同人之革

青龙 子孙戌土○ 应 子孙未土
玄武 妻财申金、
白虎 兄弟午火、
螣蛇 官鬼亥水、世
勾陈 子孙丑土、
朱雀 父母卯木、

断曰：若以古法断者，子孙动而克官，终身而无官也。余许辰年出仕。何也？戌土子孙虽动幸化退神，不克官也，辰年冲去戌土，是以许之。果于辰年得选。岂可谓之动空化日月而不及退也。

例 89、申月辛卯日自占病，得夬之大壮

螣蛇 兄弟未土、
勾陈 子孙酉金○ 世 子孙申金
朱雀 妻财亥水、
青龙 兄弟辰土、
玄武 父母巳火 官鬼寅木、应
白虎 妻财子水、

此公因抱危症而占。断曰：子孙持世，明日辰日必遇良医。果于次日用针而愈。或曰：子孙化退神，何其用药亦效？余曰：动变皆属秋金，旺相得令，占近事岂可曰退？若占久远之事，待休囚之时而退者是也。古以动破散而化日月无阶无路，谬也。

例 90、丑月癸卯日占妻病服药可愈否，得临之泰

白虎 子孙酉金、
螣蛇 妻财亥水、应
勾陈 兄弟丑土、
朱雀 兄弟丑土× 兄弟辰土
青龙 官鬼卯木、世
玄武 父母巳火、

断曰：兄动化进，灵丹莫救。其妻死于辰日。此乃兄动临月建而化旬空，亦可谓之不进耶？

例 91、戌月癸未日占病，得乾之夬

白虎 父母戌土○ 世 父母未土
螣蛇 兄弟申金、
勾陈 官鬼午火、
朱雀 父母辰土、应
青龙 妻财寅木、

玄武 子孙子水、

断曰：久病逢冲莫治，又是父爻持世，妙药难医。虽化退神，非病退也，乃精神命脉渐渐消枯之象也，防日月冲破未土而无路矣。果卒于丑月。

例 92、戌月己卯日占母血崩一年有余，得同人之解

子孙戌土○ 应 子孙戌土
妻财申金○ 妻财申金
兄弟午火、
官鬼亥水○ 世 兄弟午火
子孙丑土× 子孙辰土
父母卯木○ 父母寅木

断曰：卯木父母临日建，戌土生申金，申金生亥水。丑土化进神以本可阻塞亥水，因其化破，此父母爻得旺相之亥水生，精血太旺。至丑月土旺，令父母爻既无水养且化退神，正绝其源，源绝则危险。果卒于丑月。此乃父临日建不化空破，亦能退也。

武陵本断：卯木父母，值临日建，上爻戌土，以生申金，申金生亥水，若非丑土化进神，以塞其水，则此父母爻得兹接续相生，灾难除而何碍？今父母木爻既乏水养，且化退神，精血大败，淹至丑月，旺土以绝其源，当防危笃。果卒于丑月。此乃父临日建，不化空破，而亦能退也。

血崩：子宫出血病的一种，多由子宫病变、阴道构造异常或发生癌症等引起，症状是经期中出血量正常而经期以外常有流血现象。亦称崩症）

例 93、卯月癸酉日占父近病，得萃之否

白虎 父母未土× 父母戌土
螣蛇 兄弟酉金、 应
勾陈 子孙亥水、
朱雀 妻财卯木、
青龙 官鬼巳火、世
玄武 父母未土、

断曰：未土父母动化进神，戌值旬空，近病逢空即愈，许次日退灾。果于甲戌日出空即愈。

此乃父爻休囚而化空也，若以古法动日月化空破尚且不进，今休囚而化空，可得愈耶？

例 94、辰月癸丑日占流年，得困之解

白虎 父母未土、
螣蛇 兄弟酉金○ 兄弟申金
勾陈 子孙亥水、 应
朱雀 官鬼午火、
青龙 父母辰土、
玄武 妻财寅木、世

断曰：世爻寅木值旬空，忌神酉金摇于五位，古法谓之避空。余以为谬也，此时逢空，出空一定遭伤。后卒于六月。应未月者，未土乃世爻之墓，已被丑日冲开，谓之开墓以待也，被克而入墓，宁有不死者也？

或问：酉金化退神，如何克木？余曰：三土生酉金，旺而不退。

例 95、辰月乙丑日占妻母病，得随之否

玄武	妻财未土 ×	应	妻财戌土
白虎	官鬼酉金、		
螣蛇	子孙午火	父母亥水、	
勾陈		妻财辰土、、世	
朱雀		兄弟寅木、、	
青龙	父母子水○		妻财未土

断曰：子水父爻动化未土回头克，上爻未土又化进神以克父，须防戌日。果卒于甲戌日，乃戌土出空之日也。

古法散如无也，此卦未土发动，丑日冲之，又化旬空月破，竟不见其散也。

例 96、申月乙卯日占出行，得屯之节

玄武	兄弟子水、、		
白虎	官鬼戌土、	应	
螣蛇	父母申金、、		
勾陈	妻财午火	官鬼辰土、、	
朱雀		子孙寅木 ×	世 子孙卯木
青龙		兄弟子水、	

断曰：世临寅木动而化进神，合当就行，因系月破，目下未必能行，出月方可。后至亥月方行。由燕至粤，次年八月归来。余曰：途中安否？彼曰：往来托庇平安。余以子孙持世化进神知其平安，故问之耳。夫应亥月行者，破而逢合之月也。

此乃动破化日辰，岂可谓之不能进耶？

例 97、辰月己未日占兄何日归来，得履之兑

勾陈	兄弟戌土○	兄弟未土
朱雀	子孙申金、	世
青龙	父母午火、	
玄武	兄弟丑土、、	
白虎	父母午火	官鬼卯木、 应
螣蛇		父母巳火、

断曰：兄动化退，已有归志。但因戌逢月破，在外诸事未遂，六月可望。后至戌月方回，乃应实破之月也。

此乃动破而变日月，岂可谓之退不及也？

例 98、辰月乙未日父占子病，得大有之睽

玄武	官鬼巳火、	应
白虎	父母未土、、	
螣蛇	兄弟酉金、	
勾陈	父母辰土○	世 父母丑土
朱雀	妻财寅木、	
青龙	子孙子水、	

同时，祖父又占孙，亦得此卦，如出一手。父母临月建化退神，此子死于次日。

例 99、卯月丙寅日衙役占官府升否，得解之困

青龙 妻财戌土、
玄武 官鬼申金× 应 官鬼酉金
白虎 子孙午火、
螣蛇 子孙午火、
勾陈 妻财辰土、 世
朱雀 父母子水 兄弟寅木、

断曰：官动化进神，秋来得令必迁。后报升于巳月。应巳月者，动而逢合之月，申金又长生于巳。

此乃动散而化破，岂可谓之不进耶？

例 100、酉月乙丑日占乡试，得兑之讼

玄武 父母未土× 世 父母戌土
白虎 兄弟酉金、
螣蛇 子孙亥水、
勾陈 父母丑土、应
朱雀 妻财卯木、
青龙 官鬼巳火○ 妻财寅木

断曰：未父化进神，巳火官动而生世，吉兆显然，坐以待报。果于寅日揭榜，中第八名。

古法动破散化日月尚不能进，此卦动散化空亦能中矣。

例 101、未月丁丑日占母路隔千里何时来，得大有之井

青龙 官鬼巳火○ 应 子孙子水
玄武 父母未土× 父母戌土
白虎 兄弟酉金○ 兄弟申金
螣蛇 父母辰土、 世
勾陈 妻财寅木、
朱雀 子孙子水○ 父母丑土

断曰：卦初爻子水化出丑父，子与丑合，被合不来，未父化进神，亦应不来，幸得未土生起酉金兄爻，兄化退神而合世，父母必不来，兄弟必来。彼曰：有妹无弟。果于次年三月妹至。

此乃兄弟动空化空，爻空亦能退也。

例 102、未月辛未日占开金银器皿店，得噬嗑之屯

螣蛇 子孙巳火○ 父母子水
勾陈 妻财未土× 世 妻财戌土
朱雀 官鬼酉金○ 官鬼申金
青龙 妻财辰土、
玄武 兄弟寅木、应
白虎 父母子水、

妻财持世化进神，乃久远丰隆之象。余曰：代尔择甲戌日开张，管许大发。果开市于戌日，至今此店

尚开，累年丰盛。

此乃动日月而化空，岂可谓之不进耶？

野鹤曰：夫进神之法有四。

- 动旺相而化旺相，乘势而进者，一也。
- 动休囚而化休囚，待时而进者，二也。
- 动爻变爻有一而值衰，待旺相之日而进者，三也。
- 动爻变爻有一而值空破，待填实之日而进者，四也。

退神之法亦有四。

- 动旺相而化旺相，或有日月动爻生扶，占近事得时而不退者，一也。
- 动休囚而化休囚，及时而退者，二也。
- 动爻变爻有一而旺相，待休囚之时而退者，三也。
- 动爻变爻有一逢空破，待填实之日而退者，四也。

李我平曰：初阅《易冒》论进神，有大进、不进、不能进之说，只谓近理。后见“动临日月而化空破，无阶无路，谓之不进”，故知谬也。动爻既临日月，逢空不空，逢破不破，况化空破耶？日月如天，虽化空破，如浮云之掩日，实空实破之期即是云开雾散。司令当权，何以谓之不进？

又曰：动值破散而变日月，谓我位既失，何以得前？殊不知既动而破，自有实破之期；既动而散，自有填实之日。况化日月，名为化旺，后日填实愈旺愈强，何以谓之不前？

伊存格式：申月卯日，占兄弟，得兑之丰。

父母未土、、世

兄弟酉金○ 兄弟申金

子孙亥水、

父母丑土× 应 子孙亥水

妻财卯木○ 父母丑土

官鬼巳火、

酉爻兄弟被卯日冲，虽化申为月建，亦不及退。

夫不退者，是也；谓不及退者，谬也。彼之月将章云：爻临月将，逢散不散。七月之酉金，虽非月将，难曰不旺，况化月建，动变尽属坚金，帮助共扶，如山如冈，卯日焉能冲散？他章俱存占验，独此章只存数式。余故知其乃揣摩之说，非经验而得也。

随鬼入墓章第三十

古有日墓、动墓、化墓，谓之三墓。又有世爻随鬼入墓、本命随鬼入墓、卦身随鬼入墓、世身随鬼入墓。谓一卦之中，不必看刑冲克害破散绝空，凡占疾病凶危之事，只以随鬼入墓即知凶吉也。

觉子曰：执此数论，若逢辰戌丑未之日，竟不敢占卦。何也？非世爻临鬼即卦身临鬼，非世身临鬼即本命临鬼。然又不独辰戌丑未日，他日亦不敢占。何也？十卦之中不免有二三墓爻发动，非世命而入，即二身而入。及动而化墓，非世爻动化，即二身动化，再不然难保其本命不化墓也。

余屡于疾病之占，卦卦留神，见世爻旺者，二身随鬼入墓而不死也，本命随鬼入墓亦不死也。化墓不死，动墓亦不死也。存而留验，不验又试，试之不验，而再试之，一而十，十而百，全不验者，始尽删之。纵使世爻用爻随鬼入日墓入动墓或动而化墓，亦是休囚无气始见凶危，若旺而有扶亦有救解。

例 103、申月戊辰日占夫病，系癸亥命，得同人之离

朱雀 子孙戌土、 应
 青龙 妻财申金○ 子孙未土
 玄武 兄弟午火、
 白虎 官鬼亥水、 世
 螣蛇 子孙丑土、
 勾陈 父母卯木、

妻占夫，官鬼亥水为用神，墓于辰日，乃夫星夫命皆入墓也，古法断之必死。余曰：不独不死，明日愈。何也？辰日冲动戌土以生申金，因用爻亥水空亡不受其生，明日己巳冲实亥水，得遇金生，其病自失。果于次日大愈。

例 104、戌月甲寅日占会试可能联捷否，得小过之艮

玄武 父母戌土× 妻财寅木
 白虎 兄弟申金、
 螣蛇 子孙亥水 官鬼午火○ 世 父母戌土
 勾陈 兄弟申金、
 朱雀 妻财卯木 官鬼午火、
 青龙 父母辰土、 应

断曰：世爻随官入三墓，动墓、化墓、又入月建之墓，明岁辰年冲开墓库，发榜之期又遇辰月，冲开三墓，不独联捷，定然鼎甲。日月与世爻合成官局，旺相当时，卦之全美，如玉无暇。果然传胪三唱。

例 105、申月己丑日占病，系壬申命，得雷风恒

勾陈 妻财戌土、 应
 朱雀 官鬼申金、
 青龙 子孙午火、
 玄武 官鬼酉金、 世
 白虎 兄弟寅木 父母亥水、
 螣蛇 妻财丑土、

断曰：此卦申命随鬼入墓，世爻随鬼入墓，世身又落旬空，卦身又临月破，若执古法断之，百无一生。余因世爻旺相，许未日愈。果起床于未日。应未日者，冲开丑墓之日而出也。

古法以墓为沉滞昏迷之象，此说近理。此人病中不思汤药，昏昏沉沉，至未日突然苏醒，不药而愈。岂可一概谓之随鬼入墓耶？

例 106、未月戊辰日占已定重罪，可蒙赦免否，得蛊之损

朱雀 兄弟寅木、 应
 青龙 父母子水、
 玄武 妻财戌土、
 白虎 官鬼酉金○ 世 妻财丑土
 螣蛇 父母亥水、

勾陈 妻财丑土 × 子孙巳火

断曰：世爻随鬼入动墓，又动而化墓，古以为凶，余以为吉。断日月生世，丑墓月破，破罗破网，容易而出，明岁酉年定蒙赦免。果于次年辰月，援赦而出。

余因屡试而得验者，只世爻入墓，有三：随鬼入日墓，入动墓，动而化墓。此三墓者，自占看世爻，旺相者非真；代占看用神，旺相者非真。惟世爻、用神休囚被克，而又入墓者，是也。墓神被日月动爻冲破，亦非真也，盖墓破如网破，容易而出矣。

占功名，世旺得地，冲开墓库之年月成名，世若空破休囚，始终难成。占身命，世旺得地，冲开墓库之年月发迹，世爻空破休囚，终身寂寞，如日月以无光也。占出仕出行，世旺得地，冲开墓库之日月遂心，世若空破休囚，多见去而不返。占求财图利，世旺者，冲墓之日月而成，若空破休囚，终无成日。占婚姻，世旺得地及财爻有气而生世者，冲墓之日月而成，若空破休囚，则难成。占行人，用神旺者，化墓或入动墓者必归；若空破休囚，非病于他乡即流落异境。占疾病，世旺者，冲开之月日而愈；休囚空破，冲开之月日而危；近病者，空则无妨，出空即愈。占胎产，财爻、子孙入动墓化墓者，旺则冲墓之日月即生。财爻空破休囚，妻遭产厄；子孙空破休囚，子必危亡。占入公门，世旺得地，冲墓之年月如心；空破休囚，常遭枷锁刑狱。占家宅，世旺者，或得财爻生世，冲开之年月兴家；空破休囚，身衰家破。占祖茔者与家宅同，惟占新茔未葬者，旺相休囚皆不宜也。占偷关逾险，世爻旺相，又得生扶，虽无危，忧心难释，鬼在身边故耳。占狱讼者，世旺得出，休囚空破者，不免于凶。占讼事，世旺者得理，空破休囚被克者，必遭刑狱。

以上诸占世爻若旺，墓爻而值空破，待墓爻填实之日月而吉；世爻空破休囚者，又在墓爻填实之日月而凶。

古以世临破鬼入墓，如占防患，祸患潜消。余以为非。月破即为大白虎鬼，目下虽无妨，实破之年月非吉。

例 107、申月己未日占贼来否，得大畜之泰

勾陈	官鬼寅木○	子孙酉金
朱雀	妻财子水、应	
青龙	兄弟戌土、	
玄武	子孙申金 兄弟辰土、	
白虎	父母午火 官鬼寅木、 世	
螣蛇	妻财子水、	

彼时土贼兴发，常去常来，乡人了无宁日。一日忽报贼来，此人携妻而避，因小女未随，复去抱女，同遭贼害。夫应自身之死者，世临破鬼而入日墓也；女之死者，上爻鬼变子孙之故耳。岂可谓世临破鬼，祸患消耶？

鬼临月破，动者不验。

李我平曰：此论随墓，令人刮目。每卦之动墓、化墓多见，倘再遇辰戌丑未之日，叠叠墓爻，若再兼世命二身，非此即彼以入墓也，何暇他论哉？况诸书竟不言及旺衰，随墓概以不吉断。如占功名者，旺官临身，岂可曰履仕途而不返？占防灾者，世临月破又随鬼入墓，岂可曰无忧？颠倒凶吉，不得不正之。

独发章第三十一

五爻俱动，一爻不动，谓之独静。五爻不动，一爻独动，谓之独发。

事之成败，由乎用神；应期迟速，亦由乎用神。由乎独发独静，古有验之，余试亦有验也，皆在事应验之后，始会神机，初非敢执之而断祸福与应期也。况卦得独静者虽少，而独发者多，如舍其用神，执之而决事者，谬也，迂也。

例 108、辰月甲午日占迎请父王灵柩允否，得大有之离

玄武 官鬼巳火、 应
白虎 父母未土、
螣蛇 兄弟酉金、
勾陈 父母辰土、 世
朱雀 妻财寅木○ 父母丑土
青龙 子孙子水、

彼有门客知易，谓寅木一爻独发，化出丑父，乃应正月得见父灵。余曰：此隔靴搔痒也。卦中父爻持世，但被寅木克制，乃身不能动，灵亦不能动也。欲身动而见父灵，必待冲开寅木之年月也。

例 109、迟月余于巳月丁卯日复占，得革之既济

青龙 官鬼未土、
玄武 父母酉金、
白虎 兄弟亥水○ 世 父母申金
螣蛇 妻财午火 兄弟亥水、
勾陈 官鬼丑土、
朱雀 子孙卯木、 应

余曰：此卦正与前卦相合，前卦应冲开寅木者，申也。此卦世化申金回头生，亦应申月。世临虎动，因丧事而行，且卯日冲动九五，又来生世，今年申酉月必蒙恩允。眼下月破，万万不能。后应申年请准，酉年迎灵而归。

两卦皆是独发，可执之耶？

例 110、午月甲申日担心涨水冲去麦子，占何日晴，得同人之革

玄武 子孙戌土○ 应 子孙未土
白虎 妻财申金、
螣蛇 兄弟午火、
勾陈 官鬼亥水、 世
朱雀 子孙丑土、
青龙 父母卯木、

友执此卦而问余曰：戌土子孙一爻独发，昨日丙戌，定应大晴，如何还雨？余曰：尔忧麦被水冲，神以子孙发动克去身边之鬼，示尔勿忧，非应晴也。虽则目下不晴，决不涨水。即以此卦而决阴晴，卯日必大晴也。彼曰：何也？余曰：动而逢合之日，晴则尔无忧也。果于卯日大晴。

例 111、辰月甲午日占开煤窑，得家人之益

玄武		兄弟卯木、	
白虎		子孙巳火、	应
螣蛇		妻财未土、、	
勾陈	官鬼酉金	父母亥水○	妻财辰土
朱雀		妻财丑土、、	世
青龙		兄弟卯木、	

丑土财爻持世，日生之，许其可开。彼问：应何时见煤？余曰：财静未月冲开，应在六月。及至六月，竟不见煤。歇而开，开而歇，未年占卦，至亥年辰月始得见煤。此乃应于独发亥水化辰土，年月俱应。断卦之时，谁以亥年辰月而断耶？

例 112、寅月庚戌日占女病，得未济之蹇

螣蛇		兄弟巳火○	应	官鬼子水
勾陈		子孙未土×		子孙戌土
朱雀		妻财酉金○		妻财申金
青龙	官鬼亥水	兄弟午火×	世	妻财申金
玄武		子孙辰土○		兄弟午火
白虎		父母寅木、		

古有以独静之爻而断应期，譬如此卦，寅木独静，若不看用神，断寅日生也？断寅日死也？余以此卦土为子孙，虽则休囚，得巳午火动而生之。未土子孙化进神，辰土子孙化回头生，许之寅日当愈。然亦不敢竟断，命伊母再占一卦。

例 113、寅月庚戌日，又得姤之无妄

螣蛇		父母戌土、	
勾陈		兄弟申金、	
朱雀		官鬼午火、	应
青龙		兄弟酉金○	父母辰土
玄武	妻财寅木	子孙亥水○	妻财寅木
白虎		父母丑土×	世 子孙子水

亥水子孙化寅木空亡，近病逢空即愈，出空之日亦寅日也，与前卦相合。余曰：寅日大愈，目下病体虽重，管许无虞。果于寅日，沉痾复醒。

此虽应前卦一爻独静，必因用神之旺也，又得后卦显然，方敢以寅日决之。

李我平曰：《易冒》以吉凶之生由乎动，所以重于动而轻于用。事应之来，不验于用神而验于卦象。此教人重于独静独发，不用用神者明矣。又曰：独发独静可定应期，吉凶须审用。此又教人重于用神也。又云：虽不离用而亦不执于用。此又教人用用神耶？不用用神耶？留书传世，须一字开后人之茅塞，一言破千古之疑惑。即曰用用神，又曰不用用神，既无定，何以为法？得此可以醒世。

两现章第三十二

用神两现，如占父母，卦中两父母爻者是也。

舍其休囚，用其旺相；舍其静爻，用其动爻；舍其月破，而用不破；舍其旬空，用其不空；舍其被伤，用其不伤。此古法也。余得验者，多应乎旬空月破。舍其不空，而用旬空；舍其不破，而用月破。

例 114、未月庚子日占求财，得小畜

滕蛇	兄弟卯木、
勾陈	子孙巳火、
朱雀	妻财未土、、应
青龙	官鬼酉金 妻财辰土、
玄武	兄弟寅木、
白虎	父母子水、 世

断曰：应临月建之财以克世，许之必得。彼问：何时到手？余以次日辛丑日冲动未财日得，却得于辰土出空之日。

此乃舍其不空而用旬空。

例 115、未月甲午日占升迁，得师之涣

玄武	父母酉金×	应	子孙卯木
白虎	兄弟亥水×		妻财巳火
滕蛇	官鬼丑土、、		
勾陈	妻财午火、、世		
朱雀	官鬼辰土、		
青龙	子孙寅木、、		

断曰：世爻极旺，既临日建，又得月令作官星而合世。但卦中官星两现，一空一破，至辰年，辰土之官出空，一定高擢。然反吟于外卦，常得验者，去而复来。寅年占卦，果于辰年调于河南，五月因他故，又调回楚，十月而开督府。一年两调一升，皆应实空之年也。

例 116、亥月丙午日母占子何日脱厄，得豫之归妹

青龙	妻财戌土、、	
玄武	官鬼申金、、	
白虎	子孙午火、 应	
滕蛇	兄弟卯木、、	
勾陈	子孙巳火×	兄弟卯木
朱雀	父母子水 妻财未土×	世 子孙巳火

余见卦中三现子孙，俱生世爻，午逢日建而静，两爻巳火逢月破，许巳年脱厄。果脱厄于巳年。应巳年者，实破之年也。

此乃卦中用神三现，而用逢破之爻也。

野鹤曰：余竟以月破而断年者，非仅凭此一卦也。因此位老夫人之长子携印弃封疆而归，本人自身占过，申金子孙发动，动逢合乃应巳年；弟又占兄，申金兄动亦应巳年；此卦巳火子孙回头生世，虽逢月破，合前二卦故敢许以巳年。

卜易者，一则要灵机达变，二则卦要留神记之。若不留心记得前卦，此卦午火日建生世，何不许其午年？况午岁又是合世之年，何敢许其巳年？许巳年者，因合前卦而断也。

星煞章第三十三

太乙贵人

甲戌庚牛羊，乙巳鼠猴乡。
丙丁猪鸡位，壬癸兔蛇藏。
庚辛逢马虎，此是贵人方。

假令甲戌庚日占卦，爻中见丑未者即是贵人。余仿此。

禄神

甲日到寅、乙初到卯、丙戌禄在巳、丁己禄居午、庚禄居申、辛禄在酉。

假令甲日占卦，爻中见寅为禄。乙日占卦，爻中卯为禄。余仿此。

驿马

申子辰马到寅、巳酉丑马在亥、寅午戌马居申、亥卯未马在巳。

假令申日、子日、辰日占卦，爻中见寅即为马。余仿此。

天喜

春戌、夏丑、秋辰、冬未。

假令春天正月占卦，爻中见戌即为天喜，三月虽以戌为天喜，又为月破，若发动于卦中扶助旺相之用神者，以之为喜，不以为破。余仿此。

诸书星煞最多，余留心四十余载，独验贵人、禄神、驿马、天喜，然不能独操祸福之权，用神旺者见之愈吉，用神失陷虽有如无。

李我平曰：伏羲观奇偶以判阴阳，文王以爻辞而断凶吉，周公之后，决祸福于五行，易道穷矣。今兼吉凶煞星，不知起自何人。丧门、拓墓、大杀、飞鹰，加此险语惊人，往往全无应验。《易冒》疾病章云：卜卦不死，星煞不死，用神生者即生，用神死者必死。余以为得理，及至星煞章中，反增许多神煞，出尔反尔，后学何从？即如此书得验贵人禄神驿马，亦必附和用神之旺相，既不能独操祸福之权，余亦以为不用亦可。诚意先生《千金赋》曰：吉凶神煞之多端，何如生克制化之理？一言以蔽之矣。

增删《黄金策千金赋》第三十四

动静阴阳，反复变迁。

前卷动变章注解明白。

太过者，损之斯成。

旧注：主事爻重叠太多，事不专一，故宜损之。且如土为主事爻，卦中多逢丑戌辰未，谓之太过。须待寅卯月日克制土爻，然后成事。或占时得遇寅卯月日者亦好。

野鹤曰：不独后逢寅卯月日，后逢辰月辰日者，亦许成事，何也？辰乃土之墓库，谓之用爻重叠，须墓库以收藏是也。余仿此。

不及者，益之则利。

旧注：何谓不及？若主事爻只有一位，又不旺相，谓之不及，其事难成。且如金为主事爻，若在夏天占得，即为休囚无气，若得日辰动爻生之，或待后来逢生助之日月，皆有利益，其事亦成。

野鹤曰：余以此论是理。但要主事爻原有根蒂，衰而逢生者，如旱苗得雨，勃然而兴也。故谓之有扶有助，衰弱休囚亦吉。只恐衰弱无根、休囚失陷，虽逢生合，亦难生矣。岂不闻制中弱主，难以维持？

生扶拱合，时雨滋苗；克害刑冲，秋霜杀草。

前五行生克、三合六合章、月将日辰章，三刑六害章，注解极明。

长生帝旺，争如金谷之园。死墓绝空，乃是泥犁之地。

前生旺墓绝章、空亡章详之。

日辰为六爻之主宰，月将是万卜之提纲。

前日辰月将章详之。

最恶者岁君，宜静而不宜动。

岁君者，乃当年之太岁也。若明动或暗动冲克世爻，占年运者，一年挠括；占官事者，必于朝廷。士子占试，仕宦占官，及面圣、上书、叩阍、诤谏、请封、请荫等事，皆宜太岁生合世爻，动而生世更吉，最忌刑冲克世。

除此数占之外，皆与他爻等也。何也？太岁虽司一年之令，尊而不亲，高而难仰。吉凶皆不及乎日月。古以太岁不理家庭细事，此理是也。所以，太岁冲爻为岁破，不以为凶；太岁合爻为岁合，不以为吉。爻之衰者，太岁不能生之；爻之强旺者，太岁不能制之。遇月破者即破，逢旬空者即空，非比月建日建之力也。

野鹤曰：作当年之祸福，不以为重，作后时之吉凶，其实不轻。且如主事爻属木，爻中申酉金动，谓之木被金伤，纵使木旺金衰，目下可保无事，后遇申年酉岁难免其殃。

例 117、巳月壬子日占乡试，得水地比

白虎 妻财子水、、应
 螣蛇 兄弟戌土、
 勾陈 子孙申金、、
 朱雀 官鬼卯木、、世
 青龙 父母巳火、、
 玄武 兄弟未土、、

断曰：父爻巳火值月建，文星旺矣，独嫌官星持世，卯木旬空，许之卯科方得遂意。子年占，果于卯年登科。应卯年者，太岁填实不空也。

不验者身位，宜删而不宜存。

旧系：最要者身位，喜扶不喜伤。原注：古用世身而不验，故用卦身。野鹤曰：卦身亦不验，只用世爻。或曰：间有验者。余曰：比之用世爻，百发百中也。间有之验，乃偶然凑合耳，何足为法？

世为己，应为人，大宜契合。

世为自己，应为他人，凡占彼此之事，兼而用之。欲他扶助我者，喜应爻生合世爻。我欲代他而谋事者，宜世爻生合应爻。非占彼此而不用也。

例 118、卯月辛巳日占自陈何如，得恒之升

螣蛇	妻财戌土、、应	
勾陈	官鬼申金、、	
朱雀	子孙午火○	妻财丑土
青龙	官鬼酉金、	世
玄武	兄弟寅木	父母亥水、
白虎	妻财丑土、、	

断曰：酉官持世破且空，又动出午火相克，不独削职，须防五六月还见凶灾。或曰：幸得世应相生，又变升卦，必有救解。余曰：自占自陈，与应何干？此迂腐之论也。果于五月下狱。

动为始，变为终，最怕交争。

动爻为事之始，变爻为事之终，宜生合，不宜冲克。

应位遭伤，不利他人之事；世爻受制，岂宜自己之谋。

自占者，宜世爻旺相，或临日月，或日月动爻扶助，或动而化吉，诸占皆吉。

占他人者，以应爻为用神。喜他旺者，宜临旺相之地，又宜日月动爻生扶；喜他衰者，宜临墓绝空破之乡，及日月动爻而冲克。

世应俱空，人无准实。

世空自己不真，应空他人不实。世应俱空，彼此皆无准实。谋事有阻，事属荒唐。

内外竞发，事必翻腾。

卦中动爻少者，吉凶自有条理，容易剖断。若内卦外卦纷纷乱动，则吉凶不定，必人情不常，事体反复，全无定论之象。须再占一卦，合而决之。

世或交重，两目顾瞻于马首。应如发动，一心似托于猿攀。

旧注：世应皆不宜动，动则反复不常，如马首而不定，似猿攀以无宁。

野鹤曰：吾不敢以之为是，亦不敢以之为非。此乃用神不旺，大象不成之说也。若用爻得地，大象当成，世动不受克制，应动生合世爻，图事成之更速。

用爻有气无他故，所作皆成；主象徒存更被伤，凡谋不遂。

用爻及主象，即主事之爻也。或旺相，或有生扶，或有气，并无他爻克制，事之必成。倘衰弱无力又

逢克制，虽则出现亦无用矣。

空逢冲而有用。

爻遇旬空，空逢冲而有用。得遇日辰冲者，谓之冲空则实，不惟不空，反为有用。倘动而空者，日辰冲之而更实。

合遭破以无功。

旧注：爻逢相合，如两人同心，事必克济。若日月动爻冲克者，又为合处逢冲。须防小人挑唆，合好之中以生疑忌。如占自为之事者，亦被旁人挑阻，我事难成。

野鹤曰：余得验者，凡三合六合，虽不宜目下日月动爻冲克，又宜后来之月日冲开。正所谓如逢合住，冲破成功。且如爻中寅与亥合，若在申巳月日占者，申冲寅、巳冲亥，名为合处逢冲。若非申巳月日占者，必待后逢申巳月日方成其事。余仿此。

古以不动亦谓之合，非也，两爻皆动，始为合也。

动空化空，皆成吉凶。

旧系：动空化空，必成凶咎。

余得验者，动不为空，动而化空，亦不为空，吉凶皆应冲空实空之日，予故更之。

刑合克合，终见乖淫。

旧注：合者，和合也，见之为吉。殊不知合中有刑有克，毕竟不合。如用未字为财爻，午字为福神，因午字带自刑，名为刑合，不以为合，而为刑也。

野鹤曰：午既自刑，乃自有刑害之祸，得福神而作合，是救解其祸矣，反不为吉者，非也。余尝得验，世爻午火，化未相合，已定重刑，后竟得蒙赦免。

动逢合而绊住。

旧注：忌神动，逢日月相合，则不成凶；原神动，逢日月合住，则不济事。

此亦有理，但余得验者，后逢冲开之日月，吉凶俱成。

例 119、未月庚寅日占官运，得革之既济

螣蛇	官鬼未土、、
勾陈	父母酉金、
朱雀	兄弟亥水○ 世 父母申金
青龙	妻财午火 兄弟亥水、
玄武	官鬼丑土、、
白虎	子孙卯木、 应

断曰：世临亥水，今岁子年，太岁拱扶；九五酉金，虽不发动，亦含生世之意；世爻又化回头生，又得日辰相合；六爻未土官星，当权得令。仕途平坦，如水以行舟也。惟疑权操两省，不为不富，如何兄爻持世，财伏被克？此美中不足也。公问：后日何如？余曰：防巳年太岁冲亥刑申，不无蹭蹬。恐荣归之日只落得四海一空囊耳。果于巳年被论，宦囊消索。

此乃世逢合而绊住，逢冲之年月则开矣。

静得冲而暗兴。

暗动章注解极明。

入墓难克。

旧注：墓者，滞也。忌神入墓不克用神。且如木为用神，金为忌神，若在丑日占者，金入日墓矣，焉能克木？卦中动出丑爻，亦同此推。金爻动而化丑，亦是。余仿此。

野鹤曰：是则是也，屡见后逢冲开墓库之日，依然木被金伤。

带旺非空。

旺者，乃旺之爻，而遇旬空，不作空论。倘遇本日之日辰冲者，谓之空逢冲而有用；遇后之日辰冲者，谓之冲起；过此一旬而出空者，谓之填实。俱不为空也，倘若发动更不为空。

有助有扶，衰弱休囚亦吉。

此指主事爻而言。且如主事爻无气本为不美，若得日辰与动爻生扶拱合，即为得助，与前“不及者益之则利”相同。

贪生贪合，刑冲克害皆忘。

此亦指主事爻而言。且如主象临卯木，遇申爻动而克之，若卦中又动出亥水，申金贪生亥水，不来克木。此乃贪生忘克。

又如主事爻临子水，遇卯木动而相刑，若得旁爻动出戌土，卯贪合戌，不来刑子，此乃贪合忘刑。

又如世临巳火，卦中动出寅木，本是寅来刑巳，却得寅木生巳火，谓之贪生忘刑。

又如用爻临巳火，卦中动出亥水冲克巳火，若得卯未同动，亥卯未合成木局，反来生巳火，亦谓之贪合忘克忘冲。余皆妨之，逐类推详。

别衰旺以明克合，辨动静以定刑冲。

衰旺克合，前五行生克章及四时旺相章中已注明白。动静刑冲，前动变章已注明。

并不并，冲不冲，因多字眼；刑非刑，合非合，因少支神。

旧注：卦爻既成，未免有刑冲并合，然多一字不成其名，少一字亦不成刑冲并合之名也。且如子日卜卦，卦中有一子字而谓之并，若有二子字则分开而太过也，名虽为并，其实不能并之，二午则不冲，二卯则不刑，二巳则不克，此多一字，不成刑冲克害之名。

野鹤曰：若爻中一子不合二丑，名为妒合，不成合者，亦有理也。若以日辰不能并爻中之二子，不能冲爻中之二午者，非也。日月如天，无处不沾雨露，不然何以谓之巡查六爻之善恶？

例 120、丑月壬子日占讼，得天山遁

白虎	父母戌土、
螣蛇	兄弟申金、 应

勾陈 官鬼午火、
 朱雀 兄弟申金、
 青龙 妻财寅木 官鬼午火、、世
 玄武 子孙子水 父母辰土、、

断曰：世临午火，子日冲之，休因为日破，不为暗动，今日若审，必有责罚。果于本日见官，责杖二十。此即卦见二午，岂可谓之一子不冲二午耶？

又曰：寅巳申为三刑，若有寅巳二字，而无申字；或有寅申二字，而无巳字；或有巳申二字，而无寅字。因少一字，不成三刑。又曰：亥卯未为三合，卦有二，少一字者，不成三合。

野鹤曰：此二说，皆非也。殊不知虚一待用，待后之月日可以填之。

例 121、巳月未日占久病，得困之兑

父母未土、、
 兄弟酉金、
 子孙亥水、 应
 官鬼午火、、
 父母辰土、
 妻财寅木× 世 官鬼巳火

断曰：世爻寅木化出巳爻，寅能刑巳，三刑少申字，防申日之危。果卒于申日。

此乃少一字，得后来之申日补之，岂可谓少一字不成三刑耶？

例 122、酉月乙巳日占升迁，得萃之否

玄武 父母未土× 父母戌土
 白虎 兄弟酉金、 应
 螣蛇 子孙亥水、
 勾陈 妻财卯木、、
 朱雀 官鬼巳火、、世
 青龙 父母未土、、

断曰：巳火官星持世且临日建，卜书曰：官临日月即升。且暗动之亥爻与发动之未爻，欲成三合，因少卯字，明年卯月必升。果升于卯月。

此乃虚一待用，岂可谓之少一字不成三合耶？

爻遇令星，物难我害。

日辰月建章注解极明。

伏居空地，事与心违。

伏，伏神也。伏而又空，诸事难成之象。

如丙申日占文书，得地天泰

青龙 子孙子水、、应
 玄武 妻财亥水、、

白虎	兄弟丑土、、
螣蛇	兄弟辰土、 世
勾陈	父母巳火 官鬼寅木、
朱雀	妻财子水、

以父母爻为用神，此卦六爻无父母，巳火父母伏于寅木之下，又遇旬空，所以文书不成。

野鹤曰：伏而又空，事之不成者是也。但此卦文书之不成者，非因空也，乃因飞神寅、伏神巳与申日作三刑之故耳，何也？申日冲动寅木以生巳火，谓之飞来生伏得长生，伏神既得长生，则为有气不空，不然何以谓之“飞不冲开亦枉然”。余故曰：非因空也，三刑也。

伏无提携终徒耳，飞不冲开亦枉然。

凡用神不现，伏于卦中，须宜月建日辰冲开飞神，生合扶起伏神，即为有用。

假如占文书，得火山贲。

	官鬼寅木、
	妻财子水、、
	兄弟戌土、、应
子孙申金	妻财亥水、
父母午火	兄弟丑土、、
	官鬼卯木、 世

以父母为用神。午火父母伏于丑土爻下，可言有人把住文书。若在未月日占者，冲去丑土飞神，合起午火伏神，而发文书有用。若在寅卯月日占者，克去丑土生起午火，亦作文书有用。余妨此。

空下伏神，易于引拔。

伏神不空而飞神空者，伏神易于出现。何也？飞神即空，乃上无压住之爻也，而伏神再得月建日辰生扶拱合，脱然出矣。

制中弱主，难以维持。

用爻休囚又被月建日辰制服，纵遇生扶，亦不济事。

例 123、辰月丙辰日占地下忽然起五色之光疑有古窖，得睽之蛊

青龙	父母巳火、
玄武	妻财子水 兄弟未土、、
白虎	子孙酉金○ 世 兄弟戌土
螣蛇	兄弟丑土× 子孙酉金
勾陈	官鬼卯木、
朱雀	父母巳火○ 应 兄弟丑土

断曰：财伏而空，全无影响。伊曰：既是无财，何故有五色之光？余曰：乃妖气也。彼时人人望财，议论纷纷。有曰：子动爻中，兄弟交重偏有望，此卦兄动生子，子动生财，又是内卦合成金局，金生水旺，何曰无财？余曰：尔知其一，不知其二。子孙虽旺，不生无蒂之财。子水伏而又空，又被日月飞神克制，财从何来？后竟掘之，掘得破缸一口，尽是瓦屑泥土。

日伤爻，真罹其祸；爻伤日，徒受其名。

日月如天如君，六爻如臣如万物。日辰能刑冲克害卦爻，而卦爻不能刑冲克害日月。

墓中人不冲不发。

旧注：大抵用爻入墓，则被阻滞，诸事费力难成，须得日辰动爻冲破或克破其墓，方有力也。旧存占验。

例 124、戊寅日占财，得同人之乾

朱雀 子孙戌土、 应
 青龙 妻财申金、
 玄武 兄弟午火、
 白虎 官鬼亥水、 世
 螣蛇 子孙丑土× 父母寅木
 勾陈 父母卯木、

用爻入动墓，喜得日辰克破，后果得财。以用空入墓许以无财者，非也。殊不知虽空而遇冲，冲空则实，虽墓而克破，破墓则开。

野鹤曰：此极有理，屡试屡验。但要用神有气，方可许之，倘若用神休囚无气，虽遇冲开之日，亦难发矣。

例 125、未月戊辰日占年运，得复之谦

朱雀 子孙酉金、、
 青龙 妻财亥水、、
 玄武 兄弟丑土、、 应
 白虎 兄弟辰土× 子孙申金
 螣蛇 父母巳火 官鬼寅木、
 勾陈 妻财子水○ 世 兄弟辰土

断曰：世爻子水，虽是申子辰三合水局，不宜日月克世，世爻化墓且化回头克，动爻辰土又克，此乃世爻休囚无气也。卯年占，卒于午年。应午年者，世临岁破之年也。岂可谓之墓中人不冲不发耶？

身上鬼不去不安。

诸占最怕克世，独官鬼持世者，若非职役之人，最宜日月动爻相冲克，反为吉矣。何也？非克世爻，乃克去身边之鬼。

例 126、午月癸丑日占妻病，得萃之比

白虎 父母未土、、
 螣蛇 兄弟酉金、 应
 勾陈 子孙亥水○ 兄弟申金
 朱雀 妻财卯木、、
 青龙 官鬼巳火、、 世
 玄武 父母未土、、

问来人病得几时？彼曰：三月病起。余曰：卯木财空，明日出空，必定退灾。彼曰：医家不下药矣。余曰：不妨。此卦亥水子孙独发，克去世爻之鬼，应在明日寅日者，寅与亥合，合起子孙之日，尔无忧也。果于次日退灾，不药而愈。亦不独此，又因卯木财空，次日出空而退灾。

例 127、辰月戊子日占小舟过关恐盘阻，得比之咸

朱雀 妻财子水、应
青龙 兄弟戌土、
玄武 子孙申金× 妻财亥水
白虎 官鬼卯木× 世 子孙申金
螣蛇 父母巳火、
勾陈 兄弟未土、

断曰：世爻之鬼，乃满腹忧疑之象，申金克去身边之鬼则无忧也。果于卯日过关，并无阻滞。

德入卦，无谋不遂。

旧注：德者，得也，指与天地合其德。即如主事爻与世爻天干地支上下相合是也。存有占验。

例 128、戌月己酉日，占文书，得小畜之蛊。

勾陈 兄弟卯木、
朱雀 子孙巳火○ 父母子水
青龙 妻财未土、应
玄武 官鬼酉金 妻财辰土、
白虎 兄弟寅木、
螣蛇 父母子水○ 世 妻财丑土

彼谓五爻动出丙子文书，与世爻变出辛丑，干支相合，应戊子日成其文书。

野鹤曰：予以此论为多事之论也。鬼谷三才论，舍爻辞以五行而定祸福者，乃用地支。既用地支，不得不以天干为配，未闻以天干而定吉凶。以天干配地支者，欲全用浑天甲子，卦又止于三百八十四爻，不得不分析矣。所以，乾之内卦用甲，坤之内卦用乙，乃十干之首。乾之外卦用壬，坤之外卦用癸，皆十干之尾。乾之内卦用子，与坤之外卦相合；坤之内卦用未，与乾之外卦相合。二老上下相媾，阴阳相配，中包六子，甲乙之次者丙丁，用之于少男少女，艮与兑也。戊己用之于中男中女，坎与离也。庚辛用之于长男长女，震与巽矣，以全上下干支，此乃配偶之法也，故谓之浑天甲子。而祸福吉凶，皆地支生克制化克合刑冲以判之。今又以天干而判休咎者，每卦皆宜用也，何独于此？

况此卦小畜变蛊，五爻朱雀为文书，动临巳火变出子水文书，而世爻临子水父母，又为文书，酉日生之，化丑合之，叠叠文书旺动于卦中，便非干支相合，亦难说无成，故曰多事之论。

忌临身，多阻无成。

忌即忌神，诸占不宜持世。如占官，子孙为忌神，子孙持世求名不成；占财，兄爻为忌神，兄爻持世求财不获。

野鹤曰：此论极是。然余得有验者，兄爻持世，化出财爻而得财；财爻持世，化出父母而见父。

例 129、巳月丙申日占财，得未济之鼎

青龙 兄弟巳火、应
玄武 子孙未土、
白虎 妻财酉金、
螣蛇 官鬼亥水 兄弟午火× 世 妻财酉金
勾陈 子孙辰土、

朱雀 父母寅木、

此乃忌临世位，化出酉财，即于酉日得财。

例 130、申月戊午日占领文书，得益之家人

朱雀 兄弟卯木、 应
 青龙 子孙巳火、
 玄武 妻财未土、
 白虎 官鬼酉金 妻财辰土× 世 父母亥水
 螣蛇 兄弟寅木、
 勾陈 父母子水、

此亦忌临世位，即于亥日而得文书。同日，子占父，亦得此卦，亥日见父。野鹤曰：其故何也？疑是动爻不克变爻之故耳。然亦无多见者，余既得验，不得不以告之，然非教后人之法也。诸占必以忌神持世多阻无成者为是。

例 131、午月己酉日占求财，得未济之睽

勾陈 兄弟巳火、 应
 朱雀 子孙未土、
 青龙 妻财酉金、
 玄武 官鬼亥水 兄弟午火、世
 白虎 子孙辰土、
 螣蛇 父母寅木× 兄弟巳火

凡占求财，最忌兄爻持世。此卦忌临世位，当主无财，幸寅木父母动而生世，然父母爻者，非金银也，乃货物耳，求金银则不能，货物必得。果于寅日得杯盘纱缎。应寅日者，父爻出空之日也。

卦遇凶星，避之皆吉。

旧注：凡值用神空亡，遇日月动爻冲克者，谓之避空，反不遭其冲克之害。旧存占验。

例 132、未月壬申日占子病，得姤之大过

白虎 父母戌土○ 父母未土
 螣蛇 兄弟申金、
 勾陈 官鬼午火、 应
 朱雀 兄弟酉金、
 青龙 妻财寅木 子孙亥水、
 玄武 父母丑土、世

彼谓父母旺动，用爻亥水子孙而无气，本为凶兆，喜得用爻值旬空而避之，至丙子日而愈。盖丙子者，则前面已过，又是子孙亥水值子日，临帝旺故耳。

野鹤曰：此论非理。诸占最恶者忌神，既动于卦中，祸已萌矣。用神静者，逢冲之日遭害；用神动者，逢值合之日遭伤。用神破者，实破之日而遇；用神空者，出空之日相逢。是乃未曾出空可以避之，出空必遇其害。岂可曰出空则前面已过，反不受其祸耶？此说悖也，谬也。

余得其验者，原神动于卦中，用神空者，出空之日得福；忌神动于卦中，用神空者，出空之日逢殃。屡占屡验，独近病逢空不论。凡占近病，用神得遇旬空者，不拘日月动爻克害，用神出空之日即愈。独此一事，论空不论克也，他占皆忌。此姤之大过，定是占子近病，不悟近病逢空即愈，而曰诸事皆可避之，

此误后人也，宜删之。

爻逢忌杀，敌之无伤。

旧注：忌爻发动，诸事不利，若得日月动爻帮助用爻，可以敌之，不弱于彼，事亦可成。余以此论是理，但伊所存之占验无理。

例 133、申月乙未日占脱役，得损之节

玄武	官鬼寅木○	应	妻财子水
白虎	妻财子水×		兄弟戌土
螣蛇	兄弟戌土、		
勾陈	子孙申金	兄弟丑土、	世
朱雀	官鬼卯木、		
青龙	父母巳火、		

彼谓世临丑土，而子水财动生助寅木之鬼，动而克世。喜得日辰未土、五爻变出戌土扶助世爻，可以敌其寅木之鬼，不能伤身。

野鹤曰：以此作后人之法者，亦误人也。何也？一重未土扶世，岂可敌其助鬼伤身之恶煞耶？殊不知寅木鬼动，月建破之，未日墓之，此寅木之鬼破而入墓矣。子水虽生，不生无根之木，况子水又化回头之克。水木皆枯，后保无事者此也。误作戌未二土帮扶者，错也！况变爻戌土，无从帮助正卦之爻。余有一例，可以比之。

例 134、辰月乙未日占月令，得泰之丰

玄武	子孙酉金、	应	
白虎	妻财亥水、		
螣蛇	兄弟丑土×		父母午火
勾陈	兄弟辰土、	世	
朱雀	父母巳火	官鬼寅木○	兄弟丑土
青龙	妻财子水、		

断曰：世爻辰土，值月建，日辰助之，丑土动而化回头之生，又来扶助。虽则寅木鬼动，而世爻旺相有助有扶，可以相敌。然此后至辛丑日，尚亦见其凶非。因一言触怒上司，几乎参处，幸得解救而息。夫应解救者，因得日月之土帮扶也。

主象休囚，怕见刑冲克害。

主象旺相，尚难敌乎刑冲克害之爻，况休囚耶？前篇有云克害刑冲秋霜杀草者是也。

用爻变动，忌遭死墓绝空。

旧注：死墓绝空，乃陷阱之地，若用爻动而化墓、化绝、化死、化空者，不问公私大小之事，皆主不成。占病逢之，必死无疑。

予得验者，化墓化绝，若动爻旺相，或临日月或日月帮助，亦无大害。化墓者，遇冲开之日月而成；化绝者，逢生旺之日月而就。至于化空之说，更得多验，占谋事，实空之日必成；占近病，出空之日即愈。

用化用，有用无用。

旧注：既有用爻，不可动而又化出来，谓之化去。或旁爻化出，皆不济事。故虽有用，即如无用。一般占病尤忌。

野鹤曰：此论非理。用爻若化进神，诸占皆吉。即使是他爻动出者，更得比助帮扶，何谓无用？岂不知太过者损之斯成？又有用爻重叠，得墓库以收藏。如果用爻太多，待至伤损之日，墓库之日，成之更稳，反曰无用，非也，此亦当删。

空化空，虽空不空。

余得验者，不独空化空不为空，动即不为空亦。为祸为福，冲空实空之月日必应。

养主狐疑，墓多暗昧。

此亦长生沐浴十二位星是也。余用生旺墓绝，其余不验。动而化出者，亦验生旺墓绝。

墓者，滞也。用神动而化墓者，近病久病遇之，主昏迷之象。用神旺者，冲开墓库之日则安；用神休囚又被刑冲克害者，难愈。逢空者，近病者愈，久病者凶。捕获遇之，深藏难觅；身命遇之，愚蒙不振；失脱遇之，暗藏不见；婚姻遇之，皆暗昧不明之象。若动爻化墓，墓神又回头克者，勿以暗昧昏滞论，乃凶兆也，忌回头克我者是也。如若墓神为鬼，回头克用，更凶。

化养化病化胎，乃化沐浴等俱不验，故删之。

化生旺兮，祸福有三。

生者，动爻化长生也。如亥水动化出申金，既化长生又谓化回头之生；化酉金者，不曰化沐浴而曰化回头之生。此二者动爻有气化爻旺相，诸占皆吉。

旺者，长生之第五位者是也。金木水火而化旺即是化进神，且如申金化酉金，亥水化子水，寅木化卯木，巳火化午火，诸占无不亨吉。

惟土寄生于申，旺于子水为进神，辰未戌土动而化出子爻者，乃为化旺，丑土化出子爻者，即为化旺，又为化合，诸占皆吉。

化官鬼兮，吉凶有二。

动爻变出官鬼，吉凶有二，何也？占功名者，世爻旺相或临日月或日月动爻生扶，动而变出官鬼者，乃是化官星，又无破损，乃为得官之兆也。世若休囚受克，动而变出官鬼星者，乃为变鬼，不惟难食禄于王家，须忧梦沉黄梁。

例 135、戌月甲寅日占候选何时得缺，得益之蹇

玄武	兄弟卯木○	应	父母子水
白虎	子孙巳火、		
螣蛇	妻财未土、、		
勾陈	官鬼酉金	妻财辰土×	世 官鬼申金
朱雀	兄弟寅木、、		
青龙	父母子水○		妻财辰土

断曰：世爻月破日克，又有上爻卯木克，有克无生，世爻变出官星，实是变鬼。果于次年寅月，未得缺而终。犹神告曰：命限当危，功名不必望矣。

例 136、巳月壬申日占开店贸易，得坤之剥

白虎 子孙酉金× 世 官鬼寅木
螣蛇 妻财亥水、
勾陈 兄弟丑土、
朱雀 官鬼卯木、应
青龙 父母巳火、
玄武 兄弟未土、

断曰：占生意看财爻，此卦财临月破，虽则子动生财，生之不起，况世与子孙，一同变鬼，不独营运难图，今秋必因子女以致官非。果于八月，因子赌博送官，子受杖刑而死。此应酉金子孙变鬼故也。

忌回头之克我。

爻动化克者，如金爻动变火克金，木爻动变金克木，谓之回头克也。

觉子曰：余存占验，凡见回头之克，占病、占寿、占年运者得之，十有九死。亦有占名利或占家庭细务者得之，亦见危亡。其何故也？其人大限至矣，自己无知，犹有名利之求。如神告曰：数之将尽，何用他求？警戒勿贪，庶不蹈乎罗网。即使难以回避，亦可保其正寝。疑神之告，乃此意耳。

野鹤曰：官鬼持世，化子孙回头之克，验之有四：现任官员得之，有应伤子者，有应削职者，有应夭寿者；士庶得之，有应自身损寿者，有应伤子者。凡得此卦，必须命之再占，合而决之，方可一言定断。惟占防患者相宜，化出子孙，克去身边之鬼，而无忧也。

凡占六亲，最忌化回头之克。即如占父母，父临巳午火，若化亥子水，回头克父，乃父母不寿之兆也。

例 137、酉月己丑日占师尊官事，得屯之震

勾陈 兄弟子水、
朱雀 官鬼戌土○ 应 父母申金
青龙 父母申金× 妻财午火
玄武 妻财午火 官鬼辰土、
白虎 子孙寅木、世
螣蛇 兄弟子水、

断曰：申金父母爻为用神，入日墓，又化回头之克，目下已定重罪矣。彼问：可能减等？予曰：岂但减等，此公必不遭刑。今岁辰年，岁五相生而不克，况父爻又遇青龙，决非刑宪。但午火旬空，防午年出空，必得善终。

又出命贴看之，壬辰、戊申、戊寅、甲寅。予曰：此乃食神制杀格，今年交丙运，乃梟神夺食之运。幸七月坚金，丙运焉能镕化？须防丙年丙月烈火煎金，正合前卦，午火实空之年也。后闻已定大辟，蒙改缓决，至丙午年丙月丙日得肺疾，痰厥而终。

此乃代占六亲忌回头之克，又是命卦合成一理。

勿反德以扶人。

古法：相生须宜他生我，相克还宜我克他。

如占彼此两家之事者，宜应爻生世；如占财者，宜财生世；如占官者，宜官生世。如世去生助他爻，泄尽自己之气也。

恶曜孤寒，怕日辰之并起。

刑冲克害之爻，即为恶曜，非诸星之凶煞也。凡见此爻动而冲克用神，若此星孤立无助，或休囚无力，虽则伤害用神，用神旺相可以敌之，必然无碍，得祸亦轻。惟怕日辰动爻助他为虐，彼必狐假虎威，仗势作恶，得祸不浅也。

前月将日辰章内，最怕他爻增克制，同此意耳。

用爻重叠，喜墓库以收藏。

旧注：用爻重叠，若无日辰动爻损之，必须得墓库收藏，然后可得。旧存占验。

例 138、丁丑日占财，得益之萃

青龙	兄弟卯木○	应	妻财未土
玄武	子孙巳火、		
白虎	妻财未土×		父母亥水
螣蛇	官鬼酉金	妻财辰土、	世
勾陈	兄弟寅木、		
朱雀	父母子水○		妻财未土

彼断曰：卦有两财，初爻上爻又化出两财，日辰又是财，本为太过，喜得世爻上有辰字，乃为财库，谓之财有库以收藏，后主得财。余以此论极其得理，屡试屡验。但不必卦中有库无库，常见后来逢库之月日亦成其事。

例 139、午月戊午日占何日雨，得升之恒

朱雀	官鬼酉金、		
青龙	父母亥水、		
玄武	子孙午火	妻财丑土×	世 子孙午火
白虎	官鬼酉金、		
螣蛇	兄弟寅木	父母亥水、	
勾陈		妻财丑土、	应

友人持此卦问余曰：今日占雨，父母不动，而丑土之财又化出午火回头生，竟是大旱之年也。余曰：壬戌日必雨。友曰：父临月建，阴雨连旬。今子孙临月建，亦同此意。如何得雨？余曰：午火子孙临日月，旺之极矣，乃为用爻重叠，逢墓库以收藏，故知戌日必雨。果于戌日申时雨。

例 140、丑月丙申日占终身功名，得既济之泰

青龙	兄弟子水、	应	
玄武	官鬼戌土○		兄弟亥水
白虎	父母申金、		
螣蛇	妻财午火	兄弟亥水、	世
勾陈	官鬼丑土×		子孙寅木
朱雀	子孙卯木、		

此乃富家之子，年仅十七，占终身功名。予得此卦，知其夭寿，又不便言，亦不以功名许之，惟云功名尚早，重重鬼动克世，连年还有病灾，过二十岁脱此鬼厄再问功名。顷之，其业师问曰：既问终身功名，何故多鬼克世？予曰：神报寿夭，故不以功名告也。问曰：防于何时？予曰：今年太岁在丑，难过十九辰年。又问：辰年冲去戌土之鬼，如何不利？予曰：非此论也，辰乃土鬼之墓，鬼太旺，必须墓库收藏。果

死于辰年戌月。

事阻隔兮间发。

旧注：世应中间两爻，谓之间爻，动则事多阻隔。谓之两爻在世应之中，动阻两家之事，使彼此不能相通。又曰：世应当中间两爻，发动所求多阻隔。

觉子曰：以此两爻作为间爻，试之果验。但看所占何事，须是彼此两家之事方可用之。婚姻以之为媒妁，词讼以之为中证，买卖以之为牙行，借贷成交以之为中保，舟车以之为附载，交游以之为帮闲，胎产以之为收生保姆。

野鹤曰：世为己，应为人，彼此欲相亲者，若遇间爻发动，不可概以阻隔断之，若得动而生合世应，反得此辈之力。近世爻者，帮我之人也；近应爻者，扶彼之人也。生我者，我当亲之；克我者，我宜远之。独忌克乎世应，事必难成。克世者，坏我之事，我被其愚；克应者，坏彼之事，他被其愚。若持兄动，其害犹小，破阻其事，不过耗财而已；若持鬼动，定受其累而为祸不浅也。

例 141、巳月庚辰日占买宅，得临之大壮

滕蛇 子孙酉金、
勾陈 妻财亥水、应
朱雀 兄弟丑土× 父母午火
青龙 兄弟丑土× 兄弟辰土
玄武 官鬼卯木、 世
白虎 父母巳火、

断曰：世爻卯木，应爻亥水，乃是世应相生，必成之象。但嫌亥临月破，不能生世，况间爻三重土发动，乃成群之小人从中破阻，事已坏矣，难许成交。彼曰：样银已付讫，因彼用人与说合者多索偏费，未满足其欲，故伊悔言不卖。予曰：目下便多许之，亦不成也。应爻破而被克，难得两家成就。后果不成，退回样银。此公大怒，烦当道亲友往彼理曰：前日因何所见，引我瞧看内室？今又因何所见，退还样银？诸亲往彼，尽叱其非，彼亦甘受。

予详卦中之间爻三重土动，近应爻之土，即如卖主身旁之人也；克应爻者，破阻卖宅不成而无财也；近世爻之土，亦克应爻者，即是卖主央去之亲友，众叱其非也。

觉子曰：凡遇间爻动者，若得日月冲克，可解。

心退悔兮世空。

旧注：自占，世为主象。若无日月动爻伤克，而世爻无故自空者，必主心惰意懒，自不向前。

野鹤曰：此论为是。前曰无故之空，如入深渊大壑，诸占大凶者，非也！

觉子曰：《易林补遗》有曰：世应皆空，两下目前退悔；主宾皆动，二边日后更张。所以不独世空不宜，应爻亦不宜也。故谓之世应皆空，事无准实。凡动而空者，不以此论。

卦爻发动，须看交重。

旧注：交动主未来之事，重动主过去之事。

余亦多试，间有验者。大凡爻象，有一定不可移者，可以为法。间有验者，乃偶然之凑合耳，不可执之。

动变比和，当明进退。

进神章已注明。

杀生身，莫将吉断；用克世，勿作凶看。盖生中有刑害之两防，而合处有克伤之一虑。

杀生世者，是日月动爻作忌神而生世，非凶煞也。不以吉断者，何也？谓忌神既旺，用衰矣，世虽逢生何益？

例 142、戌月丙子日占父任云南何时得信，得地泽临。

青龙 子孙酉金、
玄武 妻财亥水、应
白虎 兄弟丑土、
螣蛇 兄弟丑土、
勾陈 官鬼卯木、 世
朱雀 父母巳火、

断曰：占信者，朱雀巳火父母为用神。日辰子水克巳火，水为忌神；戌月乃巳之墓，亦为忌神。用神巳火月墓日克，音信茫然之兆也。而世爻卯木虽遇日生月合，何益于事？杀生身勿将吉断，此之谓也。后果无音讯。四年后，知父已遇害矣。

用克世勿作凶看者，乃用爻来克世也。

旧注：主事爻动来克世，乃是事来赶我，事必易成，我虽见克，亦何伤哉？故云：用克世者不以为凶。

觉子曰：此论未为全是。余之得验者，如占财，财为用神，财爻克世者必得。占行人，用神克世者即至。占医药，子孙为用，子孙克世者即愈。此数占外，皆不宜用神克世也。若占功名，官鬼克世，非灾即祸，岂可曰勿作凶看？

例 143、丑月庚子日占官差得否，得泰之明夷

螣蛇 子孙酉金、应
勾陈 妻财亥水、
朱雀 兄弟丑土、
青龙 兄弟辰土、 世
玄武 父母巳火 官鬼寅木○ 兄弟丑土
白虎 妻财子水、

断曰：占官差以官鬼为用，此卦辰土持世，寅木官鬼克世，因世爻空，即于壬寅日得差，次年三月死于中途。岂可谓之用克世勿作凶看？

例 144、午月丙辰日占移居吉否，得谦之明夷

青龙 兄弟酉金、
玄武 子孙亥水、世
白虎 父母丑土、
螣蛇 兄弟申金、
勾陈 妻财卯木 官鬼午火、应
朱雀 父母辰土× 妻财卯木

断曰：占宅舍，以父母爻为用神。此卦辰土父母动而克世，不宜徙居。彼曰：业已成矣，奈何？予曰：

目前不妨，秋时不利。彼曰：何也？予曰：辰土动化卯木，至秋木被金伤，辰土来克世矣。不听，至七月地震，房屋倒塌，人眷被伤。此可谓之用克世不以为凶耶？

刑害不宜临用。

主事爻与日月动爻作三刑者，占事不成，占物不好，占病必死，占人有患，占妇人不贞洁，占文书有破绽，占讼必有罪责。动化刑亦然。

唯临害者不验，故不注。

死绝岂可持世？

旧注：用爻世爻绝于日辰，或化绝者，诸事不利。

余以休囚被克而又绝者是也，旺相不妨。

动逢冲而事散。

六冲章注极明。

绝逢生而事成。

大凡世爻与用神或绝于日或化绝，若得日月动爻生者，谓之绝处逢生，且如寅日占卦酉为用神，酉绝于寅，若在辰戌丑未月，或爻中动出辰戌丑未，以生酉金，皆谓之绝处逢生。

如逢合住，须冲破以成功；若遇休囚，必旺相而成事。

应期章有注。

速则动而克世，缓则静而生身。

此独占行人而用之，他占不用。谓用神动而克世，行人回来之速也。用神静而生世，行人归来缓也。且如占父母何日归，父母动而克世者，许之速归。

父亡而事无头绪，福隐而事不称情。

古法曰：卦无父母，事无头绪；卦无子孙，不喜悦。

余以此论，亦为多事。凡占事者，用神原神忌神仇神，克害刑冲，破墓空绝，日月飞伏，许多事故尚无定论，何敢再寻不当用之爻耶？恐枝叶多生，反无头绪。

鬼虽祸灾，伏犹无气。

《天元赋》中无鬼论虽则有理，实亦多事。余生平以来，占官占鬼占疾病，当用者则用，不当用者则不用也。

子虽福德，多反无功。

觉子曰：以之为忌神者，实则不宜，以之为用神者，多则何害？岂不闻损之斯成，逢墓库以收藏耶？

虎兴遇吉神，不害其为吉；龙动逢凶曜，难掩其为凶。

此为得理。六神章已注。

玄武为盗贼之事，亦必官爻；朱雀为口舌之神，必须兄弟。

此论欠理，玄武朱雀勾陈腾蛇动而不克世者，无碍。动而克世者，皆以为凶，勿分兄弟官鬼。

吉凶神煞之多端，何如生克制化之一理？

此至言也，学者亦深味之。

除恶未尽，死灰须防复燃。

克害刑冲之神，若得日月动爻克制者，须尽其根，若除而未尽，将来遇生扶之年月，仍复为祸。

例 145、卯月甲申日占病，得谦之蹇

玄武	兄弟酉金、、
白虎	子孙亥水× 世 父母戌土
腾蛇	父母丑土、、
勾陈	兄弟申金、
朱雀	妻财卯木 官鬼午火、、应
青龙	父母辰土、、

断曰：亥水子孙长生于申日，世遇日建之生，虽化戌土之克，春令土衰，卯月克制有救，无妨。果于丁亥日全愈。岂知卯木虽克戌土，还有相合之意；亥水虽长生，戌土亦得长生于申。后至巳月，亥逢月破，巳火生助戌土，谚云“斩草不除根，萌芽依旧生”，复得病而死。

伤害不重，枯木犹有逢春。

世与用爻有气，若被日月动爻冲克者，目下虽克伤，他日逢生再发。

例 146、子月丁亥日占自陈，得归妹之解

青龙	父母戌土、、应
玄武	兄弟申金、、
白虎	子孙亥水 官鬼午火、
腾蛇	父母丑土、、世
勾陈	妻财卯木、
朱雀	官鬼巳火○ 妻财寅木

断曰：巳火官星，冬令休囚之极，子月亥日，重重冲克，功名难保。彼问：革职乎？降调乎？予曰：若革职者，此巳火之官则不动矣，既动而化生，克之不尽，为功名有根也。况月建合世，官伤而身不动，降级留任有之。果于寅月降职留任。此乃日月冲克官星，害之不重耳。卯年占，巳年仍复原职，岂非逢春再发之验耶？

水木须宜寻根。

水要看源，木要寻根。凡占身命、家宅、功名、坟莹、贸易等事，欲其久远者，用神虽则为重，而元神必须兼看。盖用神为事之体，而元神为事之本。用神虽旺，原神若被伤克者，即如水无泉源，木无根蒂。金火土者皆同。

例 147、午月己丑日占应何月成婚，得火泽睽

勾陈	父母巳火、
朱雀	妻财子水 兄弟未土、、
青龙	子孙酉金、 世
玄武	兄弟丑土、、
白虎	官鬼卯木、
螣蛇	父母巳火、 应

余许不是姻缘，竟无成婚之日。

例 148、午月庚寅日占掣签得何处，得大畜之中孚

螣蛇	官鬼寅木、
勾陈	妻财子水 × 应 父母巳火
朱雀	兄弟戌土、、
青龙	子孙申金 兄弟辰土○ 兄弟丑土
玄武	父母午火 官鬼寅木、 世
白虎	妻财子水、

断曰：世临寅木官星，必得东缺，非广东即山东。独嫌子水月破而化绝，恐不能到任。彼曰：何也？余曰：财为养命之源，又为朝廷之禄，今财临绝地，是无财无禄，世爻寅木无水滋生，乃为凶兆。彼曰：改日洁诚再占。余曰：可也。

例 149、午月甲午日，又得临之节

玄武	子孙酉金、、
白虎	妻财亥水 × 应 兄弟戌土
螣蛇	兄弟丑土、、
勾陈	兄弟丑土、、
朱雀	官鬼卯木、 世
青龙	父母巳火、

余曰：此与前卦，卦名虽殊，其理一也。又是亥水财爻被回头克，不独难以到任，还妨秋令危灾。此公于隔岁续弦，由南娶至都中，腊月有故而未成婚，改期四月，不意父为条陈下狱，不便成婚。午月己丑日，占应何月成婚？得火泽睽卦。余许不是姻缘，竟无成婚之日。后欲上言代父之罪，余曰：公占婚姻，不能合爻；又占功名，不能到任。今欲行此，虽是孝念，秋里危灾，许多不便。幸信余言而止。后果于七月先得泻疾，服药稍愈，因多服补药参附，每副用至一两，想食冰水，医嘱家人滴水不与，渴极捶胸，竟至渴死。无水之验，以至如此。

掣签：清代制度，候补的地方官吏抽签确定任职省分。具备一定条件的，可以自选省分，称指分。

动爻何妨空破？

例 150、戌月己巳日余占南行，得大有之大壮

勾陈	官鬼巳火○ 应 父母戌土
朱雀	父母未土、、
青龙	兄弟酉金、
玄武	父母辰土、 世
白虎	妻财寅木、

螣蛇 子孙子水、

余以应爻为官星，动而生世，乃官贵相生也，虽则可喜，但嫌巳火墓于月建而又化墓，生我之官爻既入墓矣，焉能生我？且卦变六冲，疑为不吉。

例 151、亥月甲辰日又占，得大有之大畜

玄武 官鬼巳火、 应
白虎 父母未土、
螣蛇 兄弟酉金○ 父母戌土
勾陈 父母辰土、 世
朱雀 妻财寅木、
青龙 子孙子水、

余疑又得此卦，应爻巳火虽则生世，但临月破，破则不能生我，去之何益？况间爻酉金兄动乃阻隔耗财之神，疑之不行。

例 152、亥月甲寅日又占，又得大有之大壮

玄武 官鬼巳火○ 应 父母戌土
白虎 父母未土、
螣蛇 兄弟酉金、
勾陈 父母辰土、 世
朱雀 妻财寅木、
青龙 子孙子水、

连得三次，余始悟曰：此行到明年三四月必定如心。巳火之官动而生世，目下虽破入墓，明年三月冲开戌墓，巳火而至巳月，得令当时，不破不空，旺相而生世矣。即于丁巳日起程。

行至中途，遇旧日相识，其母新故又被回禄，缺乏资斧，意有同行之念。余始悟第二课大有之大畜酉金兄动，乃附载同行之人也。数已早定，余许之同行。

行不数日，又遇知己，道及某处有奇门一部，乃系抄本，命余同去买之，需绕道两日。余卜一卦，又得大有之大壮。余对友曰：此卦得之四次，非叫我买书，乃促我行也。竟行，后至地头，已二月矣。

一日于将军府中，将军问曰：江南某抚军，功名将来何如？余曰：向于酉年占得艮之观卦，即许酉年离任，又许今年三月仍以原品起用。

抚军：清朝巡抚的别称。亦称抚院、抚台、抚宪。

例 153、随有一人于卯月戊戌日占目下功名升否，得离之震

朱雀 官鬼酉金、
青龙 父母亥水、
玄武 子孙午火 妻财丑土× 世 子孙午火
白虎 官鬼酉金○ 妻财辰土
螣蛇 兄弟寅木 父母亥水○ 兄弟寅木
勾陈 妻财丑土× 应 父母子水

余曰：离卦变震卦，六冲变六冲。世爻动化墓入日墓，亥水官星动化回头克，大凶之兆，勿望升迁，且防刑狱。将军曰：此舍侄也。曾在二十九岁曾于都门向尔占过，许之四十九岁有险。今年四十九岁，有何险处？余曰：既是卦之前后照应，目下诸事更宜慎之。

一日，于藩司署中，藩台向余曰：此系本府府尊，因罣误，制台已为之辩复，尔看何如？

例 154、卯月庚子日占辩复，得风山渐

螣蛇	官鬼卯木、	应
勾陈	妻财子水	父母巳火、
朱雀		兄弟未土、、
青龙		子孙申金、
玄武		父母午火、、
白虎		兄弟辰土、、

断曰：子孙持世，官临应爻，禄位已属他人矣，万万难于复职。藩台曰：叫尔报喜，如何此说？余曰：有喜则报，此卦无喜可报也。府尊曰：今日不诚，明早请到敝署，诚意卜之。

制台：明清时对总督的敬称。藩司：官名。明清时布政使的别称。主管一省民政与财务的官员。藩台：明清时布政使的俗称。府尊：明清时对知府的尊称。罣误：被别人牵连而受到处分或损害。

例 155、卯月辛丑日又占，得火地晋

螣蛇	官鬼巳火、
勾陈	父母未土、、
朱雀	兄弟酉金、
青龙	妻财卯木、、
玄武	官鬼巳火、、
白虎	子孙子水
	父母未土、、应

余曰：今日之卦与昨日相同，世爻破而入墓，官星两现皆空，辨复殊难。彼不以为然，余曰：再占一卦不妨。

例 156、卯月辛丑日又占，得恒之大过

螣蛇	妻财戌土、、	应
勾陈	官鬼申金×	官鬼酉金
朱雀	子孙午火、	
青龙	官鬼酉金、	世
玄武	兄弟寅木	父母亥水、
白虎		妻财丑土、、

余曰：恭喜，此地爵位虽已失，速速援例，再任西方。彼曰：何以见得？余曰：持世官星破而入墓，所以知其失就矣！幸五爻官化进神乃再任之官也。

例 157、时又有宪副在省于卯月甲辰日占母病，得夬之大壮

玄武	兄弟未土、、	
白虎	子孙酉金○	世 子孙申金
螣蛇	妻财亥水、	
勾陈	兄弟辰土、	
朱雀	父母巳火	官鬼寅木、
青龙		妻财子水、
		应

断曰：巳火父母伏于寅木之下，飞来生伏，月建又作父母之元神，太夫人管许即愈，已遇良医矣，今日酉时必有喜信，已月痊愈。果于酉时，家人报曰：昨系某官送来医者，老太服药对症，此人包管治之，

许四月痊愈。应酉时得信者，酉金子孙持世，酉时闻信而喜悦也。

宪副：按察使也称廉使或廉访使，专司一省刑狱，异名称之为廉宪、司宪、宪长等。所以副使亦称宪副、贰宪。

例 158、一日于都司署中卯月丁未日占官事，得既济之屯

青龙	兄弟子水、应
玄武	官鬼戌土、
白虎	父母申金、
螣蛇	妻财午火 兄弟亥水○ 世 官鬼辰土
勾陈	官鬼丑土、
朱雀	子孙卯木、

予曰：官事且缓，病灾甚危，三月须防不测。彼曰：我占官事，并非占病，况我非病，因足疾难于行动，所以未起，尔疑我病耶？予漫应曰：公虽占官事，犹神意谓疾病之险，甚于官事，故神以重大者先告之也。既得此卦，无论有病与否，止观此世爻休囚之极，日建克之，动而变鬼，又为化墓，又化回头之克，即使健旺无疾，亦虑凶危。

都司：明代都指挥使司为一省掌兵的最高机构，简称都司。又清代绿营军官职位，次于游击，称为都司，秩四品，分领营兵。

例 159、卯月庚戌日占开铅矿有否，得益之中孚

螣蛇	兄弟卯木、应
勾陈	子孙巳火、
朱雀	妻财未土、
青龙	官鬼酉金 妻财辰土、世
玄武	兄弟寅木× 兄弟卯木
白虎	父母子水、

断曰：破财之象。旺相之兄爻动而克世劫财，若不大破其财而不止。彼曰：已开两月余矣，五处开之，费过数百余金。若是无财，予即止矣。予曰：兄动化进神，正是破耗之时，如何得止？彼曰：既是无铅，不止何为？予曰：我今初到，公必不以为信，迟一月，知我数灵，自然止矣。

余于彼地，二月占过数卦，尚无应验。及至三月，将军之侄因昔年临阵不前，部中有人扳出行文拿问；而都司王公于三月初六，呼人针足，错针筋脉，疼至十八而死。及至四月，宪副老夫人痊愈；又见邸报，江南抚军果以原品起用；又因本府府尊，命下不准复职。后援例，果于巳年补陕西庆阳；商人开矿见水泉涌出而止。

予于彼处，三四五月，了无宁日。悟前火天大有连得四次，以巳火之官而生世爻，应巳月官贵以相生。须知神报吉凶之月日，不可执样而画符，全在人之通变可也。

虽然予之粗能稍悟者，总因多占之力耳。若非连得四次，予亦未必有此一行，予既验之，不吝谆谆以告。

大匠海人，必以规矩；卜者决断，全在灵机。

古圣先贤教人占卜，先教人动静旺衰、生扶拱合、刑冲克害、破墓绝空，种种关节不可放过。书宜熟看，理要细参，久之，自能触类旁通，随机应变。爻象一成，即知祸福。用者重之，不用者去之，如是而

不验者，未之有也。如夫浮气粗心及刻舟求剑、谬柱鼓瑟者，不卜亦可。

筮必诚心，子日不忌。

天下无事不由心生，心动求神，必须至诚。故曰：诚则形，形则聚，聚则明。心诚求之，卦必显而易见。古有子不问卜之说，《黄金策》曰：筮必诚心，何妨子日？谓只在诚与不诚，不在子与不子。

占勿二念，早晚何妨？

一念之诚，可格天地；一筮之用，可享鬼神。若怀两三事而占者，念既不专，应何能一？念多心乱即是不诚！故曰：遇事即占，不论早晚；慎勿两念，二念不验。

曾有先占求财，后占丈人之病者。

例 160、辰月乙丑日占求财，得随之否

玄武	妻财未土 ×	应	妻财戌土
白虎	官鬼酉金、		
螣蛇	子孙午火	父母亥水、	
勾陈		妻财辰土、、世	
朱雀		兄弟寅木、、	
青龙		父母子水○	妻财未土

例 161、又占妻父病，得水山寨

玄武	子孙子水、、		
白虎	父母戌土、		
螣蛇	兄弟申金、、世		
勾陈	兄弟申金、		
朱雀	妻财卯木	官鬼午火、、	
青龙		父母辰土、、应	

若依本人祷告而断者，先占求财，满盘俱是财星，其财必得。后占丈人病，父母临日月而不死。却不知二事皆从此人之念而出，神以前卦应丈人之病，财动克父，丈人死于辰日。应辰日者，财爻属土，辰乃土之墓耳。以后卦应求财，兄爻持世而不得。

若非留神前后参悟，以前卦而断求财，以后卦而断丈人之病者，令人喷饭。余故曰：一念只占一事，不妨早占晚占。心怀两三事者，半夜求神，亦有错矣。

我事不可命人。

我有心事，不可叫他人代我去占。我之一念，他又一念，是二念也！

曾有现任官府，命家人代占防害。

例 162、卯月戊戌日占主人目下有灾晦否，得比之咸

朱雀	妻财子水、、应		
青龙	兄弟戌土、		
玄武	子孙申金 ×	妻财亥水	
白虎	官鬼卯木 ×	世	子孙申金
螣蛇	父母巳火、、		

勾陈 兄弟未土、、

此卦若以本人念，占防害者，最喜子孙克世，克去身边之鬼而无忧也。若以家人占主，以父母为用神，又以官爻而兼用。巳火父爻旬空且墓于戌日，卯官虽临月建，难挡叠叠之金，目下虽则无妨，秋来岂无险厄？岂知此卦竟应官府自己之念，世爻为用，子孙克世，以解其灾。至申日闻信，有人往上司揭告，被人劝阻，讼之未成。若以家人占主而决者，如天远矣。

然又不可执此以为其法。间又有不应主人之念，而应家人之念者。余故曰：我事必要亲占，命他人而代者，难取用神，必于不验也。

他具诚心，特欲问神，让我先占，恐神不许；我具诚心，早已举念，让他先占，神必应我。

曾有人欲占功名，因有长者在坐，先让长者占。

例 163、辰月癸未日长者占子病，得姤之涣

白虎	父母戌土、	
螣蛇	兄弟申金、	
勾陈	官鬼午火○	应 父母未土
朱雀	兄弟酉金○	官鬼午火
青龙	妻财寅木	子孙亥水、
玄武		父母丑土、、世

例 164、辰月癸未日此人占功名，得天泽履

白虎	兄弟戌土、	
螣蛇	子孙申金、	世
勾陈	父母午火、	
朱雀	兄弟丑土、、	
青龙	父母午火	官鬼卯木、 应
玄武		父母巳火、

若以前卦断子病者，其子必死。何也？子孙亥水，日月伤克；世爻暗动，又伤子孙；原神酉金又被午火克坏，谓之忌神旺而元神衰，势之必死。

岂知本人举念在前，前卦而应功名，午火官动而生世，世动官兴，五月高迁。后卦竟应父占子病，申金子孙，日月生之，次日出空即愈。

有人欲占父病，忽遇官长至，让之先占。

例 165、巳月辛巳日官长占功名，得井之升

螣蛇	父母子水、、	
勾陈	妻财戌土○	世 父母亥水
朱雀	子孙午火	官鬼申金、、
青龙		官鬼酉金、
玄武	兄弟寅木	父母亥水、 应
白虎		妻财丑土、、

因目下缺出，四人只有三缺，问我能得否？断曰：申酉之官，俱逢空地，又被日月之克，空而被克，

目下不能；幸得戌土生官，秋天必得。岂知此卦乃应前人占父病，戌土财动而克父，亥水父母日破、月破；元神空而被克，死于戌日。

例 166、及官长去后此人占父病，得乾之家人

螣蛇 父母戌土、 世
勾陈 兄弟申金、
朱雀 官鬼午火○ 父母未土
青龙 父母辰土、 应
玄武 妻财寅木○ 父母丑土
白虎 子孙子水、

寅午两爻财官俱动，三合世爻而成官局。若以父病而断者，火局生父母，岂得死耶？殊不知此卦应前官长之功名也，世在六爻，得缺广东肇庆府。

按此二卦，何尝不灵？无奈人让而神不从，后人而得前人之卦，仍视举意之次序何？

他事由他动念，慎勿提他。

他之心事，未动念而占，我提醒他叫他占者，乃我之念也。

例 167、曾有父叫子占功名午月辛酉日，得萃之遁

螣蛇 父母未土× 父母戌土
勾陈 兄弟酉金、 应
朱雀 子孙子亥水、
青龙 妻财卯木× 兄弟申金
玄武 官鬼巳火、世
白虎 父母未土、

此子十有一岁，父叫他占将来有功名否？官星持世，夏火当令，未土父爻为文章，父化进神，功名有望。岂知父叫子占，乃父之念也，此卦乃是父占子也。父动克子，妻动得回头克。子死于未年，妻卒于申月。应未年死子者，未土父动，值未年以伤子也；应七月丧妻者，卯木财爻绝于申也。

野鹤曰：余今亦尝叫人而占，然另有一法，先向其人曰：尔之某事，须占一卦，以识吉凶。但刻下念由我起，尔且莫占，待少刻忘怀，尔忽自想起，另起念而占之，即为尔之念也，则必无两歧之虑。试之屡验。

我占必以直告，切莫昧己。

此等极多，难以枚举。有为婚姻，故占月令者；有因功名，故占流年者；有现任之官欲谋他人之缺，因不便明言，故占在任之吉凶者；有孝廉不明言卜会试，却问功名者；有已革职，却混问功名，讳言起复者；有已生子，故问有子否？

孝廉：明清两代对举人的称呼。

例 168、未月癸亥日占流年，得艮卦

白虎 官鬼寅木、 世
螣蛇 妻财子水 妻财子水、
勾陈 兄弟戌土、

朱雀	子孙申金、	应
青龙	父母午火、	
玄武	兄弟辰土、	

此人已往军前援例，故占流年，只谓命有功名，流年必现。却不知占功名，以官鬼为官，最喜官星持世；占流年，以官鬼为鬼，不宜官鬼持世。余以此理告之。彼方曰：实请人援例，不知成否？余曰：此卦官星持世，长生于亥日，业已成矣。亥水为财，明明财旺生官。果于申日文书、实收俱到。应申日者，寅木官星持世，静而逢冲之日也。若以流年作鬼断者，如天远矣。不验之咎，其谁任之？

实收：官库收纳银两后所发给的收据。

例 169、子月乙酉日占现任吉凶，得水天需

玄武	妻财子水、	
白虎	兄弟戌土、	
螣蛇	子孙申金、	世
勾陈	兄弟辰土、	
朱雀	父母巳火	官鬼寅木、
青龙	妻财子水、	应

此公因本省有缺出，讳言得否，故以现任之吉凶而问也，只谓卦吉缺必能得。殊不知周易之理，问缺之得否，子孙持世而绝望；问现任之凶吉，子孙持世而休官。予必问明。公曰：问升迁。予始断曰：此缺不可得也。果不得。

若以之占现任之吉凶者，乃休官之兆也，不大相迳庭耶？

例 170、午月辛丑日有商人因母抱恙而故问流年，得益之无妄

螣蛇	兄弟卯木、	应
勾陈	子孙巳火、	
朱雀	妻财未土 ×	子孙午火
青龙	官鬼酉金	妻财辰土、世
玄武	兄弟寅木、	
白虎	父母子水、	

买卖人占流年者，自然以财爻为重。此卦旺财持世，未土之财又动，当许发财。若以问母病断者，最忌财爻发动，财动克母，其母死于甲辰日，应辰土出空之日也。

后贤凡遇卜流年、月令者，先以此理晓之，两无误差。此卦若以发财而断，保无谤乎？

占远应近，务必留心。

天下之理生于动，有机则动矣。凡来占者，事在目前，神专情迫，而起课之人精神亦聚，两心相感，吉凶立现。若事尚无机，或占后运，或占不关切之事，甚有作戏谈而问者，占卦之人不得已而应之，两心毫无相摄，卦亦茫然。故卦之成者，或以远事而报近占，或以近事而报远占也。

例 171、未月丙辰日占财，得咸之大过

青龙	父母未土、	应
玄武	兄弟酉金、	
白虎	子孙亥水、	

螣蛇 兄弟申金、 世
勾陈 妻财卯木 官鬼午火 × 子孙亥水
朱雀 父母辰土、

此人闲问：家中常见白人，必有古害，何时得财？余曰：卦中鬼变子孙，目下子女不利。彼曰：小女出花。余曰：须防亥日。果死于亥日。应亥日者，午火鬼化亥水子也。

彼问何年得财，神报目下死女，非占远而应近耶？

例 172、酉月甲辰日占本月月令，得遁之姤

玄武 父母戌土、
白虎 兄弟申金、 应
螣蛇 官鬼午火、
勾陈 兄弟申金、
朱雀 妻财寅木 官鬼午火 × 世 子孙亥水
青龙 子孙子水 父母辰土、

世爻午火动化亥水回头克，辰年占卦，在午年子月而死。占月令而现寿元，此占近而应远也。

例 173、申月戊辰日占贸易，得比之井

朱雀 妻财子水、 应
青龙 兄弟戌土、
玄武 子孙申金、
白虎 官鬼卯木 × 世 子孙酉金
螣蛇 父母巳火 × 妻财亥水
勾陈 兄弟未土、

此人常往外方贸易，偶尔闲问：明岁利于何方？卦得世爻卯木，动化酉金冲克，七月占而八月死。犹神告曰：大数已终，何必来年之问？

占此应彼，必须详察。

大凡占出卦象，必须细观详查。常有不应所问之事，而应未问之事者。盖神常舍小事而报大事，舍小吉而报大凶也。舍此应彼，舍彼应此；舍我应他，舍他应我。其故何也？乃因其旦夕祸福将至，机之一动，卦之必现。故曰：知机其神，此之谓也。

例 174、巳月己未日占小厮病，得比之蹇

勾陈 妻财子水、 应
朱雀 兄弟戌土、
青龙 子孙申金、
玄武 官鬼卯木 × 世 子孙申金
白虎 父母巳火、
螣蛇 兄弟未土、

断曰：此卦不应小厮病，而应今秋功名有碍。彼问：何也？余曰：世临卯木之官，化申金子孙回头克，是以知之。彼问：我问小厮，如何应在功名？余曰：神之机常常如此，舍小事而报大凶，神警公诸事须宜慎之。果于七月，被论革职。此占他而应我也！

例 175、申月戊寅日占身病，得坤之比

朱雀 子孙酉金、、世
 青龙 妻财亥水× 兄弟戌土
 玄武 兄弟丑土、、
 白虎 官鬼卯木、、应
 螣蛇 父母巳火、、
 勾陈 兄弟未土、、

断曰：世爻酉金虽绝于寅日，所幸秋天问卜，正值旺相，故自身无灾，防九十月妻妾之危，因亥水财爻化戌土回头克也。彼曰：吾病甚重。余曰：子孙持世，不药而愈。果不久自身病愈，而妻死九月。此占我而应他也。

例 176、未月丁亥日占母病，得坤之剥

青龙 子孙酉金× 世 官鬼寅木
 玄武 妻财亥水、、
 白虎 兄弟丑土、、
 螣蛇 官鬼卯木、、应
 勾陈 父母巳火、、
 朱雀 兄弟未土、、

断曰：此卦不现母病，而现子女有灾。彼曰：何也？余曰：令堂近病，卦得六冲即愈，只不宜爻中现出子孙变鬼。彼曰：小儿初生两月。余曰：八月防之。果于八月其子惊风，又来卜之。

例 177、酉月丁卯日占子病，得既济之革

青龙 兄弟子水、、应
 玄武 官鬼戌土、
 白虎 父母申金× 兄弟亥水
 螣蛇 妻财午火 兄弟亥水、 世
 勾陈 官鬼丑土、、
 朱雀 子孙卯木、

断曰：卯木子孙，临月破，又动出申金伤克，虽值日辰，难过酉月卯日。彼问：还有救否？余曰：向占母病，已应八月死子。今又得此凶卦，何以救之？果死于卯日。夫应于卯日者，乃实破之日也。

例 178、卯月丙午日占小人口舌，得乾之需

青龙 父母戌土○ 世 子孙子水
 玄武 兄弟申金、
 白虎 官鬼午火○ 兄弟申金
 螣蛇 父母辰土、 应
 勾陈 妻财寅木、
 朱雀 子孙子水、

予讶曰：既占口舌，如何得此吉卦？公问：有何吉处？予曰：青龙天喜文书持世，午火官星临日建而生世，今年太岁在巳，岁君又生世爻，定有非常之喜，不出十日应之。又问：小人口舌成非否？予曰：疑神之报大喜之日，即小人潜伏之时也。果于戊申日闻报起用，群小慑避矣。应申日者，寅木财空，申日冲起寅木，以成三合之故耳。若不细加详察，而以口舌断，未有不误者也。

有好友家贫，予揣银数两往赠，彼未知也。到即挽占卦，谓目下一事，约得二十余金，方能了局，不知得否？

例 179、丑月甲申日占财，得同人之离

玄武 子孙戌土、 应
白虎 妻财申金○ 子孙未土
螣蛇 兄弟午火、
勾陈 官鬼亥水、 世
朱雀 子孙丑土、
青龙 父母卯木、

断曰：日建作财以生世，此财必得。彼问：得于何日？予曰：今日即得。彼曰：尚未说合，如何就得？予忽悟曰：是也，我欲赠他，他尚未知，必神告曰：目下就见财矣，何事他问也？予随出而与之。命其再占。

例 180、丑月甲申日占财，得离卦

玄武 兄弟巳火、 世
白虎 子孙未土、
螣蛇 妻财酉金、
勾陈 官鬼亥水、 应
朱雀 子孙丑土、
青龙 父母卯木、

予曰：先得之卦，应我之赠，后卦兄爻持世，卦得六冲，全无影响。果不得。此乃占彼而应此也。

李我平曰：《黄金策·千金赋》，乃诚意先生所著。昔有人曰：能易一字者，予以千金。故名之《千金赋》。后因盛行此书，贪利者速而不工，以致刻板舛错，以讹传讹，致白玉生瑕。不意野鹤老人，前后增删，另作解注，以成全璧。余不能遣以千金，从此名之《万金赋》可也。

天时章第三十五

增删《黄金策》

天道旱涝不时，易爻阴晴可测。

古以晴雨之占，不可以自试其术而轻渎鬼神，如亢旱求雨，大涝求晴，始可卜之。

余曰：不然，正可以此试其术也。何也？卦之微妙，初学难知，以人事而试者，取验不速；以天时而试者，目前见效。天时之阴晴，人事之祸福，皆不离五行，天时得验，人事验矣。余初学卜，皆赖天时之巧应，得其微奥之旨趣也。

凡占天时，须以分祷，或求晴，或求雨、求雪、求霜，念专于一而神告矣。又宜分请求于何地。祷曰：城内雨耶？晴耶？或占某乡，或占某省。不然，天下何日不晴？何日不雨？指其地而占之可也。

子孙为日月星斗，动则万里晴光。

《黄金策》曰：财动者，八方咸仰晴光。非也。子孙发动，万里无云。财为子孙之原神，财动虽晴，

倘如子孙休囚空破，或现而不动者，必不大晴，当有浮云薄雾。

例 181、卯月甲午日占晴，得大壮之夬

玄武 兄弟戌土、
白虎 子孙申金 × 子孙酉金
螣蛇 父母午火、 世
勾陈 兄弟辰土、
朱雀 官鬼寅木、
青龙 妻财子水、 应

申金子孙动化进神，申酉日碧天如洗。或曰：凡存占验，皆尚奇征巧验，此卦显而易见，何故录之？余曰：令初学者易知，由浅以入深也。奇验奥理，后卷有之。

父母为雨雪霰霜，发则八方润泽。

法以父母为天地，天地闭塞，而日月掩藏。此亦近理。余以父母为浓云重雾，父动伤子，掩其日月也。所以父爻发动，云雾迷天，日月掩藏而雨矣。

例 182、巳月甲戌日占何日雨，得小过之旅

玄武 父母戌土 × 官鬼巳火
白虎 兄弟申金、
螣蛇 子孙亥水 官鬼午火、 世
勾陈 兄弟申金、
朱雀 妻财卯木 官鬼午火、
青龙 父母辰土、 应

因连日大晴，本日卯时占何日雨。即于辰时起云，辰末巳初雷雨大作。应辰时者，戌日冲辰父而暗动也。雷雨大作者，戌土父化巳火鬼也。

妻财，天气晴明。

财动克父而生子孙，所以主晴。

例 183、酉月乙巳日占本日阴晴，得升之恒

玄武 官鬼酉金、
白虎 父母亥水、
螣蛇 子孙午火 妻财丑土 × 世 子孙午火
勾陈 官鬼酉金、
朱雀 兄弟寅木 父母亥水、
青龙 妻财丑土、 应

此卦丑土财动化出午火子孙，上半日虽晴，常有浮云掩日，至午时之后，满天红日无云。所以财爻虽主晴明，难免无云，必至午时而见子孙，始大晴也。

官鬼，雷霆雾电。

官鬼乃父母之原神，动则生父，故主雷霆雾电。或应黑云，或应雷霆。不拘春夏秋冬，皆执以为雷霆，非也，浓云黑雾亦是。

例 184、巳月丁卯日占何日雨，得恒之大过

青龙	妻财戌土、应	
玄武	官鬼申金×	官鬼酉金
白虎	子孙午火、	
螣蛇	官鬼酉金、世	
勾陈	兄弟寅木	父母亥水、
朱雀	妻财丑土、	

世爻酉鬼暗动，申鬼明动化进神，本日申时，霹雳惊天，远方大雨，而本处洒来几点。或曰：想因父爻月破。予曰：非也，父爻若动，虽临月破，亦作大雨。

兄弟，主风主云。

兄弟发动，虽主风云，乃云淡风轻之景，非晴非雨之天。每见兄动，而日月于云中穿走，乍隐乍现耳。

例 185、午月丁亥日占本日阴晴，得遁之否

青龙	父母戌土、	
玄武	兄弟申金、应	
白虎	官鬼午火、	
螣蛇	兄弟申金○	妻财卯木
勾陈	妻财寅木	官鬼午火、世
朱雀	子孙子水	父母辰土、

或曰：兄动为风云，今日还是阴天。余曰：申时要见日色。彼问：何故也？余曰：申金兄爻为云，化卯木财爻，是由云雾中变出日色之象。果一日阴云，申时而见日色，次日卯时大晴。

应乃太虚，逢空，雨晴难定；世为大块，受克，天变非常。

觉子曰：占雨用父母爻，占晴用子财爻，与世应何干？余尝占雨占晴，一卦不现，再占两卦。六爻不动者，务必求其动而验之。何故而曰雨晴难定？假使人问趋避，亦可答曰我难定耶？至于世爻受克而天变者，或系偶然凑合一两卦耳，何得以为之法？余常占得官父兄爻克世者不少，未见天变。此两句宜删之。

更随四季推详，须配五行参决。

《黄金策》曰：父母爻四时主雨，若临金水，雨大而不止；若临火土，雨小而不久。

觉子曰：此系不论衰旺，四时皆以父临水则雨大，临火则雨小。既不论衰旺，如何后章又曰父持月建必然阴雨连旬？假使巳午未月，火土当令之时，正大雨施行之际，若父爻临火土而动，如以旺衰而论，当主阴雨连旬；若以五行来决，临火土者当断之雨小。古法之错，何以不删？

更可笑者，旧注有云：冬天以子孙为霜雪。若以子孙为霜雪，倘值冬令占晴，以何爻为日月？明明悖理之谬论，昔贤当时而不省悟者，何也？

例 186、子月己亥日因连日雪占何日晴，得观之比

	妻财卯木○	子孙子水
兄弟申金	官鬼巳火、	
	父母未土、世	
	妻财卯木、	

官鬼巳火、、
 子孙子水 父母未土、、应

断曰：二爻巳火官鬼暗动，今日还是阴天，财爻卯木化出子孙子水，明日卯时必晴。果于次日卯时，云开日出。此子水者既临月建，又有亥日拱之，旺之无比。若以之为霜雪，不独不晴，犹当雪深十尺矣。所以，占天时，不论旺衰，亦未有以子孙为霜雪者也。

晴或逢官，为烟为雾。

旧注：卦得晴兆，爻中又有鬼动者，必有浓云重雾，或恶风晦暗，冬或大寒，夏或大热，必非风和日丽之天。余以此论有理，但须分别时辰。

例 187、辰月己卯日占本日阴晴，得屯之临

兄弟子水、、
 官鬼戌土○ 应 兄弟亥水
 父母申金、、
 妻财午火 官鬼辰土、、
 子孙寅木× 世 子孙卯木
 兄弟子水、

断曰：寅木子孙化进神，今日大晴，五爻戌土鬼动，戌亥时必主黑云。果于戌时，星辰无光。若以一日之烟雾断者，错也。

雨而遇福，为电为虹。

旧注：卦得有雨之象，子孙亦动者，非有闪电，则有彩虹。余以之为非。

例 188、辰月丙辰日因连日雨占本日晴否，得困之比

青龙 父母未土、、
 玄武 兄弟酉金、
 白虎 子孙亥水○ 应 兄弟申金
 螣蛇 官鬼午火、、
 勾陈 父母辰土○ 官鬼巳火
 朱雀 妻财寅木、、世

二爻土父既持月日，又化巳火生之，岂非有雨之兆？而亥水子孙亦动化申生，予竟不以虹霓断之，许申时天开，亥时晴霁。果于亥时万里无云，足证子孙为日月星斗，非为电为虹也。

三合成财，问雨难堪入卦。

三合财局、子孙局者，主晴；三合父局者，主雨；三合鬼局者，主黑雾迷天或雷电闪烁；三合木局者，主风。

五乡连父，求晴怪杀临空。

旧注：父爻空而无雨，子孙及财爻空而不晴。

野鹤曰：余常占雨，父母休囚不动，果是难望。若值空者，勿谓无望，常得父爻动而逢空，不应冲空之日，则应填实之期，百试百验。财与子孙空者，同此。

财化鬼，晴明不久。

旧文：财化鬼阴晴未定。非也。

例 189、巳月甲寅日因连日晴占何日雨，得既济之蹇

玄武	兄弟子水、应
白虎	官鬼戌土、
螣蛇	父母申金、
勾陈	妻财午火 兄弟亥水、世
朱雀	官鬼丑土、
青龙	子孙卯木○ 官鬼辰土

若以财化鬼阴晴未定，此卦卯木子孙化辰土鬼，岂可曰阴晴未定？殊不知卯木子孙，卯日晴；辰土鬼，辰日天变则不晴矣。余断：辰日天阴，巳日必雨。何以知其巳日雨？卦中申金父爻暗动，动而逢合之日也。果于辰日天变，巳日大雨。

故曰：子财化鬼，晴之不久；父化子财，雨之不久。非阴晴而难定也。

父化兄，风雨靡常。

父化兄，父化鬼，或卦中父动兄动，皆主风雨交作。若论前后，动者为先，变者为后。如兄化父，先风而后雨；鬼化父，春夏占者先雷后雨。父化兄，兄化父，或卦中父动兄动，皆主风雨交加。父化鬼，鬼化父，或卦中父动鬼动，皆主雷雨大作。——此处当是互文。

觉子曰：鬼动虽为雷电，应雷者少，黑云者多，不可执之。

父化子，雨后晴明；兄化孙，云开日出。

旧文：母化子孙，雨后长虹垂蟒螭。非也。

例 190、午月乙卯日因连日雨本日亦雨占何日晴，得明夷之艮

玄武	父母酉金×	子孙寅木
白虎	兄弟亥水、	
螣蛇	官鬼丑土、世	
勾陈	妻财午火 兄弟亥水、	
朱雀	官鬼丑土、	
青龙	子孙卯木○ 应	官鬼辰土

余与吾友曰：今日酉时必见红轮西堕，明日还见阴天。彼问：何也？余曰：六爻酉父化子，今日酉时见日。初爻卯木化辰鬼，明朝辰日必是阴云。果于酉时忽然天开，见日色。次日，密云不雨。

父持月建，必然阴雨连旬。

旧注：父母临月建而动者，雨必不止。野鹤曰：此以旺衰而言，余试不验。

例 191、午月丙午日占何日雨，得大壮之升

青龙	兄弟戌土、
玄武	子孙申金、
白虎	父母午火○ 世 兄弟丑土

螣蛇 兄弟辰土、
 勾陈 官鬼寅木、
 朱雀 妻财子水○ 应 兄弟丑土

例 192、申月丙辰日占何日雨，得坎之困

青龙 兄弟子水、世
 玄武 官鬼戌土、
 白虎 父母申金× 兄弟亥水
 螣蛇 妻财午火、应
 勾陈 官鬼辰土、
 朱雀 子孙寅木、

前卦午火父动，未时一阵大雨，酉时即晴。后卦申金爻动，庚申日雨，辛酉半阴晴，亥时大晴。前卦不惟父持月建，且临日辰；后卦父持月建，辰日生之，旺莫如此也。似此之旺且无风雨连旬，而况他乎？余试天时，旺衰不论。

兄坐长生，拟定狂风累日。

例 193、辰月戊申日占本日阴晴，得中孚之小畜

朱雀 官鬼卯木、
 青龙 妻财子水 父母巳火、
 玄武 兄弟未土、世
 白虎 子孙申金 兄弟丑土× 兄弟辰土
 螣蛇 官鬼卯木、
 勾陈 父母巳火、 应

丑土兄动化进神临月令，又长生于申日，若论旺衰，旺之无比。并不见狂风累日，只见一日阴云而已。或曰：兄动化进神不见狂风者，以何爻而至狂风？余曰：木动化进神乃狂风也。

父财无助，旱涝有常。

旧注：官鬼空伏，父母无气，而财爻旺动者必旱；子孙空伏，妻财无气，而父爻旺者必涝，再遇日月动爻扶者，涝必至于浸没。

觉子曰：若重旺衰，此论何尝无理？余存四十余年之占验，天时无日不占。时当涝者，鬼动亦雨，兄动亦雨，父鬼休囚无气者动亦有雨。时当旱者，父持月建，亦不过浓云重雾，微雨洒尘而已。故后章有云：竟发父官，连朝风雨。凡卦中遇父鬼乱动而雨水连绵而不止也。

福德带刑，日月必蚀。

此乃特占日月之论，不可以占阴晴之卦，偶而凑合者而妄断也。

雨嫌妻位以逢冲。

占雨，倘父爻不动而妻财暗动者，还主晴明。占晴，若子财不动而父母暗动者，还主雨。

晴利父官而化退。

旧系：晴利父爻之入墓。谓父爻入墓，或动而化墓，必主晴明。余以为非，父爻入墓，冲开之时则雨。

何得利于占晴？惟父动化退神，势必晴也。

例 194、丑月戊辰日久雪占晴，得随之震

朱雀	妻财未土、、应	
青龙	官鬼酉金○	官鬼申金
玄武	子孙午火	父母亥水、
白虎	妻财辰土、、世	
螣蛇	兄弟寅木、、	
勾陈	父母子水、	

断曰：鬼化退神，雪将止矣。果于酉时，雾散天开。凡得父化退神，雨将止矣。兄化退神，云将开矣。子孙财爻化退神，晴不久矣。

子伏财飞，淡云轻雾。

旧系：子伏财飞，檐下曝夫犹抑郁。谓财动虽主晴明，若子孙休囚空伏乃阴晴之象。

余以此论是理，此章首句，原系妻财发动，八方咸仰晴光。余故改曰：子孙发动，万里晴光。实此意也。

父衰鬼旺，少雨浓云。

占雨，以父爻为主，若父爻不动，又不暗动，而官鬼动者，必主浓云厚雾而无雨。倘爻中变出父母者，不拘旺衰皆主有雨。

卦值暗冲，虽空有望。

父母官鬼静而逢空，日建冲之主雨；子孙财爻静而逢空，日建冲之主晴；木临兄鬼静而逢空，日建冲之主风。兄弟静而临空，日建冲主轻风薄雾。

例 195、巳月己卯日占何日晴，得离卦

勾陈	兄弟巳火、	世
朱雀	子孙未土、、	
青龙	妻财酉金、	
玄武	官鬼亥水、	应
白虎	子孙丑土、、	
螣蛇	父母卯木、	

酉财旬空，本日日建冲动，次日即晴。乃应动而逢合之日。

福兴被克，冲则成功。

旧系：爻逢合住，纵动无功。非也。合住父爻，冲开之日必雨；合住财爻，冲开之日必晴。何谓无功？宜删之。

卦中子孙爻动化回头克，或被动爻克，须待冲去忌神之日始晴。父财动而被克亦同此断。

例 196、丑月甲戌日占何日雨，得震之豫

玄武	妻财戌土、、世	
----	---------	--

白虎 官鬼申金、
 螣蛇 子孙午火、
 勾陈 妻财辰土、应
 朱雀 兄弟寅木、
 青龙 父母子水○ 妻财未土

断曰：父母子水动被未土回头克，丑日雨。应丑日者，冲去未土合起父母，故雨。

木动生风，风伯肆虐。

旧系：兄弟木兴系巽风，而冯夷何其肆虐？

觉子曰：木动生风，不在乎震与巽也。临子父临财官皆主有风，不在乎临于兄弟也。唯化进神则风大，否则风小，亦不在乎化水化火也。

风伯：神话中的风神。冯夷：传说中的黄河之神，即河伯。泛指水神。《庄子·大宗师》：冯夷得之，以游大川。成玄英疏：姓冯名夷，弘农华阴潼乡堤首里人也。服八石，得山仙。大川，黄河也。天帝锡冯夷为河伯，故游处盟津大川之中也。

金空则响，电母施威。

金鬼动而逢空，若遇本日建相冲，或后遇冲空实空之日必然动雷，谓之金空则响。

金化金，迅雷霹雳；火鬼动，电掣金蛇。

此虽屡试屡验，常决于雷起之时，勿断于收声之后。

动而合，静而冲，勿临月破。

父母主雨。官鬼主浓云雷电。子孙爻主晴。动者逢值逢合之日，静者逢值逢冲之日。若静而逢月破者则不应之，动而破者亦应实破之日。

例 197、辰月癸卯日因晴占何日雨，得蹇卦

白虎 子孙子水、
 螣蛇 父母戌土、
 勾陈 兄弟申金、世
 朱雀 兄弟申金、
 青龙 妻财卯木 官鬼午火、
 玄武 父母辰土、应

或曰：卦中辰戌父爻，月建又是父爻，明日辰日冲动，戌父必然有雨。余曰：戌临月破，如何有雨？阴云而已。果于次日常见阴云。

冲则应，填则实，最喜动空。

人以为空则无功，殊不知动而空者，占晴占雨若非冲空之日，定应填实之朝。

例 198、未月丙午日占何日雨，得离之旅

青龙 兄弟巳火、 世
 玄武 子孙未土、

白虎 妻财酉金、
螣蛇 官鬼亥水、 应
勾陈 子孙丑土、
朱雀 父母卯木○ 子孙辰土

断曰：卯木父动临于旬空，己酉日若不雨，乙卯日必雨。或曰：如何定在两日？余曰：不难，再占一卦。

例 199、又得离卦

青龙 兄弟巳火、 世
玄武 子孙未土、
白虎 妻财酉金、
螣蛇 官鬼亥水、 应
勾陈 子孙丑土、
朱雀 父母卯木、

余曰：此卦还以前卦相同。

例 200、又占一卦，得艮之谦

青龙 官鬼寅木○ 世 子孙酉金
玄武 妻财子水 妻财子水、
白虎 兄弟戌土、
螣蛇 子孙申金、 应
勾陈 父母午火、
朱雀 兄弟辰土、

断曰：甲寅日阴云，乙卯日必雨，辰日而又晴矣。彼曰：何以知之？余曰：此卦又是寅木鬼动值旬空，出空之日，必定天变。前卦卯木父变辰土子孙，故知卯日必雨辰日必晴。果于寅日密云，卯日大雨，辰日大晴。所以动则不为空矣。

占雨，遇财动，欲雨须得财墓绝。

占雨宜父动鬼动，倘父鬼不动，却见财动子动者，须待财爻子爻入墓或临绝之日有雨。占晴宜财动子动，倘财子不动，却见父动鬼动者，须得父爻鬼爻入墓或临绝之日得晴。

例 201、戌月丙午日占何日雨，得坎之井

青龙 兄弟子水、世
玄武 官鬼戌土、
白虎 父母申金、
螣蛇 妻财午火× 应 父母酉金
勾陈 官鬼辰土、
朱雀 子孙寅木、

或曰：今日占雨，如何财爻又动？想是大旱，而无雨也。余曰：非也，化出酉父，酉日就当有雨。但因日建又是午火，必待戌日午火入墓，方可有雨。果于酉日天变，戌日而雨。财爻午火墓于戌也。

占晴逢子动，望晴只待子逢生。

占晴得子财动，占雨得父动，后逢长生之日应之。

例 202、卯月丁巳日占何日雨，得涣之坎

青龙	父母卯木○	官鬼子水
玄武	兄弟巳火、	世
白虎	妻财酉金	子孙未土、、
螣蛇	官鬼亥水	兄弟午火、、
勾陈	子孙辰土、	应
朱雀	父母寅木、、	

卯木父动，当应在卯戌日，而雨却应长生亥日。

竟发父官，连朝猛雨。

卦中父鬼重叠，或鬼变父父变鬼，或父化兄兄化父，或连日占并不见子孙财爻发动者，一定连旬风雨。

例 203、午月乙卯日占何日晴，得晋之归妹

玄武	官鬼巳火○	父母戌土
白虎	父母未土、、	
螣蛇	兄弟酉金、	世
勾陈	妻财卯木、、	
朱雀	官鬼巳火×	妻财卯木
青龙	子孙子水	父母未土×
		应 官鬼巳火

断曰：父鬼叠见，乃连朝风雨之象。次日又占，又是鬼父同动。果雨四十余日。

多逢财子，累日明晴。

例 204、未月甲午日占何日雨，得屯之中孚

玄武	兄弟子水×	子孙卯木
白虎	官鬼戌土、	应
螣蛇	父母申金、、	
勾陈	妻财午火	官鬼辰土、、
朱雀	子孙寅木×	世 子孙卯木
青龙	兄弟子水、	

大旱望云霓，卦中父爻不动，子孙重叠化进神，疑其木爻入墓之日必雨。又令他人占之，又得财爻子爻动，次日又占并无父动鬼动，知其旱矣。果然两月不雨。

卦得反吟，晴雨终须反复。

例 205、辰月庚寅日占何日晴，得观之升

螣蛇	妻财卯木○	兄弟酉金
勾陈	兄弟申金	官鬼巳火○
朱雀	父母未土、、	世
青龙	妻财卯木×	兄弟酉金
玄武	官鬼巳火×	子孙亥水
白虎	子孙子水	父母未土、、
		应

断曰：卯木财现，明日必晴。但卦得内外反吟，晴而还雨。果于次日晴，晴而又雨。

爻逢伏象，旱涝必待冲开。

伏吟卦动如不动，子财动者，冲开之日必晴；父爻动者，冲开之日必雨。

例 206、辰月甲戌日占雨，得大壮之震

玄武 兄弟戌土、
白虎 子孙申金、
螣蛇 父母午火、 世
勾陈 兄弟辰土○ 兄弟辰土
朱雀 官鬼寅木○ 官鬼寅木
青龙 妻财子水、 应

占雨，父爻不动，兄鬼同动，木动生风，无雨而有风也。果于本日申时，冲开寅木，拔木狂风。

合父，鬼冲开，有雷则雨；合财，兄克破，无风不晴。

父母合住本主不雨，若遇鬼动冲开者，须待必雷震而后有雨。卦中若无鬼爻动而他爻冲动者亦有雨。他爻又无冲动者，须待冲开之日有雨。财子两爻被合亦同此推。

觉子曰：合父鬼，冲开之日必雨；合财子，冲开之日必晴。有雷无风者乃偶然耳，不必执之。

半晴半雨，卦中财父同兴。

旧注：妻财父母同兴，或是子孙鬼爻同动，必然半晴半雨。

余以此论亦谬，殊不知各应其时。

例 207、酉月癸未日占何日晴，得讼之兑

白虎 子孙戌土○ 子孙未土
螣蛇 妻财申金、
勾陈 兄弟午火、 世
朱雀 官鬼亥水 兄弟午火、
青龙 子孙辰土、
玄武 父母寅木× 应 兄弟巳火

此卦子孙父母同兴，寅木父化巳火兄，又是一日阴雨。直至戌时，天开而见星斗。应戌时晴者，戌土子孙而值时也。

又雨又晴，爻上母子皆动。

例 208、巳月丙申日占何日雨，得临之蒙

青龙 子孙酉金× 官鬼寅木
玄武 妻财亥水、 应
白虎 兄弟丑土、
螣蛇 兄弟丑土、
勾陈 官鬼卯木、 世
朱雀 父母巳火○ 官鬼寅木

卦中父母子孙皆动，因巳火父空，亥日冲空则雨。果于亥日而雨，即于亥日酉时晴。应酉时者，上爻动出酉金子孙之故耳。前卦父与子孙同动，戌土子孙应本日戌时晴。后卦父与子孙同动，应他日之雨晴之时也。

觉子曰：此两卦论阴晴各有其时，岂可谓半阴半晴也？

若知占远应近，可称为神。

例 209、酉月初五戊子日占中秋月，得小过之丰

朱雀	父母戌土、、	
青龙	兄弟申金、、	
玄武	子孙亥水	官鬼午火、 世
白虎	兄弟申金、	
螣蛇	妻财卯木	官鬼午火、、
勾陈	父母辰土 ×	应 妻财卯木

断曰：卦中辰父发动，当许中秋有雨。殊不知应在初九辰日即雨。

例 210、即于壬辰日又占中秋晴否，得小畜之中孚

白虎	兄弟卯木、	
螣蛇	子孙巳火、	
勾陈	妻财未土、、应	
朱雀	官鬼酉金	妻财辰土○ 妻财丑土
青龙	兄弟寅木、	
玄武	父母子水、	世

例 211、癸巳日又占，得屯之中孚

白虎	兄弟子水 ×	子孙卯木
螣蛇	官鬼戌土、	应
勾陈	父母申金、、	
朱雀	妻财午火	官鬼辰土、、
青龙	子孙寅木 ×	世 子孙卯木
玄武	兄弟子水、	

一卦财动，一卦子动，不见父鬼爻动，知其晴。果于中秋夜，月明星稀。

识得卜日应时，方得其奥。

例 212、辰日癸巳日占甲午日监造雨否，得遁之咸

	父母戌土○	父母未土
	兄弟申金、	应
	官鬼午火、	
	兄弟申金、	
妻财寅木	官鬼午火、、	世
子孙子水	父母辰土、、	

彼以父动有雨。余曰：常见占日应时，且看今日申时、戌时而无雨者，明日必有雨也。果于本日申时雨。问曰：如何知申时雨？余曰：戌土长生在申。又问：雨至何时？余曰：父化退神，雨不久，明日必晴。

果于次日大晴。

例 213、巳月辛卯日占次日阴晴，得遁之咸

螣蛇	父母戌土○	父母未土
勾陈	兄弟申金、	应
朱雀	官鬼午火、	
青龙	兄弟申金、	
玄武	妻财寅木	官鬼午火、、世
白虎	子孙子水	父母辰土、、

或曰：戌父化未父，明日必有大雨。予曰：每见神报近而不报远，且看今日未时戌时若无雨，明日必雨。果于本日未时小雨，申戌时大雨，亥时即晴。

例 214、卯月壬寅日占何日雨，得否之观

白虎	父母戌土、	应
螣蛇	兄弟申金、	
勾陈	官鬼午火○	父母未土
朱雀	妻财卯木、、	世
青龙	官鬼巳火、、	
玄武	子孙子水	父母未土、、

或曰：午鬼化未父，当雨之兆，只因午与未合，必待子丑日冲开其合，方能有雨。予曰：今日子丑时亦可冲开。果于半夜大雨。

或问：有动或逢合或逢值，能实知其一曰乎？余曰：昔人不知多占之法，亦且不明此理，错断有之。天机未肯全泄，全在人之变通。

圣人立教，设此天时教人以验人事。即如子孙持世发动，占天时者，皓日当空，无云点缀，及至墓绝之日，黑暗无光。若占身命，烈烈轰轰，扬扬得志，后逢墓衰之年，灾非同至。故余首言教人以天时而验人事，取其效之速。

今欲实知一日者不难。曾因官长有事，命在旦夕，因占得子孙持世，劝之勿忧，必蒙赦宥。彼不肯信，意欲先寻自尽。余设一法。

例 215、酉月丙子日占何日雨，得蒙之临

青龙	父母寅木○	妻财酉金
玄武	官鬼子水、、	
白虎	妻财酉金	子孙戌土、、世
螣蛇	兄弟午火、、	
勾陈	子孙辰土、	
朱雀	父母寅木×	应 兄弟巳火

上下寅木父动，明知寅日必雨。

例 216、再叫人占何日雨，又得大壮之泰

青龙	兄弟戌土、、	
玄武	子孙申金、、	
白虎	父母午火○	世 兄弟丑土

螣蛇 兄弟辰土、
勾陈 官鬼寅木、
朱雀 妻财子水、 应

前卦寅木父动，当应寅日，此卦午火父爻长生于寅亦是。

例 217、又叫人再占，得随之屯

青龙 妻财未土、、应
玄武 官鬼酉金、
白虎 子孙午火 父母亥水○ 官鬼申金
螣蛇 妻财辰土、、世
勾陈 兄弟寅木、
朱雀 父母子水、

又见亥水父动，知寅日必雨也。何也？亥水父动，动而逢合之日，亦应寅日。

例 218、至戊寅日五更又占本日何时雨，得睽之履

朱雀 父母巳火、
青龙 妻财子水 兄弟未土× 子孙申金
玄武 子孙酉金、 世
白虎 兄弟丑土、、
螣蛇 官鬼卯木、
勾陈 父母巳火、 应

余以前三卦俱应寅日而雨，此卦未土动化出申金子孙，此应一爻独发，未时必雨，申时大晴。

清晨往彼安慰而曰：卜公之卦，子孙持世无忧，公不肯信，试看今日未时雨，申时晴者，公知我卦之灵，从此不须忧也。彼留余于家，见午未未初雨从西南而来，未时大雨，申时云散天开。合家喜曰：真神卦也。余曰：既知天时，何难知其人事？公宜宽心。过半月，果蒙恩赦。

或问：未土兄动，如何指定未时必雨？余曰：神已报定寅日雨矣，今日再问者，又报晴时，不然目下已是晴天，如何又现申金子孙，申时晴耶？全在灵机通变耳。

例 219、辰月丙子日因雨占晴，得巽之姤

青龙 兄弟卯木、 世
玄武 子孙巳火、
白虎 妻财未土× 子孙午火
螣蛇 官鬼酉金、 应
勾陈 父母亥水、
朱雀 妻财丑土、、

例 220、又令人占，得姤之乾

青龙 父母戌土、
玄武 兄弟申金、
白虎 官鬼午火、 应
螣蛇 兄弟酉金、
勾陈 妻财寅木 子孙亥水、

朱雀 父母丑土 × 世 子孙子水

例 221、又令人占，得天雷无妄

青龙 妻财戌土、
玄武 官鬼申金、
白虎 子孙午火、 世
螣蛇 妻财辰土、
勾陈 兄弟寅木、
朱雀 父母子水、 应

此因满城欲装台阁以赛神，因连日忽晴忽雨，不敢装扮。余以此三卦合而决之，知癸未日必大晴。

前卦，未土财化出午火子孙，古法谓之合住财爻不晴，予每验冲开之日必晴。况此卦子日占，子水已冲开午火，而未土不能作合，故知未日必晴。二卦，丑土父母为雨，化出子水子孙为晴，亦应未日冲开丑土，而子水子孙不能与丑作合，亦当晴于未日。三卦，午火子孙，子日冲之而暗动，动而逢合之日，亦应晴于未日。至癸未日，果万里晴光。

例 222、寅月癸酉日因连雨占何日晴，得坎之节

白虎 兄弟子水、世
螣蛇 官鬼戌土、
勾陈 父母申金、
朱雀 妻财午火、应
青龙 官鬼辰土、
玄武 子孙寅木 × 妻财巳火

寅木子孙独发，亥日不晴则寅日必晴。许亥日者，动而逢合之日也；许寅日者，寅木而值日也。但亦不能实指一日。

例 223、又命之占，得夬之需

白虎 兄弟未土、
螣蛇 子孙酉金、 世
勾陈 妻财亥水○ 子孙申金
朱雀 兄弟辰土、
青龙 父母巳火 官鬼寅木、 应
玄武 妻财子水、

前卦寅木子孙动而主晴，尝有应在动而逢合之亥日，亦有应在动而逢值之寅日；此卦亥水财动，故知亥日无疑，况亥值旬空，亦应实空之日。果亥日大晴。

人事宜识人之念，天时须会神之意。

例 224、申月己卯日因清晨天阴占今日雨否，得夬之大壮

勾陈 兄弟未土、
朱雀 子孙酉金○ 世 子孙申金
青龙 妻财亥水、
玄武 兄弟辰土、
白虎 父母巳火 官鬼寅木、 应

螣蛇 妻财子水、

因天阴而问雨，神不报雨，而报酉时大晴。予疑神意谓雨已至矣，雨则不久，酉时即晴。果于午未时小雨，申时云开，酉时大晴。此类卦恒多，后贤须宜会意，要知雨已来矣，神不报雨而报晴。或曰：酉金爻动，动而逢冲谓之散，又化退神，如何亦晴？予曰：旺金如何得散？申金月建，如何为退？

例 225、巳月丁亥日因连雨占何日晴，得屯之噬嗑

青龙 兄弟子水 × 妻财巳火
玄武 官鬼戌土 ○ 应 官鬼未土
白虎 父母申金 × 父母酉金
螣蛇 妻财午火 官鬼辰土、
勾陈 子孙寅木、世
朱雀 兄弟子水、

断曰：外卦父化父、鬼化鬼，还是连朝风雨，上爻子水化出巳财，须至巳日方晴。或曰：鬼旺而化退，父衰而化进，何以断之？予曰：父化父、鬼化鬼，乃神告我连日之风雨也，又要报我巳日之晴，非此爻象，难尽此意。今又以旺衰进退言之，非知通变者也。

例 226、卯月甲辰日天阴占雨，得艮之乾

玄武 官鬼寅木、世
白虎 妻财子水 妻财子水 × 子孙申金
螣蛇 兄弟戌土 × 父母午火
勾陈 子孙申金、应
朱雀 父母午火 × 官鬼寅木
青龙 兄弟辰土 × 妻财子水

从今日阴起，有四日不晴。或问：今日晴否？予曰：辰土兄化子水财，子水长生于申，申酉时必晴。明日巳日，或晴或雨，午未日必有大雨，申日大晴。或问：何故？予曰：自初爻辰土一动，连动四爻，父化鬼、兄化父，乃连朝之不晴也，五爻子水财化申金子，故知申日必晴。后果连日或阴、或雨、或晴，直至申日万里无云。

例 227、巳月朔日庚辰占一月阴晴，得坤之师

螣蛇 子孙酉金、世
勾陈 妻财亥水、
朱雀 兄弟丑土、
青龙 官鬼卯木、应
玄武 父母巳火 × 兄弟辰土
白虎 兄弟未土、

或曰：父持月建，阴雨连旬。此卦巳火父动，又是父化兄，风雨靡常，此月必涝。予曰：书中固有此说，予试不验。明日巳日必雨，他日未必。果于次日小雨。

所以前篇予辟其阴雨连旬之谬也，后贤不可不察之。

朔日：旧历每月初一日。

例 228、酉月丙戌日因连日阴雨占何日晴，得小过之贲

青龙 父母戌土 × 妻财寅木

玄武	兄弟申金、
白虎	子孙亥水 官鬼午火○ 世 父母戌土
螣蛇	兄弟申金、
勾陈	妻财卯木 官鬼午火、
朱雀	父母辰土× 应 妻财卯木

断曰：卦中父鬼乱动，今日必有大雨。幸初爻辰土父化卯木财，上爻戌土父化寅木财，明日寅卯时必晴。果于次日寅卯时天开。

例 229、卯月癸巳日因连日雨占何日晴，得比之革

白虎	妻财子水、应
螣蛇	兄弟戌土、
勾陈	子孙申金× 妻财亥水
朱雀	官鬼卯木× 世 妻财亥水
青龙	父母巳火、
玄武	兄弟未土× 官鬼卯木

断曰：卦中父鬼乱动，连日还有大雨，幸申金子孙化出亥水财爻，申日必晴。后果申日大晴。

例 230、卯月癸卯日占何日雨，得小过之遁

白虎	父母戌土×	父母戌土
螣蛇	兄弟申金×	兄弟申金
勾陈	子孙亥水 官鬼午火、 世	
朱雀	兄弟申金、	
青龙	妻财卯木 官鬼午火、	
玄武	父母辰土、应	

断曰：戌父化戌父，乃是伏吟卦。伏吟必要冲开，明日辰日必雨。果次日辰巳时得雨。

例 231、子月甲申日因连日大雪占何日晴，得损之临

玄武	官鬼寅木○ 应 子孙酉金
白虎	妻财子水、
螣蛇	兄弟戌土、
勾陈	子孙申金 兄弟丑土、世
朱雀	官鬼卯木、
青龙	父母巳火、

断曰：寅木鬼动，木动生风，变出酉金子孙，今日亥时必起大风，来朝酉日则晴矣。果于亥时起风，次日大晴。

例 232、申月丁未日因连日雨占何日晴，得复之既济

青龙	子孙酉金、
玄武	妻财亥水× 兄弟戌土
白虎	兄弟丑土、应
螣蛇	兄弟辰土× 妻财亥水
勾陈	父母巳火 官鬼寅木、
朱雀	妻财子水、 世

断曰：辰土兄化亥水财，亥日必晴，但晴之不久耳。或问：何以知之？予曰：盖因五爻亥水财又变戌土兄故也。果于亥日天开，至申酉戌时而又雨矣。

例 233、未月庚子日因祈雨而占雨，得困之噬嗑

螣蛇	父母未土×	官鬼巳火
勾陈	兄弟酉金○	父母未土
朱雀	子孙亥水、	应
青龙	官鬼午火、、	
玄武	父母辰土○	妻财寅木
白虎	妻财寅木×	世 子孙水

断曰：内卦辰土父动，又化寅木之财，辰日有雨而不大。外卦酉金兄化出未土父，未父又化巳火鬼，必待未日方有大雨。果于辰日小雨，未日大雨。

寅月甲申日，友约亥日游春。予曰：连日雨雪，游玩何能尽兴？友曰：今早占得亥水子孙动，亥日必晴也。予即卜之。

例 234、寅月甲申日，占何日晴？得豫之震。

玄武	妻财戌土、、
白虎	官鬼申金、、
螣蛇	子孙午火、 应
勾陈	兄弟卯木、、
朱雀	子孙巳火、、
青龙	父母子水 妻财未土×
	世 父母子水

予曰：子日方晴，亥日未必。友曰：我占亥水子孙，兄占子水子孙，必是亥子日俱晴。予曰：非也。兄占亥水子孙者，旺于子日也，亦应子日晴，非亥日也。果亥日犹雪，子日大晴。

身命章第三十六

诸书占身命，谓妻财子禄，一卦能包；寿夭穷通，六爻兼尽。殊不知父子财官兄，各有相忌相伤。若以一卦而兼断者，即如父母旺相，双庆之征，又曰父旺伤子。岂世之有父母者，皆无子嗣之人也？

又曰：见兄则财莫能聚，又为克妻之神。又曰：兄弟爻兴，紫荆并茂。倘值旺兄持世，克妻耶？耗财耶？手足无伤耶？《易林补遗》有曰：兄动妻亡财耗散。若执此而论，世之贫人寒士皆失偶之人耶？

至于财官子孙皆同此论，不暇细辨。必兼而断者，即先贤犹在，执此问之，知亦无从置喙。

紫荆：又称兄弟花。

觉子曰：余今得其法，乃分占之法也。占父母，占兄弟，占子嗣，占终身财福何如？占终身功名有无？占终身夫妻偕老否？及寿元修短，俱宜分占。临时详断，庶免暗中摸索之讥。

终身财福章第三十七

福财旺相，钟鸣鼎食之家。

旧系：既富且寿，世爻旺相更无伤。

觉子曰：占财宜于财旺，占寿独重世爻。未闻财福不旺而世爻独旺，即许富与寿也。执此论之，世之多寿者，皆富贵之人也。

凡占终身财福者，世爻、财爻、子孙爻三者无一失陷，定是家殷户足、福禄绵长。世与财爻旺相，而福神不旺者，乃先富后贫之人也。何也？子孙者，财之源也。水无源流，终须枯涸，谓之财旺福空，荣华不久。世与福爻旺相，而财爻不旺者，乃无财享福之人也。既曰无财，焉能享福？此人有现成之事业，只知坐享，不知生发；或是财托他人掌管，只知花费，不知艰难。财与福爻旺相，而世爻不旺者，乃富屋之贫人也。

觉子曰：以上之论不旺，所包者广：无气失陷谓之不旺；得地无气亦谓之不旺；空破墓绝亦谓之不旺。

财福两旺，而世爻不旺而有气者，后逢生旺之年，仍复旺相，故谓之财福司权，荣华有日。财福两旺，而世爻无气者，不为吉也，虽丰衣足食，不免痴症暗聋、或遭疾病官非、或系吝啬鄙俗。财福两旺，而世爻失陷者，更为凶也，虽有万斛金银，难买长生药石。

前论财神与福神，虽则不旺，亦宜有气，若失陷者，俱为凶兆。财福失陷，立见倾家。唯动空及动而破者不妨，定应实破实空之年月也。

财世休囚，灶釜生尘之宅。

世爻财爻福爻三者无气，或空破墓绝，或动而变凶，乃无衣乏食之人也。世爻得地而财福失陷者，此人身强力健，或有小谋小技，亦可支撑度日。世爻福爻有气而财爻无气者，虽则贫寒，乐享清福。世爻财爻有气而福爻无气者，此人虽无积蓄，手头常过金银，或代人掌财。再得日月动爻生扶者，亦许小成。

例 235、卯月甲申日占终身财福，得复之颐

玄武	子孙酉金×	官鬼寅木
白虎	妻财亥水、、	
螣蛇	兄弟丑土、、应	
勾陈	兄弟辰土、、	
朱雀	父母巳火	官鬼寅木、、
青龙	妻财子水、	世

断曰：五爻亥水财、世爻子水财，皆长生于申日，虽不当令，却得日建之生，独嫌酉金福神破而化绝，生平衣禄不少，难于积蓄成家。果此人自三十七岁入典铺掌柜，财东更换者三，此人依然在柜。活至七旬有一，每年工食养家，此应财爻持世遇长生也。生有四子二女，若执古法而兼看，卦中子孙破而化绝，乃无子也。

《黄金策》曰：世位休囚，非贫即夭。余以为非。贫者，须观财福；夭者，单用世爻。非夭即贫，不是卜易之理。

世居空位，终身作事无成。

旧注：大忌世空，一生百事无成。余以此论近理，但未分出旺与动耳。世爻旺而空者，谓之带旺匪空。动而空者，动不为空。遇日建冲者，冲空则实。卦中若是财福得地，冲空实空之年，勃然发福，岂曰无成？

例 236、戌月辛亥日占终身财福，得比之观

螣蛇 妻财子水× 应 官鬼卯木
 勾陈 兄弟戌土、
 朱雀 子孙申金、
 青龙 官鬼卯木、、世
 玄武 父母巳火、
 白虎 兄弟未土、

断曰：世爻虽空，月建合之，亥日生之。子水财爻动而生世，卯年一定成家。丑年占卦，果至卯年立业成家。彼时定鼎之初，云贵才平，此人于川中带出附子、黄莲药材数担，勃然兴家，蓄数千余金，从此立业成家，连年丰足。似此，岂可谓一生百事无成耶？

例 237、酉月辛未日占终身财福，得颐卦

螣蛇 兄弟寅木、
 勾陈 子孙巳火 父母子水、
 朱雀 妻财戌土、、世
 青龙 官鬼酉金 妻财辰土、
 玄武 兄弟寅木、
 白虎 父母子水、 应

断曰：财爻持世，虽有未日扶拱，不宜旬空。卦中无火生助，占身命之最忌也，难许成家。此人自二十五岁至五十多岁，东奔西走，一事无成。后因贫极，从戎外出，不知所终。如此者，谓之一生百事无成可也。

身入墓乡，到老求谋多戾。

世爻有三墓，但有一墓者，若休囚无气，主其人如痴如醉，不伶不俐，动静行藏，必不响快，凡为不遂。

觉子曰：世爻若得临于日月，或日月生扶、或动而化吉，不逢冲墓之年，果然颠倒昏迷，及逢墓库冲开，如苗逢雨。谚云：福至心灵。爻中再有财福相生，或财福旺相者，陡然富足，故曰墓中人不冲不发。岂可谓到老而多戾耶？

例 238、午月丙戌日占终身财福，得水泽节

青龙 兄弟子水、
 玄武 官鬼戌土、
 白虎 父母申金、、应
 螣蛇 官鬼丑土、
 勾陈 子孙卯木、
 朱雀 妻财巳火、 世

此人旺财临世，平素手有余钱。亦因世入戌墓，酷好痴赌。后至巳年，因开铅矿，连开数穴，富冠一乡。

野鹤曰：古法常应冲开戌墓之年，此卦而应冲世之年。

卦宫衰弱根基浅，爻象丰隆命运高。

爻象丰隆，占身命最重。世爻财爻福爻，得遇生扶，自然命运高强。唯卦宫之衰弱者不验，常见根基浅薄之人，卦宫极旺，不可为法。

若问成家，嫌六冲之为卦。

旧注：凡遇六冲，必主其人作事有始无终。前卦六冲，前三十年，生涯淡泊；后卦六冲，三十年后，家业凋零。

野鹤曰：非也，若六冲变六冲而断六十年之休咎，而置世财福于何地？若世财福爻无气，再遇六冲卦者是也。

例 239、寅月乙巳日占终身财福，得雷天大壮

玄武 兄弟戌土、
白虎 子孙申金、
螣蛇 父母午火、 世
勾陈 兄弟辰土、
朱雀 官鬼寅木、
青龙 妻财子水、 应

余见此卦，世旺官旺文旺，见其人才品异常。问曰：近来所作何事？彼曰：在庠，因家寒意欲行医，不名财福如何？余曰：卦中官文两旺，寅年必有际遇，午未年定登金榜。彼曰：予知不能，竟无此念。余曰：尔虽以财为问，而神告将来还可成名。后果于寅年医好富翁，厚赠读书。午年一榜，富翁及亲友又赠，援例县令，未几丁艰。及至补缺，未几罢误而归，囊筐消然。应寅年者，实空之年也；应午年发者，世爻之值年也；功名反覆而不久者，六冲之卦也；宦囊消索者，子水财爻绝于巳日也。

罢误：被别人牵连而受到处分或损害。

要知创业，喜六合以成爻。

旧注：占身命得六合卦，主其人春风和气，交游必善，谋事多遂。若前合后合，主一生利达，百事如心。

野鹤曰：卦遇六合，主其人善于交游，春风和气者有之，若以百事如心，未必然也。必以用神兼之。爻象吉者，吉而又吉；爻象凶者，合亦无益。

动身自旺，独力撑持。

旧注：世爻不遇日辰动爻生扶，而自强自旺，其人必白手成家。

野鹤曰：此果屡验。但须财爻持世，而自强自旺，多自成家。若兄父官鬼持世，未必成家，仅可撑持而已。

例 240、申月壬子日占终身财福，得泰之临

白虎 子孙酉金、应
螣蛇 妻财亥水、
勾陈 兄弟丑土、
朱雀 兄弟辰土○ 世 兄弟丑土

青龙 父母巳火 官鬼寅木、
玄武 妻财子水、

世临辰土，旺于子日，虽无刑伤冲克，亦无生扶，真可谓之自强自旺。此人原来稍有家业，因赌致贫，问将来还有发旺否？余曰：兄爻持世，永无发福之秋。且世爻逢退，难许长年。后此人贫极当夫头，死于丑年。

衰世遇扶，因人创立。

此果屡验。世爻无气，得遇日月动爻有一而生扶者，必遇好人提拔。但亦要财爻持世，或日月动爻作财以生世，因人照管成家。若父兄持世，仅可度日。

野鹤曰：屡见日月生世，贵人生世，常得官贵垂青。

例 241、丑月丙辰日占终身财福，得未济之睽

青龙 兄弟巳火、 应
玄武 子孙未土、
白虎 妻财酉金、
螣蛇 官鬼亥水 兄弟午火、世
勾陈 子孙辰土、
朱雀 父母寅木× 兄弟巳火

断曰：兄爻持世，耗财之神，虽得寅木相生，而财不聚。彼曰：作何事可以成家？余曰：木生火旺，木火通明，胸中灵巧，况朱雀临父，笔砚可以营生。后因叔父作衙门，命之贴写，得上人之意，仅可度日而财不聚。叔父提拔者，应寅木父爻生世，又是笔墨营生也。

日时合助，一生偏得小人心；岁月克冲，半世未沾君子德。

世爻不论旺衰，但得岁、月、日建有一而生扶，仕宦者，君恩宠爱，君子相亲，小人忠敬；平人者，必得贵客扶持。

世爻有气或被日月有一而冲克者，仕宦者，上位相陵、同僚不睦、小人毁谤，若太五爻冲克者，君恩失宠，世若休囚者更甚；平人者，官贵欺陵、亲朋妒忌、下辈欺侮，世若休囚更甚。

又曰：父来生，得父辈之恩；兄来克，受兄弟之累。此则间有验，不可执之。

遇龙子而无气，纵清高亦是寒儒。

此果屡验。凡得青龙子孙持世，必然立志高远，不慕富贵。即子孙无气，亦主绝俗超群，自甘寒薄。

例 242、酉月癸丑日占终身除功名外何事可为，得姤之遁

白虎 父母戌土、
螣蛇 兄弟申金、
勾陈 官鬼午火、 应
朱雀 兄弟酉金、
青龙 妻财寅木 子孙亥水○ 官鬼午火
玄武 父母丑土、世

断曰：财星伏于二爻，又值空亡，正所谓内外无财伏又空，财莫能聚。且喜子孙独发遇青龙，虽不持

世，亦主清高。生平非义不取，不以富贵关心。彼曰：祖有恩荫，已让舍弟承袭。今欲挟伎遍游，取乐山水，可能如愿否？余曰：亥水子孙变鬼，财爻又空，子死妻空，绝俗离尘之辈。如有此志，此卦验之极矣。彼曰：余年四十有三，自二十一岁妻亡之后，竟未续弦，子女皆无。余曰：卦之相合，必如其愿。后闻此人游川广滇黔，及至十余载之后，致书于家。竟入华山，不知所终。

觉子曰：余因父子兄财官各有相忌，难以一卦决之，是以分占得理。然亦有不占财福，卦中现出旺财；不问功名，爻象现出旺官。目下刑妻克子不待另占，卦中先现刑伤，不可不详加细查。

或曰：既谓分占，何故又言兼断？余曰：此理难向俗人而言。来人欲占事者，其机动矣。人之至亲，莫过于骨肉；人之得志，莫过于利名。神不告已问之事而告未问之事者，以重大者而先告也。即如此卦，福遇青龙清高之客，子孙变鬼绝后之人，兼之财伏而空，乃是离尘绝俗。以此数事，正合福遇青龙清高之客也。似此显而见，何须另卜再占？不然，此财爻者，以之为财帛空耶？以之为妻妾空耶？

逢虎妻而旺强，虽鄙俗偏为富客。

旧注：白虎临财持世，其人虽不知礼义，然必家道殷实。此果有验。

又曰：旺财若有制服，亦粗知文墨。此又非理之论。旺财逢制，乃应将来之破败也，岂以文墨言？

例 243、午月丙子日占财福，得明夷之丰

青龙	父母酉金、、
玄武	兄弟亥水、、
白虎	官鬼丑土× 世 妻财午火
螣蛇	妻财午火 兄弟亥水、
勾陈	官鬼丑土、、
朱雀	子孙卯木、 应

世临白虎化出旺财生世，果此人目不识丁，鄙俗不堪。农庄尽可度日，人丁六畜丰盛。戌年占卦，值子年庄稼被蝗虫食尽，全家瘟疫，六畜亦瘟。应子年者，占时原有子日冲其午火，因午火值月建可以相敌，今遇子年，增其冲克，所以破败。

父母持身，辛勤劳碌。鬼爻持世，疫病缠绵。遇兄则莫能聚财，遇子则身不犯刑。

《黄金策》自此以后，皆非理也。父母官鬼持世，竟可以劳碌疾病断耶？

旧注：若是贵人，勿以此断。此说非理，彼占身命，焉知是否贵人？即实知不是贵人，焉知将来不贵？

例 244、酉月壬辰日占终身财福，得恒

白虎	妻财戌土、、应
螣蛇	官鬼申金、、
勾陈	子孙午火、
朱雀	官鬼酉金、 世
青龙	兄弟寅木 父母亥水、
玄武	妻财丑土、、

问曰：尔适间祷告，曾问功名否？彼曰：生意之人，何有功名之念？余曰：此卦财生官旺，竟可问名。彼曰：天有落下来之官，亦不到我头上。

例 245、命再占功名，得噬嗑之否

子孙巳火、
妻财未土× 世 官鬼申金
官鬼酉金、
妻财辰土、
兄弟寅木、应
父母子水○ 妻财未土

余曰：世爻未土之财变出申金之官，明明以财而变官。前卦财旺生官者，因世临月建之官，辰日冲动戌土之财，暗动生世，虽可许名，不敢指以年月。后卦世临未土而逢空，实空之年包尔出仕。果于卯年援例入监，巳年初任兵马，随即加纳县令，未年再任江南。官鬼持世，疾病缠绵。旧注若是贵人，勿以此断。此人原非贵人，岂谓之疾病缠绵耶？

入监：旧时称进国子监读书为入监。五城兵马：明代在北京城设中、东、西、南、北五城兵马指挥司，有指挥、副指挥、吏目等官。负责治安、火禁及疏理沟渠街道等事。

例 246、巳月己丑日占终身财福，得归妹之临

勾陈 父母戌土、应
朱雀 兄弟申金、
青龙 子孙亥水 官鬼午火○ 父母丑土
玄武 父母丑土、世
白虎 妻财卯木、
螣蛇 官鬼巳火、

余曰：卦中财福不旺，而官父两旺，如何不问功名？彼曰：功名之念已灭。余曰：世临日建，月建生身，必主显贵荐举，巳午年富贵逼人來也。果于午年保举，虽非科甲，身为科甲之官。此岂可谓父母持身辛勤劳碌耶？

父母临身，劳碌贫寒。

或曰：《黄金策》乃卜筮之宗，岂有占身命而以父子财官兼断之理？

余曰：既不为信，即看父母持身之解注，便可知矣。谓占身命不可见父兄官鬼持世，世爻遇父则克伤子女，一生劳碌，不得安逸。岂非父为克子之神，又为一生劳碌之神耶？执此论之，但遇父爻持世，不独一生劳碌抑且无子。世之无子者，悉皆劳碌之人也。

觉子曰：父母持世，占功名，以之为诗书文馆；占财福，以之为劳碌辛勤。官不旺而父旺者，虽不见用于朝廷，名盛文传。衰而又逢冲克，即欲寄食于公门，凶多吉少。

例 247、子月乙未日占终身财福，得兑

玄武 父母未土、世
白虎 兄弟酉金、
螣蛇 子孙亥水、
勾陈 父母丑土、应
朱雀 妻财卯木、
青龙 官鬼巳火、

断曰：卯木之财，入未日之墓；巳火之官，休囚无气。名不能成，利不能就。惜乎旺父临身，才弥高

而和弥寡，况卦遇六冲，一事无成之象。后见屡逢显贵聘之，才高气傲，皆不待瓜期辞矣。目击十余载，贫寒淡泊，后随表弟升任云南，不知所终。

瓜期：即瓜代，言任职期满，等待接替。语出《左传·庄公八年》：及瓜而代。

例 248、午月壬寅日占终身财福，得雷火丰

白虎 官鬼戌土、、
螣蛇 父母申金、、世
勾陈 妻财午火、
朱雀 兄弟亥水、
青龙 官鬼丑土、、应
玄武 子孙卯木、

古以占财者，喜财克世，殊不知占目下之财，财克世者，必得；占终身之财福，财克世者，乃生平受财之累，因财之害也。此卦财既克世，更嫌父母持身，一世无安逸之日。休囚又遇日冲而为日破，如蜂酿蜜，谁苦谁甜？果此人原系农庄之贫人，劳碌勤耕，稍成家业。后因逆子赌博，首其子，并告窝赌之人。其人自缢，致成人命。产业荡费，气愤而死。探之亡于午年，乃因世爻申金午月克之、寅日冲之，故逢火克而死。

兄弟持世，财耗贫寒。

旧系：遇兄则财莫能聚。

旧注：世逢兄爻必克妻妾，一生必不聚财。既以之为克妻，又以之为破耗。执此而论，世之伤妻者，皆贫困之人也。假使贫者偕老，富者断弦，何以决之？故予以分占之法，实得理也。

觉子曰：凡占财福，兄爻持世，虽不许之富足，亦看旺衰。旺则贫而好义，衰则多疾招非。得日月生扶，贫而乐；得旺财来合，富而骄。旺临蛇虎玄武，奸盗诈伪之劣顽；衰遇勾雀玄武，背负肩挑之穷汉。受克受制，下贱隶卒；得合得扶，上人抬举。全在人之通变，观其轻重而言。

官衰无破，公门异术资生。

官鬼持世，休囚无气者，乃缠绵病疾，残疾之人也。若有气者，或入公门或挟术行道。再遇日月动爻贵人扶助，皆得贵客相亲，从此成家立业。财若无气，空有虚名而已。

财弱有助，商贾百工事业。

财爻福爻自来旺相者，或商或贾或守农庄，乃生成之富足，乐享丰饶。倘遇衰财持世，或得日月动爻生扶合助者，暴发兴家。守农庄，年时丰稔；习工艺，巧夺天工。

慕道修行，皆为子孙持世。

子孙乃恬淡之神，子孙持世孤立无助又遇财爻失陷者，若有高尚之志，许之为道为僧。若无出家之志，不可妄断。殊不知见子则身不犯刑，许之生平不犯官刑可也。

家倾名丧，乃因官鬼伤身。

凡遇官鬼克世，世爻旺者，生平多招刑宪，或招嫉妒，或小人暗害，或残疾缠绵。若鬼旺身衰者，乃身丧家倾之兆，劝之不必以财福为问，速寻趋避之法可也。如世爻动而变鬼克世，及日月作官鬼而克世者，更凶。

例 249、辰月甲寅日占终身财福，得中孚之节

玄武		官鬼卯木○	妻财子水
白虎	妻财子水	父母巳火、	
螣蛇		兄弟未土、、世	
勾陈	子孙申金	兄弟丑土、、	
朱雀		官鬼卯木、	
青龙		父母巳火、	应

断曰：世爻临未土，辰月助之，亦作有气。但嫌日建伤身；上爻卯木之鬼化出子水之财，正谓之助鬼以伤身也。休问财福，当卜凶灾。彼问：能避否？予曰：今年九、十月不可出门，可以避之。果于九月蒙官差遣，此人雇人代顶而去，中途遇害。似此之法，祸亦可避。

例 250、卯月癸未日占终身财福，得革之家人

白虎		官鬼未土×	子孙卯木
螣蛇		父母酉金、	
勾陈		兄弟亥水○	世 官鬼未土
朱雀	妻财午火	兄弟亥水、	
青龙		官鬼丑土、、	
玄武		子孙卯木、	应

断曰：外卦世与日月合局，以为吉卦。不宜世爻变鬼，又化回头之克，上爻未土又克，目下虽无妨，今年四月冲开其合，或是酉月冲开卯木，须防不测。果至巳月生恶疮，卒于酉月。

财化退神，不利于己。

财爻持世化进神，或财化进而生世者，事业从此而进，家道自此丰亨。若化退神，家业自此渐退，日剥月削，渐至萧条。若世爻再被刑克冲害者，非渐退也，灾非即见，物覆财倾。

世逢合住，受制于人。

世临财爻，被日月动爻合住，虽丰衣足食，定然受制于人，事不由己。世临父兄，得日月动爻合住，衣食仅可度日，难许丰足。世爻无气而被合，财福无气，兄动卦中，乃奔走受制之贱流也。

终身功名有无章第三十八

官父兴隆，文章见用。

凡得旺父持世，官动生之；或官星持世，父爻旺动；或官星父爻旺动，生合世爻；或日月作官星父母生合世，皆主以文成名。学成文武艺，货与帝王家。

鬼财摇发，纳粟成名。

官星持世财动相生，或世临官动化财，或世临财动化官，或财星官星动而生合世爻，或日月作财官星生合世爻，皆主纳粟以成名。

例 251、辰月乙未日占终身功名有无，得明夷之丰

玄武	父母酉金、、	
白虎	兄弟亥水、、	
螣蛇	官鬼丑土×	世 妻财午火
勾陈	妻财午火	兄弟亥水、
朱雀	官鬼丑土、、	
青龙	子孙卯木、	应

此公原是武荫，已任卑官，因病告退，即无官矣。问将来还有功名否？此卦丑土官星持世，化出午火，财旺生官之兆。卯年占卦，巳年援例，连连加纳，官至府佐。未年出仕，戌年升任黄堂。

古法以动而逢冲谓之散，此系未冲世爻之丑土，竟不见其散也。

卑官：卑微的小官。府佐：1、指高级官署中的佐治官吏。2、特指知府的佐贰官。佐贰：辅佐主司的官员。明清时，凡知府、知州、知县的辅佐官，如通判、州同、县丞等，统称佐贰。其品级略低于主管官。黄堂：古代太守衙中的正堂，借指太守。七品黄堂：对县令的美称。

例 252、戌月壬子日占终身功名有无，得困之兑

白虎	父母未土、、	
螣蛇	兄弟酉金、	
勾陈	子孙亥水、	应
朱雀	官鬼午火、、	
青龙	父母辰土、	
玄武	妻财寅木×	世 官鬼巳火

断曰：寅财持世，化出官星，终身功名以财而得。彼曰：目下意欲援例。予曰：援例必妥，惟恐不能出仕。六合变六冲，有始无终之象也。果已考职，忽害眼疾，双目失明。

独旺于官，立功建业。

凡卦中财爻父爻皆不得地而官星独旺，或日月作官星生世，或虎临世动，或虎临金鬼动而生合世爻，皆主立功以成名也。

例 253、戌月戊辰日占终身功名有无，得蛊卦

朱雀	兄弟寅木、	应
青龙	父母子水、、	
玄武	妻财戌土、、	
白虎	官鬼酉金、	世
螣蛇	父母亥水、	
勾陈	妻财丑土、、	

断曰：日月作财星 生世，白虎临金官持世，若入文途，必以援例；若入武途，可以立功。彼曰：有功名否？余曰：官星持世，日月生之，岂曰无官？后此人弃文从武，拔营破寨，奋勇当先，主帅嘉之，即以官职。不出五载，屡建奇功，官至元戎。

例 254、辰月乙巳日占终身功名有无，得豫之萃

玄武	妻财戌土、、	
白虎	官鬼申金×	官鬼酉金

螣蛇 子孙午火、 应
 勾陈 兄弟卯木、
 朱雀 子孙巳火、
 青龙 父母子水 妻财未土、世

此公考过州佐，因缺少人多，问将来得缺否？余见此卦五爻申官化进神，长生于巳日，辰月生之，但嫌不来生合世爻，疑是应于独发，请再占之。彼曰：改日虔诚再卜。余曰：更好。

例 255、辰月丁未日又占，得晋之姤

青龙 官鬼巳火、
 玄武 父母未土 × 兄弟申金
 白虎 兄弟酉金、 世
 螣蛇 妻财卯木 × 兄弟酉金
 勾陈 官鬼巳火 × 子孙亥水
 朱雀 子孙子水 父母未土、应

予因此卦，参悟前卦。前卦官化进神，动于五位，不临世合世，非分内之官也。此卦内得反吟，巳火之官被亥水冲去，明明现出分内之官已冲坏矣，将来功名非此考定之州佐也，另有寄处。彼问：从何而得？予曰：前卦官摇五位，官出特恩；此卦未土日建动于五位，化长生而生世，必得敕旨而立军功。

此公亦知易理，问曰：兄爻持世，如何有官？予曰：此胶柱也。若非世值兄爻，何得五位之文书生世？官旺化进，前卦已定就矣。又问：此时多事之际，正有此念，不知何方为吉？予曰：前卦申官化酉官，此卦世又临酉，西行大利。果往西行，未几建立奇功，官至副使，加衔方伯，午年升任山东。

岁五生世，平步登云。

凡得太岁及五爻生世，或日月入爻动而生世，主庶民食禄，平步登云。须要太岁入爻，又宜发动。倘得五爻生世，亦要发动。而世与官星亦宜旺相，方可断之。古有存验。

例 256、丙戌年戌月乙卯日闻驾至占吉凶何如，得比之坤

玄武 妻财子水、应
 白虎 兄弟戌土○ 妻财亥水
 螣蛇 子孙申金、
 勾陈 官鬼卯木、世
 朱雀 父母巳火、
 青龙 兄弟未土、

此人虽是庶民，乃一方之首领。忽闻驾至，率众迎之，而得将军之爵。太岁与五爻月建动而合世，世卯之官又临日建，神之征验如此！此非知机者，神也。

福德动摇，岂是朝廊之客？

凡得子孙持世，或卦中子孙发动者，终非朝廊之贵客。

例 257、戌月丁卯日占终身功名有无，得需

青龙 妻财子水、
 玄武 兄弟戌土、
 白虎 子孙申金、世

螣蛇 兄弟辰土、
勾陈 父母巳火 官鬼寅木、
朱雀 妻财子水、 应

断曰：子孙持世，休问功名。彼曰：作何事可以成名？余曰：任尔才能倚马，力能举鼎，终身不许成名。但此人功名之念切甚，读书若胜囊萤，文重当时竟未游泮。后从戌二十余载，或立军功，或援例纳粟，奔驰于名利之场，皓首无成。此子孙克官之征验也。

倚马：典故，形容才思敏捷。游泮：明清科举制度，经州县考试录取为生员者就读于学宫，称游泮。泮即泮宫，原为西周诸侯所设的大学之名。宋后州县皆置，仍沿用此称。

破空临世，终须白屋之人。

世静而临旬空月破，官逢月破旬空，皆主不得成名。惟世与官星空破而动者，勿以此断。

例 258、巳月乙卯日占终身功名，得旅

玄武 兄弟巳火、
白虎 子孙未土、、
螣蛇 妻财酉金、 应
勾陈 官鬼亥水 妻财申金、
朱雀 兄弟午火、、
青龙 父母卯木 子孙辰土、、世

断曰：虽是爻逢六合，嫌其子孙持世，官逢月破，勿想成名。彼曰：业已援例。余曰：费尽万金，终难食禄。后至子年得病，丑年得蛊病而终。

例 259、寅月丁卯日占后运升迁如何，得旅

青龙 兄弟巳火、
玄武 子孙未土、、
白虎 妻财酉金、 应
螣蛇 官鬼亥水 妻财申金、
勾陈 兄弟午火、、
朱雀 父母卯木 子孙辰土、、世

此人已考职矣，问后运升迁何如？占得此卦。戌年在地方多事，被人告发同，革职提问。

野鹤曰：占终身功名，只知功名之有无。卦中若现有功名，再问或文或武，或入公门，任其本念指其事而占之，其验如响。若以一卦之中，遂能断为文武者，乃欺人妄语也。

例 260、曾有武荫于卯月戊子日占终身功名，即现在之功名终其身乎？抑另有功名乎？得大过之井

朱雀 妻财未土、、
青龙 官鬼酉金、
玄武 子孙午火 父母亥水○ 世 官鬼申金
白虎 官鬼酉金、
螣蛇 兄弟寅木 父母亥水、
勾陈 妻财丑土、、应

断曰：另有功名。卦中西官临破，即是身上现在之官也，破而无用。幸世爻化出申官，回头生世，申

乃今年太岁，将来另有显爵，出自特恩。彼问：从何而得？予曰：玄武临亥水父爻发动，必因息盗安民策而得之也。彼曰：我何能有此长才？又问：应在何时？予曰：寅年得官，申年出仕。后果因盗贼之事，除首有功，寅年叙功，先得武爵，后又改为文职。申年升任陕西副使，随升粤东臬宁。亥年坐升潘台。

例 261、予于子年至彼公署卯月辛丑日占后运功名，得归妹之震

滕蛇	父母戌土、应
勾陈	兄弟申金、
朱雀	子孙亥水 官鬼午火、
青龙	父母丑土、世
玄武	妻财卯木○ 妻财寅木
白虎	官鬼巳火、

予曰：我特远来，指望占得吉卦，预报开府。奈何事与心违，不惟不能开府，且有退休之兆。彼问：何故？予曰：月建之财，现于卦象，克世克父，虽无虎动，难免长上之灾；世亦逢伤，自身亦有险厄。果寅年丁父艰，卯年回籍，至中途得病而终。乃因丑土父母持世，叠叠卯木相克故也。

寿元章第三十九

世爻旺相，永享长年；身位休囚，须防夭折。

凡占寿元，独以世爻为根本。世爻旺相，或临日月、或得日月动爻生扶、或动而化吉者，乃大寿之征也。世爻休囚，防之于冲克之年。再有刑冲克害者，动而逢值逢合之年，静而逢值逢冲之年。

休囚随鬼入墓，衰逢助鬼之伤，皆为凶兆。世动化克、化退、化鬼、化绝、化墓、化破、化空，夕阳无限好，只恐不多时。皆于应期章内决之。

例 262、辰月乙巳日占寿，得中孚

玄武	官鬼卯木、
白虎	妻财子水 父母巳火、
滕蛇	兄弟未土、世
勾陈	子孙申金 兄弟丑土、
朱雀	官鬼卯木、
青龙	父母巳火、 应

断曰：世爻未土，日建生之，月建扶之，遂儿孙期颐之祝，必享长年。彼曰：看在何时？余曰：古以初爻管五年，二爻管五年，共作三十年；再占一卦，又作三十年。余试四十余载，并无应验，欺人之法，余不为之。只以世爻衰旺而断长短，此卦象过二十年公再卜之。

期颐：一百岁。语本《礼记·曲礼上》：百年曰期、颐。郑玄注：期，犹要也；颐，养也。不知衣服食味，孝子要尽养道而已。孙希旦集解：百年者饮食、居处、动作，无所不待于养。方氏恂曰：人生以百年为期，故百年以期名之。

此人占卦之时五十三矣，后至七旬又一，相遇而问：向年所占寿元，还记否？余曰：占得中孚卦，原许二十年后再占。彼笑而占。

例 263、申月己卯日占寿，得损之复

勾陈	官鬼寅木○	应	子孙酉金
朱雀	妻财子水、		
青龙	兄弟戌土、		
玄武	子孙申金	兄弟丑土、	世
白虎	官鬼卯木○	官鬼寅木	
螣蛇	父母巳火、		

余曰：适问若是一爻鬼动，公之寿则不久矣。今见多鬼摇发，反为不碍。今年太岁在子，还享八年之福，至未年是其时也。彼问：何也？余曰：未年者，鬼多入墓，又是世逢年破。果终于未年七月。

例 264、巳月己酉日占寿，得大畜之泰

勾陈	官鬼寅木○	子孙酉金	
朱雀	妻财子水、	应	
青龙	兄弟戌土、		
玄武	子孙申金	兄弟辰土、	
白虎	父母午火	官鬼寅木、	世
螣蛇	妻财子水、		

世临寅鬼，晚景多灾。世值休囚，又逢日克，本年太岁在辰，可保无妨，当虑申年，木绝于申也。后未年得疾，交春之日而死，可称奇验。

元神宜于安静。

占寿，世为根本，元神为滋生之物，宜旺而静，不宜动摇。其故何也？占他事宜元神动者，动则有力也；占寿元不宜发动者，动则已有限期矣。非元神逢绝墓之年，即元神被冲克之岁。

例 265、亥月丁卯日占寿，得姤之小畜

青龙	父母戌土、	
玄武	兄弟申金、	
白虎	官鬼午火○	应
螣蛇	兄弟酉金、	
勾陈	妻财寅木	子孙亥水、
朱雀	父母丑土×	世
		子孙子水

断曰：世临丑土，化子水合之，应爻午火生之，乃是世爻得地，长寿之征。然反不宜火动生土，犹恐子年冲去午火，是其时也。果卒于子年。应子年者，世爻动而逢合之年也，又是冲去午火，不能生世也。

例 266、辰月乙卯日占寿，得中孚之睽

玄武	官鬼卯木、	
白虎	妻财子水	父母巳火○
螣蛇	兄弟未土×	世
勾陈	子孙申金	兄弟丑土、
朱雀	官鬼卯木、	
青龙	父母巳火、	应

余曰：世爻未土，月扶日克，可以敌之，反不宜巳火动而生世，今年太岁在申，余恐亥年不利。后卒于戌年。应戌年者，巳火入墓之年也。

忌神最怕动摇。

忌神不动，自是平安，动则已有限期矣。非应逢合之年，必应逢值之岁。

例 267、寅月己酉日占寿，得剥之无妄

勾陈	妻财寅木、	
朱雀	兄弟申金	子孙子水 × 世 兄弟申金
青龙	父母戌土 ×	官鬼午火
玄武	妻财卯木、	
白虎	官鬼巳火、	应
螣蛇	父母未土 ×	子孙子水

断曰：世化申金回头之生，不宜寅月冲破，又嫌戌未二土动而克世，有克而无生也，须防卯岁。果卒于卯年。应卯年者，戌土逢合之年而克世也。

例 268、酉月癸亥日占寿，得泰之明夷

白虎	子孙酉金、	应
螣蛇	妻财亥水、	
勾陈	兄弟丑土、	
朱雀	兄弟辰土、	世
青龙	父母巳火	官鬼寅木 ○ 兄弟丑土
玄武	妻财子水、	

寅木鬼动而克世，当应寅年、亥年。后却卒于辰年。应辰年者，世爻所值之年也，乃是世爻辰土逢辰年而遭鬼克之故耳。

例 269、子月乙亥日占终身财福，得节之中孚

玄武	兄弟子水 ×	子孙卯木
白虎	官鬼戌土、	
螣蛇	父母申金、	应
勾陈	官鬼丑土、	
朱雀	子孙卯木、	
青龙	妻财巳火、	世

予曰：勿以财问，问寿可也。夫世爻巳火，日月冲克，岂能挡子水又加克之？三十六岁，逢丑年，须防水厄。彼问：此其何故？予曰：坎宫属水，日辰月建是水，又动出子水，是以防之也。

例 270、忽于丑年卯月辛卯日杨友偕一人来占流年，得兑之随

螣蛇	父母未土、	世
勾陈	兄弟酉金、	
朱雀	子孙亥水、	
青龙	父母丑土、	应
玄武	妻财卯木 ○	妻财寅木
白虎	官鬼巳火、	

断曰：今年六月，若非水中之险，定逢竹木之灾。卦中日月克世，二爻卯木又克，目下世空无碍，六月世爻出空，逢群木以伤之，难保无危。杨友曰：此位姓郭，前岁占身，尔许今年不利，今又如此，果然低乎？予曰：数与数合，不独于低也。后果于六月随主避暑园林。二十九日，向人而言曰：某人说我六月

必死，今日廿九，饭吃七碗，如何得死？少刻持裤往塘内，在独木船上洗之。忽而船已离岸，岸上一人叫曰：无怪乎？某人说你死于水中，今船离岸，不死何为？其人心忙，以手划船而船不动，竟下水，欲以一手扳船一手划之，岂知船轻，连人而覆。既死于木，又死于水。少刻，主人随命家人岸干船水，叫两人翻船，竟翻不过，岂非数耶？

古法占流年，财克世者，以财断之，予竟以木多克世，防木为害。

《千金赋》曰：卦遇凶星，避之则吉。此卦忌神动摇，世爻空亡，岂可避耶？

例 271、午月己丑日占寿，得否之遁

勾陈	父母戌土、	应
朱雀	兄弟申金、	
青龙	官鬼午火、	
玄武	妻财卯木×	世 兄弟申金
白虎	官鬼巳火、	
螣蛇	子孙子水	父母未土、

断曰：此卦不敢定寿，世与妻财同化回头之克，间有应于伤妻，须再占一卦。

例 272、又得比之屯

勾陈	妻财子水、	应
朱雀	兄弟戌土、	
青龙	子孙子金、	
玄武	官鬼卯木、	世
白虎	父母巳火、	
螣蛇	兄弟未土×	妻财子水

此卦世爻随鬼入墓，故知前卦乃应自身之寿也，但不敢以年月断之。彼曰：须求直判。予曰：非我不言，因卦中之年月难定。盖世爻卯木，有应逢值者，有应逢冲者，有应木绝于申者，有应木墓于未者。再占一卦，可能决之。

例 273、午月己丑日占寿，又得蒙之临

勾陈	父母寅木○	妻财酉金
朱雀	官鬼子水、	
青龙	妻财酉金	子孙子土、世
玄武	兄弟午火、	
白虎	子孙子土、	
螣蛇	父母寅木×	应 兄弟巳火

予曰：此卦得其年矣。上下寅木动而克世，木墓之年，乃在未岁。彼问：有凶事否？予曰：前卦木被金伤，临玄武而动，须防盗贼。后于申年城破而亡，乃应木绝于申也。

趋避章第四十

圣人作易，原令人趋吉避凶，若使吉不可趋，凶不可避，圣人作之何益？世人卜之何用？或曰：年灾月祸，可以避之，死生如何能避？余曰：安于正寝者，虽有可避之方，亦不须避。康节先生临终呼弟子沐

浴更衣，群弟子哭曰：先生何不息神辟谷，以乐天年？先生曰：不怕二程夫子笑，要作神仙有甚难？故曰：可避而不避也。若占得死于水者，莫近河边；死于刑者，不可违条犯法，未有不化凶而为吉也。

例 274、曾于汉口卯月壬寅日一人占索债，得益之中孚

白虎	兄弟卯木、	应
螣蛇	子孙巳火、	
勾陈	妻财未土、、	
朱雀	官鬼酉金	妻财辰土、、世
青龙	兄弟寅木×	兄弟卯木
玄武	父母子水、	

此人欲渡江索债，因屡取不得，欲与之厮闹，问得财否？成非否？余见此卦，本日辰动化进神克世，因世爻落空，辰时出空，被日月动爻所克，必有危亡之祸。留之早膳，过此时辰去亦不迟。彼必欲去，余苦留之。饭后去到江边，忽而跑回，向余拜谢活命之恩。余曰：此其何故？彼曰：今早四只大船摆渡，行至江心，忽起暴风，尽行覆没，此时尸满长江，若不蒙君苦留，已在劫中矣。余曰：依数全无救星，定是兄之德行，我有何功？此非避耶？

最忌官鬼克世。

凡占防患，克世者皆不为吉，独鬼爻克世更凶。火鬼须防火灾；木鬼须防木害。水鬼克世，沉溺之忧；土鬼伤身，岩墙之厄。金鬼剑刀斧钺，虎玄盗贼兵戈。蛇雀官非，兼防火厄；勾陈田土，又系牢狱。青龙虽是吉神，克世亦为凶象。或因酒色亡身，间有喜中起祸。

既以五行、六神而定，再以八卦参之。乾兑为寺庙，又属金形；坎兑以水为灾，勿执弓弩；离是火灾，又为蟹螯；震有舟车之寇，巽防妇女之奸；坤艮郊野山林，又为老妇妖童之惑。诸类多门，在人通变。

例 275、丑月戊子日占梦，得益之中孚

朱雀	兄弟卯木、	应
青龙	子孙巳火、	
玄武	妻财未土、、	
白虎	官鬼酉金	妻财辰土、、世
螣蛇	兄弟寅木×	兄弟卯木
勾陈	父母子水、	

此人因梦一身之血，入河洗之。余曰：血乃财也，洗去者，破财之兆也。今又占得此卦，螣蛇发动化进神克世克财，不独劫财，还防身遭木害。巽宫属木，又系木动克世，木害须防。彼曰：何以避之？余曰：世与木爻皆在内卦，出外可避。巽为长女，勿贪幼妇。彼曰：应在何时？余曰：交春就可避之。彼曰：年近岁逼，如何远去？不意果于正月亥日，宿于妾房，被贼明火入室，席卷一空，身受木器所伤。若不宿于少妇之室，或者扒墙而出，未必身受其伤。

独宜福德随身。

占梦兆，占漂洋过江，占逾险偷关，占防瘟疫；占防病，占误食毒物，占远邻火起，占防仇害；占避难，占贼盗生发，占孤身夜行，占宿店庙；占入山，占仇人讹诈，占已定大罪，占入不毛。大凡一切忧疑、惊恐、防灾、防患者，皆宜子孙持世，或福神动于卦中。古法曰：但得子孙乘旺动，飞殃横祸化为尘。

例 276、午月丁亥日占梦前夫叫去已随去矣，得既济之临

青龙	兄弟子水、、应
----	---------

玄武		官鬼戌土○	兄弟亥水
白虎		父母申金、	
螣蛇	妻财午火	兄弟亥水○	世 官鬼丑土
勾陈		官鬼丑土×	子孙卯木
朱雀		子孙卯木、	

断曰：世爻亥水虽临日辰，岂当重重土克？今冬防厄。果于九月小产成癆，腊月而死。

例 277、戌月戊申日占梦亡母叫去已随去矣，得风山渐

朱雀		官鬼卯木、	应
青龙	妻财子水	父母巳火、	
玄武		兄弟未土、	
白虎		子孙申金、	世
螣蛇		父母午火、	
勾陈		兄弟辰土、	

断曰：子孙持世，何忧？后果无恙。

野鹤曰：凶梦相同，生死迥异。前卦世爻变鬼，死于腊月；后卦子孙持世，竟无凶灾。

觉子曰：子孙持世，固吉，如逢月破，许之出月无忧。若临旬空，许之出旬无患。未至出旬之日，尽属虚疑空忧。

例 278、巳月庚辰日占防患，得夬

螣蛇		兄弟未土、	
勾陈		子孙酉金、	世
朱雀		妻财亥水、	
青龙		兄弟辰土、	
玄武	父母巳火	官鬼寅木、	应
白虎		妻财子水、	

世临子孙值旬空，事之不结，终日忧煎。

例 279、于乙酉日又占，得无妄

玄武	妻财戌土、	
白虎	官鬼申金、	
螣蛇	子孙午火、	世
勾陈	妻财辰土、	
朱雀	兄弟寅木、	
青龙	父母子水、	应

世临午火子孙又值旬空，事又反复不结。

例 280、己酉日又占，得节之坎

勾陈	兄弟子水、	
朱雀	官鬼戌土、	
青龙	父母申金、	应
玄武	官鬼丑土、	

白虎 子孙卯木、
 螣蛇 妻财巳火○ 世 子孙寅木

余曰：甲寅日则事结矣。彼曰：何也？余曰：世下巳火变寅木子孙，又值旬空，幸得卦遇六冲，所以结矣。果结于甲寅日。

余过鄱阳，忽起暴风，水冲舵去，其舟旋于湖内。小价掷钱，予问所得何卦？答曰：天泽履。

例 281、卯月己未日，得天泽履

勾陈 兄弟戌土、
 朱雀 子孙申金、 世
 青龙 父母午火、
 玄武 兄弟丑土、
 白虎 父母午火 官鬼卯木、 应
 螣蛇 父母巳火、

余曰：子孙持世，何足为忧？仍复睡卧。少刻，一阵大风，将般吹送其岸。

例 282、申月戊申日占被人讹诈可成非否，得火山旅

朱雀 兄弟巳火、
 青龙 子孙未土、
 玄武 妻财酉金、 应
 白虎 官鬼亥水 妻财申金、
 螣蛇 兄弟午火、
 勾陈 父母卯木 子孙辰土、 世

断曰：子孙持世，何足为惧？必不成非，分文勿使，不必理他。予详酉金旺财临应爻，又曰：我虽劝尔分文勿使，应财旺甚，是非虽无，只恐不得不使钱耳。后果仇家央烦当道说合，无奈费过四数。

克在内，宜于外避。

克神若在内卦，动而克世，宜出外避之；克神若在外卦，动而克世，宜在家避之。

例 283、寅月 日占流年，得噬嗑变睽

子孙巳火、
 妻财未土、 世
 官鬼酉金、
 妻财辰土、
 兄弟寅木× 应 兄弟卯木
 父母子水、

断曰：今秋必有险厄。寅木动爻临月建化进神克世，此时木盛贪荣，不来克害，六七月衰墓之时，防土木之厄。彼曰：可避否？余曰：宜往外方可避。又问：何方为吉？余曰：目下去者，宜往西方；六七月去者，宜往东方。何也？六七月木衰矣，所以反宜于东。此人竟未出门，捱至七月初七，又得凶梦，初八即往东行。二十八日，地震房塌，人口被伤，独彼得免。

克在外，宜于家居。

世与忌神皆在外卦者，不可出行，宜家居可避。世与忌神皆在内卦者，不可家居，宜于外避。出行章

云：路上有官休出外，宅中有鬼莫居家。同此意耳。

例 284、未月丙子日占仆人为祸否，得解之震

青龙	妻财戌土、、	
玄武	官鬼申金、、应	
白虎	子孙午火、	
螣蛇	子孙午火、、	
勾陈	妻财辰土○	世 兄弟寅木
朱雀	父母子水	兄弟寅木× 父母子水

此公知仆役变心，意欲处治，尚无实迹，故占之。断卦者若执财为奴仆，则迂矣。彼既防患，只看忌神。此卦世临辰土，两重寅木伤之。余曰：不独此人，还有附从者。彼曰：何法处之？余曰：彼实无实迹，如何处之？但未月乃木之墓，七月乃木之绝，此两月乃败露之月也。公宜出外，自能免祸。果依计而行，往坟庄上住过半月，两仆人逃矣，一妇随去，一妇未去。未去之妇曰：彼二人原欲害主而逃，今因外出，不能相害。此非避凶之法耶？

避患于生世之方，趋吉于福神之地。

凡避兵、避盗、避瘟、避是非、养病，皆宜避于生世之方及子孙之方。子孙若动于卦中，不拘克世生世，俱以为吉。

例 285、巳月戊辰日占防流兵，得临之睽

朱雀	子孙酉金×	父母巳火
青龙	妻财亥水、、应	
玄武	兄弟丑土×	子孙酉金
白虎	兄弟丑土、、	
螣蛇	官鬼卯木、	世
勾陈	父母巳火、	

彼时流兵为害，到处遭殃。此人知易，占得此卦，终日焦忧。余问其故。彼曰：巳酉丑合成金局而克世，世爻又临螣蛇之鬼，劫在数中，万万莫能逃矣。余笑而曰：纵与兵贼同居，保尔无事。彼曰：何也？余曰：子孙合成金局，克去身边之鬼，夫复何忧？彼曰：酉金子孙，旺于巳月，又化巳火，论克，如何论生？余曰：酉金得丑辰二土以相生，如何论克？后果屡遇兵变，此人或避或不避，皆不逢惊。自癸未年占得此卦，直至庚寅年地方大定。向余而曰：子孙福神，信乎有验。世之看书不到，论理不彻，以吉为凶者，不独我一人而已。

例 286、巳月丙戌日占通乡避乱，得乾之大有

青龙	父母戌土、	世
玄武	兄弟申金○	父母未土
白虎	官鬼午火、	
螣蛇	父母辰土、	应
勾陈	妻财寅木、	
朱雀	子孙子水、	

众以子孙属水，金动生之，北方为吉。余曰：非此议论。兄动化元神，乃破财之象。午火得令而生世，往南避之为吉。信余之言，皆从南避。后果贼从北来，放火烧村而去，房屋稻谷尽成灰烬，乃申金兄动破财之故耳。

所以，生方为吉，子孙之方亦吉，又当以旺衰分别。火虽鬼方，生我何碍？

终身结果章第又四十

世遇生扶，百年正寝；身遭克害，五类推详。

凡占终身结果如何？但得世爻旺相，或有日月动爻生扶，或动而化吉，皆许无疾而终。如若世逢克制刑冲，须以五行兼六神而断。受五行之克，以疾病而言，如兼六神之凶，即以横亡而断。

火若伤金，肺经之病；土来刑水，肾受其伤。水克火，以伤心；金克木，而肝疾。脾虚胃弱，皆因木旺刑冲。肠损腰伤，乃为仇神独发。兼腾蛇以心惊，带青龙而酒色。勾陈肿胀，朱雀颠狂。虎必血灾，玄因气恼。虎玄金鬼，难免盗贼兵戈；龙玄水鬼，宜远江湖池井。蛇雀木鬼犯官刑，如若临火防焚害。蛇木又言缢绞，勾陈土鬼牢狱。谚云：一样之生，百样之死。卦如神见，理宜细详。

例 287、未月癸亥日占定何罪，得中孚之临

白虎		官鬼卯木○	子孙酉金
螣蛇	妻财子水	父母巳火○	妻财亥水
勾陈		兄弟未土、世	
朱雀	子孙申金	兄弟丑土、	
青龙		官鬼卯木、	
玄武		父母巳火、应	

断曰：木鬼临白虎，绞罪定矣。但幸世临月建，木鬼虽动，又被酉金回头之克，外卦反吟，虽定绞罪，终有改移。果议绞罪，后蒙驳审，改活罪。

驳审：驳回再审。

父母寿元章第四十一

凡占祖父、祖母，占父亲、母亲，须宜分占。古以阳爻为父，阴爻为母，余试不验。

父临日月，椿庭晚岁荣华；母值空破，萱堂残年憔悴。

父母爻旺相，或临日月，或日月动爻生扶，或动而化吉者，长享遐龄。父母爻休囚，不遇刑伤克害者，晚年多病，还保无伤。父母爻休囚，又被刑冲，或日月动爻之克，及动而变凶者，承欢宜早。

椿庭、萱堂：分别是对人父亲、母亲的尊称。遐龄：高龄，长寿。

例 288、丑月庚子日先占父寿，得姤卦

螣蛇		父母戌土、
勾陈		兄弟申金、
朱雀		官鬼午火、应
青龙		兄弟酉金、

玄武 妻财寅木 子孙亥水、
白虎 父母丑土、、世

例 289、丑月庚子日又占母寿，得大壮之升

螣蛇 兄弟戌土、、
勾陈 子孙申金、、
朱雀 父母午火○ 世 兄弟丑土
青龙 兄弟辰土、
玄武 官鬼寅木、
白虎 妻财子水○ 应 兄弟丑土

断曰：前卦两现父母，取月建丑土为用神，临月建又与日合，且旺于子日，蒂固根深，大椿永茂。后卦午火父母，动被日冲，初爻子水又动，此午火有克无生。因初爻子水化出丑土，贪合不来克火，防丙子年，加以太岁冲之，是其时也。

癸酉年占，至乙巳年三十余载，复遇其人。问曰：尊翁健否？答曰：甚健。再问：令堂？答曰：果终于丙子年。若以古法，阳为父，阴为母，前卦丑戌两现，俱以旺而断者，如天远矣。

例 290、巳月乙酉日占父寿，得巽之姤

玄武 兄弟卯木、 世
白虎 子孙巳火、
螣蛇 妻财未土× 子孙午火
勾陈 官鬼酉金、 应
朱雀 父母亥水、
青龙 妻财丑土、、

断曰：亥水父临月破，又被未土相伤，虽则酉日冲动卯木克土，土旺木衰，不惟不许长年，且无长月。果终于当年冬至月。应子月者，冲去午火而未土以克亥水也。

例 291、卯月庚寅日占母寿，得蹇之谦

螣蛇 子孙子水、、
勾陈 父母戌土○ 子孙亥水
朱雀 兄弟申金、、世
青龙 兄弟申金、
玄武 妻财卯木 官鬼午火、、
白虎 父母辰土、、应

断曰：卦中两现父母，取戌土动爻为用神。春占休囚，虽则卯与戌合，嫌日月同克，论克不论合也。酉年占，戌年辰月而终。应戌年者，动而逢值之年也；应辰月者，冲戌之月也。

例 292、酉月庚申日占祖母寿，得蒙之涣

螣蛇 父母寅木、
勾陈 官鬼子水× 兄弟巳火
朱雀 妻财酉金 子孙戌土、、世
青龙 兄弟午火、、
玄武 子孙辰土、
白虎 父母寅木、、应

断曰：寅木父母，秋卜凋零，逢绝、逢冲、逢克。五爻子水独发相生。无根之木，生亦不久，防午年冲去子水，为子者勿远游也。卯年占，果终于午年。此应冲去原神之年也。

例 293、卯月丙寅日祖母寿，得中孚

青龙		官鬼卯木、
玄武	妻财子水	父母巳火、
白虎		兄弟未土、、世
螣蛇	子孙申金	兄弟丑土、、
勾陈		官鬼卯木、
朱雀		父母巳火、 应

断曰：巳火父母，日月生之，定有大寿。彼曰：家父为祖母拜斗，许拜七年，我因家父劳于公事，停妻未娶，代为礼拜。余曰：可见乔梓大孝，感格天心。此卦日月相生，勿谓非神之力。

桑梓：故乡。乔梓：父子。椿萱：父母。棠棣：兄弟。兰草、梓树：子孙。拜斗：礼拜北斗星，道教祈祷的一种。

戌年占及至次年，偶因痰堵，此子又来卜之。

例 294、丑月庚子日占祖母病，得归妹之震

螣蛇		父母戌土、、应
勾陈		兄弟申金、、
朱雀	子孙亥水	官鬼午火、
青龙		父母丑土、、世
玄武		妻财卯木○ 妻财寅木
白虎		官鬼巳火、

卦刚装毕，家人来曰：老太已去世矣。此子急去。余详此卦，丑土父母，既临月建，又有午火暗动相生，虽则木动克土，化退神，忌元同动，岂无救耶？随即赶到其家。北人土俗，临终不肯停床，已抬于门板之上，痰塞于喉，稍有微息。余以白生矾三钱，滚水化开，掀牙灌之，忽而叫曰：冷甚。随即复移烧坑，又活十有三载。

兄弟章第四十二

凡占兄弟，或因弟兄不睦，问将来和好否？或因弟兄虽多，将来得济否？或问将来有兄弟否？或占兄弟寿元，须宜问明，便于判断。

兄爻旺相遇生扶，紫荆并茂。

兄弟爻旺相，或临日月，或日月动爻生扶，及动而化吉者，长枕大被，和睦致详。

弟位休囚兼受制，雁序分飞。

兄弟爻休囚者，若问得济否？虽有若无；若问将来有否？从此无矣；如问兄弟寿元，长年有限。倘休囚又逢破空，及日月动爻刑克，或动而化凶者，诸占皆不吉也。

例 295、申月丙辰日占弟兄和好否得济否，得大有之乾

青龙 官鬼巳火、 应
玄武 父母未土× 兄弟申金
白虎 兄弟酉金、
螣蛇 父母辰土、 世
勾陈 妻财寅木、
朱雀 子孙子水、

兄弟临月建，未土爻动以相生，又化出兄爻。余曰：兄弟虽多，有一位属猴者得济。彼问：何故？余曰：神兆机于动，动而变出，以值月建，自是出类拔萃。彼曰：果有舍弟属猴，去年曾叨乙榜，余三人皆从别业，可见数之灵验如此。迟一科，又登甲榜。

例 296、卯月戊辰日占弟兄，得震之兑

朱雀 妻财戌土、世
青龙 官鬼申金× 官鬼酉金
玄武 子孙午火、
白虎 妻财辰土、应
螣蛇 兄弟寅木× 兄弟卯木
勾陈 父母子水、

予见此卦，为伊赧然。问曰：此因何事而占？彼曰：愚兄弟四人，尚未分家，问将来和睦久远否？终有反目否？当分居否？予曰：此卦大凶，爻凶卦凶，大有不测之祸。内卦兄弟化进，金鬼于外卦亦化进神，动而冲克；震木变兑金，亦化回头之克，凶之极矣。壬午年占，至甲申年，弟兄四人同时被害，大小男女悉陷贼营。应申年者，木绝于申也。

例 297、未月辛酉日占兄弟还有否，得既济之革

螣蛇 兄弟子水、应
勾陈 官鬼戌土、
朱雀 父母申金× 兄弟亥水
青龙 妻财午火 兄弟亥水、 世
玄武 官鬼丑土、
白虎 子孙卯木、

余曰：兄弟虽有，必不得济。亥水兄爻持世，申父动而生之，此一位得济之弟，尚未出生也。应爻之子水，虽则出现，已值旬空，故曰必不得济。彼曰：果一位舍弟已得颠狂之症，所以再问有无。余曰：必有，乃异母所生。彼曰：何也？余曰：父母化出之爻，是以知之。又问：子水之兄弟临空而不得力，是也。亥水持世之兄爻，如何亦不得济？余曰：第四爻申金化出之亥水，即是此爻。卦之微妙，尔岂得知？后果异母有出，父亡而扶之。余目击其成人，后事未考。

古法：卦无父母而有兄弟，胞于异母。余未得试。

夫妇章第四十三

夫妇之占，亦须分别：或占妻寿，或占夫妻偕老否？或占夫妻和睦否？或占妻有刑伤破败否？占妻占妾占婢，一卦只占一人，不可概问。

财福生身，可遂唱随之愿；应爻合世，堪为附和之神。

《黄金策》专以应爻为妻，其故何也？因其身命章中，父子兄财官，以一卦而兼断之。设以财为妻者，又以何爻为财帛？不得不以应爻而为妻位。不顾验与不验，竟以应爻为妻，虽然以应爻为妻者，亦非全非理也。

占妻，财爻为重，应爻次之。财爻旺相，应爻空破，仍以吉断；应爻旺相，财爻空破，即以凶推。应旺财旺，吉而又吉；应破财破，凶而更凶。故以应爻为附和也。

财爻旺相，或临日月，或日月动爻生扶，及动而化吉，又与世爻相生合者，若占偕老，白首必无反目；若问和睦，定然举案齐眉；若问妻命之妍媸，入夫门夫家随旺。占妾占婢，指而问者，亦同此断。

财动化凶，失履遗簪之叹；兄爻持世，鼓盆箕踞之悲。

财动化凶者，乃化鬼、化克、化退、化绝、化墓、化破、化空之类是也，不拘何问，玉碎珠沉。

兄爻持世，或兄爻动于卦中，或日月临兄弟以伤财，或兄化财爻，不拘问妻问妾，皆不得长年。

遗簪坠屐：《韩诗外传》卷九：孔子出游少源之野，有妇人中泽而哭，其音甚哀。孔子怪之，使弟子问焉，曰：夫人何哭之哀？妇人曰：乡者刈著薪而亡吾著簪，吾是以哀也。弟子曰：刈著薪而亡著簪，有何悲焉？妇人曰：非伤亡簪也，吾所以悲者，盖不忘故也。汉贾谊《新书·谕诚》：昔楚昭王与吴人战，楚军败，昭王走，屐决眦而行失之，行三十步，复旋取屐。及至于隋，左右问曰：王何曾惜一跣屐乎？昭王曰：楚国虽贫，岂爱一跣屐哉？思与偕反也。自是之后，楚国之俗无相弃者。后人合两事为遗簪坠屐，比喻旧物或故情。

财旺兄衰，终须反目；克财财退，必主生离。

兄爻持世而财爻旺者，不能克妻，终乖琴瑟，相见如仇。兄爻持世而财化退神者，亦同此意，非反目即生离。

例 298、酉月辛巳日占夫妇将来和好否，得泰卦

螣蛇	子孙酉金、应
勾陈	妻财亥水、
朱雀	兄弟丑土、
青龙	兄弟辰土、世
玄武	父母巳火 官鬼寅木、
白虎	妻财子水、

断曰：兄爻持世以克妻财，幸财爻亥水酉金生之，财旺难于克害。彼曰：目下不和，将来和好否？余曰：巳日冲动亥水，又临驿马，妻财临马而暗动，心去难留，生离之象。此人自此之后，常为此事而占，十有余次，若非兄爻持世，定遇财化退神。后竟生离。

《黄金策》：世为一生之本，应为百岁之妻。此卦世应相生，如以鲍宣娶恒氏之断者，失千里也。

鲍宣娶恒氏：《后汉书列女传》：渤海鲍宣妻者，桓氏之女也，字少君。宣尝就少君父学，父奇其清苦，故以女妻之。《幼学琼林》：鲍宣之妻，提瓮出汲，雅得顺从之道；齐御之妻，窥御激夫，可称内助之贤。

例 299、戌月癸卯日占夫妇何如有刑克否，得旅之蹇

白虎	兄弟巳火○	官鬼子水
----	-------	------

螣蛇	子孙未土×	子孙戌土
勾陈	妻财酉金○	应 妻财申金
朱雀	官鬼亥水	妻财申金、
青龙		兄弟午火、、
玄武	父母卯木	子孙辰土、、世

断曰：不独世应相生，而且世与财合，当许百年相守。奈何世爻空而且破，是欲合而不能合也，再加财化退神，决有生离之事。果自娶入门，并无和气，后竟休之。

应财受制，结发难于偕老；动妻旺相，续弦堪许白头。

卦中财爻多现，若分正庶者，自当以应爻临财而作正妻之位也，倘被日月动爻冲克及动而化凶，乃结发之妻伤也。若得他爻之财旺相或动而化吉，及他爻变出之财旺相，相生合世爻者，乃再娶之妻反遂白头。

如若财爻不临于应，又以正卦之财为正妻，之卦之财为再娶。

妻财克身，非刑伤必然妒悍。

妻财克世，世若休囚空破、或墓绝、或动而变凶、或随鬼入墓，但逢一者，夫命夭亡。旺财克世，世爻得地者，虽无刑伤，必遭悍妇。

应财生世，非内助即获外财。

卦中但遇财爻生合世爻，亦不可只以和美断之，间有应得妻家之财力也，否则，内君必善于持家。

例 300、巳月丁未日占夫妻偕老否，得无妄之观

青龙	妻财戌土、
玄武	官鬼申金、
白虎	子孙午火○
世	妻财未土
螣蛇	妻财辰土、、
勾陈	兄弟寅木、、
朱雀	父母子水○
应	妻财未土

满盘俱是财爻，世爻变出之未土，与世爻相合，此未土之财乃正妻也，临日建遇月生扶，不独偕老，且许贤比周南。果此公美妾十余，正夫人贤而无妒。夫妻同庚而生，妻活八旬有一，夫年八十五岁。此卦若以世应相冲相克而断之，远如天壤。

子嗣章第四十四

凡问子嗣，须明告之。或已有子后还生否？或问现在之子，将来可保长年否？或从未生育，终有子否？决不可含糊而问。

易告未来，不告已往。即如占天时，神报将来之旱涝，不言昨日之阴晴。尔若含糊而问，假使以前有子，问将来还生否？后若不生，神必现无子之卦，不报以前之有，乃现将来之无。断卦之人，依卦而断，尔肯服耶？又有现今有子，将来若难存者，神亦现无嗣之卦，尔虽曰有，神告曰无，神肯阿谀耶？

例 301、寅月癸亥日占子嗣多少，得坤之艮

白虎 子孙酉金× 世 官鬼寅木
 螣蛇 妻财亥水、
 勾陈 兄弟丑土、
 朱雀 官鬼卯木× 应 子孙申金
 青龙 父母巳火、
 玄武 兄弟未土、

断曰：鬼变子孙，子孙变鬼，有一而遇者，皆无子也。此卦两现无子之兆。彼曰：少年难于子嗣，自五旬之外，连得四子，长子已六岁矣。余曰：依此卦象，恐俱难存。彼甚不悦。岂知婢妾甚多，三五年内，生者生，而死者死，生过九子，并无一存，临终过侄立嗣，承袭世职。

福德旺隆，育儿贤德。

福德即子孙爻，若旺遇生扶，或临日月，或帝旺长生于日，或动而化吉，必产贤儿。

子孙衰弱，生子愚痴。

子孙爻衰弱，必生痴愚之子。衰而被克，休囚无气，或墓绝空破，或动而化凶，或日月动爻冲克，或父化子子化父，或子变鬼鬼变子，或父母持世，皆生而不存。若子孙动逢空不碍，必得子于冲空实空之年。

觉子曰：《黄金策》云子化兄，生儿不肖。殊不思化兄即回头之生，如何不肖？注解又曰：化鬼亦不肖。化鬼者百无一活，岂不肖而已耶？

例 302、申月辛卯日占子嗣，得复卦

螣蛇 子孙酉金、
 勾陈 妻财亥水、
 朱雀 兄弟丑土、应
 青龙 兄弟辰土、
 玄武 父母巳火 官鬼寅木、
 白虎 妻财子水、 世

断曰：身带吉而子扶，喜闻鹤和。此卦申金月建做子孙而生世，有子之象。日建冲动上爻子孙酉金而生世，有远方之子来家之象。彼喜而曰：我于三十七岁有子，已十八矣，因乱失散，至今无所出。余曰：恭喜，明现子从六爻动来生世，此子必归。彼曰：何时得见？余曰：明岁甲辰与酉金相合，定然得意而归。果于次年六月父子相逢。

鹤和：《易·中孚》：鸣鹤在阴，其子和之。

财化子，可辨正出庶出。

卦有财而无子孙者，须看变出之爻。变爻子孙者，庶出也。即断曰：正无所出，定得偏生。卦有子孙，变爻亦有子孙，又非此论，即以变爻为晚子。倘若正庶俱已生子，而问贤愚者，以正卦之子为正出，变爻之子为庶出。

例 303、巳月己酉日占生子不存将来存否，得贲之无妄

勾陈 官鬼寅木、
 朱雀 妻财子水× 子孙申金

青龙	兄弟戌土×	应	父母午火
玄武	子孙申金	妻财亥水○	兄弟辰土
白虎	父母午火	兄弟丑土、	
螣蛇	官鬼卯木、	世	

予曰：克过正妻否？彼曰：仍是结发。予曰：伤过正妻，方能存子。盖以内卦亥水之财，即为正妻，破而被克；五爻子水之财，乃为再娶，变出申金子孙，必生子也。但五爻子水，亦被戌土之克，虽化长生，而兼酉日之生，不免多病。卯年占，巳年而正妻死，即于冬月续娶，申年得子，而因产成疾矣。

子化子，须知本宫他宫。

子孙化子孙得验者二：少年无子得此者，应多生子；现有子得此者，乃应多子而多孙。老年无子得此者，扶他人之子而为子。须宜分别：化出他宫者，立异姓子；化出本宫，立族中子。

例 304、子月戊戌日占现已有子再能生否，得屯之节

朱雀	兄弟子水、	
青龙	官鬼戌土、	应
玄武	父母申金、	
白虎	妻财午火	官鬼辰土、
螣蛇	子孙寅木×	世 子孙卯木
勾陈	兄弟子水、	

断曰：子孙化子孙，又逢月建相生，不惟多子，抑且多孙。彼问：命应几子？予曰：古有此法，因不合理，不敢以之欺人也。彼问：古法亦错乎？予曰：古以水一、火二、木三、金四、土五，数止于五，假使文王百子，何以定之？予以占多寡者，旺相者多；占贤愚者，另占一卦，旺相者贤，屡试屡验。予今以聪明断之，看后验否？动爻寅木子孙，乃现在之子，化出卯木子孙，乃将来之子也。目下现有几子？彼曰：有四。予曰：还有四子。后过十余载，果得四子。

予至其家，见眇一目者，问之，属兔。予曰：此子必贵。前卦变出卯木子孙，与月建相刑，与日辰相合，刑中带合，既带破相，自然荣显。后此子官至参政。

参政：官名。宋代参知政事的省称，为宰相的副职。元于中书省、行中书省，皆置参政，为副贰之官。明于布政使下置左右参政。清初，各部也设参政，后改侍郎。

例 305、巳月丁酉日占子有否，得未济之节

青龙	兄弟巳火○	应	官鬼子水
玄武	子孙未土×		子孙戌土
白虎	妻财酉金○		妻财申金
螣蛇	官鬼亥水	兄弟午火、	世
勾陈	子孙辰土、		
朱雀	父母寅木×		兄弟巳火

断曰：内卦辰土子孙空而被克，乃无子也，幸外卦未土化出子孙，劝之早继螟蛉。彼曰：意继妻侄可乎？予曰：离宫化出他宫，原应异姓子也。

螟蛉：稻螟蛉等的幼虫。《诗·小雅·小宛》：“螟蛉有子，蜾蠃负之。”蜾蠃捕捉螟蛉喂它的幼虫，古人误以为蜾蠃养螟蛉为子。因以“螟蛉”或“螟蛉子”作义子的代称。

例 306、亥月庚子日占子孙有无，得屯之节

螣蛇	兄弟子水、	
勾陈	官鬼戌土、	应
朱雀	父母申金、	
青龙	妻财午火	官鬼辰土、
玄武	子孙寅木×	世 子孙卯木
白虎	兄弟子水、	

此公年已六旬，并无所出，自知易理，得此卦甚喜，以为世爻子孙又化子孙，月建合之，日辰生之，有子必多。岂知子孙化子孙，原非已出，次年三月终于任，后立侄孙承嗣。

父占子，知其易养；子临贵，难曰成名。

父占子，只知易养，难断高贵。子孙旺相，克制官星，子若休囚，焉能食禄？所以易养否，不难知也。子孙旺相，或动而化吉、或临日月、或日月动爻生扶、或长生帝旺，皆许成人，如休囚空破动而变凶，水泡风灯。至于子孙之富与贵者，旺相而遇生扶，自然富贵。若以科甲科名而断者，乃欺人之法也。

《黄金策》曰：子带贵人，自有登天之日。又曰：禄贵临爻，童年拜相。以贵禄临子孙化鬼者，不为化鬼而为化官，即许登天拜相。余查天乙贵人临爻并无禄到。贵人临马，只有丁巳日见亥水子孙，乃为贵人与马为同宫，余皆不是。有禄者，并无贵人与马，此信笔妄谈也，何尝经验？况余屡占子女，若子孙变鬼，万无一活。

例 307、亥月丙辰日占子易养否，得姤之旅

青龙	父母戌土、	
玄武	兄弟申金○	父母未土
白虎	官鬼午火、	应
螣蛇	兄弟酉金、	
勾陈	妻财寅木	子孙亥水○ 官鬼午火
朱雀	父母丑土、	世

断曰：亥水子孙临月建，五爻兄动以相生，旺莫旺于此也。若以吉神论之，丙日以亥为贵人，贵莫贵于此也。岂知子爻变鬼，死于次年五月。

觉子曰：《黄金策》云有官鬼无伤，曹彬取印终封爵。官鬼无伤者，必是子孙爻被伤被克休囚无气，所以不能伤克官鬼，如此衰弱之子孙，又岂能封官封爵耶？余不信也。

又曰：父身有气，车胤囊萤卒显贵。父占子，父为忌神，或动或旺，必于克子，救死不暇，何得显名？或曰：疑是婴儿之自占。余曰：婴儿乃无知无识孩童，占富占贵，全在人之一念，三五岁之婴孩，可知富贵之念耶？况身命后章有：若卜婴儿之造化，乃将福德为用爻。岂非代占之一证耶？

占六亲，不宜世爻化鬼。

占父母、兄弟、妻妾、儿孙，先看世爻，虽占六亲，常有带出自身之凶者。若世爻化鬼、化回头克、休囚化空破墓绝及随鬼入墓、日月同克者，休问他人，且防自己。

占父母，亦有兼应儿孙。

常见占父母之卦，爻中带出刑伤兄弟儿孙妻妾者；亦有占儿孙之卦，间应父母兄弟妻妾者，不可不知。此谓占此应彼也，此论虽前已详说，今复谆谆而告者，因余占而屡见也。

李我平曰：《黄金策》身命章，父子官鬼兄弟妻财，虽则不当概论，其理犹细，惜乎悖谬者多，明镜微尘，不宜有也。

《易冒》虽有分占之意，论理太粗。如问寿夭，而曰破散冲空定之夭，存有占验：戊子命，亥日占，后行午限，绝于亥，是以终也。倘占非亥日，何处而寻限绝耶？如果占验有灵，何不多存一二以为后法乎？！嗟乎，生死事大，一二言何能尽之？尚谓推之深者，虽日时可知，予不信也。

又如问我能贵乎？龙为文翰，虎为武卫。以龙虎而定文武，周易之理，如此易耶？

又曰：三为守牧，五为台省。初二爻竟不知是何职也。朦胧混过，后学何以为法？

又云：问子忌子虚，问财忌财陷。空与陷，便足断其无子无财耶？似此浮泛无当，恐不堪训世也。

圣人作易，以前民用；后人问卜，无过命身。身命之外，夫复何求？夫学者得其精妙，原赖前人传授之有方；问者能以趋避，全凭卜人识理之入细。如此书身命，较他章愈加微奥，反复通透，真卜书中之宝笈也。

学业章第四十五

儒业者

父母世爻同旺，终须变化成龙；日月动爻相生，定是王家储器。

世爻父母爻皆宜旺相及动而变吉，或父母持世得日月动爻生合，攀龙附凤，指日可期。

财动卦中，青灯不久；子孙持世，白首无成。

财动克文章，读书中道而废。子动伤官鬼，皓首必不成名。

青灯：亦作“青镫”，光线青荧的油灯。借指孤寂、清苦的生活。青灯黄卷：光线青荧的油灯和纸张泛黄的书卷。借指清苦的攻读生活。

九流者

官旺财兴，道重人钦；兄动世衰，有毁无誉。

财持世，官持世，财官世爻皆宜得地。兄动卦中，兄爻持世，只可糊口，难许成家。

觉子曰：古以九流，皆以官鬼为吉，殊不知天师家及驱邪治鬼之家，巫师医家，皆以子旺能于治鬼，必以子孙持世及子孙发动而为吉也。

百工者

皆以财为用神，子孙为元神。兄爻持世及兄爻旺动者，劳碌终身。余以求财章同断。

以上，皆不宜世爻空破墓绝休囚，诸事无成。世若休囚，而又随鬼入墓及受日月动爻冲克，或动而化鬼化绝化克者，不唯学业难成，且防不测。

治经章第四十六

古以金为春秋，木为毛诗，水为书经，火为礼记，土为易经。

觉子曰：不可概问，须指定一经而卜之，祷于神曰：我习此经何如？后视所得之卦象而决其可否，始无错误。

为加大科举考试难度，以便从众多的考生中更好地选拔有真才实学的人才，乾隆五十二年（1787年）规定从次年起《五经》义不再允许选考一经的内容，要求在今后乡、会试开考五科后，逐渐过渡到所有考生必须兼习《诗》、《书》、《礼》、《易》、《春秋》，以此《五经》出题并试，以期士子“旁涉博通”、“敦崇实学”。——中国科举史。从中可知，在清初，五经中选一即可，为本经，故有择经之说。

父旺官兴，王家栋梁；世空子动，蓬华寒儒。

父爻持世，官动相生，或日月作官星生世；官爻持世，父爻旺相；及世爻动而化吉，皆飞腾变化之兆。

世空世破，及动而变凶，或子孙财爻持世，父母官鬼空破，须宜另习一经，诚心再卜。

例 308、酉月丙子日占本经能发否，得益之观

青龙	兄弟卯木、	应
玄武	子孙巳火、	
白虎	妻财未土、	
螣蛇	官鬼酉金	妻财辰土、、世
勾陈	兄弟寅木、	
朱雀	父母子水○	妻财未土

断曰：卦中旺官合世，不宜初爻朱雀子水文章动化未土回头之克，宜于改经。彼问：宜改何经？余曰：古法有之，余占不验。意欲何经，再占一卦。

例 309、即卜易经，得天火同人

青龙	子孙戌土、	应
玄武	妻财申金、	
白虎	兄弟午火、	
螣蛇	官鬼亥水、	世
勾陈	子孙丑土、	
朱雀	父母卯木、	

余曰：旺官持世，父临月破，难以为吉，宜再更之。

例 310、又占书经，得丰之离

青龙	官鬼戌土×	妻财巳火
玄武	父母申金、、	世
白虎	妻财午火、	
螣蛇	兄弟亥水、	
勾陈	官鬼丑土、、	应
朱雀	子孙卯木、	

断曰：旺父持世，官动生之，此经相宜。因今日子日冲动午火伤金，下科壬子年冲去午火，管许高发。果于子科中魁。

延师章第四十七

父爻旺相，就而正焉。

父母爻既为师长，又为诗书，延师受教，即以此爻为用神。宜旺相，或临日月，或日月动爻生扶，及动而化吉，可矜可式。如若休囚空破墓绝，及动而化凶，有伴食之讥，无师资之益。

《黄金策》：用居弱地，必不范不模；若在旺乡，则可矜可式。

就而正焉：《论语学而第一》君子食无求饱，居无求安，敏于事而慎于言，就有道而正焉，可谓好学也已。矜式：1、敬重和取法。2、示范、楷模。伴食：1、陪同进食。唐时朝会毕，宰相率百僚集尚书省都堂会食，后指居宰辅之位而无所作为。2、陪衬，虚设。

世位相生，博文善诱。

父旺生合世爻，成人有德。若克世爻，世爻得地者，有责成之功；世爻休囚者，必受师尊之累。

父入墓中，懒于教训。

父爻入三墓及临绝者，若非偷安懒惰，定是师教不严。

财临世上，懦弱不严。

财爻持世，乃我克父母，若非师教不严，定是我凌师长。

鬼化文书克世，讼由乎学。

鬼动化父母，冲克世爻，异日必主争讼，即使日月动爻制服鬼爻，亦不相宜。此何故也？神兆机于动。目前虽可制服，他日鬼逢生旺，必见灾非。不唯鬼动化父，但系鬼动克世，或世动变凶，皆不宜从。

月扶世爻日助，青出于蓝。

世爻旺相，或父母持世，或官星持世，日月动爻生扶，及世爻动而化吉，必有长进，青出于蓝。

动衰变旺，先惰后勤；动旺变衰，先勤后怠。

父爻衰而化生化旺化日月化进神，皆主后勤。父爻旺而化空破墓绝化退神，皆主后怠。

父化父而殊经，父化财而多病。父化鬼，显贵之交，父化兄，贪财好利。

《易冒》：父化退而倦劝，父化进而克振，父化父而殊经，父化财而贾儒也。父化官则有显贵之交，父化兄则有追随之友，父化子孙则高闲好道，多物外之心。旺而克世，学问有责成之功；衰而克世，馆餐有求全之意。兄弟动多争主，子孙动多附从。官动高名，财动重利。

殊经：改经，或所治之经不一样。

三合连年受教，六冲半载难留。

世与父爻兼日月作三合者，情同父子，连年受业门墙，始终成变。卦得六冲，或世克父爻，或父爻克世者，彼此不投，难收一岁之功。

父为子而延师者，应为西席，世乃东家，宜世应相生相合，不宜相克相冲。应生世，我得其益；应爻空破，延之不就。应动他心有变，世空我意不专。

觉子曰：虽以世应为主，父爻不可缺之。父旺合子孙，名实兼收；父动克子孙，无益有害。子动化克，不宜延之，子动化鬼，速宜辞绝。

例 311、寅月戊午日占子从师，得旅之离

朱雀	兄弟巳火、
青龙	子孙未土、
玄武	妻财酉金、 应
白虎	官鬼亥水 妻财申金、
滕蛇	兄弟午火、
勾陈	父母卯木 子孙辰土 × 世 父母卯木

断曰：子动化克，不宜从之。不听。后因师责，逃至桥头，跌折左足。

附录：明清科举制度简介

如果对科举制度不了解，就很难吃透《增删》求名章中的卦例。考虑到《增删》的时代背景是明末清初，又结合《增删》涉及的内容，简单介绍如下。

科举预备考试

为取得秀才资格的考试，称童试，又叫小考。要通过县试、府试、道试三关，每关的第一名，称案首，若连中县案首、府案首、道案首，称小三元，相当荣光。其中道试又称院试，由学政主持，是童试的最关键、也是最后一环节，录取者为生员，俗称秀才，雅称入泮。

考上了秀才，便有了一定的社会地位。政治上，见了县官不必下跪，官府也不能随使用刑，一般人要称他老爷。经济上，可免除部分地丁钱粮、差赋徭役。此外，秀才家的房门可比别人高三寸，这成了明清两代的习俗。总之，秀才的地位，比现在大学生要高。秀才尝且如此，更不要说举人、进士了。了解了这些，就可明白求名章中的卦例，为何要官父兼用。

过渡考试

生员分三个级别：廪生，增生，附生。其中廪生由政府提供伙食。廪生有一定名额，只有空缺出来，成绩优者才可增补，故称补廪。

岁考：生员的定级考试，有相应的奖罚措施，即六等黜陟法。成绩被分为六等，一等补廪膳生，二等补增广生，三等无奖无罚，四等罚责，五等降级，六等除名。其目的之一，廪生，即拿奖学金的秀才，如果他们乡试中举，廪生的名额就有了空缺，岁考成绩优异者，升上来，称补廪。

科考：选送生员参加乡试进行的资格考试。成绩大致分六等，列一、二等及三等前茅者便可以参加乡试。因故未参考者，或未录取者，还可以再参加“录科”和“遗录”考试，成绩优者，亦有资格参加乡试，

称考遗才。秀才是个相对较大的群体，并不是每个人都能参加乡试。

岁考，类似期终考试。科考，类似高考的预考。这两者都不是升学考试，故求名章中的卦例，有其独特的断卦思路。

正式科举考试

乡试：每三年一次，逢子、卯、午、酉年为大比之年。秋季八月在各省省府举行，所以又称秋闱。乡试考中后称举人，第一名称解元。乡试中举人，称乙榜。

会试：亦三年一次，逢丑、未、辰、戌年即乡试后的第二年为会试之年。春季二月在京师礼部举行，所以又称礼闱，或春闱。取中后称为贡士，第一名称为会元，前十名称元魁，十一至二十名称会魁。

殿试：贡士再经复试，优者参加殿试。殿试是皇帝主试的考试，在会试之年的四月举办。取中后统称为进士，殿试中进士，称甲榜。殿试分三甲录取。第一甲赐进士及第，第二甲赐进士出身，第三甲赐同进士出身。第一甲录取三名，即状元、榜眼、探花，合称为三鼎甲。

解元、会元、状元，称大三元。

乡试、会试、殿试，时间地点大体不变，称为永制。但清代还在皇帝登基、大寿等喜庆的年份，特别举行科举，称恩科。

求名章第四十八

或问：占小考，尝见卜得吉卦，后竟道考无名者，何也？

予曰：神每应近而不应远。所得吉卦，已应县府之有名也。故凡占小考者，必须先占县考，再占府考，又占道考，俱得吉卦者，许之榜上有名。内有一卦而不吉者，勿望道考而成名也。

童试章第四十九

父旺官兴，堪期首选；官衰父发，亦许抡收。

官星持世，得日月动爻相生相合者，首选无疑。父爻持世，得日月动爻相生相合者，亦要官星有气，始许成名。

子兴财发于卦中，难游泮水。

子动克官，财动克父，或子财持世者，皆不宜也。

泮水桥建于康熙十六年，单孔桥，龙陛双阶，桥下清水呈半圆形，称为泮水。过去凡科举中秀才者称进学，雅称“入泮”。

世破身空兼墓绝，再奋芸窗。

世爻空破墓绝，或被日月动爻冲克及动而变凶者，不能遂志。

芸窗，书斋的别称。以内有驱虫之芸香，故称芸窗。

父旺遭伤，收而复弃；冲中逢合，弃而复收。

父母旺相，若化休囚空破墓绝，化回头克，及被冲克者，始取终弃。世与父爻，动而逢冲，若得日月动爻相合者，谓之冲中逢合，定获续取。

父衰变旺，愈出愈奇；父化退神，日长日短。

父衰动而化回头生、化进神，文章得意胜于前。不宜化退神，旺化退神者，前篇稍遂，后劲不力；衰化退神及化空破墓绝或回头克者，窗下千日之长，场中一日之短。

例 312、亥月丙戌日占道考，得丰之革。

青龙 官鬼戌土、
玄武 父母申金× 世 父母酉金
白虎 妻财午火、
螣蛇 兄弟亥水、
勾陈 官鬼丑土、应
朱雀 子孙卯木、

断曰：父母持世化进神，日建作官而生世，文章愈出愈奇，后胜于前，定蒙首选。后果取案首。

例 313、卯月壬子日占道考，得小畜

白虎 兄弟卯木、
螣蛇 子孙巳火、
勾陈 妻财未土、应
朱雀 官鬼酉金 妻财辰土、
青龙 兄弟寅木、
玄武 父母子水、 世

子水父母临日建，旺文持世，佳作定然得意，但不宜酉金官星临月破，伏藏不露，幸得辰土作飞神，破而逢合，若在三月考之，必取。果考于三月，取之。

例 314、辰月丁巳日占续案能取否，得革之既济

青龙 官鬼未土、
玄武 父母酉金、
白虎 兄弟亥水○ 世 父母申金
螣蛇 妻财午火 兄弟亥水、
勾陈 官鬼丑土、
朱雀 子孙卯木、 应

世爻亥水，月克日冲，幸化回头之生，续取无疑。果续取之。前说父衰变旺为吉，此其验也。

岁考科考章第五十

父宜旺相，最忌休囚；官宜生身，不宜克世。

父爻与世爻旺相，又得日月动爻生扶，及动而化吉，全无破绽者，定考超等；若此两爻旺而逢生者，旺而无生，相而遇扶，无刑冲克破者，次之；有一而遇刑冲者，又次之。世爻受克，教刑不免；世父同受克者，劣等无疑。

野鹤曰：此法是也，亦要人之通变。观其父世两爻轻重而言之。世父同旺，有生扶又无刑克者，全美之卦，卷之上上也。以此挨次查之，或有生扶，而得六冲变冲、反吟伏吟、变克化绝，即是破绽。父爻受克而无救，难免涂鸦；世爻受克而有扶，尚蒙姑恕。

觉子曰：此以父世之旺衰而分等第者，是确论也。《易冒》谓卦得进神，考上等；退神，考下等。假使卦无进退之神，何以定之？

画蚓涂鸦：形容书法或文字拙劣，多用作谦辞。信笔涂鸦：随便书写，字迹如同鸦群一样凌乱，比喻字写得很稚拙或胡乱写作。常用为自谦之词。语出唐卢仝《示添丁》诗：不知四体正困惫，泥人啼哭声呀呀，忽来案上翻墨汁，涂抹诗书如老鸦。

例 315、申月乙巳日占岁考，得大过之鼎

玄武	妻财未土 ×	子孙巳火
白虎	官鬼酉金 ○	妻财未土
螣蛇	子孙午火	父母亥水、世
勾陈	官鬼酉金、	
朱雀	兄弟寅木	父母亥水、
青龙	妻财丑土、应	

倘曰财动克父，乃不通变之论也。此卦乃亥水父爻持世，申月生之，文旺而身亦旺，巳日冲之，为暗动。未土财爻虽动，喜其生助酉金，酉官生世，名为接续相生。一定篇篇锦绣，财生官旺，优等帮粮。果取一等补禀。

野鹤曰：大凡卦遇六冲变冲及六爻乱动，若父旺世旺者，还考平等；倘若父衰受克，或世爻休囚受克及变凶者，劣等无疑。

飞神无助身无克，荣辱无施。

父爻出现，不旺不衰，虽无生扶，亦无克制，而世爻不被冲克者，可保平等。

伏藏旺相世遭伤，赏罚并见。

例 316、午月乙卯日占岁考，得地天泰

玄武	子孙酉金、应
白虎	妻财亥水、
螣蛇	兄弟丑土、
勾陈	兄弟辰土、世
朱雀	父母巳火 官鬼寅木、
青龙	妻财子水、

断曰：午火月建为父母，而卦中之巳火伏藏于寅木之下，旺而又遇飞神之生，爻逢六合，堪称吉卦。独嫌日辰克世，未为全美。发落之日，果宗师面叱，念字仿古帖，姑取三等。后悟此卦巳午之火，非文旺也，乃字端也。但此卦虽多逢，事却少见，存之为法。

觉子曰：总而言之，父与世爻旺相遇生扶为上，略有破绽者次之，刑伤有救者又次之，刑伤无救而轻

者又次之，世爻父爻被刑冲克破而重者，劣等必矣。善卜者，须以卦之吉凶兼用神衰旺之轻重，通变而断之。

增廩章第五十一

觉子曰：占廩，若不得其秘诀而望灵验者少，何也？占廩用财，财乃文章之忌神，不知其窍，卜岁考而兼问廩，财爻若旺，父母受伤；财如休囚，如何得廩？余有法也，先占岁科之吉凶，再占一卦而问廩，即其秘也。专以财爻为用神，财爻持世或动而生世为吉，与求财章同断。

有廩而恐失者，如兄弟持世、兄爻发动、财逢空破墓绝及动而变凶，皆有失也。如官鬼兄爻克世，轻则革粮，重则追罚。倘卦中三合兄局，亦主革廩。

廩：也是秀才里面一个等级，相当于我们现在讲公费学生。廩是廩米，它的名额是有一定的，必须要有缺，出缺。秀才里面考试名次最高的，再递补上去，称补廩。

考遗才章第五十二（凡告考同之）

官爻持世生世，我必蒙收；父母空破墓绝，他不见用。

世爻受克，及空破墓绝，或动而变凶，或子孙持世，或动于卦中，皆不录之。父母生世持世者吉，休囚空破者凶。

遗才：指秀才未列于科考前三等者，可以再参加“录科”和“遗录”考试，凡录取者可应乡试。

发案挂榜章第五十三

父为用神。衰而静者，宜生旺之日；旺而静者，逢值冲之日。动而逢值逢合之日。合与入墓，必待冲开；破与旬空，须期填实。

余又得验：心有忧惧，若得子孙持世，值子孙之日而发案；心有盼喜，若得官星持世，逢官鬼之日而挂榜。

乡试会试章第五十四

父旺官兴，姓标虎榜。

父官持世而旺相，或临日月，或日月动爻生扶，及动而化吉者，名登龙虎榜。

子摇财动，名落孙山。

子孙财爻持世，或动于卦中者，终须下第。

兄弟乃夺标之恶客。

俗传兄弟爻兴难上榜，凡见兄爻持世及动者，皆以为不吉。殊不知有喜有忌，所喜者，卦中财爻同兴，喜兄动以制财也；卦中父官两动者，又喜兄爻持世，父动以生世也。兄弟持世，若临日月或旺相，再得官父两旺，或官动生父父动生世，必忝科名。但不能抢元而夺魁也，故谓兄弟乃夺标之恶客。

觉子曰：卦中官鬼子孙同动，官临旺相遇生扶，子孙弱而被克，更宜父动，最怕兄兴。

日月为制煞之将军。

官爻父爻世爻，有一而被动爻克制或化回头克，若得日月冲制克神，亦许得意，故谓之制恶煞之将军。又如世爻旺相，而官父有一而伏藏不现者，倘得日月冲制飞神，提挈伏神，亦许高发。又如官父世爻有一而不旺者，若得日月生扶，亦同此意。

三合无冲，定登甲第。

官父世三爻合成父局官局，不遇日月冲破者，定许连登。倘若合成兄局，得遇日月生扶，官星亦旺者，亦许得意。唯忌合成子孙局，不为吉也。合成财局，虽不为美，然亦有验于吉者。

例 317、卯月甲申日占会试，得艮之益

玄武	官鬼寅木、	世
白虎	妻财子水	妻财子水 × 父母巳火
螣蛇	兄弟戌土、	
勾陈	子孙申金○	应 兄弟辰土
朱雀	父母午火、	
青龙	兄弟辰土 ×	妻财子水

断曰：寅木旺官持世，申日冲之暗动，又得日辰会成财局，不唯不克世爻，反来生世，一定高捷。后果得及第。

六爻竞发，空赴科场。

旧系：六爻竞发，功名恍惚以难成。此论是理。

余见占功名之必中者，卦象一成，若非旺父生身，定是旺官持世；功名若无成者，不是子孙持世，即是子孙财爻发动，或是世爻破空，或是六爻乱动。

出现无情，难遂青云之志。

父与官星虽则出现，若不生合世爻，或不持世，或世爻空破，亦属无益。父与官星生合世爻，若又被日月动爻冲坏者，亦作无情之喻。

伏藏有用，终辞白屋之人。

官父有一而不上卦，须看伏神，若伏而旺相，或得日月冲去飞神，生起伏神，一准登科。

白屋：茅屋，古代指平民的住屋，因无色彩装饰，故名。

太岁作官星，终登黄甲。

太岁乃人君，官临太岁动而生合世爻，乃人臣面君之象，当主君臣契合，连捷无疑。太岁必要入爻，

入爻亦要发动，或持世爻，始如此说。

日月冲克世，且守青灯。

官父虽旺，而世爻休囚，或空破墓绝，或日月动爻冲克，或动而变凶，须知求名在我，我位既失，何以成名？

卦遇六冲，此去难题雁塔；爻逢六合，这回可夺鳌头。

例 318、午月丙辰日占乡试，得兑

青龙 父母未土、、世
玄武 兄弟酉金、
白虎 子孙亥水、
螣蛇 父母丑土、、应
勾陈 妻财卯木、
朱雀 官鬼巳火、

旧注：卦逢六冲，冲之即散。余见此卦虽系六冲，世父官皆逢旺地，不敢决之。

例 319、请之再占，又得临之师

青龙 子孙酉金、、
玄武 妻财亥水、、应
白虎 兄弟丑土、、
螣蛇 兄弟丑土、、
勾陈 官鬼卯木、 世
朱雀 父母巳火○ 官鬼寅木

此卦官星持世，虽则不旺，初爻官生父旺，与前卦相合，许之必发。果得成名。

野鹤曰：凡得六冲卦，官父世爻俱旺者，不必再占，竟许必得。如欠旺者，须再占一卦，再得吉者，以吉断之；再得凶者，以凶推之。凡得六合卦，亦要官父世爻得地，有一失陷不遇生扶者，虽六合亦无益矣。

父旺官衰，终须下第。

父爻旺相，官临空破墓绝及动而变凶者，虽有锦绣文章，终遇红纱蔽目。

父衰官旺，堪许登科。

官爻旺而生世持世，若是父爻不旺，谓之福齐文不齐，反许遂志。

应合日生，必资鸛荐。

官父两旺而世爻不旺，或得日月扶助，又得应爻动而生合世爻者，必得推荐之力。

鸛荐：汉孔融《荐祢衡表》：“鸛鸟累百，不如一鸛，使衡立朝，必有可观。”后用“鸛荐”谓举荐贤才。

动伤日克，还守鸡窗。

应爻动爻虽来生合世爻，而应爻动爻又被日月冲克者，荐亦无功。

鸡窗：《艺文类聚》卷九一引南朝宋刘义庆《幽明录》：“晋兖州刺史沛国宋处宗尝买得一长鸣鸡，爱养甚至，恒笼着窗间。鸡遂作人语，与处宗谈论，极有言智，终日不辍。处宗因此言巧大进。”后以“鸡窗”指书斋。

世动化官化克，蝶梦堪忧。

旧系：身官化鬼月扶，则鹏程连步蟾宫。又曰：身动化空用旺，则豹变翻成蝶梦。又曰：身兴变鬼，来试方成。此皆以卦身而言，余试总无应验，唯验于世爻。而世爻动化官鬼，亦有两验：卦中父母旺相，而世爻化出官鬼者，若回头克世，乃为变官，今科即中，岂等来科？若休囚被克，动而化出官鬼者，乃为化鬼，不唯不中，且见危灾。化出鬼爻克世者，更凶。

例 320、卯月戊辰日占乡试，得离之既济

朱雀	兄弟巳火○	世	官鬼子水
青龙	子孙未土×		子孙戌土
玄武	妻财酉金○		妻财申金
白虎	官鬼亥水、	应	
螣蛇	子孙丑土、		
勾陈	父母卯木、		

旧以身官化鬼月扶，则鹏程连步蟾宫。谓卦身如得官爻临之，必有成望，若得出现发动化出官爻，又得月建生合者，必主连捷。觉子曰：此卦巳火为卦身又是世爻，变出子水官星，又得月建生合，正合此说，竟未见其连捷。不唯不能连捷，且难保其长年，其故何也？因变出子水之鬼回头克世。后客死于途中。

例 321、酉月丁巳日占乡试，得小过之泰

青龙		父母戌土、	
玄武		兄弟申金、	
白虎	子孙亥水	官鬼午火○	世 父母丑土
螣蛇		兄弟申金、	
勾陈	妻财卯木	官鬼午火×	妻财寅木
朱雀		父母辰土×	应 子孙子水

此卦世爻午火官星，化出丑土文章，官文两旺，因丑父旬空，午岁乡试得意，丑年甲榜先登。

觉子曰：旧以世动化空用旺，豹变翻成蝶梦。此卦岂非世动化空耶？午年得意，丑年发甲，止见其占鳌头，而未见其成蝶梦。所以化空者，必应实空之年也。

身兴化旺化生，龙池变化。

世爻旺相，动而变出官星回头生合世爻者，不作变鬼，乃为变官。

例 322、卯月乙未日占会试，得观之履

玄武		妻财卯木、	
白虎	兄弟申金	官鬼巳火、	
螣蛇		父母未土×	世 官鬼午火
勾陈		妻财卯木、	
朱雀		官鬼巳火×	妻财卯木
青龙	子孙子水	父母未土×	应 官鬼巳火

断曰：未土父母临日建而持世，化出午火官星回头生世，二爻己火又生世爻，初爻未土又来扶拱，许之高发。果中会魁。

世退官父化退，窗下囊萤。

世与官父相旺，内有一而化进神者，名姓高悬，占乡试必连捷。独不喜化退神，世化退神，若非临场之阻，必无勇往之心；父化退神，学问日颓，文章渐腐；官化退神，皓首无成。当于进退章中参考。

财临白虎持身，帙前枕块。

旧系：财临白虎必丁忧。然亦不唯临虎，凡遇财爻持世，或财动卦中，父母又值休囚空破，及财动化父，父动化财，皆有验之。

乾卦如天，亦当官父两旺；震声如雷，犹有空破之嫌。

古以卦得乾震为吉，余试务必官父两旺，始以吉断，否则未见其吉。

衰旺克冲，轻重须宜细玩。

凡遇用神衰，要有根；旺，宜中和；克，要有救；冲，要逢合。

墓绝空破，应期章内详之。

前应期章须宜熟记，各门各类无不问其应期，熟则触类旁通，随心应口。

廷试章第五十五（与会试兼断）

官星为用，父爻次之。若持世又得日月岁五生合者，定蒙首拔。官父世爻三合，必蒙异宠隆恩。世与官爻有一而逢空破墓绝刑冲克害及动而变凶者，不详之兆。岁五官鬼冲克世爻者，不测之灾。

升选候补章第五十五

官爵荣身，须宜持世；财禄恩养，最喜生身。

旺官持世，及日月动爻作官星生合世爻，或世爻发动化出官星生世者，皆吉。又曰：财动生官得美缺，官临日月必超迁。

超迁：越级升迁。

子孙持世，休望荣除。官位空破，勿思升选。

子孙持世，子孙动于卦中，升迁无期。官临空破墓绝及动而变凶，补升尚早。

荣除之庆：封官授爵的喜庆。

雨露承恩，合中逢合。

世与官星三合官局财局，或生世，或世在局中；官星持世与日月动爻相合；卦逢六合及卦变六合者，皆是天赐之恩。

例 323、申月己亥日占缺得否，得井之节

勾陈	父母子水、	
朱雀	妻财戌土、	世
青龙	子孙午火	官鬼申金、
玄武	官鬼酉金○	妻财丑土
白虎	兄弟寅木	父母亥水、 应
螣蛇	妻财丑土×	子孙巳火

断曰：内卦巳酉丑三合成官局，不生世，却生应，正所谓出现无情，此缺不得。彼问：何故？余曰：官生应爻，如何能得？后果另选别人。

风云未济，冲上加冲。

世官不旺得六冲，或官被日月相冲，或六冲变六冲，乃风云未济之时也。

元神衰静，泄气爻摇，问升迁以无期。

假令官爻属木，水爻衰而不动，火爻发动者是也。余仿此。

世爻发动，官化进神，望荣除而在即。

世爻发动，或动而化吉，或禄、马、贵人临世，及官动化吉生合世爻者，皆可束装以待。

世官破而休望，世福空而亦升。

世临月破，纵官星持世，不独不能升选，且防他变。子孙持世值旬空，亦不当升。若占两三日之内者，许之必得。何也？子孙尚未出空不克官故也。

野鹤曰：占过三人，俱皆得官，得官之后，随即死亡。

例 324、申月戊寅日占得差否，得泽天夬

朱雀	兄弟未土、	
青龙	子孙酉金、	世
玄武	妻财亥水、	
白虎	兄弟辰土、	
螣蛇	父母巳火	官鬼寅木、 应
勾陈	妻财子水、	

断曰：子孙持世，此差不得，世空亦不得。岂知不出三日得差，行至中途而死。其故何也？三日之内而得差者，子孙未出空也；中途而死者，世爻空也。

例 325、寅月庚辰日占得缺否，得水天需

螣蛇	妻财子水、	
勾陈	兄弟戌土、	
朱雀	子孙申金、	世
青龙	兄弟辰土、	

玄武 父母巳火 官鬼寅木、
白虎 妻财子水、 应

野鹤曰：予凡占得不验之卦，刻刻在心。因见此卦，悟前点差之卦，此卦亦是子孙持世遇旬空，与前卦同，亦是只在三两日命下，予竟许之。果得缺，不出两月而亡。

例 326、辰月丁丑日占起用已列名矣，得渐之观

青龙 官鬼卯木、 应
玄武 妻财子水 父母巳火、
白虎 兄弟未土、
螣蛇 子孙申金○ 世 官鬼卯木
勾陈 父母午火、
朱雀 兄弟辰土、

此与前二卦大同小异，前二卦子孙持世遇旬空未曾发动，此卦动而变官，况亦系两三日内事，子孙尚未出空，竟许必得。果得起用。起程六日，家内死子。到任八个月，终于任。身死子亡者，乃应世与子孙同变鬼也。

野鹤曰：后二卦余得验者，乃因前卦不灵，刻刻留心故耳！今人占过即忘，何由精奥？

随官入墓，世旺者官升；助鬼伤身，身衰者祸至。

古以随官入墓，助鬼伤身，皆以为凶。余屡试之，世旺者竟升，世衰者不吉。助鬼伤身，元神同动者，其官必升。世若休囚者，必有祸至。

例 327、寅月乙未日占升迁，得比之观

玄武 妻财子水× 应 官鬼卯木
白虎 兄弟戌土、
螣蛇 子孙申金、
勾陈 官鬼卯木、世
朱雀 父母巳火、
青龙 兄弟未土、

断曰：卯木旺官持世，子水财动相生，虽则墓于未日，幸世得助，无妨。果得升于亥月。

例 328、戌月辛酉日占何日补官，得蹇之需

螣蛇 子孙子水、
勾陈 父母戌土、
朱雀 兄弟申金、世
青龙 兄弟申金、
玄武 妻财卯木 官鬼午火× 妻财寅木
白虎 父母辰土× 应 子孙子水

断曰：寅木财爻生助午火之鬼，火鬼克世，乃为助鬼伤身。幸辰土生申金，午火贪生忘克，今年冬月必升。果得升于冬月。应冬月者，辰土化子水空亡，十一月则不空矣。

古以晋升为吉，又云屯蹇为凶。

晋卦升卦，果得屡验，亦要世爻得地，若失陷，亦不为吉。屯卦蹇卦，世爻旺者何妨？前篇亥月丙寅

日占验，世爻旺者，竟超升，岂非屯卦耶？

升迁何方章第五十六

金官西，木官东，水北火南土居中。

此古法也。余得验者，木官有应山东，亦有应广东者。金官有应山西，亦有应江西、广西者。又有以住处而定东西南北者。

例 329、未月己巳日住在京都占地方，得归妹之解

勾陈	父母戌土、	应
朱雀	兄弟申金、	
青龙	子孙亥水	官鬼午火、
玄武	父母丑土、	世
白虎	妻财卯木、	
螣蛇	官鬼巳火○	妻财寅木

彼时有山东、真定两缺，此卦巳火官星，许之真定。彼问：何也？余曰：巳火官星，乃南方也，必得真定，真定在京都之南也。后果得真定。

又有以初爻为内地，以五爻六爻为边缺者。应初爻者，世与官星皆在初爻者是也。应五六爻者，或世在五爻，官在六爻；或世在六爻，官在五爻；或官星持世在五爻六爻者是也。若在二三四爻，以五行决之。

例 330、丑月癸亥日占升于何方，得山风蛊

白虎	兄弟寅木、	应
螣蛇	父母子水、	
勾陈	妻财戌土、	
朱雀	官鬼酉金、	世
青龙	父母亥水、	
玄武	妻财丑土、	

此卦酉官持世，许任西方。至次年，临期见选单，又占。

例 331、寅月甲戌日占升何地，得震卦

玄武	妻财戌土、	世
白虎	官鬼申金、	
螣蛇	子孙午火、	
勾陈	妻财辰土、	应
朱雀	兄弟寅木、	
青龙	父母子水、	

予犹忆前卦酉金持世曾许西方，今此卦仍是金官，西方必矣。但世在六爻，必是边缺。问之：陕西有边缺否？彼曰：有庆阳。予曰：即此缺也。果升庆阳。

选单：备选官职、人员名单。

野鹤曰：统问其地方，虽则有验，然不如指其缺而问之。此缺我得否？我得词林否？我得部属否？我得科道否？我得正印否？官星持世者，必得；官动生合世爻者，必得；三合官局而生世者，必得。世空世破、官空官破者，不得；子孙持世、子孙发动者，不得；官临应爻者，不得；三合官局而生应爻者，不得。

词林：翰林或翰林院的别称。部属：旧指中央六部各司署的属官。科道两衙门：明清时，六科给事中与都察院各道监察御史官署合称“科道两衙门”。

在任吉凶章第五十七

官旺财兴，仕途显赫；子摇兄动，休官减俸。

官旺遇生扶，或动而化吉，世旺财旺，或财动以生世，皆主兵民颂德，宦海无波。官临日月生合世爻，三合官局生合世爻，或官星持世日月生扶，岁五又相生合，近君者，必蒙异宠；大位者，不久超升；外任者，必叨卓异。

兄爻持世，兄爻发动，若非破耗财物，定然减俸除粮。子孙持世，子动发动，有剥官削职之忧。倘得官星休囚而有扶，子孙动而有制，降级而已。

官旺兄兴，清风两袖。父发鬼旺，恩露三赐。

兄爻虽为减俸耗财之神，亦不可执之。若得官星旺相，乃是为官清正，非义不取，非无财也。官星旺相，财临空破者，亦同此断。

旺父临世，官动临岁五或日月生扶，外任者，必蒙上官推荐；近君及大位者，三赐荣加。

兄鬼安静，地方无事。

兄鬼乱动于卦中，旱涝兵蝗，地方不宁之兆。

日月冲克，诽谤多招。

日月克官，或克世爻，及朱雀腾蛇克世，世爻休囚者，得祸不轻；世爻旺相有救者，多招是非，须宜检点，政事勤慎，以免愆尤。官鬼克世，世旺官衰者，亦主诽谤。世衰官旺，若临蛇雀者，必见弹章。

化进神，冲变合，加官晋爵。

世爻旺相官化进神，官星旺相世化进神，及世官得地财化进神，皆有晋爵之征。

爻反吟，入三墓，反复昏庸。

卦得反吟，虽是身动不宁，若得世与官爻旺相者，一定升迁；若世与官星衰弱者，必遭降罚，降后还升。惟怕世与官星被冲克者，定有不测之祸。世爻休囚被克化墓入墓者，立见灾非。世爻有气化墓入墓者，亦主朦胧昏聩。

世破官空，居官不久。身衰化鬼，命尽当危。

世破世空，官破官空，在任无多日矣。世衰动而化鬼及化回头之克者，须防寿命无监。

世化官而遇官，政权多掇。

世爻旺相，化出官星生合比助世爻者，得权摄之济；世爻旺相，化出官星刑伤克害世者，受权摄之害也；化出官星泄世爻之气者，因权摄以赔累也。官星持世而旺，爻中又动出官星拱助比合者，亦主政权多摄。

世临官而遇马，差遣烦劳。

官星持世，明动暗动，加临驿马者，多有差遣。日月动爻作财而生扶者，差中得利。卦中兄爻发动，日月动爻刑克世爻者，辛苦赔财。心有望于差遣者，不待驿马加临，但遇世动即有差矣。

官合龙兴，恩命至。

青龙官星持世，或世临日月，或日月动爻生合世爻，或世临岁五之爻，或岁五生合世爻，或世官三合，皆为吉兆。大位者，上恩特殊；平位者，加级超升。

财临虎动，诤音来。

财爻持世及卦中财动，或父母爻休囚空破，若有尊长，切不可财断之，须防孝服。

例 332、寅月壬午日占在任平安否，得颐之噬嗑

白虎		兄弟寅木、	
螣蛇	子孙巳火	父母子水、、	
勾陈		妻财戌土×	世 官鬼酉金
朱雀	官鬼酉金	妻财辰土、、	
青龙		兄弟寅木、、	
玄武		父母子水、	应

有人出此卦而问余曰：今岁占在任之流年，世爻变鬼，我甚忧之。余曰：世爻戌土，虽则休囚，得午火生之，自身不妨，须防孝服。彼曰：财非临虎，如何主孝？余曰：迂也。午日冲动子水父母，被戌土财爻之克，世化官空，八九月必见。果于八月丁艰。

例 333、辰月己丑日占在任吉凶，得中孚之损

勾陈		官鬼卯木、	
朱雀	妻财子水	父母巳火○	妻财子水
青龙		兄弟未土、、世	
玄武	子孙申金	兄弟丑土、、	
白虎		官鬼卯木、	
螣蛇		父母巳火、	应

断曰：官鬼克世，幸其不动，在任可保无凶。但不宜兄爻持世，丑日冲动，今冬身必动摇，身动则耗费不小。彼问：因何事而动？予曰：堂前双庆否？彼曰：家父在堂。予曰：须防冬令火被水伤，必因孝服而动。不意六月公署回禄，冬月诤音随至。回禄者，兄爻持世暗动破财；伤父者，巳火父化子水克也。

援例章第五十八（凡用财图名者同此）

财旺官空，且自堆金于白屋。

财旺世旺，而官临月破旬空，或被日月冲克，及动而变凶者，官如朽木枯枝，虽有旺相之财，生之不

起，终属白屋之富翁，难食王家之天禄。

妻摇鬼旺，定然执玉拜丹墀。

世爻与官星、财星，三者不可一陷。若财官两旺而世爻失陷者，纵使得官，无福安享。若官世两旺而财星失陷者，乃有例而无财也。

例 334、丑月乙卯日占援例，得豫之否

玄武	妻财戌土 ×	妻财戌土
白虎	官鬼申金 ×	官鬼申金
螣蛇	子孙午火、	应
勾陈	兄弟卯木、	
朱雀	子孙巳火、	
青龙	父母子水 妻财未土、	世

断曰：财动生官，不宜世临月破，破而被克，有官不能享也。后竟纳之，名成而身丧矣。

援例：清朝规定捐一定数额的银子，可得到官职或监生资格。

例 335、戌月癸丑日占纳银复职，得困之兑

白虎	父母未土、
螣蛇	兄弟酉金、
勾陈	子孙亥水、
朱雀	官鬼午火、
青龙	父母辰土、
玄武	妻财寅木 × 世 官鬼巳火

此公先因罪罢革职，后因外省新例，较部纳省银一半。予知此信，告于此公，即请卜之，而得此卦。断曰：世爻休囚，动而变鬼，不可行之。不听，竟欲举行。予嘱其家人告禀夫人：尔主明年秋令甚低，纵使名成，不能出仕。果得夫人力阻，次年正月得噎食之疾，七月而终。

财静子飞空用意。

子孙持世，财爻动与不动者，皆不可行。财临空破，亦不可行。子孙财星官星同动者又可行，其故何也？子动生财，财动生官也。

兄兴财动枉劳心。

兄爻持世，兄爻发动，乃是破耗之神，白费其财，终不成名。若得官星同动者，又可以行之，何也？以官鬼而制兄也。

野鹤曰：卦中官星不动，但遇兄弟持世，兄爻发动，及财爻持世化兄弟，百无一成，即使成，后必有他故，终无食禄之地也。

武试章第五十九（亦可以文试参看）

文试者，官父两重；武试者，首重官爻。

武场虽不以父为重，余常得验，官父两旺者，竟得抡元。

世破官空休指望，官兴财旺亦堪图。

世与官星有一而逢空破者，不须指望。然又有财动生官竟得中者，何也？其中必有隐事。

空赴武闱，皆为子孙持世。

子孙持世，子孙发动，即使力能扛鼎，百步穿杨，皆无益于事矣。

试期病阻，乃因官鬼伤身。

官鬼克世，日月动爻克世，世动化鬼、化克，非临场病阻，即有灾祸临身。

抡元：科举考试中选第一名。

投麾效用入武从军章第六十

官宜旺相，不宜空破休囚；财世两爻，怕见刑冲克坏。

世与官星，皆宜旺动而化吉；财为禄养，岂宜日月刑冲？世爻失陷及动而变凶，身之难保；官星失陷及动而变凶，难许成名；财爻失陷及动而变凶，乏粮无禄。即使官旺，厨灶无烟。唯喜官星持世，财动相生；财爻持世，官动相合；或官世临日月，及岁月日建相生；或动而化吉，将来之封拜可期，岂唯百夫之长而已耶？

觉子曰：以此而断，虽无不验，但要识来人之意。彼若以名利而问，以此而决者是也。如若尚未见用，占问可能收用否？又以官星为收用之官，官来生合世爻者，必收；官爻克世及空破者，不录。如不知此窍，竟以此官星断自己之功名者，如天远也。

署印谋差章第六十一

财与官星，不可有一而不旺；子与兄弟，不可有一而动摇。世陷财空，不如守己；官空世破，且让他人。

用财而图者，与援例同推。衰世随鬼入墓，世动化克化鬼，子孙兄弟持世，谋署谋差，自投罗网。

署印：代理官职。旧时官印最重要，同于官位，故名。守己：安份守己。

面圣上书叩阁献策条陈劾奏章第六十二（凡占文书亦须采用）

旺父持世，宜日月岁五以维持。

父母为文书奏章，持世合世，奏必见准，再得岁五及日月动爻生合者，见用无疑。

兄弟临身，喜父母化吉而拱合。

兄弟持世，日月生之，或化回头生，或世爻父母爻动而化吉，皆得喜动龙颜，因文见用。

财爻持世，破文书。

财爻持世，财爻发动，克破文书，无益之奏。倘得父母持世，财官同动者而又喜之，其故何也？以财动生官，官动生世也。

子福临身，防降罚。

子孙为克官之神，有职之官陈奏者，不宜见之。或持世，或发动，轻则降罚，重则休官。无职之人陈奏者，有两论之，须察来人之念：彼行此事原为求名者，见之必不成名；彼行此事恐其有祸者，见之则无祸。

世临空破，难以回天。

世临旬空月破，及临绝化绝，及入三墓者，不蒙见准，宜早知机。世动变凶，或岁五日月动爻冲克世爻者，不唯难以回天，且防不测之祸。

子动临身，力能折槛。

或曰：前说子动克官，不宜见之，此喜子孙持世者，何也？

野鹤曰：须看事之大小。有职之官行此事者，预料此事即不准行，无过于革职而已，子孙者即为克官之神也。欲保全功名，子孙发动，切勿行之。

倘若条陈将相，谏君非，如得准行，名垂青史；如不见准，祸及其身，此处子孙者则为福神也，所以反喜子孙持世。即使殿折廷谏，可保无祸。

古以子发乾官为吉，非也，子孙为制鬼之福神，未闻独在乾官而为福神也。

折槛：汉槐里令朱云朝见成帝时，请赐剑以斩佞臣安昌侯张禹。成帝大怒，命将朱云拉下斩首。云攀殿槛，抗声不止，槛为之折。经大臣劝解，云始得免。后修槛时，成帝命保留折槛原貌，以表彰直谏之臣。见《汉书朱云传》。后世殿槛正中一间横槛独不施栏干，谓之折槛，本此。后用为直言谏诤的典故。

例 336、巳年巳月丁卯日占劾奏，得旅卦

青龙	兄弟巳火、
玄武	子孙未土、
白虎	妻财酉金、 应
螣蛇	官鬼亥水 妻财申金、
勾陈	兄弟午火、
朱雀	父母卯木 子孙辰土、世

有人执此卦问余曰：我欲劾奏权奸，恐其根固，反受其害，尔详此卦何如？予曰：彼虽根深蒂固，今已坏矣。彼问：何以知之？予曰：应爻酉金，长生于巳年巳月，岂非盘根耶？今被岁月克之，卯日冲之，有伤无救，所以知其权势自此衰矣。又问：我有害否？予曰：子孙持世，何害之有？果蒙准行，奸势大败。

最忌官爻克世，犹嫌助鬼伤身。

官爻克世，已兆凶征大凶，再加财动以助鬼者，其祸难免。世化鬼、化回克、卦变绝、随鬼入墓、卦得反吟、世被冲克者，事非重大，急宜止之。

岁五生身防受制，六爻恍惚且休行。

太岁生世，必要入卦，不在爻中，不能生世，且如今岁子年，卦中有子爻者是也。虽以五爻生世为吉，亦防受克及空破墓绝，有生之名，无生之实。

例 337、申月戊辰日占上书，得中孚之损

朱雀		官鬼卯木、	
青龙	妻财子水	父母巳火○	妻财子水
玄武		兄弟未土、	世
白虎	子孙申金	兄弟丑土、	
螣蛇		官鬼卯木、	
勾陈		父母巳火、	应

断曰：五位巳火生世，不宜巳火受克，此书宜止。问曰：有害否？余曰：巳火虽则不能生世，卦中无克世之爻，利害皆无。后上之，果不准行。

野鹤曰：凡上书劾奏，果有兴利除害，益于国者，虽赴汤蹈火而不辞，何用占卜？倘若事无关系，或因忿而抱不平，或以直而报怨，事在两可之间者，必得世与父爻皆无刑冲克破，及岁五日月相生，方可行之。倘卦爻乱动，而用神元神非旺非衰，或生少克多，六爻恍惚者，即宜止之。言出祸随，得不慎乎？

父旺官生，叨蒙赠爵；旺官持世，平步登云。

旺父持世，官动生之；旺官持世，日月生之。官，则官上加官；士，则身登台阁；平人得者，则立见平步登云。

野鹤曰：断卦者最重来人之念。此行有为人者，有为己者，有为自身父母而雪冤者，有为保全人已之功名者，有为财利者，有为免自己之赔累者，有为辨下属之赔累者。事之多端，在人通变。

士民上书，虽则有忠心为国，亦有借此以作梯阶而求名者，若得官旺而父不旺，亦可许之赠职封官。其何故也？彼之初念原为得官，文乃敲门之瓦耳，所以重官而不重父。

我念为名，忌子孙之发动；我念为利，忌兄弟以临身。

例 338、午月丙辰日占具文伸枉保全功名，得大壮之夬

青龙	兄弟戌土、	
玄武	子孙申金×	子孙酉金
白虎	父母午火、	世
螣蛇	兄弟辰土、	
勾陈	官鬼寅木、	
朱雀	妻财子水、	应

断曰：父母持世，月建文书极旺，但不宜子动伤官，七八月申金得令之秋，功名坏矣。果蒙上台题保，未蒙准行，八月削职。此乃为名，父旺亦属无益。

例 339、卯月辛丑日占具文辨悬开销，得讼之履

螣蛇	子孙戌土、
勾陈	妻财申金、
朱雀	兄弟午火、 世
青龙	官鬼亥水 兄弟午火、、
玄武	子孙辰土、
白虎	父母寅木 × 应 兄弟巳火

断曰：旺文虽则生世，不宜兄弟持世，上司之章奏定行，我财终是要破。后果已蒙题辨，不准开销。

防参劾虑大计及已有事尚未结案章第又六十二

世旺官兴，忧心冰解；旺官持世，喜照双眉。

世与官星旺相，何虑何忧？世爻官爻或临于日月，或得日月动爻生扶，及动而变吉，防参劾者，无虑；已参劾而未结案者，无忧；虑大计者，不独无忧，定蒙卓异。

凡得旺官持世，亦同此推。

大计：明清两代考核外官的制度，叫大计，每三年举行一次。卓异：清制，吏部定期考核官吏，文官三年，武官五年，政绩突出、才能优异者，称为卓异。

例 340、未月戊申日占因迟误军粮已被参劾，得丰之旅

朱雀	官鬼戌土 ×	妻财巳火
青龙	父母申金、世	
玄武	妻财午火、	
白虎	兄弟亥水、	
螣蛇	官鬼丑土、应	
勾陈	子孙卯木 ○	官鬼辰土

断曰：世临日建，月建生之，动出戌官又来相生，官爵无恙。诸人不以为然，岂知因获奇功，保本随之，功名仍复保全。或曰：卯木子孙发动，如何不克官？余曰：木绝于申，所以有救。

福世孙摇身化福，官空鬼破变爻伤。

子孙持世、子孙动于卦中、世动化子孙，官空官破及动化回头之克，皆主罢职休官。

例 341、寅月丁巳日占虑大计，得旅之明夷

青龙	兄弟巳火 ○	妻财酉金
玄武	子孙未土、	
白虎	妻财酉金 ○	应 子孙丑土
螣蛇	官鬼亥水 妻财申金、	
勾陈	兄弟午火、	
朱雀	父母卯木 子孙辰土 ×	世 父母卯木

此公素行不检，颇藉势要。生平不信易数，偶占之，得此卦。断曰：子孙持世，虽化回头之克，世亦

受克，外卦巳酉纵成财局以生伏神之官，亦无用矣。果落职。

兄动财空，减禄罚奉。

兄弟持世、兄弟发动、或财破财空，及财动化凶，倘得官爻旺相，罚俸而已；官爻失陷，利名双失。

身衰鬼克，贬责凌辱。

世衰不遇生扶，又有岁五日月动爻刑冲克世，或官动克世，或世随鬼入墓、动化鬼化克、及虎蛇刑克世爻者，轻则贬罚，重则刑狱。

或曰：何以谓之轻重？余曰：轻者，乃世爻有救也；重者，乃世爻休囚，又被刑伤冲克也。

卦静世空官又陷，终须林下作闲人。

世空者，退休之兆；官又空破休囚者，削职无疑。

世陷逢生，杀兴何碍？

古有身空杀动，避祸之征。余以为非。殊不知忌神动于卦中，世爻空者，待出空之月日必遭其害，岂能避之？惟世空逢元神动而相生，卦中虽有忌神发动亦无碍矣。待世爻出空之日，忌神反生元神而生世也。

官隆世陷，身辱官存。

古有身边伏鬼若非空，官职犹在。谓凡遇凶兆，若得官爻持世，或官伏世下而旺，虽见责罚而官职犹存。

野鹤曰：世遇五爻之克，若得旺官生合世爻，及旺官持世，虽则逢辱，仍可为官。

例 342、丑月戊辰日占防参劾，得井之中孚

朱雀	父母子水×	兄弟卯木
青龙	妻财戌土、	世
玄武	子孙午火	官鬼申金、
白虎	官鬼酉金○	妻财丑土
螣蛇	兄弟寅木	父母亥水、
勾陈	妻财丑土×	应
		子孙巳火

此公因新换督府，占防参劾。断曰：此卦甚奇。世空逢日冲不为空矣，世不受克而暗动，虽无参论，离任不免。彼曰：既无参论，如何离任？予曰：世爻暗兴，必主动摇，且内卦巳酉丑合成官局以生应爻，故知此位已属他人矣。后因裁他处之缺，上台题留他处之官顶此公之位，换此公回京另补。此亦少经见之事。甚矣，知几者神哉！

身旺官陷，位去身安。

世爻旺相不受伤克，而官破官空及被刑冲克害或动而变凶者，官禄虽失，身不逢伤。

养亲告病辞官章第六十三

子世子兴，必能遂愿；官世官克，总不如心。

子孙持世，子孙发动，乃无官之累，必能遂我偷闲。若官星持世，或官动克世合世，难脱名利缰锁。

告假不忌反吟，休致须宜化退。

告病及养亲乃暂归之事，得反吟卦者，乃应将来再任，故不忌之。惟辞官者，不宜见之，非目下屡辞反复，乃将来还入留台。若得伏吟，必不能行。

告假辞官，世与官星化退神者，如愿；世与官星化进神者，王事羁身，难于歇手。

休致：又称致仕，清制。因衰老不能胜任而自请去职，称自请**休致**；朝廷亦常对衰老不能胜任官员给予原品**休致**；如因老不称职，因而被命令退休或加以处分，称勒令**休致**；皇帝有时命令御试成绩低下官员罚俸**休致**。

修陵修河一切营造公务防患章第六十四

福摇子动无忧，鬼克兄冲有患。

子孙持世，子动卦中，事无忧患，有始有终。官鬼克世而受累，兄克兄动以赔财。鬼兄持世同推。

父世官生，因公加爵。

父母持世，官星动而生合世爻者，必因公事加官。

财兴官旺，获利荣名。

旺官持世，财动相生，不独因公得利，还许名荣。旺财持世，世化财生，皆同此断。

六冲不久，六合坚牢。

工程皆以父爻为用神，不旺或受冲克又得六冲卦者，必不坚久。化冲者亦然。又看世爻旺否，世若休囚被克，将来终遭其害。惟喜父爻旺相，又得六合卦者，永远坚牢。

野鹤曰：凡占公务，初入工程而防患，宜子孙动摇，子动无忧。倘若已见疏虞而防患者，必有功名之虑，子动以伤官也。岂可曰子动而无忧耶？

觉子曰：初入工程，兄动以防赔财；已见疏虞，兄动以防罚俸。

僧官道纪医官杂职阴阳等官章第六十五

僧道医官，亦喜官爻发动。

旧系：岂可文书发动？谓僧道医官占功名，乃以子孙为用神，不宜父动而克子也。

野鹤曰：此非理也。若他人占僧道医人，乃以子孙为用神。子孙旺相，道业高强；父母兴隆，庸愚懦弱。若僧道医家自占道艺，亦以子孙为用神。子孙旺相，鬼服龙降。今自占功名，子动则克官矣，如何反为用耶？非也，仍看官爻。官星持世，日月动爻以相生，或父母持世，得旺官相生，其名必成。

阴阳杂职，俱以子动为嫌。

子孙发动、子孙持世，皆许必不成名。余则以与俗家求名同断。

例 343、丑月丙辰日僧官占名，得屯之既济

青龙	兄弟子水、	
玄武	官鬼戌土、	应
白虎	父母申金、	
螣蛇	妻财午火	官鬼辰土× 兄弟亥水
勾陈	子孙寅木、	世
朱雀	兄弟子水、	

此因官事，恐革退僧官而卜之。断曰：子孙持世，克官之神；官又临于应爻，此官已属他人矣。后果退职。

僧官：管理寺庙和僧尼事务的职官，由僧人担任。道纪司：明清时，地方府一级掌管道教事宜的机构。道纪：道纪司的官员。

功名到何品级章第六十六

古法：水一火二木三金四土五。官临火者，官居二品；官星属水，一品之尊。

野鹤曰：此古法也。但水止一数，位至公侯者，何以定之？官设九品，数止于五，六、七品者，何以定之？予得其法者，指占之法也。我能公侯否？我能将相否？我能一品否？我能八座否？

旺官临日月，指日可期；官破及刑冲，终生失望。子孙持世，犹如止渴望梅；官动生身，恰似探囊取物。

例 344、巳月乙卯日曾有邑宰占将来官至方面否，得小过

玄武	父母戌土、	
白虎	兄弟申金、	
螣蛇	子孙亥水	官鬼午火、 世
勾陈	兄弟申金、	
朱雀	妻财卯木	官鬼午火、
青龙	父母辰土、	应

午火官星持世，后果官至金事。子月乙亥日官至方伯，问将来能于开府否？连占三卦子孙持世，后果降调而归。又有因占会试许之必中，又问：可能鼎甲否？余曰：必须再占一卦。

例 345、卯月甲申日，得节之蹇

玄武 兄弟子水、
 白虎 官鬼戌土、
 螣蛇 父母申金、应
 勾陈 官鬼丑土× 父母申金
 朱雀 子孙卯木○ 妻财午火
 青龙 妻财巳火○ 世 官鬼辰土

断曰：古以蹇卦不吉，余重用神。此卦世临巳火，卯月生之，申日合之，青龙持世，中鼎甲而无疑，但非今科之鼎甲也。公曰：何也？余曰：世爻变出辰土之官，乃辰年之鼎甲也。公曰：此数暗含我机，我少年得一预兆，亦应辰年。场毕即回，至甲辰科殿试，果得首唱传胪。所以，教人指其事而占者，无不验也，何必谆谆执古法而猜耶？

子占父功名章第六十七

父旺官动相生，日月作官星而生父母，父旺化官，动而化吉，皆许成名。财动克父，子动伤官，父官动而变凶，日月克官克父，父爻官爻衰墓破绝，皆许无益。

例 346、卯月壬辰日占父何时起用，得涣之夬

白虎 父母卯木○ 子孙未土
 螣蛇 兄弟巳火、 世
 勾陈 妻财酉金 子孙未土× 官鬼亥水
 朱雀 官鬼亥水 兄弟午火× 子孙辰土
 青龙 子孙辰土、 应
 玄武 父母寅木× 官鬼子水

断曰：内卦寅木父母旺而化出子水之官，许寅年起用。果于寅年仍以原品起用。后终于未年。

又以此卦悟之，初爻寅木父，故寅年而起用；上爻卯木父动而化未墓，终于未年。占时未墓爻空，谓之空墓以待死，所以终于实墓之年。又因用神重叠，墓库以收藏也。

例 347、辰月戊申日占父在京候补，得观之涣

朱雀 妻财卯木、
 青龙 兄弟申金 官鬼巳火、
 玄武 父母未土、世
 白虎 妻财卯木、
 螣蛇 官鬼巳火× 父母辰土
 勾陈 子孙子水 父母未土、应

断曰：未土父母持世，巳火官动生之，许即得缺。果补于四川。巳月即归，巳火生世之故耳。

李我平曰：问何时，问何地，须要分占，不可一卦而兼断。若兼断者，假令官值申金，必升于七月。论分野，则申乃西晋之地，岂七月之升迁必西方之缺耶？古法之谬者明矣。

又以八宫，如离南坎北，及二十八宿，以定分野。又云：食禄于此土。此以禄定方。又曰：游魂远而归魂近。此以游归定远近。《易冒》以五行六神八宫为经，诸星为纬以参之，此可说而不可行也。夫五行八

宫及二十八宿，犹为近理。若以六神而兼星煞者，乃妄谈也。使丁日占得雷风恒卦，酉官持世，必掌兵权；神得螣蛇，蛇乃驰驱差遣之吏；丁以酉为文昌，文昌为翰苑。执彼之法而断者，酉官为经，螣蛇、文昌为纬，定是掌兵权于翰苑，听驰驱差遣之词林矣！宁非妄谈乎？

附录：

①八座，亦作“八坐”封建时代中央政府的八种高级官员，历朝制度不一，所指不同。东汉以六曹尚书并令、仆射为“八座”，三国、魏、南朝宋齐以五曹尚书、二仆射、一令为“八座”，隋唐以六尚书、左右仆射及令为“八座”，清代则用作对六部尚书的称呼，后世文学作品多以指称尚书之类高官。

②邑宰，县邑之长。即县令。

③方面，指方面官，古指执掌一方军政职权之官。明清时指地方政府长官，如巡抚、都御史等。

④方伯，殷周时代一方诸侯之长。后泛称地方长官。汉以来之刺史，唐之采访使、观察使，明清之布政使均称“方伯”。

⑤开府，古代指高级官员（如三公、大将军、将军等）成立府署，选置僚属。

附：清代官员品级

清分九品，每品有正、从之分，共十八级。

正一品——（文）太师、太傅、太保、大学士。（武）领侍卫内大臣。

从一品——（文）少师、少傅、少保、太子太师、太子太傅、太子太保、各总督、各部院尚书、都察院右都御史、左都御史。（武）将军、都统、提督。

正二品——（文）太子少师、太子少傅、太子少保、各省总督、各部院左、右侍郎。（武）副都统、总兵。

从二品——（文）各省巡抚、内阁学士、翰林院掌院学士、各省布政使。（武）副将。

正三品——（文）都察院右副都御史、左副都御史、通政司通政使、大理寺卿、詹事府詹事、太常寺卿、顺天府府尹、奉天府府尹、各省按察使。（武）参将。

从三品——（文）光禄寺卿、太仆寺卿、各省盐运使。（武）游击。

正四品——（文）通政司副使、大理寺少卿、詹事府少詹事、太常寺少卿、鸿胪寺卿、太仆寺少卿、各省道员。（武）都司。

从四品——（文）翰林院侍读学士、侍讲学士、国子监祭酒、内阁侍读学士、各省知府。（武）城门领

正五品——（文）左右春坊、左右庶子、光禄寺少卿、钦天监监正、六科给事中、各部院郎中、各府同知、直隶州知州。（武）守备。

从五品——（文）鸿胪寺少卿、各道监察御史、翰林院侍读、各部员外郎、各省知州。（武）守御所千总。

正六品——（文）国子监司业、内阁侍读、左右春坊左右中允、各部院主事、京府通判、京县知县、

各省通判。（武）门千总、营千总。

从六品——（文）左右春坊、左右赞善、翰林院修撰、光禄寺署正、直隶州州同、州同。（武）部千总。

正七品——（文）翰林院编修、各部院七品笔帖式、顺天府学教授、训导，京县县丞、外县县长、各府学教授。（武）把总。

从七品——（文）翰林院检讨、中书科中书、内阁中书、国子监博士、直隶州州判、州判。（武）盛京游牧副尉。

正八品——（文）太医院御医、各部院八品笔帖式、外府经历、外县县丞、州学正、县教谕。（武）外委千总。

从八品——（文）翰林院典簿、府、州、县训导。（武）委署骁骑尉。

正九品——（文）各部院九品笔帖式、县主簿。（武）外委把总。

从九品——（文）翰林院侍诏、刑部司狱、州吏目、巡检。（武）额外外委。

未入流——（文）京、外县典史、驿丞、河泊所所官（武官未入流）。

这里的太师、太傅、太保……只是对大臣的一种荣誉加衔，或死后所赠。右都御史是总督的加衔；右副都御史是巡抚的加衔；总督和巡抚是地方最高长官，兼了都御史的头衔，就可以有弹劾权。这些都是空衔而不是实职。

清代各省总督一般都兼兵部尚书，右都御使是总督专有的加衔，任总督者必加右都御使，其他人不能担任右都御使，虽然总督本职是二品，但兵部尚书和右都御使是从一品，所以总督实际是一品大员。

同样清代各省巡抚一般都兼兵部侍郎，右副都御使是巡抚专有的加衔，任巡抚者必加右都御使，其他人不能担任右副都御使，虽然巡抚本职是从二品，但兵部侍郎是正二品，所以巡抚实际是正二品。

内阁：明朝时为了进一步集权而不设宰相、中书省等机构，宰相的权利转移到内阁，由内阁来处理国家政务。清朝继承了这一做法，内阁的首辅大学士以及协办大学士都被称为中堂，即宰相的别称，但实权则由军机处掌握，在军机处任职的官员称为军机大臣，统称大军机，军机大臣的僚属称为军机章京，又称小军机。事实上只有既是大学士又是军机大臣才可算做真正的宰相。

中央行政机构：

清朝沿袭明朝传统，设六部（吏、户、礼、兵、刑、工），各部长官（管部的大学士及尚书、侍郎等）称堂官，部下属各司的郎中、员外郎、主事以及主事一下的七品小京官称为司官。

在六部之外和六部并立的中央行政机构有：大理寺、太常寺、光禄寺、太仆寺、鸿臚寺、国子监、钦天监、翰林院、太医院、理藩院、宗人府、詹事府、内务府。

军事系统：

清朝军队主要分八旗和绿营两个系统。八旗又分京营和驻防两部分，京营中侍卫皇帝的称为亲军，由侍卫处（领侍卫府）领侍卫内大臣和御前大臣分掌，而御前大臣持掌乾清门侍卫和皇帝出行随扈，权位尤重。其他守卫京师的有骁骑营、前锋营、护军营、步兵营、健锐营、火器营、神机营、虎枪营、善扑营等。

骁骑营由八旗都统直辖；前锋营、护军营、步兵营各设统领管辖；健锐营、火器营、神机营由于都是特种兵，设掌印总统大臣或管理大臣管辖；虎枪营专任扈从、围猎等，设总统管辖；善扑营则专门练习摔角。

驻防八旗驻扎于全国各重要之地，视情况不同设将军、都统、副都统、城守尉、防守尉等官。内地将军等只管军事，而驻扎边疆的将军等要兼管民政。清朝的将军是满官的称号，战时则任命亲王为大将军。

绿营即汉兵，驻扎京师的称巡捕营，归步军统领管辖。绿营的建制分标、协、营、汛几级，标又分为督标、抚标提标、镇标、军标、河标、漕标等，分别由总督、巡抚、提督、总兵、八旗驻防将军、河道总督、漕运总督统率。督标、抚标、军标、河标、漕标都是兼辖，实际各省绿营独立组织为提标、镇标，提督实为一省的最高武官，总兵略低于提督。总兵以下，副将所属为协，参将、游击、都司、守备所属为营，千总、把总、外委所属为汛。

行宪机构：

清朝沿袭明代设监察院，左都御史、左副都御史为监察院长官，右都御史、右副都御史则为总督、巡抚的加衔。

地方行政：

清沿袭明制，大致分省、府、县三级，总督、巡抚为掌握行政、军事、监察大权的高级地方官员，布政、按察两使为督、抚的属官。与督、抚平行的有驻防将军和提督学政，不过驻防将军只管八旗驻军；提督学政只管学校与科举考试，其权力不能与督、抚相比的。省以下有道的设置，道为监察区性质，不算正式行政区。道主要有分守道和分巡道两种，兼兵备衔，另有一些不属布政、按察二司的道，如海关道、管河道、督粮道、盐法道等。省以下为府，设知府、同知、通判等官，与府平行的有直隶厅，设同知、通判。府以下为县，设知县、县丞、主簿等官，与县平行的为散厅，设置同直隶厅。在少数民族地区则设专门机构管理，即土司，一般分为两种：一种由军事部门管辖，如宣慰司、宣抚司、安抚司、招讨司、长官司等，长官为宣慰使、宣抚使、安抚使等；另一种是由行政部门管辖，也设府、县等，官员称土知府、土知县，通常由少数民族头人担任。

“六部”指的是封建时代六大中央行政机构，定为“吏、民、礼、兵、刑、工”六部。唐朝时因避唐太宗李世民的名讳，改民部为户部，此后历代相承，没有什么变化。其主要职责如下：

吏部：管官吏的任免、铨叙、考绩、升降等。

户部：掌土地、户口、赋税、财政等。

礼部：掌典礼、科举、学校、接待外国来宾等。

兵部：掌全国军政、武职官员、练兵、武器、驿站等。

刑部：掌刑法、狱讼等。

工部：掌工程、营造、屯田、水利等。

各部首长成为尚书，副职称侍郎。部下设司，司之首长称郎中，副职称员外郎。

清承明制，在内地设 18 行省。省置巡抚，总揽军政；撤销都指挥使司、降布政使司、按察使司为省属机构，使巡抚成为一省之长。同时置 8 总督，统辖除鲁、豫、晋 3 省以外的行省。其中，直隶、四川为一省一总督，两江总督辖 3 省，余皆各辖 2 省。督抚治所除江苏外，皆在省城。同治后经逐步调整，凡督抚同在一城的省，存总督而废巡抚；非总督驻节的省，巡抚可全权处理军国大事，只江苏一省因督抚治所不同仍维持原

状。至此，行省制臻于健全。

辛亥革命后仍沿袭，只将督抚更名为督军、督办、省长而已。清行省以下机构大都承明制，但其长官称知府、知县。后因省区太大，政务日繁，又在行省与府、直隶州厅之间置道，作为省政府的派出机构，称道台，设四品道员1人。辛亥革命后废府存县，道台演变成省府派驻各地区之行政专员公署。

道主要有分守道和分巡道两种，兼兵备衔，另有一些不属布政、按察二司的道，如海关道、管河道、督粮道、盐法道等。守道可类似于地区之行政专员公署即今地市级长官，其他道可类似于今省里面的厅局。

清朝一省最高的行政长官为总督，接下来是巡抚。督、抚之下设布政使，掌管一省的财赋、民政。布政使又可简称藩台、藩司。又设按察使，掌管一省的司法、监察以及驿传事务。按察使又可简称臬台、臬司。清代道的长官，官方称为“道员”，民间尊为“道台”，因此得名道台衙门。清代的道，是省以下、府以上的机关提督是明清武职官名。全称为提督军务总兵官。负责统辖一省陆路或水路官兵。

求财章第六十八

诸书之论求财，弗如《黄金策》理真论确，屡试屡验。惜乎未经分别，今以此段为总论，后优为分门，使后贤易晓。内有屡试而不验者，删之；余另得验者，增之。

分别：分门别类。

财旺福兴，公私称意；财空福绝，上下违心。

上至国课，下至营谋，无不以财为用。公占私卜，皆以财爻为用神，子孙者乃生助财爻之元神也。俱宜旺而化吉，又宜生合世爻，公私皆得如意。若逢衰墓绝空、刑冲克害、动而变凶、日月冲破者，上下皆违心矣。

有福无财，兄弟交重偏有望。

兄弟乃劫财之神，占财之最忌也。财与兄爻同动，必主阻隔破耗。倘财爻静而不动及不上卦者，若得子孙与兄弟同动，又为可喜，兄动生子，故谓之有望。财爻、兄爻、子孙爻俱动于卦中者，更为可喜，其故何也？兄动生子，子动生财，其利甚厚，且有源远流长之利益也。

兄与财振，官爻发动亦堪求。

兄爻与财爻同动而官鬼亦动者，亦许得财，以官鬼克制兄爻之故耳。

财福俱无，莫若守株待兔。

财与子孙爻俱不现于卦中，或现于卦中又值休囚空破墓绝，或被刑冲克坏，须益守株，图则无益。

觉子曰：倘得日月为财，或伏而旺者，亦可求也。

父兄爻动，无殊缘木求鱼。

父动克福神，兄动克财爻，此二爻动于卦中，凡有所图，水中捞月。

例 348、酉月戊午日占求财，得革

朱雀	官鬼未土、	
青龙	父母酉金、	
玄武	兄弟亥水、	世
白虎	妻财午火	兄弟亥水、
螣蛇	官鬼丑土、	
勾陈	子孙卯木、	应

断曰：卦中财爻不现，亥水兄爻持世，父临月建生助兄爻，如缘木求鱼。

多财反覆，必须墓库以收藏。

卦中财临日月，谓之太旺。动爻变爻皆是财爻，日月又做财星，谓之重叠。若许求谋得意之时，须待财爻入墓之日。且如水作财神，辰日而得，余仿此。

无鬼分争，又怕交重而阻滞。

兄弟乃争夺、阻隔、消耗之神，宜官鬼动而制之，以免分争之患。

觉子曰：兄爻发动，喜鬼动以制之。倘卦中兄爻安静者，又不宜乎鬼动。鬼动，反泄财爻之气也，且有口舌。

兄如太过，反不克财。

旧注：卦中一位兄爻动者，最为利害，如若兄弟爻多动者，反不劫财。

觉子曰：非也。兄爻多者，待兄爻入墓之日，或克损兄爻之日，必劫其财。谓之太旺者损之斯成。

例 349、巳月丙辰日占放印子钱，得未济之归妹

青龙	兄弟巳火○	应	子孙戌土
玄武	子孙未土、		
白虎	妻财酉金、		
螣蛇	官鬼亥水	兄弟午火、	世
勾陈	子孙辰土、		
朱雀	父母寅木×	兄弟巳火	

此卦月建、世爻、动爻、变爻，俱是兄弟，占卦之后，虽则顺遂，至九月，乃兄爻入墓之月，因奸情而破耗。岂可谓之兄爻太过，反不劫其财耶？！

印子钱：又叫折子钱，中国旧时的高利贷，清初已流行。还本付息办法各有不同，在抗战前的上海，一般是借钱十元，放债人先扣鞋袜费一元，六十天还清，连本带利每天拔还两角。因每次还款，都由债主在折子上盖印，故名。

兄如临世，必难求望。

古以卦身临兄爻，难于求望，余因卦身不验，只以世爻为主。兄爻持世，难遂图谋。

野鹤曰：全在人之通变，兄弟持世者，虽则为忌，亦有不当忌者。

例 350、未月丁卯日占借贷，得火地晋

青龙	官鬼巳火、
玄武	父母未土、、
白虎	兄弟酉金、 世
螣蛇	妻财卯木、、
勾陈	官鬼巳火、、
朱雀	子孙子水 父母未土、、 应

断曰：虽则兄爻持世无财，但喜卯日即是财星，古以财爻克世冲世者必得，况应爻未土旺而生世，明日必获。果于辰日得财。应辰日者，世动逢合之日也。

例 351、巳月丁巳日占求财，得既济之涣

青龙	兄弟子水 ×	应	子孙卯木
玄武	官鬼戌土、		
白虎	父母申金、、		
螣蛇	妻财午火	兄弟亥水 ○	世 妻财午火
勾陈	官鬼丑土 ×		官鬼辰土
朱雀	子孙卯木 ○		子孙寅木

断曰：若占久远之财者，则无财也。若问目下之财，明日戊午日必得。其故何也？兄临世爻月破日破，不克变出之财，况日月俱作财星来冲世，只因应爻而逢空，明日冲实，定送财来。果于次日送来。

例 352、巳月戊寅日占何日得财，得离之丰

朱雀	兄弟巳火 ○	世	子孙戌土
青龙	子孙未土、、		
玄武	妻财酉金、		
白虎	官鬼亥水、	应	
螣蛇	子孙丑土、、		
勾陈	父母卯木、		

断曰：酉财不动，明日卯日冲动财爻，明日必得。彼曰：兄弟持世，如何得财？予曰：兄动化墓，不克财爻也。果于次日得之。

野鹤曰：予于此书，务必屡试而屡验者，方敢教人以为法，非比他书，偶然凑合，即以为式。余凡占得兄爻持世，而世值月破、旬空、化墓，及日月作财星冲世克世爻，或世爻兄弟变出财爻，皆许得财，屡占得验，始敢告之。若世持兄弟非此类者，不可如此断也。

财来就我终须易，我去寻财必是难。

旧注：凡遇财爻生世合世克世持世，皆谓之财来就我。若卦中虽有财爻，不来生合世爻，亦非我之财也。

野鹤曰：此说财不生合世爻，非我之财，即如前二卦兄爻持世，何尝财来生合？总要断卦之人灵机应变，参悟其理，自然触类旁通，不可执之。

福变财生，利源滚滚。

财得子动生之，如财之有源也，其利丰厚且源远流长。倘得子动化财，财动化子，皆同此断。

兄伤鬼克，口舌纷纷。

财爻持世，兄爻动者，不独劫财，还防伤己。如若鬼动克世者，更凶。

觉子曰：《黄金策》云兄连鬼克，口舌难逃。谓兄动变鬼冲克世爻者，不独无财，还防口舌。殊不知兄动变鬼，即是兄化回头之克，自顾不暇又焉能冲克世爻耶？

例 353、酉月丙午日占贸易有利否，得师之坎

青龙 父母酉金、应
玄武 兄弟亥水× 官鬼戌土
白虎 官鬼丑土、
螣蛇 妻财午火、世
勾陈 官鬼辰土、
朱雀 子孙寅木、

断曰：午火财爻持世，兄动劫之，幸亥水化戌土，兄爻被克，不来劫财，许之可行，必有利息。果得利益。后于九月，其胞弟得暴病而死，乃悟此卦亥水兄弟变鬼故也。此卦问财带出丧弟，如此者，予屡见之，后学不可不留心也。

财局合福德，万倍利源可许。

世与财爻或与子孙爻三合成局，诸占物阜财丰。

野鹤曰：须要世在局中，或合成子孙局财局生世，方为全美。倘如合成父局，劳碌辛苦。合成兄局，破耗多端。合成鬼局，口舌灾非，克世者更凶。

岁君逢劫煞，一年生意无聊。

劫煞者，兄弟爻也。兄临太岁，一年破耗。

谒贵求财章第六十九

世克官，官生世，须宜谒见；财临破，鬼克世，枉费奔驰。

野鹤曰：见贵有两问也，为名者用官，为利者用财。皆宜持世及生合世爻，如逢空破墓绝及动而变凶者，徒劳奔驰之力耳。倘若世爻化鬼化克及随墓助伤者，更不宜行，若非到彼逢凶，定在中途遇祸。凡谒贵者同断。

世动遇空无妨，身兴遇破何忧？

世动空破或化空破者，勿曰不吉，乃应到彼之月日也。

例 354、申月丁卯日占出行谒见贵人，得同人

青龙 子孙戌土、 应
玄武 妻财申金、
白虎 兄弟午火、
螣蛇 官鬼亥水、 世

勾陈 子孙丑土、

朱雀 父母卯木、

断曰：官星持世而空，亥日出空得见，财利如心。果于出空之日见官，财利得意，月建作财星生世之故耳。

官持世，财动相生；财持世，官无缺陷。

再得日月照临，彼此缘投有幸。日月照临者，日月生世生财，或世爻财爻临日月是也。

为名宜父动，因利忌兄兴。

凡谒贵，既得世与官星相合相生，必然得见。若为名利，须宜另占，不可以此卦而断之。为名者，宜父官两旺；为利者，宜财福两旺。

例 355、申月甲辰日占谒贵求题荐，得火雷噬嗑

玄武 子孙巳火、

白虎 妻财未土、世

螣蛇 官鬼酉金、

勾陈 妻财辰土、

朱雀 兄弟寅木、应

青龙 父母子水、

断曰：求题荐全仗文书，卦中财爻持世，父母受克，难许如心。彼曰：如果得财，亦不负此行。余曰：非此论也。汝来意原为求名，此持世之财，乃破文书之忌神也，非许汝以求财也。

觉子曰：每见人断如此之卦，竟以此财爻决为有财，殊不知财爻持世破文书，求荐举而不得也，误作虽不成名必得其利者，岂不大谬？

六合六冲须看用，反吟化退枉奔驰。

爻逢六合，亦要用神旺相，世与财官相合乃为吉兆；卦逢六冲，必须用神受克失陷，始作凶征。卦得反吟及世动化退，多见难于行动，勉强而去，空返而归。

贵人谒贵，宜世应以相生；平人见贵；宜官贵而相合。

贵人谒贵人，宜世应相合相生。平人见贵人，宜官贵相合相生，及官星持世。

觉子曰：有心而问谒贵求名者，官星持世生世必得官。有心而问谒贵者，官星生世合世而得见，切勿以此得见贵人之官星，换作成名而断也。

野鹤曰：贵人谒贵，世应若相冲克，财伏而空，去之何益？官克世、世变鬼、世变忌者，更凶。平人见贵，官克世、世变鬼、世变克者，勿去，去则须防不测。财官生世持世为吉。

按：凡出行谒贵求财，与出行章参看。

为贵人奔走效力财章第七十

最重财官两旺，不宜世应皆空。世遇财应临福，我益他损；应临官世逢破，他益我损。世遇财官临应，无不遂也。世逢空动变凶，皆非吉也。应克世兄克世，见灾还浅。鬼克世世化鬼，得病不轻。兄爻持世，不如闲处安身；应克世爻，防虑他人反目。

开行开店及各色铺面章第七十一

世为己，应为人，大宜相合；财为本，福为基，最喜同兴。

古法应为伙计，又为下顾之客。《黄金策》曰：开行定主有人投。

觉子曰：须在来人之念。

有心而问伙计，应为伙计。若得世应相生相合，彼此同心。应生世，他益于我；世生应，我益于他。相克相冲而情有变，应爻克世，我被他瞒；世克应爻，他从我愿。应临玄武兄爻，暗中盗骗；应临官鬼克世，明降灾非。世财应兄，受他之累；世财应子，得他之力。世应空合，彼此有虚诈之心也。

来人之念重在买卖者，须以应爻为下顾之客。应爻生合于世，生客来交成故旧；世应相冲相克，熟人终久变成仇。

鬼作灾非须忌动，财为活计畏刑冲。

鬼动招非，克世最忌。古云：鬼现爻中，是非日有；鬼摇克世，灾祸连绵。须看鬼值何神克世，须于家室章内详之。财为资本，忌衰墓空破及动而变凶，或日月刑冲克害，更忌世与财空，俱开不成。

鬼兄发动，有制何妨？随墓助伤，多凶少吉。

鬼动招非，若得子孙制鬼，或日月冲克鬼爻，谓之有制。

觉子曰：凡遇兄鬼同动者，不可曰鬼动招非，以鬼能制兄爻，不劫财也。兄弟又为阻隔破耗之小人，得此鬼动可以制服。独不宜世爻随鬼入墓，或世动变凶，皆凶兆也。凡占贸易，虽宜财动，若遇鬼爻克世，又不相宜，乃为助鬼以伤身也。

卦得反吟多反复。

卦得反吟，欲行不行，行而又止，或开而又闭，闭而又开。倘店开已久，遇此一定更迁。

冲中变合再重兴。

爻逢六合，或六冲卦变六合卦，或世爻财爻子爻共成三合，定是闭后重兴。惟六合变冲则不宜也，眼前热闹，终久萧条。

合伙不嫌兄弟，蚀本内外无财。

世应临兄不吉，兄爻发动不吉，倘若世临兄爻，日月作财星冲克世者，反为吉也。内外无财，伏而又空，必然蚀本，屡试屡验。

投行损益章第七十二

官若兴隆，行主可千金之托；应如空破，牙人无毫忽之能。

官旺应旺，生合世爻，其人可托。如静衰空破，即是奸险小人，倘若交财，定遭欺骗。

世被应伤，遭他陷害；财逢兄克，虑彼相瞒。

应克世爻，帐目难清；兄克财爻，已入套矣。

兄动货难脱卸，子兴物宜交关。

兄动阻隔，货难罄脱；子动财旺，利息丰厚。

兄雀并摇，难逃口舌；武鬼同发，须虑穿窬。

雀临兄鬼动而克世者，口舌官非；武临兄鬼动而克世者，须防盗贼。

穿窬：穿壁逾墙，指偷盗行为。穿窬之盗。

囤货卖货章第七十三

积货卖货，俱不宜财逢空破，及动而变克。

财爻衰者须停榻，妻位当时可脱之。

财衰宜囤，财旺宜脱。如春天占得财爻属木，谓之旺，宜速发卖；若临金水土者，宜堆积也；临火为相，亦不宜堆。此论四时之衰旺也。

觉子曰：衰虽可买，须查其根蒂，虽衰亦宜有根，将来再发，若无根蒂，终久难于出脱，不可不知也。

例 356、寅月己亥日占收货，得山雷颐

勾陈		兄弟寅木、
朱雀	子孙巳火	父母子水、
青龙		妻财戌土、世
玄武	官鬼酉金	妻财辰土、
白虎		兄弟寅木、
螣蛇		父母子水、应

古以财爻衰者宜收，此卦辰戌之财衰而不遇生扶，谓之无根，将来终不得价，不可收买。不听，后来堆积四年，朽坏大半，大亏其本。

货有定时，须凭时令；物无定者，指利而占。

定时者，有贵贱之时也，如麻葛得价于夏令，棉花得价于冬天。又如木料绸缎，无定时也。

财化进神，其价正长。

财化进者，其价正涨，不可收积；财化退者，其价将落，宜速出脱。

兄爻持世，破败之端。

兄爻持世，及兄动卦中，破财之兆。

觉子曰：算甚命？问甚卜？亏人是祸，饶人是福。财将义取者，神告显然，财之不义者，神不告矣。昔有一人亏损伙计，独得其利，人人知而詈骂。因占货当卖否？卦得兄爻持世；又占不卖何如？又是兄爻持世。占过又占，不离兄动。余亦知此人亏损伙计，仰且素行不端。余悟兄动者破财之兆也，有利无利，神不告之。后此人不卖者，其价一日贱似一日，不得不卖，及至急急卖毕，其价大长。折本漂流，难回故里。所以，丧心之人，何须占卜！

财值旺衰墓绝，自有得令之秋；妻逢破克伏空，岂无乘除之日？

太旺者，得利于墓库之月。休囚者，出脱于生旺之时。入墓，必待冲开。逢绝，当逢生旺。月破者，填实之候。被克者，冲去克神之秋。伏藏者，得价于出现之时。旬空者，冲空实空之月。财逢合住，亦待冲开。

例 357、子月己丑日占何时得价，得归妹之兑

勾陈	父母戌土、应	
朱雀	兄弟申金×	兄弟酉金
青龙	子孙亥水	官鬼午火、
玄武	父母丑土、世	
白虎	妻财卯木、	
螣蛇	官鬼巳火、	

断曰：卯木财爻，子月生之，财有根蒂。目下不得价者，被申金动而克制。待寅月冲去申金，其价必涨。果于正月勃然大长。此乃财爻被克，冲去克神之月也。

例 358、巳月戊申日占买台连纸有利否，得复之颐卦。

朱雀	子孙酉金×	官鬼寅木
青龙	妻财亥水、	
玄武	兄弟丑土、应	
白虎	兄弟辰土、	
螣蛇	父母巳火	官鬼寅木、
勾陈	妻财子水、世	

断曰：子水财爻持世，日辰生之，酉金动而生之，但嫌金水逢于夏令，元神用神俱值休囚，秋冬必长，有纸多收。果于堆时每块九钱，后卖至三两六七。此乃财值休囚，出脱于生旺之时也。

台连纸：为浙江台州所生产的一种纸，是用石灰处理的嫩竹为原料制作而成，因颜色略呈黄色，又称黄纸。

例 359、卯月乙未日占卖货，得家人之小畜

玄武	兄弟卯木、	
白虎	子孙巳火、应	
螣蛇	妻财未土、	
勾陈	官鬼酉金	父母亥水、

朱雀 妻财丑土× 世 兄弟寅木
青龙 兄弟卯木、

断曰：丑土财爻持世，卯月克之，未日冲散，又化寅木回头之克，不独财爻被克，且世爻亦被冲伤。六月世临月破，不独破财，且防不测。果于六月回禄，货成灰烬，身被火伤，过七日而死。

觉子曰：归妹与小畜两卦，皆是财爻受克，前卦卯木之财，有子月之生，谓之有根，所以逢寅月冲去克神而得财；后卦丑土之财，并无生扶，谓之无根，所以财命两伤，岂可亦许冲去克神之月而旺耶？所以断卦贵乎周详通变也。

财逢合而当遇。

遇合者，有应动而逢合之月而得价者；亦有财爻衰静，占时得遇日月生合者，其价目下正及时也。

例 360、寅月己酉日占脱货于何时，得山火贲

勾陈 官鬼寅木、
朱雀 妻财子水、
青龙 兄弟戌土、应
玄武 子孙申金 妻财亥水、
白虎 父母午火 兄弟丑土、
滕蛇 官鬼卯木、 世

断曰：亥水财爻，酉日生之，寅月合之，目下正及时也。但因世爻暗动，身动方可出脱。彼曰：我闻某处得价，正欲移货去卖，不知可否？余曰：卦已明现，速宜行之。果去不数日，得价出脱。

此乃爻逢六合，财逢月合，及时而脱货也。

财逢冲而当起。

财旺而静或旺而空，得今日之日辰冲者，其价渐渐涨矣；倘若静而休囚，日冲为破，勿以此断。

财衰变旺，先屈后伸；财旺变衰，先金后土。

财衰变旺，目下虽贱，将来必长。财旺变衰，如若卖货宜于急卖，倘若收货，切不可收。

买货与卖货相反，财爻旺者宜卖，衰者宜买。

卖货宜守宜动章第七十四

内财衰而外财旺，宜往他乡。

外卦财旺生合世爻者或持世者，宜往他乡。倘若财不生合世爻及世动化凶者，他乡花如锦，我去不逢春。

应财外而世财内，须查动静。

应临财爻，宜外；财爻持世者，宜内。必须应爻发动生合世爻，否则，应财再旺，与己何干？

六冲须宜别图，六合还宜坐守。

卦得六冲，虽宜改图，余屡试之财旺者何须更改，财衰者改亦无益。

野鹤曰：凡得此象，须令本人再占更改何如？卦得财世两旺，许之改图；再逢衰者，还须耐守。卦得六合，亦看财爻衰旺，财持世而动者，不可坐守，衰而静者，守待旺时可也。

内卦财衰，宜于外卖；世爻财旺，近地相宜。

财化进，宜往外方发卖；世化退，宜回近地出脱。

往何方买卖章第七十五

古法有之，屡试不验，须指其方而卜之。

例 361、午月戊子日占往楚买豆，得地泽临

朱雀 子孙酉金、
青龙 妻财亥水、应
玄武 兄弟丑土、
白虎 兄弟丑土、
螣蛇 官鬼卯木、世
勾陈 父母巳火、

断曰：亥水财爻，休囚于外，楚豆必贱。子水日建作财星而生世爻，必得厚利，须宜行之。但嫌间爻兄弟，月生日合，耗费者多。后果牙人作弊，告到官府，迟误一月，花费些须。幸到地头，其价大涨，果得厚利。

此乃指其地而占者，无不验也。

买何货为吉章第七十六

古以金财而像珠宝玉石，水财以类鱼盐，火财陶冶，木财果品，土财五谷。青龙木利，又兼喜庆之用；白虎金财，丧仪屠宰之物。玄武水利；朱雀火宜。螣蛇利于出入；勾陈利于农工。

野鹤曰：此乃揣摩五行之论，非经验也，屡试不效。间有验者，亦偶然凑合耳，不可为法。必须意属何类，指而占之，方能有效。

例 362、未月戊申日占探亲东粤带何货归来得利，得火山旅

朱雀 兄弟巳火、
青龙 子孙未土、
玄武 妻财酉金、应
白虎 官鬼亥水 妻财申金、
螣蛇 兄弟午火、
勾陈 父母卯木 子孙辰土、世

断曰：爻逢六合，世应相合，此行遂意。如问应买何物，予无此法，不敢相误，但喜既得吉卦，任尔

冬月卖扇，夏天卖毡，亦得厚利。后此人买檀香翠羽而归，俱获大利。若依古法，则此卦酉金为财，可买珠宝玉石耶？财临玄武，可买水利鱼盐耶？

借贷章第七十七

世逢兄，何须开口；应空破，难遂我心。财若空破休指望，子兴财发可相求。

世应两爻，皆不宜月破或空；兄弟一爻，切不可临身及动。

例 363、未月丁卯日占借贷，得兑之震

青龙 父母未土、世
玄武 兄弟酉金○ 兄弟申金
白虎 子孙亥水、
螣蛇 父母丑土、应
勾陈 妻财卯木○ 妻财寅木
朱雀 官鬼巳火、

断曰：兑卦属金变震卦属木，金克木为财。酉金兄动化退神，卯木财爻亦化退神，幸财值日辰旺而不退，明日辰日必得。果于辰日得之。应辰日者，酉金兄动遇日辰合住而不克财也。

放债索债章第七十八

兄持世，放则无归；兄临应，索则不获。应鬼克身，防负义；应财生世，定怀忠。

古系：世应同人，放债必然连本折。谓不独世临兄弟忌之，应临兄者亦忌。官鬼克身，美意终成恶意。

买卖六畜章第七十九

山野兽禽，须寻福德；六畜牛犬，亦看子孙。

不拘家禽野兽，皆以子孙为用神，兼看财爻。财爻持世，日月或子动生之或财动化子孙，乃吉象也。不拘买卖畜禽，多多益善，大有利息。子孙持世，财爻合世，亦有利益。独防鬼变子孙子孙变鬼、父化子子化父、父兄持世、财临空破，不可行之。

例 364、丑月丁卯日占买马往南发卖，得鼎之大有

青龙 兄弟巳火、
玄武 子孙未土、应
白虎 妻财酉金、
螣蛇 妻财酉金、
勾陈 官鬼亥水、 世
朱雀 父母卯木 子孙丑土× 官鬼子水

断曰：内卦丑土子孙，虽临月建，不宜动而变鬼。外卦未土子孙，又临月破，不宜买之，幸而间爻酉财暗动生世，马虽多死，财不致于大耗。

后果买马七十余匹，一路多死，仅存二十八匹，幸而得价，不致大亏其本。

博戏章第八十

有技斗、力斗，首重世应，若斗胜得财者，兼用财爻。世喜临于日月，财宜日月生扶，世爻动而化吉，应带财而生世，皆我胜也；反此者，必系他赢。兄动卦中，破财之兆；鬼爻克世，灾祸相侵。

有禽鸟斗者，专重子孙，子孙旺者，必胜；休囚空破，或被克害刑冲，及卦中父动者，多被其伤。

例 365、巳月戊申日占斗鹤鹑，得渐之巽

朱雀	官鬼卯木、	应
青龙	妻财子水	父母巳火、
玄武	兄弟未土、	
白虎	子孙申金、	世
螣蛇	父母午火×	妻财亥水
勾陈	兄弟辰土、	

子孙持世，以临日辰，父爻虽动，亥水制之，但嫌亥为月破，难于制火，今日巳午时，切不可斗。彼问：何故？予曰：巳午时，午火父母得令，必克子孙。果早斗得胜，午时又斗，大败，输数金焉。

请会摇会章第八十一

请会须宜财旺，更宜世应相生。卦遇六冲，财虽旺而不久。六冲变合，世应相克亦成。六合变冲，有始无终。财逢绝破，速宜止之。

占摇会得否？旺财持世，必得。占何时可得？财破空，填实之日。财伏藏，出现之日。财太旺者，逢墓克之日。财衰绝者，逢生旺之日。倘得财化回头克，及衰静而逢空破，又遇六冲者，会场必散，终无得会之日矣。

请会、摇会，属民间群众性的自由借贷，以筹集现金和实物，具有互助性质。摇会：民间的一种信用互助方式。一般由发起人(会头)邀请亲友若干人(会脚)参加，约定每月、每季或每年举会一次。每次各缴一定数量的会款，轮流交由一人使用，借以互助。会头先收第一次会款，以后按摇骰方式，决定会脚收款次序，直到参加者轮完为止。

行险求财章第八十二

觉子曰：古以青龙财爻为吉，余以此非营生之本，乃丧心之事也。行此丧心之事，亦敢告之于神耶？既告之于神而神若以吉凶而报者，乃神之教人而做丧心之事也，可谓之大道之易卦耶？可谓之伏羲之大神耶？

然不独此，凡占非礼非义之事，不忠不孝之谋，一念之恶，神随知之，即不告之于神，亦遭天谴。

书曰：惠迪吉，从逆凶。何须问卜？

书指尚书。《尚书·大禹谟》云：惠迪吉，从逆凶。言顺道则吉，从逆则凶的道理。

试思大道之易卦，伏羲之大圣，宁教人作悖理犯义事乎？所以卜亦不验，故不注。

婚姻章第八十二

觉子曰：男家占女，以财为用；女家占男，以官为用。不拘自占或父母亲朋而代占，悉皆同之。用财者，财爻旺相，用官者，官有生扶，即许婚。今见古今诸书，以财旺伤克父母爻，不知以财之旺而为吉也？以财不旺而为吉也？

或曰：《黄金策》云：翁姑不睦，皆因妻位交重。《海底眼》曰：财动丧双亲。《易冒》亦曰：妻财动父母参商。俱以财动伤克父母，未说旺也。余曰：动能伤父母，旺则不能伤耶？假令春天占卦，财爻属木，谓之女命旺而可娶，但父母爻定然属土，如此当权得令之妻财爻不克休囚之父母爻耶？何必曰动？殊不知昔人言动而不言旺者，正恐后人驳论，所以不言其旺，不得已而言动也，岂知亦被看破。

或曰：据尔之论，何以为法？余曰：分占之法也。先要财官旺相，既得吉卦，再占妨克父母否，是其法也。

又按：《黄金策》专以应为妻位，《易冒》亦以应为妻。其旺相者，乃为贤良发福之女，又以应为女家，谓之应爻旺相，必是富贵之家，若休囚必贫寒之宅。执此论，则旺相贤良之女皆出于富贵之家？种种悖谬，余不知何以千百年来竟无一人道破。

男卜女，姻财要旺；女占男，配鬼宜兴。

男家占女，专以财为用神，以应爻为女家，财宜旺相动而化吉，应爻不宜空破墓绝，不宜克世。女家占男，专以官为用神，以应爻为男家，官宜旺相动而化吉，应爻不宜空破墓绝，不宜克世。

财旺生身，应值破空当娶；应爻生世，财爻破绝勿求。

男人自占妻者，亦以财爻为用神，以应爻为女[身]，财与应爻皆宜生世持世合世，必忌破墓绝空。

野鹤曰：财爻应爻同来生合世爻者更吉，大抵以财爻为重，他爻为附和耳。《黄金策》曰：应为白发之妻。重应而不重财，谬也。

例 366、子年未月己未日自占婚，得明夷之丰

勾陈	父母酉金、
朱雀	兄弟亥水、
青龙	官鬼丑土× 世 妻财午火
玄武 妻财午火	兄弟亥水、
白虎	官鬼丑土、
滕蛇	子孙卯木、 应

断曰：丑官持世，虽临月破日破，幸得动化财爻回头之生，目下虽破，终有不破之时。明岁丑年，定

逢佳偶。果次年四月得配良姻。应丑年者，世爻实破之年也。此非财爻生世，应爻克世耶？

例 367、子月癸酉日自占婚，得恒之鼎

白虎	妻财戌土 ×	应	子孙巳火
螣蛇	官鬼申金、		
勾陈	子孙午火、		
朱雀	官鬼酉金、	世	
青龙	兄弟寅木	父母亥水、	
玄武	妻财丑土、		

断曰：酉官持世，戌土财爻动而生世，又得世应相生，戌土虽值旬空，动不为空，明日出空之日，求之必允。果于次日巳时允婚。夫妻白头相守，儿女成行。

例 368、寅月丙午日女家代占婚，得临之既济

青龙	子孙酉金、		
玄武	妻财亥水 ×	应	兄弟戌土
白虎	兄弟丑土、		
螣蛇	兄弟丑土 ×	妻财亥水	
勾陈	官鬼卯木 ○	世	兄弟丑土
朱雀	父母巳火、		

觉子曰：女家占男，以官为用，以应爻为男家，此古法也，亦死法也。断卦之时，须要人之活变，未必全得显而易见者。即如此卦，女家占男，卯木旺官持世，其婚必成。而应爻受克，又为男家不允。似此何以决之？要知财官为重，世应为轻。

虽是女家占男，亦要财爻不致于失陷。此一卦也，关乎男女二人。财被回头克又逢丑土之克，如何能生卯木之官？男女不能相合相生，婚虽成终有他变。后果聘定于四月，未及成婚被贼兵劫去。应巳月者，亥水逢月破也。

财值休囚破散，终非举案之姻；官逢衰墓绝空，难遂齐眉之愿。

财爻官爻不宜墓绝空破，又不宜动而化破化散化克化鬼，乃夭折贫寒之合。男占忌财爻犯之，女占忌官爻犯之。男女自占，世爻忌犯，勉强成婚，参商难免。

世静空亡，动化退，终须失望。

动而空者，实空之月日必成；静而空者，终不成也。世动化进神，事之必成；若化退神，终须难就。应爻静而空破及化退神，亦同此推。

应静旬空，财化进，夙有良缘。

应空他人不实，若动化退神，必有退悔之心，若得财爻动化进神而生世者，虽见退悔，终是良缘。若世应动而破者，亦应实破之时。

世应皆空多费力，反吟多变事难成。

世应俱空，皆无准实。反吟卦变，反覆难成。

野鹤曰：倘得空而逢旺，财鬼相生，先虽不允，后终还成。

例 369、巳月戊子日占婚允否，得恒之晋

朱雀	妻财戌土×	应	子孙巳火
青龙	官鬼申金、		
玄武	子孙午火、		
白虎	官鬼酉金○	世	兄弟卯木
螣蛇	兄弟寅木	父母亥水○	子孙巳火
勾陈	妻财丑土、		

断曰：内卦反吟，翻覆更变，允而复悔之象。彼曰：诚如所断，将来成否？予曰：应爻临财，动而生世，八九月间必成。果于酉月成之，乃应世爻值月，又冲去卯木之月也。

男占兮，兄动卦中非配偶。

兄爻持世或兄动，乃伤妻阻隔之神，此婚必难成，已成者，遇此不免刑伤。觉子曰：余得验者，兄爻持世，若得财爻动来相合，此婚必成。兄爻持世动化出财爻，此婚亦能成。

女占兮，官爻持世是良缘。

女占男，不宜子孙持世或发动，子孙乃伤夫之神，未成者不成，已成者伤夫再嫁。惟官星持世合世生世旺相者，不独姻缘必就，可期举案齐眉。卦中官鬼重叠亦主再嫁。

财官世应冲刑，夫妻反目。**例 370、巳月己亥日某妇人占夫妻不和将来合好否，得需之大过**

勾陈	妻财子水、		
朱雀	兄弟戌土、		
青龙	子孙申金×	世	妻财亥水
玄武	兄弟辰土、		
白虎	父母巳火	官鬼寅木、	
螣蛇	妻财子水○	应	兄弟丑土

断曰：女占夫，不宜子孙持世，乃克夫之象，幸寅木得子水相生，不能伤之，所以不和。今兼应爻为夫，应逢子丑作合，夫已有外遇，水木相生，两情如蜜。彼曰：果然。后如何？余曰：汝两人不是姻缘，虽则不能死别，必有生离。果于次年寅月其夫休之，六月再娶彼妇。应寅月者，夫临寅木而冲世也；应六月者，未土冲开初爻丑土，子水来生寅木也。

旺相爻逢六合，彼此同心。

爻逢六合占婚最宜，亦要财官旺相为吉，男忌财逢破墓，女防官位克绝。六冲变六合者更吉，眼下不允，日后必成。已成婚不和睦者，终究和美。惟忌六冲卦，若无财官两旺，切不可成，勉强成之，若非死别，定是生离。六合变六冲，虽许允后必更张，已成者终须折枕。

例 371、戌月庚申日占已娶有夫之妇夫回成讼断离否，得困之兑

螣蛇	父母未土、		
勾陈	兄弟酉金、		
朱雀	子孙亥水、	应	
青龙	官鬼午火、		
玄武	父母辰土、		

白虎 妻财寅木× 世 官鬼巳火

断曰：财爻持世，美姻缘也。但凋零寅木被日辰冲散，且又六合变冲，不惟断离，须防有罪。彼曰：业已状告奸谋，不知何如？予曰：世爻，变爻与日辰共作三刑，汝两人俱难免杖责。后审出奸娶，男女皆杖而离之。

古用咸恒节泰，忌逢睽革解离。

觉子曰：《易冒》有云，卦得咸恒节泰，若不遇合冲、变冲，虽财官衰陷、随墓助伤，皆不为凶。卦得睽革解离，虽用神全备而化合，亦不为吉。此言用神不胜于卦验也。

例 372、巳月丁卯日占婚于何时，得泰卦

青龙	子孙酉金、应
玄武	妻财亥水、
白虎	兄弟丑土、
螣蛇	兄弟辰土、 世
勾陈	父母巳火 官鬼寅木、
朱雀	妻财子水、

余见此卦，兄爻持世，亥水之财，临月破旬空；子水之财，世爻克之，日辰刑之，古虽以泰卦为吉，余焉敢以婚姻大事而试卦耶？命之再占。

例 373、巳月丁卯日，又占得坤卦

青龙	子孙酉金、世
玄武	妻财亥水、
白虎	兄弟丑土、
螣蛇	官鬼卯木、应
勾陈	父母巳火、
朱雀	兄弟未土、

世爻休因为日破，亥水财爻临月破、旬空，卦遇六冲，大凶之兆。故知前得泰卦，非为吉也，仍用财官世应者为是。

然亦不可竟以为是，凡有所疑，勿执古法而断，须以再占之卦而决之，后卦若吉即以吉断，后卦若凶则以凶推。神不欺人，彼此两无误差。

财化财，未必婚姻两度；鬼化鬼，难曰相守百年。

《黄金策》曰：财爻重叠，重作新人。

余屡试之：男家占女家，财爻重叠旺相生合世爻者，多主贤妻美妾。财化财，或应双娶、或应婢妾同来、或应妻妾之多、或应收妆奁甚厚。惟忌爻中兄动及日月冲克财爻，花烛重重亦不免耳。

女家占男家，得遇财化财，财爻重叠生世者，必主百两盈门，千金作聘。不宜鬼动化鬼，必主夫亡；鬼爻重叠克世，若非争婚夺娶，定然反复灾非。男占遇之，亦主更变，克世者，即宜止之；世爻化鬼者，更宜止之。

兄临玄武，防劫骗；鬼临白虎，遇凶丧。

兄鬼动临玄武，防局中奸诈骗财，纵使世应相生，财官无害，必须大费。鬼临虎动，或未过门或过门

不久，必见丧事。

应财世鬼，夫唱妇随；应鬼世财，夫权妻夺。

世持鬼应持财，谓之阴阳得位，必然鸾凤和鸣。鬼临应财临世，牝鸡司晨，妻夺夫权，惟赘婿得之反吉。

此婚子嗣有无章第八十三

子孙旺相，或休囚而动，及动而化吉，皆主有子。子化进神化回头生，有子必多。如逢子孙墓绝，动而变鬼鬼变子孙、父化子子化父、父动克子，皆因我命无儿，不成此婚亦无子也，惟多积阴德以培之。

例 374、申月丁丑日因有妾多，占何命者有子，得革之夬

青龙	官鬼未土、	
玄武	父母酉金、	
白虎	兄弟亥水、	世
螣蛇	妻财午火	兄弟亥水、
勾陈	官鬼丑土 ×	子孙寅木
朱雀	子孙卯木、	应

断曰：卯木子孙绝于申月，鬼变子孙又逢月破，公命无子，与女命何干？即出八字观之，甲寅甲戌甲子戊辰。余曰：八字虽奇，纯阳包阴，兵权显赫。但嫌平头煞重，叠叠魁罡，亦主无子。公曰：有何法耶？余曰：多积阴德以培之。公曰：不孝有三，无后为大。嗣后施济贫寒，全人夫妇，修桥砌路，施药施棺，连生二子。临终嘱其子曰：我非阴功，不能有尔。尔若成人，多宜积德。

此婚有宜于父母否章第八十四

专以父母为用神，父母爻或旺或衰，皆不忌也。所忌者，财爻发动，必此婚之有妨也。如财化父母，父母化财，鬼化父母，父母动化墓绝空破及回头克，动而破散，或日月克父母，乃桑榆暮秋之景，不成此婚亦难免耳。

纳宠配仆章第八十五

占纳宠，为子嗣者，子孙为用神，与前段占子嗣同断。否则，专看财爻，亦与占婚同断。

占配仆，财爻为用神。财爻持世，或动而生合世爻，动而化进化生，财化财，皆得忠诚效力。散破空绝，非懒惰即疾病。财爻克世冲世，负义忘恩之徒。财化鬼化绝化墓化克及鬼化财爻，贫穷夭折之流。

取离妇跳娼妇章第八十六

防患者，子孙持世，子孙发动，皆无忧也。财爻持世，子动相生者，更吉。鬼兄克世，随墓助伤，鬼爻持世，婚姻虽就，病患随之。财克世，兄持世，落人之局，必人财两失。

防拦阻者，兄动不成，鬼动有祸。兄爻持世，到底难成；财动相生，不谋而就。六冲变冲为凶，三合六合者吉。六合变冲，成而不久；六冲变合，终必有成。

强夺婚、遂私约，非礼非义，勿告于神。

出妾休妻，原非所欲，有不得已而出者，心去难留。

李我平曰：古法占婚，不言正理，多尚浮辞，议论多端，总无凭据，不知先贤何以指人之迷也？《黄金策》曰：夫若才能，官占长生之位；妻如丑拙，财落墓库之乡。此犹近理。《易冒》以八宫而推容貌，六神而定才情，则不可也。

假令卯月戊日得否卦，旺财持世。推容貌以八宫者，此卦财在乾宫，乾为天，谓仪容端正，质性聪明，配天德之淑女也。然财临白虎，若兼六神而断，白虎乃悖逆之星。成婚之后，配天德之淑女而悖逆者，未之有也。是以容貌才情，不必卜之，岂不闻在德不在色？

婚姻有一定之缘，财旺官兴，定遂唱随之好；相生相合，自有悦己之容。吉者求之，凶者弃之，用财官兼世应而断足矣。必欲两命不宜入墓，六亲俱不相妨；父母不可沦，子孙不可溺；财爻不宜动，官鬼不宜没；夫妇勿二，阴阳莫悖，事事求全，不惟世无此十全之女，即六十四卦之中，亦无此十全之卦也。浮辞诳世，实误后人。

胎孕章第八十七

卜胎之虚实，占孕之安危，问产妇之吉凶，测胎中之男女，各宜分占。亲占代占，皆用子孙。惟子占母孕，以兄弟爻为用神也。

福神旺相遇生扶，麟种兆瑞；子孙休囚逢破散，胞孕空虚。

子孙旺相，或临日月，或遇日月动爻生扶，或动而化吉，皆许成孕。若临空破散绝，或被刑冲克害，或动而化绝化破，或子变鬼鬼变子，或父化子子化父，水泡风灯。惟动而空者，不妨。

子化子，双生有准。

子孙动化子孙，或卦中子孙多动，或已有旺相子孙动而他爻又变出旺相子孙，皆主双胎。《卜筮元龟》云：子孙两旺，定是双胎。

觉子曰：两动且两旺者，此断是也。内有一衰者，一死一生。一阴一阳者，一女一男。两现一不动者，非也。

阳变阴，男女可辨。

静卦，先看卦包。阴包阳生女，坎、大过、小过、咸、恒五卦是也。阳包阴生男，离、中孚、颐、损

四卦是也。其余俱非。若无卦包者，须看子孙，值阳为男，值阴为女。

动卦，虽有卦包而不用，神兆机于动，先看动爻。一爻动者，阳动为女，阴动为男；两爻动者，看上爻；三爻动者，看中爻；多爻动者，来意不诚，改日再占。即刻连占亦不验也。

例 375、辰月戊辰日占孕男女，得小过之豫

朱雀	父母戌土、、	
青龙	兄弟申金、、	
玄武	子孙亥水	官鬼午火、 世
白虎	兄弟申金○	妻财卯木
螣蛇	妻财卯木	官鬼午火、、
勾陈	父母辰土、、	应

余曰：尔之来意，是问妻孕平安？还是问孕之男女？彼曰：两事俱问。余曰：日后须宜分占，不可同问。幸此卦两事俱现，兄爻虽动，不克变出之财爻，令正坐草无虞。卦中阳动变阴，必然主女。彼曰：小过卦谓之阴包阳，如何生女？余曰：神兆机于动，先重动爻。果于壬申日生女，母女平安。

令正：旧时以嫡妻为正室，因用为称对方嫡妻的敬词。坐草：妇女临产，分娩。

觉子曰：占妻平安及占男女，原宜分占，若闲时而兼问者，还可同断，若在临产危急时而问者，切不可断男女。

例 376、辰月戊子日女人自卜孕，得艮之剥

朱雀	官鬼寅木、 世
青龙	妻财子水 妻财子水、、
玄武	兄弟戌土、、
白虎	子孙申金○ 应 官鬼卯木
螣蛇	父母午火、、
勾陈	兄弟辰土、、

此女人生产已有一日一夜矣。予断：明日申时得生。彼夫问：何以知之？予曰：卦中申金子孙一爻独发，自占者，官鬼持世，明日申时，子孙当时出现，克去身边之鬼而无忧也。或问：何不于今日申时？予曰：今日子日冲动午火克金，今日不能。又问：是男是女？予曰：尔不知易理，此卦如何定得男女？神随人念，占此应此，占彼应彼。若问于闲遐无事之时，必有男女之念，今性命在呼吸之间，只祈离身保命足矣，故神现生产之时，不报男女也。果生男于次日申时。

此卦若以阳动变阴，牵扯兼断者，可谓知易理者乎？

问产妇安否章第八十八

坐草临盆嫌鬼动，胎前产后忌兄摇。财临绝破妻难保，鬼化妻财命不牢。

问产妇，夫占代占，皆以财为用神。

虽则不宜鬼动，倘若兄动克财，又宜鬼动制服兄爻。不宜财变鬼鬼变财，兄化财财化兄，及妻逢破墓绝空，或日月冲克，皆为凶兆。

觉子曰：问胎问妇，虽宜分占，另有不待分占，而卦中先现者，须宜留心详审。

例 377、子月乙亥日占妻孕平安否，得丰之小过

玄武 官鬼戌土、
白虎 父母申金、世
螣蛇 妻财午火、
勾陈 兄弟亥水、
朱雀 官鬼丑土、应
青龙 子孙卯木○ 官鬼辰土

断曰：午火妻财临月破，又被亥日克之，冬令之火休囚被克，全无生扶，命之难保。彼曰：卯木子孙，动而生火，何谓全无生扶？余曰：卯木子孙动而变鬼，神现母子皆丧也，非生火之卯木也。善卜者须以知机，会神之意。又曰：财虽不旺，卯木子孙得子月亥日以生之，何谓子亦难保？余曰：变鬼之子孙，纵临日月亦无益矣。

卦得六冲，子旺财强终是喜；爻逢六合，财空子破亦为忧。

产期章第八十九

产期有远近之分，远则应月，近则应日。

子孙动者，逢合逢值；子孙静者，逢值逢冲。空者，冲空实空之日；破者，实破逢合之期。伏藏者，出现之日；临绝者，生旺之日。又有子遇长生胎养之日。白虎兄弟而动，值日而生。

婴童否泰章第九十

身命子孙章同断。

出行章第九十一

人为名利，奔驰道路。风波不测，占卜当先。世爻旺相宜行，应爻空亡且止。

世为出行人，生旺有气则吉，动而化吉，及化子孙者更吉。如若休囚空破，动而化凶者不宜行也。应为地头，又为傍倚人，他若空破墓绝，或动而化鬼化绝化克者，去之无益。

世伤应位，远近皆宜；应克世爻，公私不利。

我去克他，所向通达。应来刑冲克世，不可行之。

官鬼交重灾祸重。

武鬼动，忧盗贼；雀鬼动，防讼非。虎鬼，疾病缠绵；蛇鬼，风波惊险。勾陈鬼动，事有勾连；鬼动逢龙，戒于嫖赌。

鬼发震乾患车马，鬼发兑坎虑风波。坤艮之鬼，山间野岭逢殃；巽离之鬼，火厂林窑罹难。余在趋避章中详之。

福神发动患殃消。

出行得子孙持世、子孙发动、世化子孙，程途万里，百祸潜消。子孙克世者，亦吉。

父克世爻，风雨、舟车、行李。

父母持世而动，或父动冲克世爻，余得验者，有应舟车行李之累，有应风雨淋漓之愁。世爻旺者无妨，最怕休囚而化凶也。

例 378、予曾于戌月丙戌日由江右登舟，占一路平安否，得蛊之巽

青龙 兄弟寅木、 应
玄武 父母子水 × 子孙巳火
白虎 妻财戌土、
螣蛇 官鬼酉金、 世
勾陈 父母亥水、
朱雀 妻财丑土、

予疑酉官持世，一路忧疑之象，初不知应风阻也。及至戊子日，风雨大作，舟泊南康，始悟此卦子水父动，子日之风雨也，见其化出巳火子孙，即知巳日方晴。果舟停五日，巳日天开，得顺风矣，自此始悟子孙乃行舟之顺风也。

兄冲世位，花月、散耗、灾非。

财爻持世，兄爻冲克者，有应花朝月夕，无端浪费；有应小辈明欺暗骗，致成灾非，破耗百出。

静遇日冲必动，动逢合住而留。

世爻暗动者必去，世爻旺静逢冲之日必去。世爻动而化合或被日月动爻合者，必有事故，阻滞不行。

觉子曰：余尝得验，亦有应在冲开之日而行。

八纯乱动，在处皆凶；两间齐空，独行则吉。

六冲卦及动而变冲，世爻休囚被克者，终去不成，有始无终，去亦诸般不就。

两间爻者，乃同行附载之人也。动而克世，必遭其害；动临兄爻，破我之财。生合我者为吉。倘两间齐空，若非中途梗阻，定然无伴孤行。

反吟化退中途返，六冲随墓始终凶。

卦得伏吟，世动者，冲开之日月成行。卦得反吟，去到中途亦返，世逢冲克大凶。世爻化退，中途返。

六冲卦世静世空必不能行。随鬼入墓，世若休囚，不返之兆。

六合化冲不吉，六冲化合方亨。

六合卦变六冲，及卦变克绝者，在家亦恐凶危。

舟行章第九十二

登舟问何日至者，世爻发动，合日值日而到。若得子孙持世及子孙他爻发动者，值日而到。世化退及反吟卦，中途而返。

舟行问平安者，子孙持世克世生世合世，一路平安。官鬼持世忧郁惊恐，官鬼冲克世爻灾非必见。兄动破财。

舟行问风者，勿以兄弟为风云，乃以子孙为顺风。动而逢合逢值，静而逢冲之日，空逢冲实之日，与天时章阴晴同断。

同舟共行章第九十三

同行共处应为尊，同路同舟一样论。应伤世位遭他害，墓绝空破负吾恩。

只宜生合相扶助，永赖维持如至亲。三合同途皆遂意，六冲半路便灰心。

起居为害摇兄鬼，水睦清平动子孙。占他人以应为我，占亲戚必看用神，

不宜兄鬼动而克世，最宜相合相生。

行人章第九十四

问行人之归期，有远有近，远则应月，近则应日。亦有去久，目下当归者，又可只以日断之。

问行人之否泰，另占一卦，不可一卦而兼断也。

占亲人者，在用神章中求之；疏者，以应爻为用神。

世克用兮人未动，用克世兮必然归。

世克用神，尚无归志；用神克世，指日回家。余试果验。

墓绝空破，归信杳然。

用神静逢休囚空破者，且不思归。

明摇暗动，归鞭发矣。用化进不返，动化退而必归。动逢合，有事阻隔；动化鬼，在外危灾。最怕动而化克，还防卦变反吟。

惟恐卦变克绝，及反吟卦用神又被冲克者，皆难望其归也。

世爻空者，行人即至；用动空者，填实必归。用神三合，冲开之月日而来；卦逢六冲，行人无定而不返。

动旺空者，填实之日。伏藏者，出现之日；发动者，逢合之日。用爻静者，冲动之日；用爻墓者，开墓之日。

用爻无病，可断归期；用爻有病，在外不安。

野鹤曰：用神墓绝空破受伤，谓之有病。来人问行人在外平安否，须看有病无病。若问归期，只可看卦象以来与不来而断也。

例 379、酉月戊申日占母在外何时来，得旅之艮

朱雀	兄弟巳火、
青龙	子孙未土、
玄武	妻财酉金○ 应 子孙戌土
白虎 官鬼亥水	妻财申金、
螣蛇	兄弟午火、
勾陈 父母卯木	子孙辰土、世

此卦若问父母平安否？父母卯木日月动爻冲克，必不安矣。今问其来否？不以此断，只可断用神伏藏受克而不来。六合变六冲亦不来。后果不来，在外平安。

例 380、亥月甲子日占仆人何日回，得革之夬

玄武	官鬼未土、
白虎	父母酉金、
螣蛇	兄弟亥水、 世
勾陈 妻财午火	兄弟亥水、
朱雀	官鬼丑土× 子孙寅木
青龙	子孙卯木、 应

此卦若问仆人在外之吉凶者，必不归矣。何也？午火财爻伏而被日月所克。今问何日可到？不以此断。世空者速至，此人来矣，己巳日必到。果于巳日到。应巳日者，冲空之日也，巳火又是财爻。

例 381、未月戊戌日占伯何日来，得屯之随

朱雀	兄弟子水、
青龙	官鬼戌土、 应
玄武	父母申金× 兄弟亥水
白虎 妻财午火	官鬼辰土、
螣蛇	子孙寅木、世
勾陈	兄弟子水、

断曰：父母为用神，克世者速至，七月必到。后于亥月方到。应亥月者，父母化出之爻也。

例 382、丑月庚午日占父远去何日回，得履

螣蛇	兄弟戌土、
勾陈	子孙申金、 世
朱雀	父母午火、
青龙	兄弟丑土、
玄武 父母午火	官鬼卯木、 应
白虎	父母巳火、

断曰：今日乃是午日，午火父爻克世爻，今日必到。果于申时到。

例 383、寅月癸亥日占主人何时回，得大畜之小畜

白虎	官鬼寅木、	
螣蛇	妻财子水×	应 父母巳火
勾陈	兄弟戌土、	
朱雀	子孙申金	兄弟辰土、
青龙	父母午火	官鬼寅木、 世
玄武	妻财子水、	

断曰：仆占主人，以父母为用。子水财爻化出巳火父爻，动爻不克变爻，巳日必到。果于巳日到。

例 384、辰年未月丁丑日占父何时来，得大有之井

青龙	官鬼巳火○	应 子孙子水
玄武	父母未土×	父母戌土
白虎	兄弟酉金○	兄弟申金
螣蛇	父母辰土、	世
勾陈	妻财寅木、	
朱雀	子孙子水○	父母丑土

断曰：初爻丑土父，与子作合，不来；五爻未土父化进神，不来。彼曰：终须来否？予曰：午年必来。果于午年戌月到。应午年者，未爻父动，午岁合之，动而逢合之年也；又因初爻子与丑合，合要冲开，午年以冲开也。

例 385、寅月庚寅日占主人往楚平安否，还往他省否，得观

螣蛇	妻财卯木、	
勾陈	兄弟申金	官鬼巳火、
朱雀	父母未土、	世
青龙	妻财卯木、	
玄武	官鬼巳火、	
白虎	子孙子水	父母未土、 应

父母遇真空，不详之兆。不敢竟断，再令亲人卜之。

例 386、同日弟占兄，得中孚之临

螣蛇	官鬼卯木○	子孙子酉金
勾陈	妻财子水	父母巳火○ 妻财亥水
朱雀	兄弟未土、	世
青龙	子孙申金	兄弟丑土、
玄武	官鬼卯木、	
白虎	父母巳火、	应

前卦仆占主，父母为用神，父母真空；此卦弟占兄，兄弟为用神，又落真空，大凶之兆。再命亲人占之。

例 387、次日辛卯日仆又占，得坎之困

螣蛇	兄弟子水、	世
----	-------	---

勾陈 官鬼戌土、
 朱雀 父母申金× 兄弟亥水
 青龙 妻财午火、应
 玄武 官鬼辰土、
 白虎 子孙寅木、

予曰：得此卦，今为尔释然矣。彼问：何故？予曰：前两卦用神真空，乃凶亡之兆，今此卦申父生世，四月必归。彼问：若此，则前父兄真空何也？予曰：因此公大寿无多，故神报未年之死，不言目下之事耳。又问：何以知死未年也？予曰：占主，父临未土；占兄，兄临未土，俱被日月克害，因在旬空，所以无祸，未年出空，被日月之伤，得不危乎？辰年占，果未年死。

野鹤曰：连占两卦，俱报未问之事，第三卦方报目前所问，因叹前贤以一卦竟断吉凶，不知将此占远应近、占近应远之卦错断如许矣。既不能悟出，尚牵强辩论，留作后人之法，何哉？

例 388、亥月甲子日占夫在外还往他省去否，得大壮之大过

玄武 兄弟戌土、
 白虎 子孙申金× 子孙酉金
 螣蛇 父母午火、世
 勾陈 兄弟辰土、
 朱雀 官鬼寅木、
 青龙 妻财子水○ 应 兄弟丑土

断曰：妻占夫，官为用神。申动克之，寅木夫爻受克不往他处去矣。不日必回。彼曰：何以知其回也？余曰：日月生官，官生世爻，必有归志。问曰：何日可到？余曰：巳日必到。许巳日者，合住申金之日也。果于巳日到。或曰：用爻有病，莫问归期。此卦申金化进神以克寅木，如何许回？余曰：彼若问夫之平安否，即以不利断之；今问还往他处去否，夫爻受制，不往他乡。断卦者，各有取用耳。

例 389、辰月丙申日占差家人取书得否，何日回，得渐之剥

青龙 官鬼卯木、应
 玄武 妻财子水 父母巳火○ 妻财子水
 白虎 兄弟未土、
 螣蛇 子孙申金○ 世 官鬼卯木
 勾陈 父母午火、
 朱雀 兄弟辰土、

断曰：仆人今日酉时必到，而书不得。彼问：何以知之？余曰：巳父化回头之克，不得书矣。申子持世化卯鬼，人不到，必有忧，今日酉时冲去卯木，则无忧也。果酉时到，而书不得。

例 390、酉月癸酉日占兄何日回，得师之临

白虎 父母酉金、应
 螣蛇 兄弟亥水、
 勾陈 官鬼丑土、
 朱雀 妻财午火、世
 青龙 官鬼辰土、
 玄武 子孙寅木× 妻财巳火

断曰：亥兄旺相而空，出空之日必至。彼曰：后日即是亥日，前有信，约今日起身，但二千余里，三

日如何能到？予曰：不独亥日出空，凡卦中子孙持世，及动而生合世爻，皆是喜悦之神。许亥日归者，寅与亥合，又是合起子孙之日也，亥日必归无疑。岂料由水路，遇顺风，日夜行，竟归于亥日。

觉子曰：泛常占风，兄动为风，木动生风，唯舟行占风，以子孙为风。盖行舟风逆，我心忧也，子孙发动之日，乃得顺风之日，风顺，我无忧矣，此亦未传之秘。

例 391、戌月丙戌日由江右登舟占一路平安否，得蛊之巽

青龙 兄弟寅木、 应
玄武 父母子水× 子孙巳火
白虎 妻财戌土、
螣蛇 官鬼酉金、 世
勾陈 父母亥水、
朱雀 妻财丑土、

予疑酉官持世，一路忧疑之象，初不知应风阻也。及至戊子日，风雨大作，舟泊南康，始悟此卦子水父动，子日之风雨也，见其化出巳火子孙，即知巳日方晴。果舟停五日，巳日天开，得顺风矣，自此始悟子孙乃行舟之顺风也。

例 392、辰月甲戌日行舟占顺风，得升之恒

玄武 官鬼酉金、
白虎 父母亥水、
螣蛇 子孙午火 妻财丑土× 世 子孙午火
勾陈 官鬼酉金、
朱雀 兄弟寅木 父母亥水、
青龙 妻财丑土、 应

午子回头生世，今日午时，必得顺风，但嫌今日戌日，午火子孙入墓之日，风必不久。果于午时子孙当令，顺风扬帆，至未时而风止矣。

例 393、次日乙亥日命船家占风，得丰之大壮

玄武 官鬼戌土、
白虎 父母申金、 世
螣蛇 妻财午火、
勾陈 兄弟亥水、
朱雀 官鬼丑土× 应 子孙寅木
青龙 子孙卯木、

变爻寅木子孙，克制丑土之鬼，必至寅日而得顺风。于戊寅日寅时，果得顺风而开舟矣。

例 394、亥月癸亥日占顺风，得未济之艮

白虎 兄弟巳火、 应
螣蛇 子孙未土、
勾陈 妻财酉金○ 子孙戌土
朱雀 官鬼亥水 兄弟午火× 世 妻财申金
青龙 子孙辰土○ 兄弟午火
玄武 父母寅木、

有由淮回扬者，予附载之，登舟，彼即占风。予曰：明日辰时，得顺风，戌时即抵扬矣。彼问：何其

速也？予曰：二爻辰土子孙，乃得顺风之喜悦也；四爻戌土子孙，到家之喜悦也。果如所占。

例 395、戌月戊子日舟中占风，得坤之震

朱雀 子孙酉金、世
 青龙 妻财亥水、
 玄武 兄弟丑土× 父母午火
 白虎 官鬼卯木、应
 螣蛇 父母巳火、
 勾陈 兄弟未土× 妻财子水

酉子持世，必应静而逢冲之日，卯日必有顺风。

例 396、次日己丑日又占，得泽天夬

勾陈 兄弟未土、
 朱雀 子孙酉金、世
 青龙 妻财亥水、
 玄武 兄弟辰土、
 白虎 父母巳火 官鬼寅木、应
 螣蛇 妻财子水、

仍是酉金子孙持世，果至卯日风顺。

例 397、壬辰日占风，得大畜之泰

白虎 官鬼寅木○ 子孙酉金
 螣蛇 妻财子水、应
 勾陈 兄弟戌土、
 朱雀 子孙申金 兄弟辰土、
 青龙 父母午火 官鬼寅木、世
 玄武 妻财子水、

上爻寅鬼化出酉金子孙，明日酉时有风。

例 398、至次日癸巳日又占风，得姤之小畜

白虎 父母戌土、
 螣蛇 兄弟申金、
 勾陈 官鬼午火○ 应 父母未土
 朱雀 兄弟酉金、
 青龙 妻财寅木 子孙亥水、
 玄武 父母丑土× 世 子孙子水

或问：昨说今日酉时有风，而今日之卦如何不现？予曰：神谓我已知矣，不再报也。然今日酉时固然有风，而必不大。神报明日之大风也。盖子水子孙与世爻相合，若逢和住，须冲破以成功。明日午时，顺风必大。果于次日风顺帆饱，舟行三百余里。

防非避讼章第九十五

忧虑官司，却喜官居空破；最宜子动，子若持世无非。

鬼雀同兴，口舌不免；蛇鬼克世，灾患相侵。玄武鬼，必因盗贼阴人；白虎鬼，定有伤痕见血。世动克应，我兴词；应克世爻，他有讼。

子孙发动，子孙持世，必不成非；鬼持世，鬼克世，应动克世，定然成讼。

斗殴争竞章第九十六

彼此相争寻世应，不宜冲克喜相生。日月克身我受辱，动爻克应他遭刑。

应克世者，他胜；世克应者，我赢。

世空世破、世动化退，我心怯焉；应动应旺、应化进神，他得势耳。卦遇六冲必散，卦逢六合必成。

亦不离乎子孙爻，子孙发动，子孙持世，争斗不成。日月动爻宜于克应，不宜克世。世宜旺动克应，及动而化吉，官事必赢。

兴词举讼章第九十七

官父同兴，公庭有理；官父克世，受屈含冤。

世化退神、世空世破、卦变六冲、世被刑冲，终不成讼。财与子孙发动，克破文书官鬼，亦不成讼。

已定重罪章第九十八

福宜旺相，最忌官兴。

子孙持世，子孙发动，已到法场，终须赦免。官鬼克世，或官鬼持世，又被日月动爻冲克，或世动化凶，虽定轻罪，防改重刑。

疾病章第九十九

野鹤曰：人有七情，致生百病，急于问卜，以慰其心。奈何卜筮诸书舛错悖谬，令人反无定见。既取用神，又取卦身、世身，兼用本命。又有不看身命用神，单看卦验，卦得明夷、大过、观、贲、蛊、夬、丰、同人、大畜、需卦者，断之必死。又云：死气丧门临本命，早备衾棺。又云：蛇动主死，虎动主丧。

此以星煞六神而断生死，独不思假使恶煞凶神临身守命，若得用神二身旺相，断之生耶？死耶？余试多年，或生或死，全凭用神，余皆不验。内有不看用神而断生死者，唯卦变与六冲是也。

卦遇六冲，久病难于调治。

卦逢六冲，卦变六冲，久病者，不论用神之衰旺，乃不治之疾也。近病者，不药而愈。

卦变绝克，新病亦主危亡。

卦变者，亦六冲变六冲，何其近病亦危？乃因化回头之克也。震巽木变乾兑金，乾兑金变离火，离火变坎水，坎水变艮坤土，艮坤土变震巽木，皆谓之回头相克，虽非墓绝，亦主危亡。若化比和、化克去、（化生去）、及化回头相生，近病吉久病凶，六冲之故耳。除此冲克之外，必看用神。

自占病，世为用神。占父母兄弟，父母兄弟为用神。余皆在用神章内详之。

用遇旬空，近病何须忧虑？用逢月破，久病难许安宁。

近病，用神或动或静而值旬空，及化空者，若无日月动爻冲克，许之冲空出空之日即愈。倘逢冲克，病虽重而不死。若值月破，须看用神之衰旺，旺则愈于实破之日及出月而愈；衰而受克者，必危。

久病，用神值旬空月破者，即使用神旺相，亦无法医治。

野鹤曰：《海底眼》、《黄金策》皆云：主空无救，中道而殁。不分近病久病，非经验也。

觉子曰：余得验者，近病值旬空，若逢三合六合者，必成久病而终。

用化鬼，鬼化用，慎防不测；用化忌，忌化用，最难调医。

占自病，不宜世爻变鬼及化回头克。占兄弟、妻妾、子孙病，皆不宜鬼变兄、妻、子及兄、妻、子变鬼，又不宜兄化官官化兄，妻化兄兄化妻，子化父父化子。占父母病，鬼乃父母之元神，父动化鬼乃为化回头生，近病者即愈。久病者，鬼化父父化鬼，皆主危亡。

或问：用神化鬼即为凶兆，假使又值旬空，近病者何以断之？余曰：曾有占验，请试详察。

例 399、申月庚寅日占子近病，得恒之解

螣蛇	妻财戌土、应
勾陈	官鬼申金、
朱雀	子孙午火、
青龙	官鬼酉金○ 世 子孙午火
玄武 兄弟寅木	父母亥水、
白虎	妻财丑土、

断曰：鬼变子孙，夭折之兆，幸得子孙值旬空，近病即愈，恐其难过午年。果在出空之日而愈。辰年占卦，后至午年，出花而死。

逢墓绝、化墓绝，须凭生旺；日月克、动爻克，最怕休囚。

用神逢墓绝及动化墓化绝，全看衰旺。用神旺者何须虑？用神衰者实堪忧。日月动爻冲克者，亦须看用神旺衰。旺相者，冲去克神之日而愈；休囚者，生助克神之日而危。

散破无援脱气，忌摇元动仇兴。

用神临散、遇破，及全无生扶，或脱气休囚者，此四者若无根蒂，少吉多凶。忌神动克用神，若有元神发动，许之有救。只恐仇神又动，当许凶危。须于元神章内详之。

官鬼持世，病虽轻而难疗。

此有两说：自占病，官鬼持世，鬼乃疾病，其病难痊。虽得子动克去身边之鬼，目下虽愈，终不断根，不然迟迟又生他病，此之谓病不离身，身不离药。官鬼持世以临长生帝旺，必得久远疾病。代占六亲之病，官鬼持世，鬼乃忧神，惟喜子孙发动克去我之忧疑，即使用神衰弱，管许平安。

例 400、申月壬子日占子病，得遁卦

白虎	父母戌土、	
螣蛇	兄弟申金、	应
勾陈	官鬼午火、	
朱雀	兄弟申金、	
青龙	妻财寅木	官鬼午火、、世
玄武	子孙子水	父母辰土、、

断曰：令郎今日即愈。彼问：何以知之？余曰：官鬼持世，忧也，今日子日冲去忧心，管许立愈。果于本日愈。

觉子曰：如占自身及兄弟妻儿者，此法是也。若占父母病，官鬼为父母之元神，岂宜子动而伤耶？妻占夫病，官鬼为用神，又岂宜子动以伤官耶？不惟不能解忧反添忧也。

福德临身，势虽险亦堪医。

亦有两说：自占病，子孙持世不药而痊，临空破者，实空实破之日而愈。代占六亲之病，不必看用神之衰旺，即知其安。何也？子孙乃喜悦之神。只要旺相，动于卦中，亦为吉庆。

例 401、寅月乙卯日占妻病，得屯之节

玄武	兄弟子水、、	
白虎	官鬼戌土、	应
螣蛇	父母申金、、	
勾陈	妻财午火	官鬼辰土、、
朱雀	子孙寅木×	世 子孙卯木
青龙	兄弟子水、	

断曰：尊正未日即愈。彼问：妻财不上卦，何言即愈？予曰：子孙化子孙，乃喜悦之神，嫌其太旺，许未日愈者，木墓于未，未日而喜悦也，尊正若不全安，何喜之有？果午日退灾，未日大愈。

觉子曰：占父母病，子孙持世而动者，克去父母之元神；妻占夫病，子动伤夫，皆非喜悦之神也，须宜通变观之。

鬼化长生，忌化进，须虑添灾。

鬼爻发动，病势必重，若长生于日辰或动化长生，病势必增。克用神者为忌神，若动化进神，亦同此意。忌神化退，其病渐减。

觉子曰：鬼为父母之元神，占父母者，其病即愈。亦为女人占夫之用神，占夫者亦即愈。

福摇化克，卦反吟，病必反复。

自占病及占兄弟病，得子孙动者，制服官鬼，其病即愈。倘子孙动而化克，主病愈后还发，反复之象。卦得反吟者，亦同上意。

用绝逢生，危而有救；主象得助，重亦何妨？

用爻受刑冲克害，但得日月动爻有一而生扶者，乃为绝处逢生，临危有救。用神不宜太弱，弱则体虚，卒难痊愈，但得生扶拱合，虽得重病亦不至死。

觉子曰：用神亦不宜于太旺，易理贵乎中庸，过犹不及。

例 402、巳月戊午日自占病，得未济变睽

朱雀	兄弟巳火、	应
青龙	子孙未土、	
玄武	妻财酉金、	
白虎	官鬼亥水	兄弟午火、世
螣蛇	子孙辰土、	
勾陈	父母寅木×	兄弟巳火

此公寿逾八旬，占病得此卦。余未敢言，彼亲彭生满口赞好：世临日辰，当权得令，又有寅木生之，不药而愈。诸公见余沉吟，促问之急。余曰：过十八壬戌日，则不碍矣。果卒于壬戌日寅时。

彭生问曰：卦之旺极，何故断其戌日之危？余曰：正为不宜旺极耳。器满则倾，理之常也。衰极老人而得全盛之卦，日将坠而现霞，灯将烬而放亮，岂能久乎？断壬戌日者，旺火而入墓也；今死寅时者，逢三合也。

例 403、巳月丙午日占祖母病，得火天大有

青龙	官鬼巳火、	应
玄武	父母未土、	
白虎	兄弟酉金、	
螣蛇	父母辰土、	世
勾陈	妻财寅木、	
朱雀	子孙子水、	

此日晨光未明，李姓友迎余至家。其祖母八十有四，久病昏沉，命悬一线。彼时合室悲戚，棺柩已备。余命而占之。卦既成，座中有知易者喜曰：勿忧，父母持世，月日生之，此病即愈。

余曰：非也，耄耋之人得此旺相之卦，恐寿不久矣。况财星落空，子水又破，水米不进，药饵无功，扁鹊重生亦难医矣。果卒于当日戌时。盖戌时者，父母逢冲之时也。此犹砂上起楼阁，再遇狂风累日，大厦之倾则不免耳。

用临日月休寻伏。

卦无用神，得日月为用者，不必寻伏神，许之即愈。

伏神衰弱宜再占。

凡用神不现，再占一卦。前卷伏神章中注解明白，宜细味之。

觉子曰：野鹤与予之占验极多，不能尽刻，聊存数卦以为后贤之法。

例 404、申月癸亥日占友痔病，得火水未济

白虎	兄弟巳火、	应
螣蛇	子孙未土、、	
勾陈	妻财酉金、	
朱雀	官鬼亥水	兄弟午火、、世
青龙	子孙辰土、	
玄武	父母寅木、、	

断曰：应为用神。月刑日冲，固知亥月不利。未敢竟断，令伊亲人再占。

例 405、申月癸亥日子占父病，得泽天夬

白虎	兄弟未土、、	
螣蛇	子孙酉金、	世
勾陈	妻财亥水、	
朱雀	兄弟辰土、	
青龙	父母巳火	官鬼寅木、应
玄武	妻财子水、	

前卦应临巳火，月刑日克，此卦又是巳父伏于寅木之下，破木不生无焰之火，许之十月必危。果卒于亥月。应亥月者，以亥水冲破无焰之巳火也。

例 406、申月丙子日自因久病占此药能去病否，得升之渐

青龙	官鬼酉金×	兄弟卯木
玄武	父母亥水×	子孙巳火
白虎	子孙午火	妻财丑土、、世
螣蛇	官鬼酉金、	
勾陈	兄弟寅木	父母亥水○ 子孙午火
朱雀	妻财丑土、、	应

断曰：占药，巳午火子孙为用神，乃变爻也，变爻不能生正卦之世爻，无药可医。况嫌外卦反吟，病多反复，再命亲人占之。

例 407、申月丙子日子占父病，得益之渐

青龙	兄弟卯木、	应		
玄武	子孙巳火、			
白虎	妻财未土、、			
螣蛇	官鬼酉金	妻财辰土×	世	官鬼申金
勾陈	兄弟寅木、、			
朱雀	父母子水○	妻财辰土		

断曰：前卦日辰合世，此卦父值日辰，目下自是无碍。但嫌土动伤水，又是风雷合卦，震为棺，巽为椁，棺椁俱全矣，然年月未敢定也。再令亲人占之。

例 408、申月丙子日女占父病，得雷天大壮

青龙	兄弟戌土、、	
----	--------	--

玄武 子孙申金、
 白虎 父母午火、 世
 螣蛇 兄弟辰土、
 勾陈 官鬼寅木、
 朱雀 妻财子水、 应

断曰：冬令防之。前卦占药，巳午子孙为药，至冬令水旺之时，无药可医。二卦子水化辰土回头之克，子月逢之而无救。后卦午火，子月冲克，冬至月是其时矣。果卒于冬至月。

例 409、丑月辛卯日占子痘症，得大壮之乾

螣蛇 兄弟戌土× 兄弟戌土
 勾陈 子孙申金× 子孙申金
 朱雀 父母午火、 世
 青龙 兄弟辰土、
 玄武 官鬼寅木、
 白虎 妻财子水、 应

断曰：六冲变六冲，花未发而先谢，又是伏吟之卦，皆为凶兆，子孙虽遇生扶，难保其吉也。

例 410、命再占之，又得艮之升

螣蛇 官鬼寅木○ 世 子孙酉金
 勾陈 妻财子水 妻财子水、
 朱雀 兄弟戌土、
 青龙 子孙申金、 应
 玄武 父母午火× 妻财亥水
 白虎 兄弟辰土、

断曰：午火父动克子，虽有制服，但嫌鬼变子孙，须防寅日。果卒于寅日。夫应寅日者，午火父爻长生于寅也，又应前卦申金子孙化伏吟，寅日而冲申也。

例 411、戌月庚辰日占父近病，得离

螣蛇 兄弟巳火、 世
 勾陈 子孙未土、
 朱雀 妻财酉金、
 青龙 官鬼亥水、 应
 玄武 子孙丑土、
 白虎 父母卯木、

断曰：近病逢冲即愈。彼问：何日可愈？

例 412、命再占之，又得大过之困

螣蛇 妻财未土、
 勾陈 官鬼酉金、
 朱雀 子孙午火 父母亥水、 世
 青龙 官鬼酉金○ 子孙午火
 玄武 兄弟寅木 父母亥水、
 白虎 妻财丑土、 应

断曰：乙酉日全愈。酉鬼逢空，出空之日而生亥水。果甲申日起床，乙酉日大愈。野鹤曰：以上数卦，教人多占之法也，以数卦合而详之，吉凶之日月可知矣。

例 413、丑月丙戌日自占近病，得比之革

青龙 妻财子水、应
玄武 兄弟戌土、
白虎 子孙申金× 妻财亥水
螣蛇 官鬼卯木× 世 妻财亥水
勾陈 父母巳火、
朱雀 兄弟未土× 官鬼卯木

断曰：官鬼持世，申金动而克去身边之鬼，及世化亥水回头之生，当许其愈，但世爻随鬼入墓，又值三合，恐成久病。令亲人再占。

例 414、同日妻占夫近病，得中孚之兑

青龙 官鬼卯木○ 兄弟未土
玄武 妻财子水 父母巳火、
白虎 兄弟未土× 世 妻财亥水
螣蛇 子孙申金 兄弟丑土、
勾陈 官鬼卯木、
朱雀 父母巳火、 应

断曰：卯官为用，化未土空亡，近病化空即愈，但两卦俱值三合，恐成久病而终。彼问：防在何时？予曰：未墓空而且破，若占防忧虑患，则破网破罗，脱之极易。今占病，值三合而难痊，明年未月，犹恐填实其墓也。果卒于次年未月。

野鹤曰：存此为后贤之法者，何也？要知近病逢空、化空即愈，若值三合，必成久病而终也。

例 415、寅月乙酉日占外甥久病，得坤之乾

玄武 子孙酉金× 世 兄弟戌土
白虎 妻财亥水× 子孙申金
螣蛇 兄弟丑土× 父母午火
勾陈 官鬼卯木× 应 兄弟辰土
朱雀 父母巳火× 官鬼寅木
青龙 兄弟未土× 妻财子水

久病逢冲必死，况六冲变六冲乎？三月必危。果卒于三月。应三月者，酉金子孙为用神，动而逢合之日也，又是冲去戌土酉金无以为生也。

野鹤曰：存此课而为法者，久病逢冲，用神虽临日建又有戌土生之亦不活也。

例 416、子月丙寅日自占瘟病，得节之中孚

青龙 兄弟子水× 子孙卯木
玄武 官鬼戌土、
白虎 父母申金、应
螣蛇 官鬼丑土、
勾陈 子孙卯木、

朱雀 妻财巳火、 世

断曰：子水克世，月建克世，大凶之兆，幸有寅日相生，若肯避瘟于南方，夜卧南床，使火旺而水枯，可保无虞。果依此行，亥日病势危急，得遇良医，寅日而愈。彼时瘟疫流行，家家传染，一人同日亦得此卦，余亦传此法以避之。因此人病重，又信旁言病人不可移床，未肯迁移，卒于亥日。

野鹤曰：存此以为法者，使人知趋避之法也。

例 417、丑月乙未日占子发热是痘否，得兑为泽

玄武 父母未土、世
白虎 兄弟酉金、
螣蛇 子孙亥水、
勾陈 父母丑土、应
朱雀 妻财卯木、
青龙 官鬼巳火、

法以官鬼旺者，是花痘也。予试不验，乃揣摩之说耳，只看子孙之衰旺而已，子孙旺者，是花何碍？此卦日月世爻克子孙，卦得六冲，花未开而先谢，不祥之兆。彼曰：明早诚敬再占。

例 418、丙申日又占，得大过之涣

青龙 妻财未土 × 兄弟卯木
玄武 官鬼酉金、
白虎 子孙午火 父母亥水 ○ 世 妻财未土
螣蛇 官鬼酉金 ○ 子孙午火
勾陈 兄弟寅木 父母亥水、
朱雀 妻财丑土、应

断曰：父爻发动，虽有制服，而鬼又变子，此子须请高明手治之。彼问：何处医人为吉？予曰：古以子孙爻为医人，今既占子病，又不得以子孙爻为医药也，须再占之。

例 419、又得临之师。

青龙 子孙酉金、
玄武 妻财亥水、应
白虎 兄弟丑土、
螣蛇 兄弟丑土、
勾陈 官鬼卯木、 世
朱雀 父母巳火 ○ 官鬼寅木

巳火父动克子，北方医人可治，如言请之。

例 420、至庚子日痘变又占，得解之归妹

螣蛇 妻财戌土、
勾陈 官鬼申金、应
朱雀 子孙午火、
青龙 子孙午火、
玄武 妻财辰土、 世
白虎 父母子水 兄弟寅木 × 子孙巳火

断曰：子日冲动午火子孙，遇寅木生之，此卦与前卦不同，已有生机矣。彼曰：今日痘变，意欲延北门一杨姓之医，再占一卦何如？予曰：杨字有木，卦中寅木生火，是此人也，不必再占。果此人治之而愈。

野鹤曰：此乃教人延医之法也。

痘疹章第一百

平时而问子女何时出花者，鬼爻为用。鬼爻静者逢值逢冲，鬼爻动者逢值逢合。鬼衰逢生旺之年，鬼旺鬼多逢墓库之岁。鬼空鬼破填实之时，鬼若伏藏出现之岁。

见花问吉凶者，忌六冲，兼忌子化鬼鬼化子，父化子子化父，子孙伏而空破，皆非吉兆。

问花之疏密者，鬼爻旺临日月及动爻生扶，花必稠密；如值空破休囚墓绝，痘必疏朗。

问花出何处者，鬼动乾宫，多生头上；鬼摇坤宫，腹上多丛。艮宫多于手，兑宫多于口。坎离上身，震巽下身。

火鬼其色红紫，金鬼其色虚白，水鬼须防黑陷，木鬼杂细，土鬼肿大。

以上四条，分占四卦，不可一卦而断之。大抵全在子孙爻也，子孙临日月，及日月动爻相生，或动而化吉，不受刑伤冲克，爻不乱动者，花虽密以全生，痘即陷仍收功。

病源章第一百零一

火属心经，发热咽干口燥；水归肾部，恶寒盗汗遗精。金肺木肝，土乃病归脾胃；衰轻旺重，动则煎迫身躯。腾蛇心惊，青龙则酒色过度；勾陈肿胀，朱雀则言语颠狂。白虎损伤，女子则血崩血晕；玄武忧郁，男人则阴症阴虚。

野鹤曰：此乃《黄金策》占疾病之首论也，余以之为撞门槌，对俗人而言，不得不以此而断之。若知分占之法，另占一卦以定吉凶，庶有后验。若即以此卦而兼断其生死者，如若有灵，吾不信也。要知来人而问病，有何所犯？何以治之？及问吉凶如何？我且以发寒发热而妄猜，猜得着者，哄此一时，而病人不得趋避之旨，问卦何益？今见此章，尽是单言病症，并不言及何法治之，如果心经发热，来人岂不知也？请问治其热者是何法也？无益之论，故尽删之。

凡来人问病，予常先命其占吉凶。卦得吉者，许之调理即愈，不必服药求神；卦得凶者，命之延医。卦得鬼动克用神者，命之再占鬼神，或占家宅，或占坟茔。务必求其是何所犯，何法治之，庶不负来之人问也。

鬼神章第一百二

凡占鬼神，卦中鬼值休囚及空破墓绝，非鬼神之害也。

官鬼临金，旺相者，武神及西方之神；休囚者，刀剑身亡之鬼。官鬼临木，旺则文神及东方之神；衰

则倚草附木之妖，或是刑杖悬梁之鬼。官鬼临水，为河海及北方之神；休囚者，池井江湖水死之鬼。官鬼临火，乃火神及雷公电母，窑灶之神；休囚者，汤火焚烧之鬼。官鬼临土，为土神，及中央之庙，或掌管山川社稷之神；休囚者，墙倒屋塌土死之鬼。

古以金木水火土，各有其神。即如金官者，谓之天将关公、金刚元帅、伍公、岳公等神，余以为非。武神者，不可尽数之神也。有敕封者，有未封者，各方土俗不同，书之未载者更多，何得各庙而祭之？须问病人，或于某武神庙中，许愿信而未还？或于何庙秽污作践？心有所疑者，指其神而占之。鬼爻或旺或动，是此神也。如不上卦，再占他处之神可也。鬼值木火水土者，皆用此法。得罪于正神者，香花纸马祭之。勾惹邪祟之鬼者，用浆水纸钱，夜静之时，金鬼者向西送之，水鬼者向北送之，余仿此。

野鹤曰：凡得时灾瘟瘴，照此法而祭送者，余屡验之。倘系疯癘气蛊，既失调於前，酒色伤身，又失慎重于后，与鬼神何干？祭之送之，皆无益矣。惟节饮食，远色欲，息气养神，其病自减。

余游遍江湖，曾历滇黔蜀粤，彼方病不服药，专信鬼神。先用三牲五牲，后至杀牛宰马。一次不愈，甚至二三十次，因病致穷者多矣。殊不知害他命而救命，其罪愈彰，所以屡见害性命之多者，终不能救而死，可不戒欤？今下读书人亦信此邪神者，余实不解。神农尝百草以救生灵，未闻有何圣贤，教人宰牲命以救命也。

李我平曰：《易冒》以鬼临金者为关公岳王，《补遗》又以青龙为汉寿亭侯，不知关公之前，金鬼与青龙，是何神也？又曰：祭者，降之以福；不祭者，降之以殃。此乃作威作福之邪神也，正直之神，何得有此？

此书通前彻后，无一不合于理，独此疾病章中，亦言鬼神之事，余实不服。疑因今人问病，开口先问鬼神，不得不从俗耳。智者察之。

延医章第一百零三

或问：问卜以求神，延医而服药，有是理乎？余曰：若无此理，伏羲书卦，神农尝药，作何事耶？彼曰：然则又有不能救者，何也？余曰：有二说焉，一在术之不精，精则无有不效者。一人之疾，分有根无根。有根者可以救之，无根者则不能也。譬如移花接木，移其有根之花木者，上则遮盖，下宜浇灌，则活矣；不遮不溉，见日则枯，求神服药者即此意也。若使无根之木无蒂之花，虽浇虽盖，亦无用矣，故尝有求神服药而弗效者。此天地之至理也，人不识此，一不效，而不信神药焉，岂不冤哉！

鬼作忧神休妄动，福为喜悦要生扶。

自古代占，鬼乃忧疑之神也，若持世及动于卦中，得子孙动而制之，此医可请，手到病除。若得子孙临应爻者，乃名医也。其故何也？子孙乃制鬼之神，非制邪魔之鬼，乃克去忧神，我无忧也。

应作医人，不宜空破墓绝。

自占求医，应爻为医人，代六亲而求医者，亦以应为医人。应爻空破墓绝休囚衰弱，或旺相而被日月动爻冲克，或动而化鬼化绝化回头克，药不见效。

子孙制鬼，最喜旺相生扶。

子孙临应或发动於卦中亦要旺相，不受刑冲克害、墓绝空破，药必见效。子动化鬼化克，其药不精；子动化空，空实之日有效；子动化生化旺化进神者，其药更灵。

古以子动化子，其药必杂。非也，子动化子孙而旺相者，另改药品，即比仙丹。

医克用爻，近病即愈。

自占求医，应爻克世爻者，乃制我之病也。代占求医，应爻克用神者，亦如此断。惟不宜乎久病及体弱之人，非独克病，身亦受其伤矣。应爻临兄鬼而克用神及世爻者，不拘久病近病，必遭其殃。

父爻持世，妙药难调。

自占求医：父持世，药不见功。宜于静养，远色欲，息气恼可也。兄持世，有子孙动于卦中者，医可延之。惟嫌鬼旺鬼兴，误服药饵。财持世，切莫误食肥甘。旺相遇生扶，良医有觅；休囚逢冲克，无药可医。

子不代父以占药，妻不代夫而卜医。

子占父，宜父爻旺相，占药占医又以子孙为用神，父旺以伤子也，一爻不能两用。妻占夫，宜官鬼旺相，占医占药亦以子孙为用神，子旺又能伤夫，所以不能代占医也。

延医于子孙方，治病以应爻定。

卦中子孙爻旺者，延医于子孙之方。且如午火子孙或旺或动，请南方之医，余仿此。

卦中子孙休囚空破者，又看应爻旺否，若得应爻旺相生合用神，即于应爻之方请之。且如应爻临申金，延医必在西南，余仿此。

卦中有一爻独发而生用神者，又以此方而延医。

以五行而定名姓，水爻动，点水之姓；火爻动，姓名像火；木爻动，草头木旁；土爻动，姓氏有土；金爻动，姓名有金。且如占妻病，妻爻属水，得申金发动以相生，请钱姓之医以治之。余仿比。

不起之症，卦中不现其医；立愈之灾，爻中不报用药。

屡见占医之卦，无药可医之症者，神不现其医矣。若非用化鬼鬼化用，即是用化忌忌化用，及用化绝、化克、化墓，或久病逢冲逢空，随鬼入墓，此皆无药可医者也。

不药而愈者，神亦不现其医。近病者，若非卦得六冲，即是用值旬空，或用神化回头生，及自占病子孙持世，此皆不药而愈者也。

医卜往治章第一百四

大抵与延医相仿。世为己，应爻为病人。若得世爻旺相，子孙财爻持世，世生应爻，世爻动化进神、化回头生，日月动爻作财星子孙而生，此皆手到病除。

近病者，应值旬空或动而化空，化回头生、化旺、化进，或日月动爻生应爻，及卦逢六冲、卦变六冲，此皆速宜往救，莫令他人先到以成功也。久病者，应爻旺相或日月动爻相生或动而化生化旺，应临子孙，应临财动生世，虽然久病，我必除根。除此之外，皆不宜往，往损盛名。

野鹤曰：诸书无不以官为鬼为病，应为医人，子孙为药，理固然也。但此官鬼者，非鬼非病，乃忧神

耳。占子病者，父母爱子之心，未病惟恐疾忧，况已病乎？自占病者，性命在呼吸之间，况一人不起，举室惊惶，谁不忧乎？此官鬼者，即一家之忧神也。能除此忧者，唯子孙爻也。

午月甲寅日，一人病在危笃，医谢不治，迎余到宅，见有三十余人，至亲泪眼不干，密友愁容可掬，此非一家之忧乎？

例 421、及至，午月甲寅日弟占兄病，得屯之中孚

玄武	兄弟子水 ×	子孙卯木
白虎	官鬼戌土、	应
螣蛇	父母申金、	
勾陈	妻财午火	官鬼辰土、
朱雀	子孙寅木 ×	世 子孙卯木
青龙	兄弟子水、	

余见此卦，即笑而言曰：列位放心，今日半夜退灾，明日卯日即起床。只见大小一门愁容变喜，此卦中之子孙爻者，是药耶？是解忧之神耶？许即愈者，何也？此人虽是险症，其实是近病，子水兄爻值旬空，近病逢空即愈，值半夜子时而不空也。

或曰：近病逢空，何不许冲空之午日，实空之子日？余曰：因子水化卯木子孙，世爻又临寅木子孙动化卯木子孙，次日即是卯日，正一家解忧释疑之时，所以许半夜实空之时也。果於子时退灾，次日起床。此何尝用药而制鬼耶？

予再取舟中阻风之例言之，而子孙为解忧之神，愈可知矣。

例 422、曾过洞庭阻风，同行章姓者于卯月辛丑日占何日顺风，得剥之观

螣蛇	妻财寅木、
勾陈	兄弟申金 子孙子水 × 世 官鬼巳火
朱雀	父母戌土、
青龙	妻财卯木、
玄武	官鬼巳火、应
白虎	父母未土、

彼执此卦而告予曰：若论风云，全凭兄弟。又云木动生风。卦中寅卯不动，幸而旺相；兄爻申金伏于世下，今日申时伏神出而冲动寅木，必有顺风。不然明日寅日冲出申金兄爻，一定开舟。予笑而言曰：此时大风大雨，何尝无风？彼曰：我问者，顺风也。

予曰：这等断法，隔靴搔痒。夫占天时之旱涝，以木爻兄爻为风云，今已登舟，岂可执此为法？尔我阻风于此，日惧风波之险，夜防盗贼之惊，凄风冷雨，焦心如焚，能解我辈之忧者，乃子孙之爻耳。此卦子孙持世而化空，连朝风雨。只待出空而后晴，子孙出空之日，开船解我之忧矣。

果于乙巳日大晴，风停浪静，尚无顺风。次日丙午，一日顺风，竟过湖矣。顺风顺水，畅饮开怀，得非子孙之力，释我之忧耶？

彼曰：卜书从来无此论，必有秘传，不然何其神乎？予曰：昔亦以木兄而断，屡试不验，因见子孙值日以开舟而风顺者，比比皆然，遂悟出此理耳。

彼问：子水子孙化已空，巳日已开舟矣，何故至丙午日而始得顺风？予曰：此卦占于丑日，子水到巳日虽则出空，还被日辰合住，故必待丙午日冲开，方遇顺风也。

此子孙者，不犹夫疾病之篇以子孙为解忧之神耶？理一而已。

一日，时值初更，叩门人曰：家小主有病，相迎占卜。余问得病几时，答自山东回后顷刻得病。

例 423、余即自占一卦，未月壬子日，得节之比

白虎 兄弟子水、
螣蛇 官鬼戌土、
勾陈 父母申金、应
朱雀 官鬼丑土、
青龙 子孙卯木○ 妻财巳火
玄武 妻财巳火○ 世 官鬼未土

断曰：巳火财爻持世，子动生世，子孙乃喜悦之神，此行有益。及到达伊家，值医检药。

例 424、未月壬子日占子病，得解之坎

白虎 妻财戌土、
螣蛇 官鬼申金× 应 妻财戌土
勾陈 子孙午火○ 官鬼申金
朱雀 子孙午火、
青龙 妻财辰土、 世
玄武 父母子水 兄弟寅木、

余见此卦生疑：近病得六冲，不死之症耶？子孙变官鬼，必死之病耶？不敢断之，再请亲人卜之。

例 425、未月壬子日叔占侄病，得坤

白虎 子孙酉金、世
螣蛇 妻财亥水、
勾陈 兄弟丑土、
朱雀 官鬼卯木、应
青龙 父母巳火、
玄武 兄弟未土、

又见六冲，知不死矣。问曰：有旧病否？彼曰：从无病根，便自山东一路而来，亦无病也。适间日落之时，忽而满床乱滚，口不能言。余曰：既无旧病，余敢保之即愈。

例 426、再请医者卜之，得井之明夷

白虎 父母子水、
螣蛇 妻财戌土○ 世 父母亥水
勾陈 子孙午火 官鬼申金、
朱雀 官鬼酉金、
青龙 兄弟寅木 父母亥水○ 应 妻财丑土
玄武 妻财丑土× 兄弟卯木

断曰：应为病人，世克应爻还不妨，乃是克制病人之病也。但不宜应爻化回头克，定是用药有误。余问东家：药曾吃否？答曰：未熟。问医者曰：所得何病？所下何药？彼曰：三伏之天，途中受暑，不过解暑之凉药耳。余私对东家曰：令郎不死，却得必死之卦，恐此药未必对症也。再请复看。

医者曰：床上乱滚，不能把脉。随叫家人，问途中如何。家人言曰：到家热极，移床于过道临风之处，

用大冰二块，安于凉床之下，命婢女掌扇。一觉睡熟，忽然打滚叫唤几声，即不言矣。余想：热极之人，卧冰临风；久旷之夫，使婢掌扇。其病可知。医者亦曰：适间看病已扶入房矣，不知此节事，看来寒药实不可服。余曰：竟用附子、肉桂，方可治之。更命伊父占之。

例 427、未月壬子日占用附子可否，得大有之大畜

白虎 官鬼巳火、 应
 螣蛇 父母未土、
 勾陈 兄弟酉金○ 父母戌土
 朱雀 父母辰土、 世
 青龙 妻财寅木、
 玄武 子孙子水、

断曰：子孙临日辰，酉金兄动以相生，服用一剂，保管立愈。医家先用乾姜汤试之，少刻开言：肚疼之甚。余曰：何如？快服此药。医家加减调理一夜，次日早愈。

此人之不死也，因我出门子孙发动一卦而断定矣。厥后连占数卦，合而参之，方敢用大热之剂，起死回生。不然一剂凉药，寒上加寒，能于活耶？

觉子曰：此卦酉金兄动以生子孙，服此热药而病愈。倘使前贤见之，又以酉金兄爻而为药也。

凡卜药，亦有当卜之道。或医家看临危之症，欲投此药，可以起死回生，惟恐一失，关系不小。得子孙动者，必喜悦也，即可用之，用而必效。或泛海行舟，或长途穷旅，无处寻医，有人传一奇方，占得子孙动者，其方必效。或半夜更深，延医不及，检点古方，及家藏丸药，实对此症，不敢擅用，不可不占，皆以子孙为用神，但得子孙持世、子孙发动，服之立可解忧。此诸占之子孙者，不拘金木水火土也，或旺或动，即为喜悦之神，用此方而见效。不效，何喜之有？切不可又以金临子孙而用针，火属子孙而用灸，错也，误也！

一日到一府中，众客告曰：老先生昨日在后园突然仆倒，扶起口出狂言，至今不知人事。适间诸位医者，有曰：不服人参不能提气。有曰：幸无痰上，若吃人参，痰上则难治矣。余曰：就卜人参吃得否？

例 428、寅月丁卯日子占父病吃人参好否，得萃变否

青龙 父母未土× 父母戌土
 玄武 兄弟酉金、 应
 白虎 子孙子水、
 螣蛇 妻财卯木、
 勾陈 官鬼巳火、世
 朱雀 父母未土、

占人参，必以子孙为用神。若不通变，见卦中父动克子孙，不过曰人参不可服也。余非此断。子占父病，父爻为用神，未动化戌，父戌旬空，人参莫用，药亦莫服，明日辰日冲空即愈。果于鸡鸣苏醒，次日不药而愈。

一日席间，忽而东翁口眼歪斜，痰涎长流。余亦在座，乃郎问曰：家有牛黄丸，不知可服否？余命占之。

例 429、亥月辛酉日子占父病吃牛黄丸可否，得泽天夬

螣蛇 兄弟未土、
 勾陈 子孙子酉金、 世

朱雀	妻财亥水、
青龙	兄弟辰土、
玄武	父母巳火 官鬼寅木、 应
白虎	妻财子水、

余曰：灌服此丸可保立愈。服之果醒，喜子孙持世也。

或曰：同是子占父药，一卦看父爻，一卦用子孙，其故何也？余曰：前卦父爻发动，神兆机于动，以父母断之。后卦子孙持世值日辰，子孙乃喜悦之神，父病即安，则喜悦矣。卦无不灵，在人通变。

例 430、申月癸卯日因杨梅疮占医好否，得履变否

白虎	兄弟戌土、
螣蛇	子孙申金、 世
勾陈	父母午火、
朱雀	兄弟丑土、
青龙	父母午火 官鬼卯木○ 应 父母巳火
玄武	父母巳火○ 兄弟未土

断曰：此医不可用之，虽系子孙持世，应为医人，不宜应爻动生巳火克申金，又有卯日生火，世爻虽旺，巳日一定添灾。不听，竟延此医治之，卯辰日服药还保平常，巳日忽然变症，遍身疼痛难当。病人着急而问余曰：可伤命否？余曰：世值月建，何如伤命？快服解药，过此巳午日则止疼矣。即服解药，至申日其病如常。

野鹤曰：前篇俱言子孙持世，其病即愈，必要子孙不受克可也，后贤不可不知。

李我平曰：此论官鬼为忧神，子孙为喜悦解忧之神，虽系古法，用之得当，非合鬼神之机，不能幻想至此。然又有不以鬼作忧神者，全在来人念之所指。彼问病之吉凶者，若得鬼爻持世，鬼动卦中，则为忧神。子孙持世，子孙发动则为解忧喜悦之神是也。彼问犯何鬼神者，卦现金鬼，必冲犯于武神。水鬼者获罪于河神也。彼问病源，火鬼必属心经，水鬼必归肾部。

子孙旺而动者不药而愈，非教人以此子孙爻为治病之药。往往前贤见此子孙旺动，占病病愈，占医医良，竟以此子孙爻为治病之药，金临子孙而用针，火持子孙而用灸。殊不知子孙若旺，其病自痊，何用针灸？子孙值空破，用针灸而何益？

诸书皆曰：火鬼忌热，水鬼忌寒。火鬼若旺，须用大寒之药以治之；水鬼若旺，宜用大热之剂以攻之。余不知从何见此。如子占父病，父为用神。假令父爻临土，若得火鬼发动，乃生用爻之元神也，岂可以大寒之药而治元神耶？又如妻占夫病，鬼为用神。假令鬼爻临水，又可以大热之药以攻用神耶？

尝见穷乡僻壤，无处觅医，只谓《周易》乃大圣大贤之书，遵之必灵。而卜者以此大寒大热之药胶柱决之，不知坑陷如许之命，言及发指。此书一出，寒热之药不可轻用，从此泉下无冤鬼矣。

家宅章第一百五

野鹤曰：诸书皆曰：一卦之中，可决一家休咎；六爻之内，能分六事吉凶。以卦中之父母爻为屋宇，又以父母爻为双亲。既为双亲，又以五爻为父，四爻为母。如此悖谬糊涂，尚自刊传为法，余实不解。

假令戌月丙午日，占家宅，得乾之小畜。

青龙 父母戌土、 世
 玄武 兄弟申金、
 白虎 官鬼午火○ 父母未土
 螣蛇 父母辰土、 应
 勾陈 妻财寅木、
 朱雀 子孙子水、

古法：卦无父母，不免堂上之忧。此卦不独有父母，戌土更临月建，午火官动以相生，即父母双庆之祥也。若又以五爻为父，四爻为母断者，鬼临四位，老母多灾。执此问之，老母多灾耶？堂上无忧耶？又曰：何爻受克，即此逢伤。今五爻申金被午火鬼克，此又老父以生灾耶？又曰：鬼动乾宫，老父之咎。此卦鬼发乾宫又为老父之咎耶？又云：火鬼动以防回禄，白虎鬼为丧服之忧。又云：世逢生旺，宅旺家安。此卦世已旺矣，奈因火鬼临白虎动，可谓之回禄乎？丧服乎？家兴宅旺乎？又以官鬼为厅堂，谓之官旺屋宇轩昂。又云：鬼旺鬼兴，为灾为咎。此卦鬼临日辰旺动，屋宇轩昂乎？为灾为咎乎？又云：财官旺相，热闹门庭。又云：财爻发动，父母遭伤。岂门庭热闹之家，皆无父母之家耶？又云：兄爻旺相，紫荆并茂于堂前。又云：兄弟持世，丝弦再理。岂雁行队队者，皆失履遗簪之宅耶？种种悖谬，难以枚举，余不得已而正之。

盖造买宅赁宅章第一百六

父旺持世，此处清安宜久住。

父爻旺相，持世生世合世，或世动化父相生，或得日月作父母生合世爻，皆为发福之第。

财爻发动，他方仁里宜另求。

财动以克父爻，另于他处图之。

爻逢六合，终见亨通。卦遇反吟，多于愁叹。

世爻父爻旺相，又得六合卦者，事之必成，成而久远。不喜其六冲，六冲不久之象。卦遇反吟，倘若世被冲克，大凶之兆。

世动而化进，绵长百代；父兴不化退，增置千间。

世动化退，勉强成之，终须退悔。世动而化进神者，成后长远兴隆，名高利厚。父动化退神，成后凋零破败。倘得化进，从此再置千间。

最忌随官入墓，须防鬼动伤身。

世爻随鬼入墓，财爻助鬼伤身，及世爻动而变凶，或日月动爻克世，皆不宜行。

父动克世，及世爻父爻空破墓绝者，亦不宜行。

野鹤曰：凡盖造、买宅、赁宅，世爻与父爻旺相，且不犯冲克者，即宜成之，自是荣华昌盛。如问一家之吉凶，虽则须宜分占，亦待迁居入火之时，择其吉日而占之，告于神曰：今择某日迁居，有碍于父母妻子否？若有妨碍，须另择一日，不然或叫所碍之人另择一时以入门者可也。朝廷颁历，以便民间之用者，此也。如若盖造买赁时，占问一家，俱宜吉庆，假令家有百口，欲使人人合其吉者，百年买不成矣。

创造宫室章第一百七

创造兴工，卦忌六冲。鬼动为忌，克世最凶。随鬼入墓，祸事多逢。父爻旺相，世位兴隆。世父两爻动化吉，人安宅盛事享通。

修方动土章第一百八

世临福德最相宜，官鬼交重有祸基。

世旺逢生宜化吉，世衰受克且停之。

子孙之方宜起手，官鬼之位莫挑泥。

拆旧岂嫌财象发？新兴偏忌父爻虚。

造成屋宇忧冲散，父爻旺相久长居。

譬如子孙属水，起手动工宜于北方。官鬼属火，不可动土于南方。鬼在辰戌丑未，此方切忌动土。

迁居过火章第一百九

古以内三爻为现居之宅，外三爻为未居之房。内克外者，外宅不利，不宜迁之；内生外者，外宅兴隆，过迁为吉。

野鹤曰：余以此法不善。宅已盖造买成，今欲入火，假使占得外宅不吉，而不迁耶？既有新宅成，旧宅或已弃矣，倘若占得内卦吉者，岂可仍居旧宅耶？

觉子曰：此法亦有使处。来人有问欲弃旧宅而买新宅可乎？用此法者宜也。

归宅入火章第一百十

宅之吉凶，已于盖造买宅卦中卜就之矣。今择入火之日，须将父母兄弟妻儿各为分占，宜于此日者用之，不宜此日者改之。或改日，或另择一时以入门，皆可化凶为吉。

入宅六亲凶吉章第一百十一

择某日入宅，宜于父母否？再占一卦，宜于兄弟否？再占一卦，宜于妻儿否？

占父母，父母宜旺相。占兄弟妻儿，皆宜旺相而遇生扶，不宜动而化鬼，及刑冲克制。得其吉者，即

于此日入宅。卦之凶者，令此人另改一日入门可也。假令数卦之中，或兄弟或妻子，内有一卦不利者，即令其另择一日或另择一时俱可。

野鹤曰：余得周公克制之法，凡六亲有所犯之神，令之趋避，无一不验。且如木临父母，金爻财动以伤之，父母入宅须择克制金爻之日，安父母之床榻于克制金爻之方，屡试屡验。

例 431、子月丁酉日占择某日入宅有碍父母否，得萃

青龙 父母未土、、
玄武 兄弟酉金、 应
白虎 子孙亥水、
螣蛇 妻财卯木、、
勾陈 官鬼巳火、、世
朱雀 父母未土、、

断曰：此日入宅，卯木暗动以克父母。彼曰：即烦另改一日。余曰：不必改日。此日寅卯时吉，申时亦吉。尔等于寅卯时入宅，父母于申时入宅，保尔清静吉祥。彼曰：何也？余曰：申时者，卯木绝于申，父母未土又长生于申，是以吉也。入宅之时，宜安父母床于西南。后照此行，余目击平安一十七载矣。

例 432、卯月丁卯日占某日入宅子女安否，得革之丰

青龙 官鬼未土、、
玄武 父母酉金○ 父母申金
白虎 兄弟亥水、 世
螣蛇 妻财午火 兄弟亥水、
勾陈 官鬼丑土、、
朱雀 子孙卯木、 应

断曰：父动克子，幸子孙临日月，父母又化退神，宜于亥子日迁居，安令郎之床榻于南房，将来必然贵显。果依此行，长子竟于卯岁登科。

大凡占宅，无不以一家安乐为吉，所以父母、兄弟、妻妾、子女，自当分占。因各有相忌相伤，不可一卦而决。然又常得验者，初买房时，不待另占，如有刑伤骨肉之事，卦中早现之矣，亦所当知。

例 433、申月辛卯日占买此宅吉否，得革之夬

螣蛇 官鬼未土、、
勾陈 父母酉金、
朱雀 兄弟亥水、 世
青龙 妻财午火 兄弟亥水、
玄武 官鬼丑土× 子孙寅木
白虎 子孙卯木、 应

断曰：此宅宜买，申金月建生世，卯日又冲动父爻生世，人宅相宜，管许必发。独嫌二爻鬼变子孙，须防克子。彼曰：如此，买之何益？予曰：此非宅之故也，即使不买此宅，亦恐难保。子孙临月破，鬼动化出，危险极矣。彼竟弃之不买，其子于八月死于痘。十月，仍买此宅。

马房猪圈章第一百十二

凡作牛棚马房鸡窝羊栏，亦宜分占。

子孙须宜旺动，父母切忌兴隆。

凡占一切六畜，皆以子孙为用神。不拘猪羊牛马，皆忌父母发动，动则六畜受伤。亦忌子孙空破墓绝，及被日月动爻刑冲克害，及子孙动而化空破墓绝、化鬼、化父回头克，皆主刑伤，此地不宜用之。或更换地方，或另改一日。改日改地方者，另占。

生相必须兼看，日月更喜相生。

六畜虽以子孙为用神，又宜兼看生相。假令作马房，子孙不被冲克乃为吉也，午爻亦不宜临鬼，不宜动而化鬼，余仿此。

凡占六畜，最宜日月生扶，谓之卦得日月生扶，六畜必然繁盛。倘受日月冲克，牲口绝种无根。

旧宅章第一百十三

野鹤曰：前之卜宅者，乃占盖造买赁之新居也。常见来人占久住之家宅，古法亦以一卦兼断诸般之吉凶，先论官鬼，次论八宫。以十二生相定六畜之灾：午鬼而失良马，丑鬼而伤耕牛。又以之定人口之厄：午爻临鬼，马命者夭；巳鬼爻兴，蛇命有难。假使午爻临鬼，马死耶？属马之人不禄耶？余不知昔人何以回复来人之问也，悖谬不堪，难以数说。

所以贵知彼之来意，须问来人而判。或因连年破耗，疑家宅之不安；或因屡科不第；或因有子求名，疑此宅能兴旺子孙否？此须子孙亲卜；或因官不升迁；或因子女不存；或因官灾火盗；或因父母六亲多病；或因前后左右他人盖造，疑其冲犯。

曾有官府因十载不升，疑是家宅有碍而占者。余曰：若以一卦而断全家之事者，余则不能。须指其所疑之事而占之，其应如响。公曰：何也？余曰：卦中不过地支五行，虽有现出，难以直指一处。即如火鬼发动为灶神，府上二百余间，其灶不少，难知何灶而不安。又如卯木鬼门户不安，古以四爻为门，尊府门户不少，即以六爻全为门户，不过定得六重，难知何门而不利。所以指其所疑之处而占之，无不响应。公曰：余疑院内不宜有井，占问是否。

例 434、酉月戊寅日，得师之临

朱雀 父母酉金、、应
青龙 兄弟亥水、、
玄武 官鬼丑土、、
白虎 妻财午火、、世
滕蛇 官鬼辰土、
勾陈 子孙寅木× 妻财巳火

断曰：子孙发动，非此井也。公曰：大门对向不利，意欲改之，可否？

例 435、又占一卦，得天火同人

朱雀 子孙戌土、 应
 青龙 妻财申金、
 玄武 兄弟午火、
 白虎 官鬼亥水、 世
 螣蛇 子孙丑土、
 勾陈 父母卯木、

断曰：官鬼持世，是此门也，速宜迁改。须再占一卦，改门之后功名何如？

例 436、得小过之剥

朱雀 父母戌土 × 妻财寅木
 青龙 兄弟申金、
 玄武 子孙亥水 官鬼午火○ 世 父母戌土
 白虎 兄弟申金○ 妻财卯木
 螣蛇 妻财卯木 官鬼午火、
 勾陈 父母辰土、 应

断曰：午火官鬼持世，寅日生之，外卦三合官局，明年巳年及午年连升大位。果于次年一岁两升，午年又升，官至二品。

福德动摇，不是此方之祸。

子孙持世，或动于卦中，或官鬼不动，及六爻安宁，非此处也。

官鬼发动，定于此处兴妖。

官鬼持世克世，官鬼动摇，实因此处有害。

野鹤曰：占得果是此处不利，即宜修补，再占一卦，修补之后何如？问功名，功名章内断之；求财者，求财章内断之；防患者，防患章内断之；疾病者，灾病章内断之。

曾有士子，才重当时，屡科不第，卜家宅何如？余曰：虽则为名而占贵宅，有疑相犯之处否？彼曰：疑后宅有庙，冲射本宅。

例 437、巳月己丑日，得大有之乾

勾陈 官鬼巳火、 应
 朱雀 父母未土 × 兄弟申金
 青龙 兄弟酉金、
 玄武 父母辰土、 世
 白虎 妻财寅木、
 螣蛇 子孙子水、

断曰：世为本宅，应为庙宇，世应相生，如何有犯？庙前另有一物，未土动而刑世，乃此故耳。彼曰：庙前有一照壁，照壁之后有一株大树，数百年矣。余曰：即此物也。尔用大兽头安于尾脊，张口对树则吉。

例 438、再占一卦，修补之后如何？得归妹之豫

勾陈 父母戌土、 应

朱雀	兄弟申金、	
青龙	子孙亥水	官鬼午火、
玄武	父母丑土、	世
白虎	妻财卯木○	官鬼巳火
螣蛇	官鬼巳火○	父母未土

断曰：修补之后，包尔今科必中。财动生官，官动生世，大吉之兆。果中经魁，下科胞弟又发。

经魁：明科举有以五经取士之法，每经各取一名为首，名为经魁。乡试中每科必於五经中各中一名，列为前五名。清亦沿称前五名为五经魁，或五魁。

或曰：古人以一卦而兼断，后人遵之，君必分占，其不能乎？予曰：无难也。

例 439、曾有人于亥月戊午日占家宅，得比之蹇

朱雀	妻财子水、	应
青龙	兄弟戌土、	
玄武	子孙申金、	
白虎	官鬼卯木×	世 子孙申金
螣蛇	父母巳火、	
勾陈	兄弟未土、	

予曰：家宅之占，事之多端。他人能以无理之论而妄猜，我不能也。我若依古法而妄猜者，此卦虎鬼发动，有丧服之忧；木鬼爻兴，不宜栽种；鬼持世爻，自身有刑杖枷锁之厄；鬼在坤宫，坟墓有碍；鬼临卯木，兔命者危。

又曰：三爻为弟位，鬼在三爻，兄弟必有病险；卦中子水财爻暗动助鬼，以克未兄，亦主兄弟危亡；世为宅长，卯化申克，十月死气在卯，虎临死气于世爻，家长必有刀剑之害。更有许多神煞，不暇细数，此宅凶极。若依古法之断，如斯。

汝因何事而占？当实告知，我占不灵，我之过也。彼曰：向母病，今妻又病，疑是家宅有碍，是以占之。予曰：疾病章云，近病逢空即愈。今日午日，冲动妻财，病人逢冲则起，今晚即当退灾。三爻卯木鬼动，尔家可曾另安一门否？彼曰：中门原在右边，于五月间改在左边。予曰：尔于庚申日，仍旧改在右边，尊正必于甲子日痊愈。自此之后，家宅安矣。果子日大愈，家宅从此平安。夫应门户者，鬼临卯也；申日改者，金制木也。

觉子曰：以此观之，以古法而妄猜者，可乎？不可乎？以来人之意而推断者，是耶？不是耶？

宅有响动妖祟现形章第一百一十三章

福德临身，转灾为福。旺财持世，宝藏兴焉。

凡因宅中响动，或见妖祟而占者，倘子孙持世子孙发动者，鬼祟潜行，即有活鬼出现，可保平安。子动无忧，神藏鬼没。

旺相之财持世，财动生世合世者，必有古窖。若问在何方？财来寻我，我莫寻他，是我之财，自然出现。若问何时可得？即以此财爻应期章内断之。

鬼动爻中，真祟真妖。

鬼临白虎，必有伏尸；鬼临玄武，水怪山魃。蛇主虫蛇为妖，雀是官非火盗。勾陈鬼，牢狱伤身；青龙鬼，色欲丧亡。

亥子鬼，投河溺井之魂，或因水沟池塘之患。辰戌丑未之鬼，墙倒屋塌，或因墙垣兽头之犯。寅卯鬼，悬梁自缢，又为门户栋梁。巳午鬼，火伤窑死，兼为炉灶不安。鬼临申酉之乡，刀剑亡身之魄，或因金铁为怪，又为狐狸为精。

鬼在变爻，冤家债主。

鬼临日月，供养正神。受克者，必受其殃；生世者，反得其济。

古法制鬼，于庚申日、甲子日，或除夕，用黄钱数张，浆水一碗，卦现金鬼者，向西送之；水鬼者，向北送之；木火土者，各按其方，人静时送往门外，屡验平安。

觉子曰：余有制鬼之法，一正可压百邪，见怪不怪，其怪自灭。

鬼克世位，为灾为祸。

鬼动克世，或世爻随鬼入墓，及世动变鬼克世，乃是冤家债主，难免祸殃，宜修德作福，自然改祸为祥。

财动克父，财化父父化财，堂上之忧。父动克子，鬼化子子化鬼，膝前有损。

兄弟变鬼，鬼变兄弟，鬼动克兄；妻财变鬼，鬼变妻财，兄弟化财，财化兄弟，既防手足刑伤，又主分衾折枕。

同居章第一百十四

与六亲同居，用六亲。宜世与用神相生，不宜相冲相克。与外人同居，看应爻。世为己，应为人，世应相合相生，日月动爻生合世应者，彼此俱祥。克世我遭丧，克应他遭害。世克应，他畏于我；应克世，我被他欺。刑冲者同。

盖造官衙章第一百十五

官府自占，世与官星皆宜旺相，子孙持世及子孙动者，且勿行之。卦变克绝，反招奇祸；六冲化合，必获奇祥。

占衙宇章第一百十六

野鹤曰：凡占旧衙署者，与占旧家宅者同断。有因人口多病，有因连任伤官，有因久不升转，有因鬼祟现形，亦可指其疑者而占。

曾因衙署连任不利于官府，若非降削，即见凶囚，迎于府中，卜过半月，但有所疑，俱曾占过，皆不现爻。

例 440、戌月己亥日又卜后沟从后流宜否，得鼎

勾陈	兄弟巳火、
朱雀	子孙未土、、应
青龙	妻财酉金、
玄武	妻财酉金、
白虎	官鬼亥水、世
螣蛇	父母卯木 子孙丑土、、

断曰：即此处也，速宜改往东流。后开沟见许多尸骸白骨，余始悟曰：虎鬼持世，是以有之。

例 441、再请占一卦修沟之后何如，得噬嗑之无妄

勾陈	子孙巳火、
朱雀	妻财未土× 世 官鬼申金
青龙	官鬼酉金、
玄武	妻财辰土、、
白虎	兄弟寅木、、应
螣蛇	父母子水、

断曰：未土财化申金官，未年一定高升。后于申年升任。应申年者，值官之年也。

盖造寺院章第一百十七

大抵与家宅同推，不宜六冲变冲，卦变墓绝，及反吟伏吟。

住持或山主占者，皆宜世旺，日月动爻相生，宜子孙爻动，忌官鬼爻与兄弟爻持世，多费无益之财。官鬼持世，疾病灾殃之累。兄爻动而克世者，欲造福反成祸胎。财官生世者，虽乏钞，自有增助。子孙旺相而化进神，多招徒弟。财爻休囚而化退者，有始无终。

李我平曰：卜筮诸书，二十余种，所论家宅，理不归一，不知昔贤是何以示人？《卜筮大全》：初井二灶三床四门五爻为人六爻栋宇。《黄金策》：初爻是宅基、二爻宅舍、三爻为门、四为父母、五兄弟、六妻财。《易冒》以初爻为幼二爻为妻三弟四母五爻为父上爻为老。

他书俱各不同，不暇细具。《易冒》又云：鬼动於内，宅室之灾。鬼动于外，人口之咎。既以二爻为妻，三爻为弟，假令内爻鬼动，宅室之灾乎？弟妻之咎乎？至於五行之鬼，八宫之鬼，既以之定祸灾炎盗，又以之定头目，定病灾，彼谓炎鬼主回禄，鬼在乾宫主头目之患，若以一卦而兼断，岂失火盗之家，必染头目之病耶？

又曰：合为门，冲为路，不论卦内之有无，但有暗冲与暗合，也应作数。假使有冲无合，有合无冲，岂有门无路之家耶？殊不知占家宅之趋避，愿人口之清安，财福旺则宅兴，鬼兄静则家宁，于斯而已。何必多生枝条，以乱后人耳目耶？

茔葬章第一百十八

野鹤曰：卜茔卜穴，古法之谬与家宅相同，后贤观诸书而自晓。余因求验之之法，每遇拜扫之时，步至各冢，命伊占之；或知人觅地，就而卜之。如此多年，始得其秘。

地之吉凶章第一百十九

世爻旺相，祖父魂安；福德兴隆，儿孙绵祀。

古以二爻为穴，内卦为穴，腾蛇为穴，屡试不验。所验者，世为穴也。

世宜旺相，或临日月，或日月动爻生扶，乃吉地也。儿孙乃祭祀之裔，宜于持世，或在他爻旺相，振振螽斯。

振振螽斯：语本《诗·周南·螽斯》：“螽斯羽，诜诜兮，宜尔子孙，振振兮。”后以“螽斯振羽”谓子孙众多。

三合六合，聚气藏风；世冲六冲，飞砂走石。

卦逢六合，或世与子孙爻作六合，乃藏风吉穴，代代兴隆。若得六冲卦，或六冲变六冲，或世应相冲，冲者散也，必无气脉。

六冲变合，地已去而复来；六合变冲，形已成而复失。

此有二说：六冲变六合者，或是先求此地而不得，后复得之。或是地运已衰，真龙早去，今复重来。凡得此者，再得世与子孙旺相，急宜用之。曾验数占，绵绵科甲。

六合变六冲者，或是已得之地而复失，或是地运将衰，龙将去矣，不宜用之。

世旺而化绝破，吉处藏凶；世衰而化生合，凶中有吉。

世爻虽旺不宜化破化墓化绝化回头克，主先得吉地，后有破绽，若非将来下葬不得吉日，定因葬后被人伤损，吉变为凶之象。

世若衰弱，动而化回头生，化长生，化帝旺，化日月，化合，化进神者，先否后泰之兆，目下观其形势，虽是财丁之地，将来地运兴隆，变成富贵之大地也。

例 442、寅月戊午日占地，得颐变无妄

朱雀	兄弟寅木、	
青龙	子孙巳火	父母子水 × 官鬼申金
玄武		妻财戌土 × 世 子孙午火
白虎	官鬼酉金	妻财辰土、
滕蛇		兄弟寅木、
勾陈		父母子水、 应

断曰：世爻戌土，春天休囚，化出午火子孙回头相生，日月世爻共成三合。青龙戏水，以化长生，水

源极远。只因申为月破，戌土克子水，又被日辰冲散，春夏有水，秋冬必干。彼曰：正是如此。余曰：不妨，不可求全责备。卦中日月世与子孙共成三合，死者安而生者乐，子孙昌盛，何愁不发？后竟葬之，辰年下葬，酉年孙中亚魁。及至子年，次孙又登乡榜。

亚魁：古代泛指科举考试第二名。

世化进神，千秋绵远；福德化进，百代兴旺。

世宜旺相，化进神，化日月，化回头生，化合，化长生帝旺，龙安水聚，地脉源长。子孙旺相，化进神，化日月，化回头生，化合，化长生帝旺，贤孙贵子，布满朝堂。世化退神，终须迁改；子孙化退，代代不如。

日月宜生福德，动爻不可伤身。

世与子孙爻宜日月动爻生扶，不宜日月冲克。

旺世临虎，棺上加棺；旺福逢龙，寅葬卯发。

世临白虎鬼爻，或是随鬼入墓，皆主地有伏尸。世爻旺相又遇生扶，乃为棺上加棺。曾见两人葬者，后竟大发。休囚者，则不可耳。

子孙旺相，又遇日月生扶，又遇青龙，即为吉地。寅年葬而卯年发者，言其发旺之速也。

例 443、申月戊子日占莹地，得剥

朱雀	妻财寅木、
青龙 兄弟申金	子孙子水、、世
玄武	父母戌土、、
白虎	妻财卯木、、
螣蛇	官鬼巳火、、应
勾陈	父母未土、、

断曰：子孙持世，遇日辰，申月生之。青龙戏水，水由左旋，旺相必近大河，不然亦有长流之水。白虎卯木，子卯相刑，爪牙埋伏。应为向山，火逢水克，向山不高。戌为案山，戌土克水，案山略高。彼曰：一一皆是。予曰：宜速葬之，今冬即发。果于八月安葬，至十月次子忽立奇功，加级超升，次年四月开府元戎。长子从无所出，次年生子。

例 444、卯月壬寅日占寻地，得革之既济

白虎	官鬼未土、、
螣蛇	父母酉金、
勾陈	兄弟亥水○ 世 父母申金
朱雀 妻财午火	兄弟亥水、
青龙	官鬼丑土、、
玄武	子孙卯木、 应

断曰：父母为用神，申金父母回头而生亥水，世爻虽则休囚，逢生为旺，只嫌寅日冲去申金，必到今秋七月当令，始得其地。父临申酉，地在西南。所得者，乃财丁之地，至申年，龙兴运至，发旺不小。世衰而化生，凶中有吉。果于七月得地于西南。卯年安葬，酉年长子登科，三男亦中武魁。

散绝墓空，世与子孙勿见；化克化鬼，弟兄妻子休逢。

世爻子孙爻，不宜休囚墓绝空破，不宜动逢破散及化破散、化绝、化墓、化鬼、化退神、化回头克，但逢一者皆非吉地。

六亲不宜与鬼忌互化，兄化鬼、鬼化兄；财化兄、兄化财，财化鬼、鬼化财；子化父、父化子，子化鬼、鬼化子，此不宜于兄弟妻儿。

有父母在堂，亦不宜鬼化父，父化财、财化父。

应冲、合处逢冲，流移迁徙；反伏、卦变绝克，洪泛陵墓。

择地不独不喜六冲卦，应冲世者亦非吉也。倘应世相合，爻逢六合，世应子孙三合成局，即为美地。

卦得伏吟，遇冲开之年月必迁。卦得反吟，遇冲年冲月必变。卦得卦变回头克，如巽变乾，坤变震之类，重则冲决，轻则迁徙。

例 445、卯月戊子日占地，得巽之升

朱雀 兄弟卯木○ 世 官鬼酉金
 青龙 子孙巳火○ 父母亥水
 玄武 妻财未土、
 白虎 官鬼酉金、 应
 螣蛇 父母亥水、
 勾陈 妻财丑土、

断曰：世为穴，世临月建，日辰生之，是为吉也。但不宜外卦反吟，世爻被酉金冲克，子孙被亥水冲克，不宜用之。彼曰：已买成矣。余曰：不葬何妨？彼曰：地师以为美地。不听，后竟葬之。

四年之内，二男一女，相继而卒，自身又得半身不遂之疾。愚人不怨于己，反怨祖父，起棺材暴露而不葬。迟二年身死，一同暴露，竟至没后。应酉年者，谓之再冲之年。

此句李穆堂抄本作：辰年葬后，男女相继而卒，自身亦得不仁之疾，至酉年而死，遂致绝嗣。应酉年者，谓之再冲之年。

父化父，儿孙夭折。子化子，子女成行。

卦中不宜父动，父动化父更凶。子孙化子孙不遇伤克，代代儿女成行，决非单传。

地之形势章第一百二十

世旺遇长生，来龙甚远。世衰逢应克，对案山欺。两间旺而明堂宽，龙虎衰而左右陷。左山旺，头角峥嵘；右山衰，爪牙埋伏。朱雀遇刑冲，前山杂乱；玄武逢破散，后脉空虚。龙虎世爻合局，虎踞龙蟠；水土世应相合，山环水绕。水口不固，上爻一定逢空。道路参差，腾蛇必然破散。

世爻当令又长生帝旺于日辰，来龙远大。倘若应爻冲克世爻者，必因对山高耸，或因临葬错对向山，如应爻受克者无碍，改向可也。

两间爻以为明堂，旺相者明堂宽大，休囚者明堂斜陷，近世之爻而为案山，亦不可克世。

龙为左山，虎为右山，两山旺者，有环抱之势。俱衰者，不能环抱。大抵青龙宜旺宜扶，头角轩昂，虎山宜衰宜克，爪牙埋伏。

朱雀遇刑克冲散及破墓绝空者，前山杂乱。玄武逢者，后脉空虚。若得世应龙虎子孙共成三合者，乃虎踞龙蟠之大地也。

第六爻为上爻，若逢空破，水口不固，逢绝者水涸泉枯。看河道之水者，非论水口，须看卦中之水爻，休囚被克，涨退不长；逢生化生，源远流长；再遇青龙，源长而秀。

腾蛇为路，如逢冲散，小路必多，旺相者必有官道。勾陈为田坡，旺相则有，衰破则无。

例 446、丑月庚申日占地形势，得咸卦

腾蛇	父母未土、、应
勾陈	兄弟酉金、
朱雀	子孙亥水、
青龙	兄弟申金、世
玄武 妻财卯木	官鬼午火、、
白虎	父母辰土、、

断曰：青龙持世，日辰临世，来龙由左而至，旺而有气，左右皆无伤克，龙虎环抱，向山未土虽临月破，朱雀亥水为前山，申日生之，必有朝水，或是带水，水有其源。腾蛇为路，上爻为水口，俱临月破，道路参差，水口散乱。两间爻旺相，明堂宽大。彼曰：果一无错，此地吉否？

余曰：此乃占地穴之形势耳，非关吉凶祸福也。余笑前贤以一卦而断父子弟兄妻财官禄，余岂效颦耶？若问功名，再占一卦，祷于神曰：安葬此地，我名成否？以官禄章中断之。发财否？以求财章内断之。子孙旺否？伤克父母兄弟妻妾否？皆在身命章中父母兄弟章内断之。若以占形势之卦兼断六亲及名利者，即如此卦，兄弟持世，乃贫耗克妻之神，况卯木财爻伏于午火之下，泄气之木又被金伤，若兼断之，乃丧妻死妾、克奴害婢、无衣短食者矣。请试思之，既得如此吉地，若使家徒壁立，抱枕孤眠，亦可谓之吉地耶？所以余得分占之法，实则可以醒世，作千古不易之法也。

或曰：前说父不宜旺，不宜父动化父，是何说也？余曰：占地以世爻子孙爻为主，父动克子，如何无忌？

又问：前说化克化鬼，兄弟妻子休逢，又何说也？余曰：凡占地者，世与子孙爻旺，即可用之，至于父母兄弟妻财功名，须宜另占一卦，不可兼断。倘若得地之凶，不待另占，即此占地之卦而先现出六亲化鬼、鬼化六亲，即是刑伤之地耳。只看六亲动而化克化鬼，不必看衰旺空破刑冲，神兆机于动，动而化凶，显而告我也，我岂弃而不看，又另占耶？

得地于何时章第一百二十一

世为用神，世为莹地。

静者，逢值逢冲；动者，逢值逢合。

即如世值子水，静者，应在子午年月；动者，应在丑年月，亦有应子年月。余仿此。

世空者，冲实之秋；世破者，填实之候。逢合入墓，须待冲开；独静独发，值之而遇。

世逢三合六合，或世爻化合，或墓于日辰或化墓，皆应冲开之日。

卦中一爻独发，一爻独静，亦应逢值之年。动逢合静逢冲，即如卦中子爻独动，应在子丑年；如子爻独静，应在子午年。余仿此。

世若休囚须旺相，若逢旺相待休囚。

例 447、辰月乙卯日占何时得地，得复之屯

玄武	子孙酉金、、	
白虎	妻财亥水×	兄弟戌土
螣蛇	兄弟丑土、、	应
勾陈	兄弟辰土、、	
朱雀	父母巳火	官鬼寅木、、
青龙	妻财子水、	世

断曰：亥水财爻独发，拱扶世爻，被戌土回头克制，今为月破，九月实破，戌土更旺，交冬水旺而得矣。彼曰：得地何方？余曰：占此应此，占彼应彼。如问何方，再占一卦。

得地于何方章第一百二十二

野鹤曰：卜得地于何时，还以世爻为用。卜得地于何方，当以父爻为用也。已葬之后，皆以父爻为用可也。

父值亥子，北方自有吉穴；父临巳午，东南必获牛眠。父值土爻，得地于辰戌丑未之方。父爻临木，东北寅卯堪寻；父爻临金，西南申酉可问。

间有验于墓方者，即如父母爻属木得地于未方，父母爻属金得地于丑方。余仿此。

牛眠地：指卜葬的吉地。典出《晋书·周访传》：初，陶侃微时，丁艰，将葬，家中忽失牛而不知所在。遇一老父，谓曰：前岗见一牛眠山污中，其地若葬，位极人臣矣。又指一山云：此亦其次，当世出二千石。言讫不见。侃寻牛得之，因葬其处，以所指别山与访。访父死，葬焉，果为刺史，著称宁益，自访以下，三世为益州四十一年，如其所言云。

地师章第一百二十三

应为用神。

旺相生合世爻，虽愚亦用；休囚冲克世爻，贤亦不宜。世应俱空莫访，应临空破非奇。

应爻旺相与世爻相生相合，或与世爻作三合，不论应临财鬼兄父，人恶之而无才，我喜之而有缘。休囚冲克世爻者，纵使应临官父，他有博学，我被他愚。世应皆空，彼此无缘。应逢空破，无才无德。

点穴章第一百二十四

世在初二爻，穴宜下；在五六爻，穴在于上；在三四爻，穴宜中。

世临水者，穴近于水，或是坑窝之地。世临土者，即于高堆点穴。世临木者，丛木盛草之方。世临金者，石块石堆。世临火者，火乃枯焦，红泥焦土及草木枯焦之处是也。

例 448、未月乙巳日占穴，得大壮

玄武 兄弟戌土、
白虎 子孙申金、
螣蛇 父母午火、 世
勾陈 兄弟辰土、
朱雀 官鬼寅木、
青龙 妻财子水、 应

此地经过法眼，皆言其吉；余占此地，亦许其吉。因屡掘逢石，无处觅穴，央余到冢，卜得此卦。余曰：世在四爻，穴在中段。即往中段观看。因午火持世，见有一处草木枯焦，有几朵红色野花，别处皆无，余曰：此即穴也，掘之必逢土穴。东家尚疑。余曰：我有一法，将钱一文点记红朱砂，乱入数百钱内，公可设下香案，祷告于天，得红砂钱者，即其穴也。令人遍地洒之，果得砂钱于红花之下。掘之，周围仅丈余为泥土，余皆石块也。此公次年开府，两公郎五年之内俱登甲榜。

法眼：佛教指能认识到事物真相的眼力，泛指敏锐深邃的眼力。

谋地偷葬章第一百二十五

觉子曰：谋地偷葬，乃损人利己之事，以此丧心之为而问于神，卦若有灵，是神教人而作丧心之事也。殊不知先有心地，而后得遇阴地。

昔有人恃财倚势，欺陷贫人，谋夺其地以葬亲。后遇识者，曰：此地不发，必无地理；此地若发，必无天理。既有天理循环之报，能久远昌盛者，未之有也。

祖茔旧冢章第一百二十六

祖父之墓，或葬多年，或葬未久，如来卜者，必有其因，须宜审明，方可决断。

有因连年困苦，疑坟茔之不利。有因屡科不发，或有子入场，疑此风水可能发科甲否？为己者，须宜自占；为子孙者，命子孙来占。有因仕途蹭蹬，连岁不升，疑其风水有碍。有因子孙不存，疑其风水相关。有因六亲中父母兄弟妻儿，或自身多生灾病，疑因风水所致。有因连年官非火灾。有因风水被伤，卜其何法而修补？有因闲问祖茔有地脉否？有问祖茔有伤损否？皆以父母为用神。

卦遇六冲，全无地脉；卦变化绝，势若倒悬。爻遇伏吟，欲迁不遂；卦现反吟，不迁亦迁。卦变六冲龙已去，子孙有凌替之危；冲中变合运将来，后代有兴隆之象。

正卦六冲，变卦六冲，全无脉气；卦变化克，如倒悬之势，危之急矣，凶灾立至。伏吟卦地脉全无，虽有迁意而不能迁；卦得反吟，心不欲迁而终迁矣。卦变六冲有龙已去，子孙从此衰颓；六冲变合，先无地脉，目今地运将兴，后代从此发矣。

凌替：衰落，衰败。

父母旺相，祖坟安然；墓绝休囚，后裔零落。

已葬之地，父母为用神。宜旺相，或日月动爻生扶，或动而化生、化日月、化比助、化进神，乃吉地也，儿孙兴发之象，亡者安而生者乐。旺而又遇帝旺长生者，来龙久远，世代兴隆。不宜墓绝空破，及动而破散，化破散、化退神、化绝墓、化回头克、化旬空，乃凶象也，亡者不安，生者寥落。

世爻变鬼，占者不祥；鬼化六亲，各属不吉。

世爻变鬼及随墓助伤，所占之人不吉。兄弟父母妻子动而化鬼、鬼化兄弟父母妻子者，查其所犯而断也。又有子命化鬼，鼠命者殃；午命变鬼，马命不利。余仿此。

野鹤曰：古以父爻不宜旺相，父旺父动子孙不安，余以为谬也。占旧冢以父为用神，父母旺及动而化吉，祖父安然。又扯到伤克子孙者，是宜旺耶？不宜旺耶？惟子孙动而化鬼及父动化子孙，不利于子孙者是也。

因何事所伤章第一百二十七

野鹤曰：须宜另占，不可以前卦兼断。专看冲克父母之爻，为忌神，如得六爻安静，父母有气，久后自安，不必补修。

临火或临朱雀，祸必起于窑灶。临土或兼玄武，定因偷葬相伤。

克神临火，恐近处开窑作灶，或因火烛之事。土克父母兼玄武者，必有偷葬。

金虎因受其惊，木龙有根之碍。

金虎地震山摇，木虎砍伐树木。木逢龙动，穴下有竹木根伤。

勾陈土鬼，挖掘动土；玄武临水，水浸衾棺。

临勾陈腾蛇者，筑墙盖屋以致相伤。玄武水爻克父母，穴中黑水相侵。

克神以带腾蛇，蛇蚁为巢。

火与蛇兴，冢内有蚁蛇为害。

父母被冲，地风水漫。金克父母，石块山岗。水冲克者，低洼泉涌。木爻克父，树木相伤。火克者，穴藏蛇蚁。土动者，盖造墙垣。

父母爻被日月动爻冲克及卦动化冲，如在艮坤之宫，卦得亥卯未合成木局克父者，必有地风冲歪棺槨。如在离宫，卦得申子辰水局克父者，穴中水涌，水泛棺歪。如在震巽之宫，金局冲克者，山岗石块。如在乾兑之宫逢火局冲克父母者，定因窑火雷惊。爻中水动，地洼水浸；卦得木动，竹木根滕。火主虫蛇，土

因动土。果有犯之，速宜修补。

爻无乱动，须观五行之有无；卦若安逸，又看地支之缺陷。

六爻安静并无冲克父母之爻者，又看五行之所少也。卦中无土，须筑墙垣。卦无金星，石碑可立。火星缺陷，可立烟灶，或安看守坟莹之宅舍。水爻不现，可作池塘及开河道。木爻不现，多栽树木。

此言五行之所少者，非独不上卦也，有现于爻但空破墓绝无气者，亦如无也。

例 449、未月己巳日占祖冢，得萃之革

勾陈 父母未土、
朱雀 兄弟酉金、 应
青龙 子孙亥水、
玄武 妻财卯木× 子孙亥水
白虎 官鬼巳火、世
螣蛇 父母未土× 妻财卯木

予曰：因何事而卜？彼曰：当年地师曾许此地葬后，必出科甲。愚弟兄四人俱忝在庠，并无发者，何也？予曰：坟旁必有大树。答曰：果有。葬时还小，连年茂盛而长大矣。予曰：树根长到棺旁，棺被损矣。彼问：何法治之？予曰：须在坟侧挖小坑探之，果有根者，于远处挖一大坑，令人入之，再横挖一坑至坟傍，以利铲轻轻去之，仍命道安坟则吉。贵昆仲之发者，须令本人自占。下科太岁在午，拱起世爻巳火之官，管许高发。果依此行，即于午岁登科。

修补秘法章第一百二十八

因窑灶而伤者，命道祭火神设醮而安之。偷葬及动土相伤，命道设醮以安土神。因受惊恐而伤者，命道设醮而安坟。

或因有竹木蟠根及石块相伤者，须于坟旁挖坑三尺以探之，轻轻去其竹木石块，仍命道安坟则吉。

倘因蛇蚁为巢者，多栽苦楝树，其蛇蚁自散。勿信人以焚其巢穴，伤损性命。余曾亲见两家见蛇为巢，用火焚之，后子孙衰败不堪。

苦楝：楝树。落叶乔木，羽状复叶，花淡紫色，果实椭圆形黄褐色。果实和根皮均可供药用。

倘穴中因水淹没者，若有消水之处，设法以消之。倘因地洼终无消水之法，不得不选地而迁也。

或因地风吹歪棺木者，前后挖坑二三尺，以探之。若果歪者，仍归于正向，命道安坟则吉。

再占修补吉凶章第一百二十九

既问修补之吉凶，则以世爻为用也。

子孙持世，子孙动摇，修之则吉。

子孙持世，子孙发动，修之必获清安。

鬼爻克世，父爻空破，迁则获福。

鬼克世，我必有害，父空破墓绝再被日月动爻伤害者，乃因伤者重，培补亦无益矣，当宜迁之。

觉子曰：古以迁莹之说，谓父母之墓受伤，儿孙一体之感，致生灾祸，理之有也，故迁莹改葬，不得行也。今见世人，富而不贵者，改祖墓以求荣；有子而不富者，迁父冢以求富。将父母之遗体，为市井之货利。不意天理难容，身之未荣，家产荡尽；财之未发，绝灭儿孙。余之目击者，不可胜数，附此戒之。

新亡附葬祖莹章第一百三十

六冲变冲，卦变绝克，父母受伤，内外反吟，须宜他葬。世爻受克，随墓助伤，世动变凶，化克化鬼，附葬不宜。父母兄弟妻儿动而化鬼化克，俱有刑伤之事。惟喜世及六亲不逢变克，卦静六合，必得存亡之安。

例 450、子月丙申日占以父柩附葬祖莹，得复之坤

青龙	子孙酉金、、
玄武	妻财亥水、、
白虎	兄弟丑土、、应
螣蛇	兄弟辰土、、
勾陈	父母巳火 官鬼寅木、、
朱雀	妻财子水○ 世 兄弟未土

断曰：世爻被克，不宜附葬。后竟葬之。葬不几日，腰疼欲死，欲迁其坟。余曰：坟不必迁，卦中世爻被克，幸而旺相，土来克水，命道安土神则吉。果安坟而愈。余曰：目下虽不迁改，终有迁改。彼曰：何也？余曰：卦化六冲，不久之象。果于子年死母，起此冢合葬于他处也。

李我平曰：《海底眼》云：一世二世出王侯，世在五六出孤独。此市井语耳，何事刊于大道之书？《易冒》曰：子孙旺而官文得地者，主贵；子孙旺临财者，主富；子孙旺临帝旺者，多男旺；遇白虎羊刃者，主武夫；子孙衰破者，必出残疾；子孙临空，必出僧道。疑此之论乃为代代单传之家而设也，倘子孙十有余人，有富有贵，有文有武，有夭有寿，有多男，有乏嗣，有残疾者，予以为六爻全是子孙，亦难分别。以此揣摩之论，自以为之得意，殊不知周易讲理，不尚华辞。文法虽足可观，其实令人喷饭。夫周易讲理，因理达数，因数穷理，理数相推，能事毕矣，何事纷纷聚讼为？